


Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.5





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.5



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.5




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.5


Ms. 2/2



Ex Libris Joannis Nencini
1874

RALE FIRENZE INICIA





M. T V

Cum cor

V E

M. TVLLII CICERONIS
ORATIONVM
P A R S I I.

Cum correctionibus Pauli Manutii.



V E N E T I I S , M . D . L X I I .

GVL

LAM

NA

Paulu

M

tur ii, qui

quemadmo

lectant; et

item eorum

etiones nos

commende

in ipsa re po

per iudica

ys rebu uel

uissimus, et

fidei, diligen

ame propo

diffusum. n

poriorum in

laude, & o

nes: tamen

tractatio

aly scrip

2

GVLIELMO BELLAIO
LANGEIO, APVD SVBALPI-
NAS GENTES PRO REGE,
Paulus Manutius S . P . D .

MAGNI refert, Bellai ornatissime, quo
quidque tempore agatur; & ad omnes res
non paruum habere momentum solet occa-
sio quadam, & commoditas, qua uti dicun-
tur ij, qui nihil, nisi loco, facere consueverunt. nam
quemadmodum pictorum tabula certo loco posita de-
lectant; eademq; minus bono lumine constituta, non
item eorum, qui spectant, oculos tenere solent: sic a-
ctiones nostrae mirum est, quantum oportunitate
commendentur: ut interdum plus in tempore, quam
in ipsa re positum esse uideatur. quod ego cum sem-
per iudicassem, tamen non sum ueritus, quin tibi in
ijs rebus uel maxime occupato, quas Rex Christia-
nissimus, et post hominum memoriam maximus tue
fidei, diligentieq; mandauit, hoc ipsum, quod nunc
a me proficiscitur, officium futurum esset uel iucun-
dissimum. nam et si magna tibi est grauissimorum ne-
gotiorum imposita moles, quam tu summa tua cum
laude, & omnium pene gentium admiratione susti-
nes: tamen in ipsa illa occupatione ita te litterarum
tractatio delectat, ut & legas cum uoluptate, quae
alij scripta reliquerunt, & scribas ipse quae a posteris

a a 2 cum

cum admiratione maxima legentur . ex quo illu-
consequeris, ut non modo regis uoluntati seruias, quoa
est summa laude dignum ; sed etiam posteritati con-
sulas , quo laudabilius esse nihil potest. itaque tantum
abest , ut a maioribus tuis omni decore affluentibus
ad te ornandum quidquam haurias , ut etiam in te
sit , quod ad illos redundet . nam si tibi aliunde peten-
da sit laus ; unde plura suppetant ornamenta, quam
a fratribus tuis , maximeq; ab eo , qui a Paulo III.
ita est in Cardinalium collegium cooptatus, ut ei sum-
mus Pontifex amplissimum dignitatem non quasi op-
tata concessisse , sed quasi debitam persoluisse ui-
deatur ? cui quidem uiro cum ad summam gloriam
nihil desit ; cumq; item tibi ea res abunde adsint, qui-
bus homines hominibus antecellere uidentur : tamen
fit uestra bonitate , & sapientia , ut uicissim tu in il-
lius dignitate , atque amplitudine, ille in ingenio, at-
que in uirtute conquiescat tua . uterque uero magna
apud regem prudentissimum , & summo iudicio pre-
ditum auctoritate , magno estis apud omnes nomine ,
& gloria . nam tu quidem , quis est tam longinquus,
cui notissimus non sis ? non ex presenti corporis for-
ma , (quanquam multas provincias Regis legatus
obiisti) sed ex imagine ingenij tui, quam uerissimis
eloquentie coloribus expressam in tuis scriptis licet
intueri . in hac cum & naturæ tuæ bonitas, & uirtu-
tis eximia præstantia cernatur : sequitur , ut , ex ea
qui te norunt , ydem ament . quorum ego in numero
cum ita essem ; ut nemini concederem : tamen non est
credibile ,

credibile
uoluntati
hac urbe
cuius m
amca con
teroris ,
les, aliter
uulgarem
dicanda
sum testis
iudicab
ligentia
perjato

credibile, quantum ad illam ipsam animi erga te mei
 uoluntatem addiderit Gulielmi Pellicerij, oratoris in
 hac urbe regij, hominis præstantissimi, prædicatio.
 cuius multi, & egregij de tua laude sermones me iam
 antea commotum impulerunt, ut ex orationibus Ci-
 cæronis, cuius tu libros e manibus dimittere non so-
 les, alteram partem cum tui nominis inscriptione di-
 uulgarem. qua in parte ab erroribus, & mendis uin-
 dicanda quantum opera studijq; posuerim, mihi ipse
 sum testis; quantum autem profecerim, & tu, & alij
 iudicabunt. tibi quidem, si consequar, ut nostra di-
 ligentia probetur: sane meos labores non exiguo com-
 pensatos esse fructu existimabo. Vale. Venetijs.

INDEX ORATIONVM
CICERONIS, QVAE SECUNDO
VOLVGINE CONTINENTVR.

<i>Pro lege Manilia ad populum, oratio XIII pag.4</i>	
<i>Pro A. Cluentio Habito, oratio XIV.</i>	20
<i>De lege agraria contra P. Seruilium Rullum trib. pl. in senatu, oratio XV.</i>	69
<i>De lege agraria contra Rullum trib. pl. ad populum, oratio XVI.</i>	74
<i>De lege agraria contra Rullum trib. pl. ad populum, oratio XVII.</i>	99
<i>Pro C. Rabirio perduellionis reo ad Quirites, oratio XVIII.</i>	102
<i>In L. Catilinam in senatu, oratio XIX.</i>	109
<i>In L. Catilinam ad Quirites, oratio XX.</i>	117
<i>In L. Catilinam ad Quirites, oratio XXI.</i>	124
<i>In L. Catilinam in senatu, oratio XXII.</i>	132
<i>Pro L. Muræna, oratio XXIII.</i>	139
<i>Pro L. Flacco, oratio XXIV.</i>	164
<i>Pro P. Sylla, oratio XXV.</i>	189
<i>Pro A. Licinio Archia poeta, oratio XXVI.</i>	210.
<i>Ad Quirites post reditum suū, oratio XXVII.</i>	217
<i>Post reditum in senatu, oratio XXVIII.</i>	224
<i>Pro domo sua ad pontifices, oratio XXIX.</i>	234
<i>De haruspicum responsis, in senatu, oratio XXX.</i>	269
<i>Pro Cn. Plancio, oratio XXXI.</i>	286

P R O
A

Q

dis, qui
non mea
inente
antea p
si conti
nisi perfe
n oportet
poribus t
cis uacua
defender
dis caste
fructum el
por dilati
tujs cum
ris, &
scriberet
tum sit,
uoluitis

4
PRO LEGE MANILIA,
AD POPVLVM.

ORATIO XIII.

VANQVAM mihi semper frequens
conspēctus uester multo iucundissimus,
Q hic autem locus ad agendum amplissi-
mus, ad dicendum ornatissimus est ui-
sus, Quirites: tamen hoc aditu lau-
dis, qui semper optimo cuique maxime patuit,
non mea me uoluntas, sed mea uitæ rationes, ab
ineunte ætate susceptæ, prohibuerunt. nam cum
intea per ætatem non dum huius auctoritatem lo-
ci contingere auderem; statueremque, nihil huc,
nisi perfectum ingenio, elaboratum industria, affer-
ri oportere: omne meum tempus amicorum tem-
poribus transmittendum putavi. ita neque hic lo-
cus uacius unquam ab ijs, qui uestram causam
defenderent: & meus labor, in priuatorum peri-
culis caste integreque uersatus, ex uestro iudicio
frictum est amplissimum consecutus. nam cum pro-
pter dilationem comitiarum ter prætor primus cen-
turijs cunctis renunciatus sum; facile intellexi, Qui-
rites, & quid de me iudicaretis, & quid alijs præ-
scriberetis. nunc, cum & auctoritatis in me tan-
tum sit, quantum uos honoribus mandandum esse
uoluistis; & ad agendum facultatis tantum, quan-

aa 4 tum

O R A T I O

tum homini uigilanti ex forensi usu prope quotidiana dicendi exercitatio potuit afferre: certe & si quid etiam dicendo consequi possum, ijs ostendam pretiosissimum, qui ei quoque rei fructum suo iudicio tribuendum esse censuerunt. atque illud in primis mihi latandum iure uideo, quod in hac insolita mihi ex hoc loco ratione dicendi, causa talis oblata est, in qua oratio nemini deesse potest. dicendum est enim de Cn. Pompeij singulari eximiaque uirtute: huius autem orationis difficilius est exitum, quam principium, inuenire: itaque non mihi tam copia, quam modus in dicendo quaerendus est. Atque ut inde oratio mea profiscatur, unde haec omnis causa ducitur: bellum graue, & periculosum uestris uectigalibus, atque socijs a duobus potentissimis regibus infertur, Mithridate, & Tigraue: quorum alter relictus, alter laceffitus, occasionem sibi ad occupandam Asiam oblatam esse arbitratur. equitibus R. honestissimis uiris, afferuntur ex Asia quotidie litterae, quorum magnae res aguntur, in uestris uectigalibus exercendis occupatae: qui ad me, pro necessitudine, quae mihi est cum illo ordine, causam reip. periculaque rerum suarum detulerunt: Bithyniae, quae nunc uestra prouincia est, uicos exustos esse coplures: regnum Ariobarzani, quod finitimum est uestris uectigalibus, totum esse in hostium potestate: Lucillum, magnis rebus gestis, ab eo bello discedere: huic qui succurrerit, non satis esse paratum ad tantum bellum administrandum: unum ab omnibus socijs, & ciuibus ad id bellum imperatorem

FR
imperator
ab hostib
uidetis: m
mibi uide
tum de im
estum eu
tare, atque
R. gloria,
omnibus,
salus socij
res uestri
certissima
amissis, &
tis: ague
nobis, &
niam se
tes, atque
macula,
penitus i
mine, quae
bus, uno n
cines R. m
do adhuc p
sed ab illis
regnat, &
padociae L
trio regno
Asie luc
rege cont

imperatorem deposci, atque expeti: eundem hunc unū
ab hostibus metui, præterea neminem. Causa quæ sit,
uidetis: nunc, quid agendum sit, considerate. Primum
mihi uidetur de genere belli, deinde de magnitudine,
tum de imperatore deligendo esse dicendum. Genus
est enim eiusmodi, quod maxime uestros animos exci-
tare, atque inflammare debet: in quo agitur populi
R. gloria, quæ uobis a maioribus cū magna in rebus
omnibus, tū summa in re militari tradita est: agitur
salus sociorum, atque amicorum, pro qua multa maio-
res uestri magna & graua bella gesserunt: aguntur
certissima populi R. uectigalia, & maxima, quibus
amissis, & pacis ornamenta, & subsidia belli require-
tis: aguntur bona multorum ciuium, quibus est & a
uobis, & a moderatoribus reip. consulendum. Et quo-
niam semper appetentes gloriae præter ceteras gen-
tes, atque auidi laudis fuistis; delenda est uobis illa
macula, Mithridatico bello superiore suscepta, quæ
penitus iam insedit, atque inueterauit in populi R. no-
mine, quod is, qui una die tota Asia, tot in ciuitati-
bus, uno nuncio, atque una litterarum significatione
cines R. necandos, trucidandosq. denotauit, non mo-
do adhuc pœnam nullam suo dignam scelere suscepit,
sed ab illo tempore annum iam tertium & uigesimū
regnat, & ita regnat, ut se non Ponto, neque Cap-
padociae latebris occultare uelit, sed emergere e pa-
trio regno, atque in uestris uectigalibus, hoc est in
Asiae luce uersari. etenim adhuc ita uestri cum illo
rege contenderunt imperatores, ut ab illo insignia ui-
ctoriae,

O R A T I O

Etoria, non uictoriam reportarent. triumphauit L. Sylla, triumphauit L. Murenæ de Mithridate, duo fortissimi uiri, & summi imperatores, sed ita triumpharunt, ut ille pulsus, superatusq. regnaret. uerum tamen illis imperatoribus laus est tribuenda, quod egerunt; uenia danda, quod reliquerunt: propterea quod ab eo bello Syllam in Italiam resp. Murenæ Sylla reuocauit. Mithridates autem omne reliquum tempus non ad obliuionem ueteris belli, sed ad comparisonem noui contulit: qui postea quàm maximas ædificasset, ornassetq. classes; exercitusq. permagnos, quibuscunque ex gentibus potuisset, comparasset; Bosporanis, finitimis suis, bellum inferre simulasset; usque in Hispaniam legatos, & litteras misit ad eos duces, quibuscum tum bellum gerebamus: ut, cum duobus in locis disiunctissimis, maximeq. diuersis, uno consilio, ab unis hostium copijs, bellum terra, mariq. gereretur, uos ancipiti contentione distracti de imperio dimicaretis. sed tamen alterius partis periculum, Sertorianæ, atque Hispaniensis, quæ multo plus firmamenti ac roboris habebat, Cn. Pompeij diuino consilio, ac singulari uirtute depulsum est: in altera parte ita res a L. Lucullo, summo uiro, est administrata, ut initia illa gestarum rerum, magna, atque præclara, non felicitati eius, sed uirtuti, hæc autem extrema, quæ nuper acciderunt, non culpæ, sed fortunæ tribuenda esse uideantur. sed de Lucullo dicam alio loco, & ita dicam, Quirites, ut neque uera laus ei detracta oratione

P R
 tione nost
 pro uestri
 is est exor
 mum suffi
 mercatorib
 tis, bella g
 nuncio, at
 mo esse deb
 bius, Cori
 men, extr
 tum esse pa
 rem, uinc
 excruciat
 minuat
 tis? ius
 nos legat
 inultum
 mum fuit
 re, sic nob
 tueri, & c
 rum summi
 gno expul
 atque ami
 lum nobis
 amicit: co
 Gracia ne
 li magni
 tura depo
 neque au

PRO LEGE MANILIA. 6

tione nostra, neque falsa afficta esse uideatur. Sed pro uestri imperij dignitate, atque gloria, quoniam is est exorsus orationis meae, uidete, quem uobis animum suscipiendum putetis. Maiores uestri saepe, mercatoribus, ac nauicatoribus iniuriosius tractatis, bella gesserunt: uos, tot ciuium R. millibus uno nuncio, atque uno tempore necatis, quo tandem animo esse debetis? Legati quod erant appellati superbis, Corinthum patres uestri, totius Graeciae lumen, extinctum esse uoluerunt: uos eum regem inultum esse patiemi, qui legatum populi R. consularum, uinculis, ac uerberibus, atque omni supplicio excruciatum necauit? Illi libertatem ciuium R. imminutam non tulerunt: uos uitam ereptam negligetis? ius legationis, uerbo uiolatū, illi persecuti sunt: uos legatum populi R. omni supplicio interfectum, inultum relinquetis? uidete, ne, ut illis pulcherrimum fuit, tamtam uobis imperij gloriam relinquere, sic uobis turpissimum sit, illud, quod accepistis, tueri, & conseruare non posse. Quid, quod salus sociorum summum in periculum ac discrimen uocatur? regno expulsus est Ariobarzanes rex, socius populi R. atque amicus: imminent duo reges toti Asiae non solum uobis inimicissimi, sed etiam uestris socijs, atque amicis: ciuitates autem omnes cuncta Asia, atque Graecia uestrum auxilium expectare propter periculi magnitudinem coguntur; imperatorem a uobis certum deprecari, cum praesertim uos alium miseritis, neque audent, neque se id facere summo sine periculo posse

ORATIO

posse arbitrantur. uident, & sentiunt hoc idem, quod
 & uos, unum uirum esse, in quo summa sint omnia, et
 eum prope esse, quo etiam carent agrius: cuius ad-
 uentu ipso, atque nomine, tametsi ille ad maritimū
 bellum uenerit, tamen impetus hostium repressos es-
 se intelligunt, ac retardatos. hi uos, quoniam libe-
 re loqui non licet, tacite rogant, ut se quoque, sicut
 ceterarum prouinciarum socios, dignos existimetis,
 quorum salutem tali uiro commendetis, atque hoc
 etiam magis, quā ceteros, quod eiusmodi prouin-
 ciam homines cum imperio mittimus, ut, etiam si
 ab hoste defendant, tamen ipsorum aduentus in ur-
 bes sociorum non multum ab hostili expugnatione dif-
 ferant. hunc audiebant antea, nunc præsensem ui-
 dent, tanta temperantia, tanta mansuetudine, tan-
 ta humanitate, ut ij beatissimi esse uideantur, a-
 pud quos ille diutissime commoratur. Quare, si pro-
 pter socios, nulla ipsi iniuria laceffiti, maiores ue-
 stri cum Antiocho, cum Philippo, cum Aetolis, cum
 Pænis bella gesserunt: quanto uos studio conuenit, in-
 iurijs promocatos, sociorum salutem una cum imperij
 uestri dignitate defendere, præsertim cum de uestris
 maximis uectigalibus agatur? nam ceterarum pro-
 uinciarum uectigalia, Quirites, tanta sunt, ut his
 ad ipsas prouincias tutandas uix contenti esse possi-
 mus: Asia uero tam opima est, & fertilis, ut &
 ubertate agrorum, & uarietate fructuum, & ma-
 gnitudine pastionis, & multitudine earum rerum,
 quæ exportantur, facile omnibus terris antecellat.
 itaque

P R
 itaque ha
 litatem,
 modo a ca
 defende
 tar, tum
 non solum
 calamitat
 sint; etia
 relinquant
 nauigatio
 decem
 test. qua
 riculi, a
 dem am
 nobis p
 gunt;
 adfuit?
 pore tota
 blicam fa
 quas in a
 magno p
 uos illu
 si sunt, c
 calamita
 ratos?
 quod m
 de bella
 ciuim
 pientia

PRO LEGE MANILIA. 7

itaque hæc uobis prouincia, Quirites, si & belli utilitatem, & pacis dignitatem sustinere uultis, non modo a calamitate, sed etiam a metu calamitatis est defendenda. nam ceteris in rebus, cum uenit calamitas, tum detrimentum accipitur: at in uectigalibus non solum aduentus mali, sed etiam metus ipse affert calamitatem. nam cum hostium copiae non longe absunt; etiam si irruptio facta nulla sit, tamen pecora relinquuntur, agricultura deseritur, mercatorum nauigatio conquiescit. ita neque ex portu, neque ex decumis, neque ex scriptura uectigal conseruari potest. quare sæpe totius anni fructus uno rumore periculi, atque uno belli terrore amittitur. Quo tandem animo esse existimatis aut eos, qui uectigalia uobis pensitant, aut eos, qui exercent, atque exigunt; cum duo reges cum maximis copijs prope adsint? cum una excursio equitatus perbreui tempore totius anni uectigal auferre possit? cum publicani familias maximas, quas in salictis habent, quas in agris, quas in portubus, atque custodijs, magno periculo se habere arbitrentur? putatis ne, uos illis rebus frui posse, nisi eos, qui uobis fructuosi sunt, conseruaueritis, non solum, ut antea dixi, calamitate, sed etiam calamitatis formidine liberatos? Ac ne illud quidem uobis negligendum est, quod mihi ego extremum proposueram, cum essem de belli genere dicturus, quod ad multorum bonaciuum R. pertinet: quorum uobis, pro uestra sapientia, Quirites, habenda est ratio diligenter.

nam

O R A T I O

nam & publicani, homines & honestissimi, & ornatissimi, suas rationes, & copias in illam prouinciam contulerunt: quorum ipsorum per se res, & fortunæ curæ uobis esse debent. etenim si uetigalia neruos esse reip. semper duximus; eum certe ordinem, qui exercet illa, firmamentum ceterorum ordinum recte esse dicemus. deinde ceteris ex ordinibus homines naui, & industrij partim in Asia negotiantur, quibus uos absentibus consulere debetis; partim suas & suorum in ea prouincia pecunias magnas collocatas habent. Erit igitur humanitatis uestræ, magnum eorum ciuium numerum calamitate prohibere; sapientiæ, uidere, multorum ciuium calamitatem a rep. seiunctam esse non posse. Etenim illud primum parui refert, uos publicanis amissa uetigalia postea uictoria recuperare. neque enim iisdem redimendi facultas erit, propter calamitatem; neque alijs uoluntas, propter timorem. deinde, quod nos eadem Asia, atque idem iste Mithridates initio belli Asiatici docuit, id certe, calamitate docti, memoria retinere debemus. nam tum, cum in Asia res magnas permulti amiserunt, scimus Romæ, solutione impedita, fidem concidisse. non enim possunt una in ciuitate multi rem, atque fortunas amittere, ut non plures secum in eandem calamitatem trahant. a quo periculo prohibete remp. & mihi credite id, quod ipsi uidetis: hæc fides, atque hæc ratio pecuniarum, quæ Romæ, quæ in foro uersatur, implicita est cum illis pecunijs Asiaticis, & cohæret.

P R
cohæret.
labefacta
dubitandum
cumbere,
rum, uetig
um cum re
belli dixi
test enim
ut sit geren
mescendun
te a uobis
contempt
ligant,
quantum
magno
maxima
tas, atq
sia claris
norum,
ne, & opp
tute, affi
culis liber
gnam, &
Italiam
esse, atq
copias na
nostris leg
ex omni
misum

cohæret. ruere illa non possunt, ut hæc non, eodem labefactata motu, concidant. Quare uidete, num dubitandum uobis sit, omni studio ad id bellum incumbere, in quo gloria nominis uestri, salus sociorum, uectigalia maxima, fortuna plurimorum ciuium cum rep. defenduntur. Quoniam de genere belli dixi, nunc de magnitudine pauca dicam. Potest enim hoc dici; belli genus esse ita necessarium, ut sit gerendum; non esse ita magnum, ut sit pertimescendum. in quo maxime laborandum est, ne forte a uobis, quæ diligentissime prouidenda sunt, contempta esse uideantur. Atque, ut omnes intelligant, me L. Lucullo tantum impertiri laudis, quantum forti uiro, & sapientissimo homini, & magno imperatori debeat: dico, eius aduentu maxima Mithridatis copias, omnibus rebus ornatas, atque instructas, esse deletas; urbemque Asia clarissimam, nobisque amicissimam, Cyzicenorum, obsessam ab ipso rege maxima multitudine, & oppugnatam uehementissime, L. Luculli uirtute, assiduitate, consilio, summis obsidionis periculis liberatam: ab eodem imperatore classem magnam, & ornatam, quæ, ducibus Sertorianis, ad Italiam studio inflammato raperetur, superatam esse, atque depressam: magnas hostium præterea copias multis prælijs esse deletas: patefactumque nostris legionibus esse Pontum, qui ante populo Rex omni aditu clausus esset: Sinopem, atque Amisum, quibus in oppidis erant domicilia regis, omnibus

O R A T I O

omnibus rebus ornata , atque referta , ceterasq. ur-
 bes Ponti , & Cappadociæ permultas uno aditu , at-
 que aduentu esse captas : regem , spoliatum regno pa-
 trio , atque auito , ad alios se reges , atque alias gen-
 tes supplicem contulisse : atque hæc omnia , saluis po-
 puli R. socijs , atque integris uestigalibus , esse ge-
 sta. Satis opinor hoc esse laudis ; atque ita reputo , ut
 hoc uos intelligatis , a nullo istorum , qui huic obtre-
 ctant legi , atque caussæ , L. Lucillum similiter ex
 hoc loco esse laudatum . Requiretur fortasse nunc ,
 quemadmodum , cum hæc ita sint , reliquum possit ef-
 se magnum bellum . cognoscite Quirites : non enim si
 ne caussa quæri uidetur . Primum , ex suo regno sic
 Mithridates profugit , ut ex eodem Põto Medea illa
 quondam profugisse dicitur : quam prædicant in fuga
 fratris sui membra in ijs locis , quæ se parens perse-
 queretur , dissipauisse ; ut eorum collectio dispersa ,
 mærorq. patris celeritatem persequendi retardaret.
 sic Mithridates fugiens , maximam uim auri , atque
 argenti , pulcherrimarumq. rerum omnium , quas
 & a maioribus acceperat , & ipse bello superiore
 ex tota Asia direptas in suum regnum congesserat ,
 in Ponto omnem reliquit . hæc dum nostri colligunt
 omnia diligentius , rex ipse e manibus effugit .
 ita illum in persequendi studio mæror , hos lati-
 tiatardauit . Hunc in illo timore , & fuga Tigran-
 nes , rex Armenius , excepit , diffidentemq. rebus
 suis confirmavit , et afflictum crexit , perditumq. re-
 creauit . cuius in regnum postea quàm L. Lucillus
cum

cum exercitu uenit; plures etiam gentes contra imperatorem nostrum concitatae sunt. erat enim metus iniectus ijs nationibus, quas nunquam populus R. neque laceffendas bello, neque tentandas putauit. erat etiam alia grauis, atque uehemens opinio, quae per animos gentium barbararum peruaferat, fani locupletissimi, & religiosissimi diripiendi causa in eas oras nostrum exercitum esse adductum. ita nationes multae, atque magnae nouo quodam terrore, ac metu concitabantur. noster autem exercitus, etsi urbem ex Tigranis regno ceperat, & praelijs usus erat secundis, tamen nimia longinquitate locorum, ac desiderio suorum commouebatur. Hic iam plura non dicam. fuit enim illud extremum, ut ex ijs locis a militibus nostris reditus magis maturus, quam processus longior, quaereretur. Mithridates autem & suam manum iam confirmarat; & eorum, qui se ex eius regno collegerant, & magnis aduenticijs multorum regum, & nationum copijs iuuabatur. hoc iam fere sic fieri solere accepimus, ut regum afflictæ fortunæ facile multorum opes alliciant ad misericordiam, maximeque eorum, qui aut reges sunt, aut uiuunt in regno; quod regale ijs nomen magnum, & sanctum esse uideatur. itaque tantum uictus efficere potuit, quantum incolumis nunquam est ausus optare. nam cum se in regnum recepisset suum, non fuit eo contentus, quod ei praeter spem acciderat, ut illam, postea quam pulsus erat, terram unquam attingeret; sed in exercitum uestrum, clarum, atque uictorem,

bb rem,

ORATIO

rem, impetum fecit. Sinite hoc loco, Quirites, sicut poeta solent, qui res Romanas scribunt, prætérre me uestram calamitatē; quæ tanta fuit, ut eam ad aures L. Luculli non ex prælio nuncius, sed ex sermone rumor afferret. Hic in ipso illo malo, grauissimāq. belli offensione L. Lucullus, qui tamen aliqua ex parte ijs incommodis mederi fortasse potuisset, uestro iussu coactus, quod imperij diuturnitati modum statuendum, ueteri exemplo, putauistis, partem militum, qui iam stipendijs confectis erant, dimisit, partem Glabrioni tradidit, Multa prætereo consulto, sed ea uos coniectura perspicitis, quantum illud bellum futurum putetis, quod coniungant reges potentissimi renouent agitatae nationes, suscipiant integre gentes, nouus imperator uester accipiat, uetere expulso exercitu. Satis mihi multa uerba fecisse uideor, quare hoc bellum esset genere ipso necessarium, magnitudine periculosum. restat, ut de imperatore ad id bellum deligendo, ac tantis rebus præficiendo dicendum esse uideatur. Utinam, Quirites, uirorum fortium, atque innocentium copiam tantam haberetis, ut hæc uobis deliberatio difficilis esset, quemnā potissimum tantis rebus, ac tanto bello præficiendum putaretis. nunc uero, cum sit unus Cn. Pompeius, qui non modo eorum hominum, qui nunc sunt, gloriam, sed etiam antiquitatis memoriam uirtute superarit: quæ res est, quæ cuiusquam animum in hac causa dubium facere possit? ego enim sic existimo, in summo imperatore quattuor has res inesse oportere,

tere, sci
tem, fel
unquam
puerit
hifibus
scipinam
fuit sum
mi ipse
confixit
plura bell
uincias
dolescent
ceptis
uictoria
quod de
exercit
salpinx
que ex be
ria & de
solum ge
rem esse
ius iuri
Pompe
quod qu
aut cu
unt sol
manu
dustria
in pro

tere, scientiam rei militaris, uirtutem, auctoritatem, felicitatem. Quis igitur hoc homine scientior unquam aut fuit, aut esse debuit? qui e ludo, atque pueritiæ disciplina, bello maximo, atque acerrimis hostibus, ad patris exercitum, atque in militiæ disciplinam profectus est: qui extrema pueritia miles fuit summi imperatoris, ineunte adolescentia maximi ipse exercitus imperator: qui sæpius cum hoste confligit, quàm quisquam cum inimico concertauit: plura bella gessit, quàm ceteri legerunt: plures prouincias confecit, quàm alij concupiuerunt: cuius adolescentia ad scientiam rei militaris non alienis præceptis, sed suis imperijs, non offensionibus belli, sed uictorijs, non stipendijs, sed triumphis est traducta. quod denique genus belli esse potest, in quo illum non exercuerit fortuna reip. ? ciuile, Africanum, transalpinum, Hispaniense, mistum ex ciuitatibus, atque ex bellicosissimis nationibus, seruire, nauale, uaria & diuersa genera & bellorum, & hostium, non solum gesta ab hoc uno, sed etiam confecta, nullam rem esse declarant in usu militari positam, quæ huius uiri scientiam fugere possit. Iam uero uirtuti Cn. Pompeij quæ potest par oratio inueniri? quid est, quod quisquam aut dignum illo, aut uobis nouum, aut cuiquam inauditum possit asferre? Non enim illæ uirtutes imperatoriæ, quæ uulgo existimantur, labor in negotijs, fortitudo in periculis, industria in agendo, celeritas in conficiendo, consilium in prouidendo: quæ tanta sunt in hoc uno, quanta in

bb 2 omnibus

O R A T I O

omnibus reliquis imperatoribus, quos aut uidimus, aut audiuius, non fuerunt. testis est Italia, quam ille uictor L. Sylla huius uirtute, & consilio confessus est liberatam. testis est Sicilia, quam multis undique cinctam periculis, non terrore belli, sed celeritate consilij explicauit. testis est Africa, quæ magnis oppressa hostium copijs, eorum ipsorum sanguine redundauit. testis est Gallia, per quam legionibus nostris in Hispaniam iter, Gallorum internecione, patefactum est. testis est Hispania, quæ sapissime plurimos hostes ab hoc superatos prostratosq. cospexit. testis est iterum, & sapius Italia, quæ cum seruili bello tetro periculosoq. premeretur, ab hoc auxilium absente expetiuit: quod bellum expectatione Pompeij attenuatum, atque imminutum est, aduentu sublatum, ac sepultum. testes uero iam omnes oræ, atque omnes extræ gentes, ac nationes: denique maria omnia tum uniuersa, tum in singulis oris omnes sinus, atque portus. quis enim toto mari locus per hos annos aut tam firmum habuit præsidium, ut tutus esset; aut tam fuit abditus, ut lateret? quis nauigauit, qui non se aut mortis, aut seruitutis periculo committeret? cum aut hieme, aut referto prædonum mari nauigaretur. hoc tantum bellum, tam turpe, tam uetus, tam late diuisum, atque dispersum, quis unquam arbitraretur aut ab omnibus imperatoribus uno anno, aut omnibus annis ab uno imperatore confici posse? quam prouinciam tenuistis a prædonibus liberam per hosce annos? quod ne tigeal uobis

bis tutum fuit? quem socium defendistis? cui praesidio classibus uestris fuistis? quam multas existimatis insulas esse desertas? quam multas aut metu relietas, aut a praedonibus captas urbes esse sociorum? Sed quid ego longinqua commemoro? fuit hoc quondam, fuit proprium populi R. longe a domo bellare, & propugnaculis imperij sociorum fortunas, non sua tecta, defendere. Socijs uestris ego mare clausum per hosce annos dicam fuisse; cum exercitus nostri Brundisio nunquam, nisi summa hieme, transmiserint? Quid, ad nos cum ab exteris nationibus uenerent, captos querar, cum legati populi R. redempti sint? Mercatoribus tutum mare non fuisse dicam; cum duodecim secures in praedonum potestatem peruenerint? Quid aut Colophonem, aut Samum, nobilissimas urbes, innumerabilesque alias captas esse commemorem; cum uestros portus, atque eos portus, quibus uitam, et spiritum ducitis, in praedonum fuisse potestatem sciatis? an uero ignoratis, portum Caietae celeberrimum, atque plenissimum nauium, inspectante praetore, a praedonibus esse direptum? ex Miseno autem, eius ipsius liberos, qui cum praedonibus antea ibi bellum gesserat, a praedonibus esse sublato? nam quid ego Hostiense incommodum, atque illam labem, atque ignominiam reip. querar, cum prope inspectatibus uobis, classis ea, cui consul populi R. praepositus esset, a praedonibus capta, atque oppressa est? Pro dij immortales, tanta ne unius hominis incredibilis ac diuina uirtus, tam breui tempore lucem asferre reip. potuit, ut

bb 3 uos,

ORATIO

uos „qui modo ante ostium Tiberinum classem hostiū uidebatis , ij nunc nullam intra Oceani ostium prædonum nauem esse audiatis ? Atque hæc qua celeritate gesta sint , quanquam uidetis , tamen a me in dicendo prætereunda non sunt . Quis enim unquam , aut obeundi negotij , aut consequendi quæstus studio , tam breui tempore , tot loca adire , tantos cursus conficere potuit , quàm celeriter , Cn . Pompeio duce , belli impetus nauigauit ? qui Siciliam adiit , Africam explorauit , inde Sardiniam cum classe uenit , nondum tempestiuo ad nauigandū mari : atque hæc tria frumentaria subsidia reip . firmissimis præsidij , classibusq . muniuit . inde se cum in Italiam recepisset , duabus Hispanijs , & Gallia cisalpina præsidij , ac nauibus confirmata , missis item in oram Illyrici maris , & in Achaïam , omnemq . Græciam nauibus , Italiæ duo maria maximis classibus , firmissimisq . præsidij adornauit : ipse autem , ut a Brundisio profectus est unde quinquagesimo die totam ad imperiū populi R . Ciliciam adiunxit : omnes , qui ubique prædones fuerunt , partim capti , interfectiq . sunt , partim unius huius imperio , ac potestati se dediderunt . Idē Cretensisibus , cum ad eum usque in Pamphiliam legatos , deprecatoresq . misissent , spem deditionis non ademit , obsidesq . imperauit . ita tantum bellum , tam diuturnum , tam longe lateque dispersum , quo bello omnes gentes , ac nationes premebantur , Cn . Pompeius extrema hieme apparauit , ineunte uere suscepit , media æstate confecit . Est hæc diuina atque
incredi-

PR
incredibilis
paulo ante
quàm multa
summo atque
multa sunt
tegi , uirtute
deus esse imp
bus tempera
quanto inge
ter , quanta
ma enim con
ruan contem
que intellig
torem ali
neant cer
nem mag
cuniam , e
strandam ,
gistratibus
ma in que
cit , Quiri
rint . ego a
nemo pote
que prop
calamitat
tus ferant
nos in Ita
imperator
taetis , q

incredibilis uirtus imperatoris : quid ceteræ quas paullo ante commemorare cœperam, quantæ, atque quàm multæ sint ? non enim solum bellandi uirtus in summo atque perfectio imperatore querenda est, sed multæ sunt artes eximiæ, huius administræ comitesq. uirtutis. Ac primum, quanta innocentia debent esse imperatores ? quanta deinde omnibus in rebus temperantia ? quanta fide ? quanta facilitate ? quanto ingenio ? quanta humanitate ? quæ, breuiter, quanta sint in Cn. Pompeio, consideremus. Summa enim omnia sunt, Quirites ; sed ea magis ex aliorum contentione, quàm ipsa per sese, cognosci, atque intelligi possunt. Quem enim possumus imperatorem aliquo in numero putare, cuius in exercitu ueneant centuriatus, atque uenerint ? quid hunc hominem magnum, aut amplum de rep. cogitare, qui pecuniam, ex ærario depromptam ad bellum administrandum, aut, propter cupiditatem provinciæ, magistratibus diuiserit, aut, propter auaritiam, Romæ in quæstu reliquerit ? Væstra admurmuratio facit, Quirites, ut agnoscere uideamini, qui hæc fecerint. ego autem neminem nomino. quare irasci mihi nemo poterit, nisi qui ante de se uoluerit confiteri. itaque propter hanc auaritiam imperatorum quantas calamitates, quocunque uentum sit, nostri exercitus ferant, quis ignorat ? itinera, quæ per hosce annos in Italia per agros atque oppida ciuium R. nostri imperatores fecerunt, recordamini : tum facilius statuetis, quid apud exterarum nationes fieri existimetis.

bb 4 utrum

ORATIO

utrum plures arbitramini per hosce annos militum
uestrorum armis hostium urbes, an hibernis socio-
rum ciuitates esse deletas? neque enim potest exerci-
tum is continere imperator, qui se ipsum non conti-
net; neque seuerus esse in iudicando, qui alios in se se-
ueros esse iudices non uult. Hic miramur hunc homi-
nem tantum excellere ceteris, cuius legiones sic in
Asiam peruenerunt, ut non modo manus tanti exer-
citus, sed ne uestigium quidem cuiquam pacato no-
cuisse dicatur? Iam uero, quemadmodum milites hi-
bernent, quotidie sermones ac litteræ perferuntur.
non modo, ut sumptum faciat in militem, nemini uis
affertur, sed ne cupienti quidem cuiquam permitti-
tur. hiemis enim, non auaritiæ, perfugium maio-
res nostri in sociorum, atque amicorum tectis esse uo-
luerunt. Age uero, ceteris in rebus quali sit tem-
perantia, considerate. Vnde illam tantam celerita-
tem, & tam incredibilem cursum inuentum putatis?
non enim illum eximia uis remigum, aut ars inaudi-
ta quædam gubernandi, aut uenti aliqui noui tam
celeriter in ultimas terras pertulerunt; sed hæres,
quæ ceteros remorari solent, non retardarunt: non
auaritia ab instituto cursu ad prædam aliquam reuo-
cauit, non libido ad uoluptatē, non amœnitas ad dele-
ctationem, nō nobilitas urbis ad cognitionē, non deni-
que labor ipse ad quietem: postremo signa, & tabu-
las, ceteraq. ornamenta Græcorū oppidorum, quæ ce-
teri tollēda esse arbitratur, ea sibi ille ne uisenda qui-
dem existimauit. itaque omnes quidem nunc in his lo-
cis

P
cis Cu. Pom
sum, sed de
incipiunt ex
dam abstin
dibile, ac fa
imperij no
ligant, nō si
perantia ma
quā impe
aditus ad en
aliorum in
principibus
tur. Iam,
tate, & a
tas impe
cognosctis
firmari po
cūssimam
ut difficile
pugnantes
xerint. Et
lum hoc tra
moria bell
esse uideat
lis quoque
let: certe
imperator
tinere ad
de impera

cis Cn. Pompeium, sicut aliquem non ex hac urbe mis-
sum, sed de cælo delapsum, intuentur. nunc denique
incipiunt credere, fuisse homines Romanos hac quon-
dam abstinentia: quod iam nationibus exteris incre-
dibile, ac falso memoriæ proditum uidebatur. nunc
imperij nostri splendor illis gentibus lucet: nunc intel-
ligunt, nō sine causa maiores suos tum, cum hac tem-
perantia magistratus habebamus, seruire populo. Re-
quā imperare alijs, maluisse. Iam uero ita faciles
aditus ad eum priuatorum, ita liberæ querimoniæ de
aliorum iniurijs esse dicuntur, ut is, qui dignitate
principibus excellit, facilitate par infimis esse uidea-
tur. Iam, quantum consilio, quantum dicendi graui-
tate, & copia ualeat, in quo ipso inest quædam digni-
tas imperatoria, uos, Quirites, hoc ipso in loco sæpe
cognostis. Fidem uero eius inter socios quantam exi-
stimari putatis, quam hostes omnium gentium san-
ctissimam esse iudicarint? Humanitate iam tanta est,
ut difficile dictu sit, utrum hostes magis uirtutē eius
pugnantes timuerint, an mansuetudinem uicti dile-
xerint. Et quisquam dubitabit, quin huic tantum bel-
lum hoc transmittendum sit, qui ad omnia uestre me-
moriæ bella conficienda diuino quodam consilio natus
esse uideatur? Et quoniam auctoritas multum in bel-
lis quoque administrandis, atque imperio militari ua-
let: certe nemini dubium est, quin ea in re idem ille
imperator plurimum possit. uehementer autem per-
tinere ad bella administranda, quid hostes, quid socij
de imperatoribus uestris existiment, quis ignorat:

CUM

cum sciamus, homines in tantis rebus, ut aut contemnant, aut metuant; aut oderint, aut ament; opinionone non minus famæ, quàm aliqua certa ratione, commoueri? Quod igitur nomen unquam in orbe terrarum clarius fuit? cuius res gestæ pares? de quo homine uos, id quod maxime facit auctoritatem, tanta, & tam præclara iudicia fecistis? an uero ullam usquam esse oram tam desertam putatis, quò non illius diei fama peruaferit, cum uniuersus populus R. referto foro, repletisq. omnibus templis, ex quibus hic locus conspici potest, unum sibi ad commune omnium gentium bellum Cn. Pompeium imperatorem depoposcit? itaque, ut plura non dicam, neque aliorum exemplis confirmem, quantum huius auctoritas ualeat in bello; ab eodem Cn. Pompeio omnium rerum egregiarum exempla sumantur: qui quo die a uobis maritimo bello præpositus est imperator, tanta repente uilitas annonæ ex summa inopia, & caritate rei frumentariæ consecuta est unius spe, & nomine, quantam uix ex summa ubertate agrorum diuturna pax efficere potuisset. Iam uero, accepta in Póto calamitate ex eo prælio, de quo uos paullo ante inuitus admonui, cum socij pertinuissent, hostium opes, animiq. creuissent; cum satis firmum præsidium prouincia non haberet; amisissetis Asiam, Quirites, nisi ipsum id temporis diuinitus Cn. Pompeium ad eas regiones fortuna populi R. attulisset. huius aduentus Mithridatem, insolita inflammatum uictoria, continuit, & Tigranem, magnis copijs minitan-
tem

tem Asia
uirtute pro
cerit? aut
cios, & me
ne, ac rano
tam declara
auctoritate
diuersis, tan
riant? quod
noster impe
ium in ult
Cretensium
idem ipse
peium leg
peius leg
erat mola
latorem,
sis igitur
tem, multa
dicis am
tum a p
tis. Relo
se ipse me
altero poss
deorum, t
xiſtimo,
ceteris ma
tutem, se
mandata

tem Asiæ, retardauit. Et quisquam dubitabit, quid uirtute profecturus sit, qui tantum auctoritate profecerit? aut quàm facile imperio, atque exercitu socios, & uectigalia conseruaturus sit, qui ipso nomine, ac rumore defenderit? Age uero, illa res quantam declarat eiusdem hominis apud hostes populi R. auctoritatem, quòd ex locis tam longinquis, tamquàm diuersis, tam breui tempore omnes una huic se dediderunt? quòd Cretensium legati, cum in eorum insula noster imperator, exercitusquæ esset, ad Cn. Pompeium in ultimas prope terras uenerunt, eiquæ se omnes Cretensium ciuitates dedere uelle dixerunt? Quid? idem ipse Mithridates non ne ad eundem Cn. Pompeium legatum usque in Hispaniam misit? eumquæ. Põpeius legatum semper iudicauit; ij, quibus semper erat molestum ad eum potissimum esse missum, speculatorem, quàm legatum, iudicare maluerunt. Potestis igitur iam constituere, Quirites, hanc auctoritatem, multis postea rebus gestis, magnisquæ uestris iudicijs amplificatam, quantum apud illos reges, quantum apud exterarum nationes ualituram esse existimetis. Reliquum est, ut de felicitate, quam præstare de se ipso nemo potest, meminisse & commemorare de altero possumus, sicut æquum est homini de potestate deorum, timide, & pauca dicamus. Ego enim sic existimo, Maximo, Marcello, Scipioni, Mario, & ceteris magnis imperatoribus, non solum propter uirtutem, sed etiam propter fortunam sæpius imperia mandata, atque exercitus esse commissos. fuit enim profecto

O R A T I O

profecto quibusdam summis uiris quædam ad ampli-
tudinem, & gloriam, & ad res magnas bene geren-
das diuinitus adiuncta fortuna. de huius autem ho-
minis felicitate, quo de nunc agimus, hac utar mode-
ratione dicendi; non ut in illius potestate fortunam
positam esse dicam; sed ut præterita meminisse, reli-
qua sperare uideamur: ne aut inuisa dijs immortalibus oratio nostra, aut ingrata esse uideatur. itaque
non sum prædicaturus, Quirites, quantas ille res do-
mi, militiæque, terra, marique, quantaque felicitate
gesserit; ut eius semper uoluntatibus non modo ciues
assenserint, socij obtemperarint, hostes obedierint,
sed etiam uenti tempestatesque obsecundarint: hoc bre-
uissime dicam, neminem unquam tam impudentem
fuisse, qui a dijs immortalibus tot & tantas res taci-
tus auderet optare, quot & quantas dij immortales
ad Cn. Pompeium detulerunt. quod ut illi proprium,
ac perpetuum sit, Quirites, cum communis salutis,
atque imperij, tum ipsius hominis causa, sicuti faci-
tis, uelle, & optare debetis. Quare cum & bellum
ita necessarium sit, ut negligi non possit; ita magnū,
ut accuratissime sit administrandum; & cum ei im-
peratorem præficere possitis, in quo sit eximia belli
scientia, singularis uirtus, clarissima auctoritas, e-
gre gia fortuna: dubitabitis, Quirites, quin hoc tan-
tum boni, quod a dijs immortalibus oblatum, & da-
tum est, in remp. conseruandam, atque amplifican-
dam conferatis? Quod si Romæ Cn. Pompeius priua-
tus esset hoc tempore, tamen ad tātum bellum is erat
deligendus

deligendus,
summas uti-
tur, ut in
ut ab iis, qui
spectamus: d
eidem, cui ce
sunt, hoc quo
enim uir clar
plurimis affe
mentis homin
Q. Hortensij
ego auctorita
luisse, & na
taret huius
rum uirorum
et oratoribus
ueritatem,
adhuc a me
& necessari
Cn. Pompeij
tensus? si u
mum esse P
ferri non op
to magis, e
Hortensij,
facultate d
A. Gabij
uno imper
promulg

deligendus, atque mittendus. nunc, cum ad ceteras
 summas utilitates hæc quoque oportunitas adiunga-
 tur, ut in ijs ipsis locis adsit; ut habeat exercitum;
 ut ab ijs, qui habent, accipere statim possit: quid ex-
 spectamus? aut cur non, ducibus dijs immortalibus,
 eidem, cui cetera summa cum salute reip. commissa
 sunt, hoc quoque bellum regium committimus? At
 enim uir clarissimus, reip. & uestris beneficijs am-
 plissimis affectus, Q. Catulus, itemq. summis orna-
 mentis honoris, fortunæ, uirtutis, ingenij præditus
 Q. Hortensius, ab hac ratione dissentiunt. quorum
 ego auctoritatem apud uos multis locis plurimum ua-
 luisse, & ualere oportere confiteor: sed in hac causâ,
 tametsi cognoscitis auctoritates cōtrarias fortissimo-
 rum uirorum, & clarissimorum, tamen, omissis au-
 dētoritatibus, ipsa re & ratione exquirere possumus
 ueritatem, atque hoc facilius, quod ea omnia, quæ
 adhuc a me dicta sunt, iidem isti uera esse concedunt;
 & necessarium bellum esse, & magnum; & in uno
 Cn. Pompeio summa esse omnia. Quid igitur ait Hor-
 tensius? si uni omnia tribuenda sunt, unum dignissi-
 mum esse Pompeium; sed ad unum tamen omnia de-
 ferri non oportere. Obsoleuit iam ista oratio, re mul-
 to magis, quàm uerbis, refutata. nam tu idem, Q.
 Hortensi, multa, pro tua summa copia, ac singulari
 facultate dicendi, & in senatu contra uirum fortem
 A. Gabinium grauitè, ornateq. dixisti, cum is de
 uno imperatore contra prædones constituendo legem
 promulgasset: & ex hoc ipso loco permulta idem con-

tra

O R A T I O

tra legem uerba fecisti . quid tum , per deos immortales , si plus apud populum R . auctoritas tua , quam ipsius populi R . salus , & uera caussa ualuisset , hodie hanc gloriam , atque hoc orbis terræ imperium teneremus ? ant tibi tum imperium esse hoc uidebatur , cū populi R . legati , prætores , quæstoresq . capiebantur ? cum ex omnibus prouincijs commeatu & priuato , & publico prohibebamur ? cum ita clausa erāt nobis omnia maria , ut neque priuatam rem maritimam , neque publicam iam obire possemus ? quæ ciuitas antea unquam fuit , non dico Atheniensium , quæ satis late quondam mare tenuisse dicitur ; non Carthaginensium , qui permultum classe , maritimisq . rebus ualuerunt ; non Rhodiorum , quorum usque ad nostram memoriam disciplina naualis , & gloria remansit ; quæ ciuitas antea unquam tam tenuis , quæ tam parua insula fuit , quæ non portus suos , & agros , & aliquam partem regionis atque oræ maritimæ per se ipsa defenderet ? At hercle aliquot annos continuos ante legem Gabiniam , ille populus R . cuius usque ad nostram memoriam nomen inuictum in naualibus pugnis permanserat , magna , ac multo maxima parte non modo utilitatis , sed dignitatis , atque imperij caruit . nos , quorum maiores Antiochum regem classe , Persenq . superarunt , omnibus naualibus pugnis Carthaginenses homines , in maritimis rebus exercitatissimos , paratissimosq . uicerunt , ij nullo in loco iam prædonibus pares esse poteramus . nos quoque , qui antea non modo Italiam tutam habebamus , sed

omnes

P R
omnes soci
rii saluos p
tam procu
undique cum
refera diu
dem non mo
mis , ac por
carebamus
tus populi
eum uobis
sum spolijs
O . Horten
dem senten
tis : sed t
lori suo n
re . itaque
nos illa m
fecit , ut a
nationibus
indignus n
cum , an me
ne legaret
ac postula
tantum be
tret , ciui
prouincia
ipse , cui
nibus gen
eius imp

omnes socios in ultimis oris auctoritate nostri imperij saluos præstare poteramus, tum cum insula Delos, tam procul a nobis in Aegæo mari posita, quò omnes undique cum mercibus atque oneribus commeabant, referta diuitijs, parua, sine muro, nihil timebat; ijdem non modo prouincijs, atque oris Italiæ maritimis, ac portibus nostris, sed etiam Appia tum uia carebamus. & his temporibus non pudebat magistratus populi R. in hunc ipsum locum ascendere, cum eum uobis maiores uestri exsuijs nauticis, & classem spolijs ornatum reliquissent. Bono te animo tum, Q. Hortensi, populus R. & ceteros, qui erant in eadem sententia, dicere existimauit ea, quæ sentiebatis: sed tamen in salute communi idem populus R. dolori suo maluit, quàm auctoritati uestræ, obtemperare. itaque una lex, unus uir, unus annus non modo nos illa miseria ac tupitudine liberauit, sed etiam effecit, ut aliquando uideremur omnibus gentibus ac nationibus terra mariq. imperare. Quo mihi etiam indignius uidetur obrectatum esse adhuc, Gabinio dicam, an ne Pompeio, an utrique? id quod est uerius. ne legaretur A. Gabinius Cn. Pompeio expetenti, ac postulanti? utrum, ille, qui postulat legatum ad tantum bellum quem uelit, idoneus non est, qui impetret, cum ceteri ad expilandos socios, diripiendasq. prouincias, quos uoluerunt, legatos eduxerint: an ipse, cuius lege salus ac dignitas populo R. atque omnibus gentibus constituta est, expers esse debet gloriæ eius imperatoris, atque eius exercitus, qui consilio
ipsius,

ipsius, atque periculo est constitutus? an C. Falci-
 dius, Q. Metellus, Q. Caelius Latinienſis, Cn. Len-
 tulus, quos omnes honoris cauſſa nomino, cum tribu-
 ni pl. fuiſſent, anno proximo legati eſſe potuerunt: in
 hoc uno Gabinio ſunt tam diligentes? qui in hoc bel-
 lo, quod lege Gabinia geritur, in hoc imperatore, at-
 que exercitu, quem per ſe ipſe conſtituit, etiam præ-
 cipuo iure eſſe deberet. de quo legando ſpero conſules
 ad ſenatum relatu-
 rum. qui ſi dubitabunt, aut graua-
 buntur: ego me profiteor relaturum: neque me im-
 pediet cuiuſquam, Quirites, inimicum edi-
 ctum, quo
 minus, fretus uobis, ueſtrum ius, beneficiumq. de-
 fendam: neque, præter interceſſionem, quidquam au-
 diam: de qua, ut arbitror, iſti ipſi, qui minantur,
 etiam, atque etiam, quid liceat, conſiderabunt. mea
 quidem ſententia, Quirites, unus A. Gabinius, bel-
 li maritimi, rerumq. geſtarum auctor, comes Cn.
 Pompeius adſcribitur: propterea quod alter uni id
 bellum ſuſcipiendum ueſtris ſuffragiis detulit; alter
 delatum, ſuſceptumq. conſecit. Reliquum eſt, ut de
 Q. Catuli auctoritate, & ſententia dicendum eſſe ui-
 deatur. qui cum ex uobis quæreret, ſi in uno Cn. Pó-
 peio omnia poneretis, ſi quid de eo factum eſſet, in
 quo ſpem eſſetis habituri; cepit magnum ſuæ uirtutis
 fructum, ac dignitatis, cum omnes prope una uoce,
 in eo ipſo uos ſpem habituros eſſe, dixiſtis. etenim
 talis eſt uir, ut nulla res tanta ſit, ac tam difficilis,
 quàm ille non & conſilio regere, & integritate tue-
 ri, & uirtute conſicere poſſit. ſed in hoc ipſo ab eo ue-
 hementi-

hementiſ-
 mum ac-
 per deos
 uita, atque
 exempla,
 co, maiore
 bello utilit-
 rum, noua
 non dicam
 niſe, ab
 potentiſſim-
 tur, Carle-
 pione eſſe
 bis patri-
 ſpes imp-
 cum Cn-
 ret: in ipſ-
 uult Q. C-
 Catuli uol-
 nouum, qu-
 difficili-
 eſſe? præſ-
 Quid tam
 adoleſcen-
 ſet, impe-
 mitti, at-
 dum? ſu-
 uitate, n-
 cit: niſi

hementissime dissentio, quòd, quo minus certa est hominum ac minus diuturna uita, hoc magis resp. dum per deos immortales licet, frui debet summi hominis uita, atque uirtute. At enim nihil noui fiat contra exempla, atque instituta maiorum. Non dico hoc loco, maiores nostros semper in pace consuetudini, in bello utilitati paruissse, semper ad nouos casus temporum, nouorum consiliorum rationes accommodasse: non dicam, duo bella maxima, Punicum, & Hispaniense, ab uno imperatore esse confecta; duas urbes potentissimas, quæ huic imperio maxime minabantur, Carthaginem, atque Numantiam, ab eodem Scipione esse deletas: non commemorabo, nuper ita uobis patribusq. uestris esse uisum, ut in uno C. Mario spes imperij poneretur, ut idem cum Iugurtha, idem cum Cimbris, idem cum Theutonibus bellum administraret: in ipso Cn. Pompeio, in quo noui constitui nihil uult Q. Catulus, quàm multa sint noua, summaq. Catuli uoluntate constituta, recordamini, quid tam nouum, quàm, adolescentulum priuatum, exercitum difficili reip. tempore conficere? confecit: huic præesse? præfuit: rem optime ductu suo gerere? gessit. Quid tam præter consuetudinem, quàm, homini per-adolescenti, cuius a senatorio gradu ætas longe abesset, imperium, atque exercitum dari? Siciliam permitti, atque Africam, bellumq. in ea administrandum? fuit in his prouincijs singulari innocentia, grauitate, uirtute: bellum in Africa maximum confecit: uictorem exercitum deportauit. Quid uero tam

cc in

O R A T I O

inauditum, quàm equitem R. triumphare? at eâ quo
 que rem populus R. non modo uidit, sed etiam studio
 omni uisendam putauit. Quid tam inusitatum, quàm
 ut, cum duo consules clarissimi, fortissimiq. essent,
 eques R. ad bellum maximum, formidolosissimumq.
 pro consule mitteretur? missus est. quo quidem tem-
 pore, cum esset non nemo in senatu, qui diceret, non
 oportere mitti hominem priuatum pro consule; L.
 Philippus dixisse dicitur, non se illum sua sententia
 pro consule, sed pro consulibus mittere. tanta in eo
 reip. benegerendæ spes constituebatur, ut duorum
 consulum munus unius adolescentis uirtuti committe-
 retur. Quid tam singulare, quàm ut, ex S. C. legi-
 bus solutus, consul ante fieret, quàm ullum alium ma-
 gistratum per leges capere licuisset? Quid tam incre-
 dibile, quàm ut iterum eques R. ex S. C. triumphare
 ret? Quæ in omnibus hominibus noua, post hominû
 memoriam constituta sunt, ea tam multa non sunt,
 quàm hæc, quæ in hoc uno homine uidimus. Atque
 hæc tot exempla, tanta, ac tam noua, profecta sunt
 in eundem hominem a Q. Catulo, atque a ceterorum
 eiusdem dignitatis amplissimorum hominum aucto-
 ritate. Quare uideant, ne sit periniquum, & non fe-
 rendum, illorum auctoritatem de Cn. Pompeij digni-
 tate a nobis comprobata semper esse, uestrum ab il-
 lis de eodem homine iudicium, populiq. R. auctori-
 tatem improbari: præsertim cum iam suo iure popu-
 lus R. in hoc homine suam auctoritatem uel contra
 omnes, qui dissentiant, possit defendere: propterea
 quòd,

quòd, i
 bus dele
 hoc si no
 fis: re
 tur. sm a
 repugn
 perio, sa
 isti princ
 auctorita
 bello Aff
 tus, que
 que uirtu
 Difficile
 extera
 rem, n
 tet. de
 tia, mo
 ritudin
 Difficile
 pud exte
 hoc anno
 quod em
 stration
 domus
 locuplet
 li, prop
 ter hac
 rem, s
 ciorum

quodd, istis reclamantibus, uos unum illum ex omnibus delegistis, quem bello prædonum præponeretis. hoc si uos temere fecistis, & reip. parum consuluitis: recte isti studia uestra suis consilijs regere conantur. sin autem uos plus tum in rep. uidistis, uos, his repugnantibus, per uosmet ipsos dignitatem huic imperio, salutem orbi terrarum attulistis: aliquando isti principes & sibi, & ceteris populi R. uniuersi auctoritati parendum esse fateantur. Atque in hoc bello Asiatico, & regio non solum militaris illa uirtus, quæ est in Cn. Pompeio singularis, sed aliæ quoque uirtutes animi multæ, & magnæ requiruntur. Difficile est, in Asia, Cilicia, Lycia, Syria, regnisq. exterarum nationum ita uersari uestrum imperatorem, ut nihil aliud, quàm de hoste, ac de laude, cogitet. deinde, etiam, si qui sunt, pudore, ac temperantia, moderatiores, tamen, eos esse tales, propter multitudinem cupidorum hominum nemo arbitratur. Difficile est dictu, Quirites, quanto in odio sumus apud exterarum nationes, propter eorum, quos ad eas hoc anno cū imperio misimus, iniurias, ac libidines. quod enim sanum putatis in illis terris, nostris magistratibus religiosum, quam ciuitatem sanctam, quam domum satis clausam, ac munitam fuisse? urbes iam locupletes, ac copiosæ requiruntur, quibus causa belli, propter diripiendi cupiditatem, inferatur. Libenter hæc coram Q. Catulo, & Q. Hortensio disputarem, summis, & clarissimis uiris. nouerunt enim sociorum uulnera: uident eorum calamitates, querimo

ORATIO

nias audiunt. Pro socijs uos contra hostes exercitum mittere putatis, an, hostium simulatione, contra socios, atque amicos? quæ ciuitas est in Asia, quæ non modo unius imperatoris, aut legati, sed unius tribuni mil. animos, ac spiritus capere possit? Quare, etiam si quem habetis, qui collatis signis exercitus regios superare posse uideatur: tamen, nisi erit idem, qui se a pecunijs sociorum, qui ab eorum coniugibus, ac liberis, qui ab auro, gazaq. regia manus, oculos, animum cohibere possit, non erit idoneus, qui ad bellum Asiaticum, regiumq. mittatur. ecquam putatis ciuitatem pacatam fuisse, quæ locuples sit? ecquam esse locupletem, quæ istis pacata esse uideatur? ora maritima, Quirites, Cn. Pompeium, non solum propter rei militaris gloriam, sed etiam propter animi continentiam, requisivit. uidebat enim populus R. * non locupletari quotannis pecunia publica, prater paucos, neque eos quidquam aliud assequi classium nomine, nisi ut, detrimentis accipiendis, maiore affici turpitudine uideremur. nunc qua cupiditate homines in provincias, quibus iacturis, quibus condicionibus proficiscantur, ignorant uidelicet isti, qui ad unum deferenda esse omnia non arbitrantur. quasi uero Cn. Pompeium non cum suis uirtutibus, tum etiam alienis uitijs magnum esse uideamus. Quare nolite dubitare, quin huic uni credatis omnia, qui, inter annos tot, unius inuentus sit, quem socij in urbes suas cum exercitu uenisse gaudeant. Quod si auctoritatibus hanc causam, Quirites, confirmandam putatis; est uobis

uobis auctor, uir bellorum omnium, maximarumq.
rerum peritissimus, P. Seruilius; cuius tantæ res ge-
stæ terra, mariq. extiterunt, ut, cum de bello deli-
beretis, auctor uobis grauior esse nemo debeat: est C.
Curio, summis uestris beneficijs, maximisq. rebus
gestis, summo ingenio, & prudentia præditus: est
Cn. Lentulus, in quo omnes, pro amplissimis uestris
honoribus, summum consilium, summam grauitatē
esse cognoscitis: est C. Cassius, integritate, uirtute,
constantia singulari. Quare uidete, num horum au-
thoritatibus illorum orationi, quid dissentiant, respon-
dere posse uideamur. Quæ cum ita sint, C. Manili;
primum istam tuam & legem, & uoluntatem, &
sententiam laudo, uehementissimeq. comprobo: de-
inde te hortor, ut, auctore populo R. maneas in sen-
tentia, ne ue cuiusquam uim, aut minas pertimescas.
primum in te satis esse animi, constantiaq. arbitror:
deinde, cum tantam multitudinem, cum tanto studio
adesse uideamus, quantam non iterum in eodem ho-
mine præficiendo uidimus; quid est, quod aut de re,
aut de perficiendi facultate dubitemus? Ego autem,
quidquid in me est studij, consilij, laboris, ingenij;
quidquid hoc beneficio populi R. atque hac potestate
prætoria, quidquid auctoritate, fide, constantia pos-
sum; id omne ad hanc rem conficiendam tibi, & po-
pulo R. polliceor, & defero: testorq. omnes deos,
& eos maxime, qui huic loco temploq. præsent,
qui omnium mentes eorum, qui ad remp. adeunt, ma-
ximè perspiciunt, me hoc neque rogatu facere cuius-

O R A T I O

quam, neque quo Cn. Pompeij gratiam mihi per hanc
causam conciliari putem, neque quo mihi ex cuius-
quam amplitudine aut praesidia periculis, aut adiu-
menta honoribus quaeram: propterea quod pericula
facile, ut hominem praestare oportet, innocentia testi-
pellemus; honores autem neque ab uno, neque ex hoc
loco, sed eadem nostra illa laboriosissima ratione ui-
tae, si uestra uoluntas feret, consequemur. Quamob-
rem, quidquid in hac causa mihi susceptum est, Quiri-
tes, id omne me reip. causa suscepisse confirmo: tan-
tumque abest, ut aliquam bonam gratiam mihi quaesisse
uidear; ut multas etiam simultates, partim obscu-
ras, partim apertas, intelligam, mihi non necessa-
rias, uobis non inutiles, suscepisse. sed ego me, hoc
honore praeditum, tantis uestris beneficijs affectum,
statui, Quirites, uestram uoluntatem, & reip. di-
gnitatem, & salutem prouinciarum, atque socio-
rum meis omnibus commodis, & rationibus praefer-
re oportere.

PRO

PRO

A

uidia iam
modo con
tingere r
est hoc q
hanc ean
sic in de
me nec
re dicere
que refit
est iudici
mibi breu
fore uidet
mota est
modator
prospicio
tuum labor
te illa me
criminali
dissolutio
tis plus
quantum

PRO A. CLVENTIO HABITO.

ORATIO XIII.

A NIMADVERTI, iudices, omnem
accusatoris orationem in duas diuisam
esse partes: quarum altera mihi niti,
& magnopere confidere uidebatur in-

uidia iam inueterata iudicij Iuniani; altera, tantum
modo consuetudinis causa, timide, & diffidenter at-
tingere rationem ueneficij criminum: qua de re lege
est hæc questio constituta. itaque mihi certum est
hanc eandem distributionem, inuidia, & criminum,
sic in defensione seruare, ut omnes intelligant, nihil
me nec subterfugere uoluisse reticendo, nec obscura-
re dicendo. sed cum considero, quo modo mihi in utra-
que re sit elaborandum: altera pars, ea, quæ propria
est iudicij uestri, & legitimæ ueneficij questionis, per
mihi breuis, & non magnæ in dicendo contentionis
fore uidetur: altera autem, quæ procul a iudicio re-
motæ est, quæ concionibus seditiosæ concitatis accom-
modatior est, quàm tranquillis, moderatisq. iudicijs,
prospicio quantum in agendo difficultatis, & quan-
tum laboris sit habitura. Sed in hac tanta difficulta-
te illa me res tamen, iudices, consolatur, quòd uos de
criminibus sic audire consueuistis, ut eorum omnem
dissolutionem ab oratore quærat; ut non existime-
tis plus uos ad salutem reo largiri oportere, quàm
quantum defensor purgandis criminibus consequi, et

cc 4 dicendo

PRO

ORATIO

dicendo probare potuerit . de inuidia autem sic inter uos disceptare debetis , ut , non quid dicatur a nobis , sed quid oporteat dici , consideretis . agitur enim in criminibus , *A.* Cluentij proprium periculum ; in inuidia , caussa communis . quamobrem alteram partem caussæ sic agemus , ut uos doceamus ; alteram sic , ut oremus . in altera diligentia uestra nobis adiungenda est , in altera fides imploranda . nemo est enim , qui inuidiæ , sine uestro ac sine talium uirorum subsidio , possit resistere . Equidem , quod ad me attinet , quod me uertam , nescio . negem fuisse illam infamiam iudicij corrupti ? negem illam rem agitatam in concionibus ? iactatam in iudicijs ? commemoratam in senatu ? euellam ex animis hominum tantam opinionem ? tam penitus insitam ? tam uetustam ? non est nostri ingenij . uestri auxilij est , iudices , huius innocentiae sic in hac calamitosa fama , quasi in aliqua perniciosissima flamma , atque in communi incendio , subuenire . etenim , sicut alijs in locis parum firmitati , et parum uirium ueritas habet : sic in hoc loco falsa inuidia imbecilla esse debet . dominetur in concionibus ; iaceat in iudicijs : ualeat in opinionibus ac sermonibus imperitorum ; ab ingenijs prudentium repudietur : uehementes habeat repentinos impetus ; spatio interposito , & caussa cognita , consenescat : denique illa definitio iudiciorum æquorum , quæ nobis a maioribus tradita est , retineatur , ut in iudicijs & sine inuidia culpa plectatur , & sine culpa inuidia ponatur . Quamobrem a uobis , iudices , ante quam de ipsa

FT
ipsa caussa
quod aqu
ratis , et
meritum
timus , ac
mas . de
bus compr
labefact
pugnetis ,
aquis rem
de re dic
taciti cog
mura ex
uare pa
teritum
caussam
ex contr
hominum
facile int
audiend
fetto , ut
quam in
tam opt
imo de
reperi
qua fin
consequ
quem il
fore pu

ipsa causa dicere incipio, hoc postulo: primum id, quod æquissimum est, ut ne quid huc præiudicati afferatis. etenim non modo auctoritatem, sed etiam nomen iudicii amitteremus, nisi hic ex ipsis causis iudicabimus, ac si ad causas iudicia iam facta domo deferemus. deinde, si quam opinionem iam uestris mentibus comprehendistis; si eam ratio conuellet; si ratio labefactabit, si denique ueritas extorquebit; ne repugnetis, eamque animis uestris aut libentibus, aut æquis remittatis: tum autem, cum ego unaquaque de re dicam, & diluam, ne ipsi, quæ contraria sunt, taciti cogitationi uestræ subiiciatis; sed ad extremum expectetis, & me meum dicendi ordinem seruare patiamini: cum peroraro, tum, si quid erit præteritum, a me requiratis. Ego me, iudices, ad eam causam accedere, quæ iam per annos octo continuos ex contraria parte audiatur, atque, ipsa opinione hominum tacita, prope conuicta, atque damnata sit, facile intelligo: sed, si quis mihi deus uestram ad me audiendum beneuolentiam conciliarit; efficiam profecto, ut intelligatis, nihil esse homini tam timendum, quam inuidiam; nihil innocenti, suscepta inuidia, tam optandum, quam æquum iudicium; quod in hoc uno denique falsæ infamiæ finis aliquis, atque exitus reperiatur. quamobrem magna me spes tenet, si ea, quæ sunt in causa, explicare, atque omnia dicendo consequi potuero, hunc locum, confessumque uestrum, quem illi horribilem A. Cluentio ac formidolosum fore putauerunt, eum tandem eius fortunæ miseræ, multumque.

O R A T I O

multumq. iactatæ portum ac perfugium futurum. tametsi permulta sunt, quæ mihi, ante quàm de causa dicam, de communibus inuidiæ periculis dicenda esse uideantur: tamen, ne diutius oratione mea suspensa expectatio uestra teneatur, aggrediar ad crimen, cum illa deprecatione, iudices, qua mihi sæpius utendum esse intelligo; sic ut me audiat, quasi hoc tempore hæc causa primum dicatur, sicuti dicitur; non quasi sæpe iam dicta, & nunquam probata sit. hodierno enim die primum ueteris istius criminis diluendi potestas est data: ante hoc tempus error in hac causa, atque inuidia uersata est. quamobrem, dum multorum annorum accusationi breuiter, dilucideq. respondeo, quæso ut me, iudices, sicuti facere instituistis, benigne, attenteq. audiat. Corrupisse dicitur A. Cluentius iudicium pecunia, quo inimicum suum innocentem Statium Albiu[m] condemnaret. ostendam, iudices, primum, quoniã caput illius atrocitatis atque inuidiæ fuit, innocentem pecunia circumuentum, neminem unquam maioribus criminibus, grauioribus testibus esse in iudicium uocatum; deinde, ea de eo præiudicia esse facta ab ipsis iudicibus, a quibus condemnatus est, ut non modo ab ipsidem, sed ne ab alijs quidem ullis absolui ullo modo posset. cum hæc docuero, tum illud ostendã, quod maxime requiri intelligo, iudicium illud pecunia esse tentatum, nõ a Cluentio, sed cõtra Cluentiũ: faciamque, ut intelligatis, in tota illa causa quid res ipsa tulerit, quid error affuxerit, quid inuidia conflagret. Primum igitur

FR
igitur illud est
tuum magnu[m]
criminibus
derit. hoc loco
bis breuiter illu
minu exponam
nium de patre
fide, atque offe
sentia satisfac
satisfaciend
tur: Cluentius
tisfaciendi p
est, qui dubi
tuum pro
dicitur, d
abstulerit
pro quo dictu
acerbissimo
dedecore uitæ
Cluentium no
aliqua, aut
quotidianis
culo, nomen
ordium rei
iudices, ne
tis, multo
tius Habitu
solum manu
regioris illu

igitur illud est, ex quo intelligi possit, debuisse Cluentium magnopere causæ confidere, quod certissimis criminibus & testibus fretus ad accusandum descendit. hoc loco faciendum mihi, iudices, est, ut vobis breuiter illa, quibus Albius condemnatus est, crimina exponam. Abs te peto, Oppianice, ut me inuitum de patris tui causâ dicere existimes, adductâ fide, atque officio defensionis. etenim, tibi si in præsentia satisfacere non potuero, tamen multæ mihi ad satisfaciendum reliquo tempore facultates dabuntur: Cluentio nisi nunc satisfecero, postea mihi satisfaciendi potestas non erit. Simul & illud, quis est, qui dubitare debeat, contra damnatum, & mortuum pro incolumi, & uiuo dicere? cum illi, in quæ dicitur, damnatio omne ignominie periculum iam abstulerit, mors uero etiam doloris; huic autem, pro quo dicitur, nihil possit offensionis accedere sine acerbissimo animi sensu ac dolore, & sine summo dedecore uitæ, ac turpitudine. Atque ut intelligatis, Cluentium non accusatorio animo, non ostentatione aliqua, aut gloria adductum, sed nefarijs iniurijs, quotidianis insidijs, proposito ante oculos uitæ periculo, nomen Oppianici detulisse, paullo longius exordium rei demonstrandæ repetam. quod, quæso, iudices, ne moleste patiamini: principijs enim cognitis, multo facilius extrema intelligetis. A. Cluentius Habitus fuit, pater huiusce, iudices, homo non solum municipij Larinatis, ex quo erat, sed etiam regionis illius, & vicinitatis, uirtute, existimatio

ne,

O R A T I O

ne, nobilitate facile princeps. is cum esset mortuus Sylla & Pompeio cos. reliquit hunc annos xv natum, grandem autem, & nubilem filiam: quæ, breui tempore post patris mortem, nupsit A. Aurio Melino, consobrino suo, adolescenti in primis, ut tum habebatur, inter suos & honesto, & nobili. cū essent hæ nuptiæ plenæ dignitatis, plenæ concordie, repente est exorta mulieris importunæ nefaria libido, non solum dedecore, uerum etiam scelere coniuncta. nam Saffia, mater huius Habiti; (mater enim a me nominis causa, tametsi in hunc hostili odio, & crudelitate est, mater, inquam, appellabitur: neque unquam illa ita de suo scelere, & immanitate audiet, ut naturæ nomen amittat: quo enim est ipsum nomē amanti, indulgentiusq. maternum, hoc illius matris; quæ multos iam annos, & nunc cum maxime filium interfectum cupit, singulare scelus maiore odio dignum esse ducetis) ea igitur mater Habiti, Melini illius adolescentis, generi sui, contra quàm fas erat, amore capta, primo, neque id ipsum diu, quoquo modo poterat, in illa cupiditate continebatur; deinde ita flagrare cœpit amentia, sic inflammata ferri libidine, ut eam non pudor, non pudicitia, non pietas, non macula familiæ, non hominum fama, non filij dolor, non filiæ mæror a cupiditate reuocaret. animum adolescentis, nondum consilio, ac ratione firmatum, pellexit ijs omnibus rebus, quibus illa ætas capi ac deliniri potest: filia, quæ non solum illi communi dolore muliebri in eiusmodi uiri in

iurijs

PR
iurijs angere
re non possit
posse arbitrar
se cupiebat, i
bus, & grem
bat. Ecce au
malorum omni
Cluentia; ut
non libenter
ter palam ex
cepit, iuctri
spicionibus o
illum genit
strauerat,
pulsæ, at
socrus, nū
omnibus om
præter hanc
nem effrenat
larem. non t
numq. fam
nuptiales & n
parietes den
perfregit, a
uicit pudore
amentia. To
sognationis
tem eius mo
duo psetu fov

iurijs angeretur, sed nefarium matris pellicatum ferre non posset, de quo ne queri quidem sine scelere se posse arbitraretur, ceteros sui tanti mali ignaros esse cupiebat, in huius amantissimi sui fratris manibus, & gremio, mœrore, & lacrymis consenescebat. Ecce autem subitum diuortium, quod solatium malorum omnium fore uidebatur. discedit a Melino Cluentia; ut in tantis iniurijs, non inuita; ut a uiro, non libenter. tum uero illa egregia, ac præclara mater palam exsultare lætitia, ac triumphare gaudio cœpit, uictrix filia, non l. i. dinis. itaque diutius suspicionibus obscuris l. edi famam suam noluit; lectum illum genialem, quem biennio ante filia sua nubenti strauerat, in eadem domo sibi ornari, & sterni, expulsa, atque exturbata filia, iubet. nubit genero socrus, nullis auspiciis, nullis auctoribus, funestis omnibus omnium. O mulieris scelus incredibile, &, præter hanc unam, in omni uita inauditum: o libidinem effrēnatam, & indomitam: o audaciam singularem. non timuisse, si minus uim deorum, hominumq. famam, at illam ipsam noctem, facesq. illas nuptiales? non limen cubiculi? non cubile filia? non parietes denique ipsos, superiorum testes nuptiarum? perfregit, ac prostrauit omnia cupiditate, ac furore: uicit pudorem libido, timorem audacia, rationem amentia. tulit hoc commune dedecus iam familiae, cognationis, nominis, grauiter filius. augebatur autem eius molestia quotidianis querimonijs, & assiduus fletus sororis. statuit tamen, nihil sibi in tantis iniurijs,

O R A T I O

iniurijs , ac tanto scelere matris grauius faciendum,
quàm ut illa matre ne uteretur : ne, quam uidere si-
ne summo animi dolore non poterat , ea si matre ute-
retur , non solum uidere , sed etiam probare suo iudi-
cio putaretur . Initium quod huic cum matre fuerit
simultatis , audiuiſtis : pertinuiſſe hoc ad cauſſam ,
tunc , cum reliqua cognoueritis , intelligetis . nam
illud me non præterit ; cuiusmodicunque mater ſit ,
tamen in iudicio filij de turpitudine parentis dici uix
oportere . non eſſem ad ullam cauſſam idoneus , iudi-
ces , ſi hoc , quod in communibus hominum ſenſibus ,
atque in ipſa natura poſitum , atque infixum eſt , id
ego , cum ad amici pericula depellenda adhiberer , nõ
uiderem . facile intelligo , non modo reticere homi-
nes parentum iniurias , ſed etiam animo æquo ferre
oportere . ſed ego ea , quæ ferri poſſunt , ferenda , quæ
taceri , tacenda eſſe arbitror . nihil in uita uidit . cala-
mitatis A . Cluentius , nullum periculum mortis a-
diit , nihil mali timuit , quod non totum a matre eſſet
conflatum , & perfectum . quæ hoc tempore ſileret
omnia , atque ea , ſi obliuione non poſſet , tamen ta-
curnitate ſua tecta eſſe pateretur : ſed ea uero ſic a-
git , ut prorsus reticere nullo modo poſſit . hoc enim
ipſum iudiciũ , hoc periculum , illa accuſatio , omnis
teſtium copia , quæ futura eſt , a matre initio eſt ador-
nata , a matre hoc tempore inſtruitur , atque omnibus
eius opibus , et copijs comparatur . ipſa denique nuper
Larino huius opprimendi cauſſa Romã aduolauit : præ-
ſto eſt mulier audax pecunioſa , crudelis : inſtruit accu-
ſatores :

PR
ſatores: inſtr
tatur: exiti
re omnem ca
deat. hac m
a nobis illam
aperta, & me
hac a me dic
tis, ſitacere
quibus crimi
conſtantiam
perſpicere po
fuerit, oſten
neceſſitate
uenenum d
cus ei par
at manib
poſſet eſſe:
& quàm d
uos uolui, m
ſe, niſi uti p
nas capitis
ut intelligat
nicum, ut
re debuerit
nam: quib
illam, diſſ
ad pecunia
nea, ſocru
merum.

satores: instruit testes: squalore huius, et sordibus lætatur: exitium exoptat: sanguinem suum profunderé omnem cupit, dummodo profusum huius arte uideat. hæc nisi omnia perspexeritis in caussa; temere a nobis illam appellari putatote. sin autem erunt & aperta, & nefaria: Cluentio ignoscere debetis, quòd hæc a me dici patiatur: mihi ignoscere non debetis, si tacerem. Nunc iam summatim exponam, quibus criminibus Oppianicus damnatus sit: ut & constantiam A. Cluentij, & rationem accusationis perspicere possitis. Ac primum, caussa accusandi quæ fuerit, ostendam; ut id ipsum A. Cluentium ui & necessitate coactum fecisse uideatis. Cum manifesto uenenum deprehendisset, quod uir matris Oppianicus ei parauisset; & res non coniectura, sed oculis, ac manibus teneretur; neque in caussa ulla dubitatio posset esse: accusauit Oppianicum; quàm constanter, & quàm diligenter, postea dicam: nunc hoc scire uos uolui, nullam huic aliam accusandi caussam fuisse, nisi uti propositum uitæ & periculum, & quotidianas capitis insidias hac una ratione uitaret. Atque, ut intelligatis, ijs accusatum esse criminibus Oppianicum, ut neque accusator timere, neque reus sperare debuerit, pauca uobis illius iudicij crimina exponam: quibus cognitis, nemo uestrum mirabitur, illum, dissidentem rebus suis, ad Stalenum, atque ad pecuniam confugisse. Larinas quædam fuit Dineia, socrus Oppianici, quæ filios habuit M. & Numerium Aurius, & Cn. Magium, & filiam Magiam,

ORATIO

giam, nuptam Oppianico. M. Aurius adolescentu-
lus, bello Italico captus apud Asculum, in Q. Sergij
senatoris, eius, qui inter sicarios damnatus est, ma-
nus incidit, & apud eum fuit in ergastulo. Nume-
rius autem Aurius frater mortuus est, heredemque
Cn. Magium, fratrem suum, reliquit. postea Magia,
uxor Oppianici, mortua est. postremo, unus qui re-
liquus erat Dinea filius, Cn. Magius est mortuus. is
fecit heredem illum adolescentem Oppianicum, sororis
suae filium, eumque. partiri cum Dinea matre iussit. in-
terim uenit index ad Dineam neque obscurus, neque
incertus, qui nunciaret ei, filium eius M. Aurium
uiuere, et in agro Gallico esse in seruitute. mulier, a-
missis liberis, cum unius filij recuperandi spes esset
ostentata, omnes suos propinquos, filijque sui necessa-
rios conuocauit, & ab his flens petiuit, ut negotium
susciperent, adolescentem inuestigarent, sibi resti-
tuerent eum filium, quem tantum unum ex multis
fortuna reliquum esse uoluisset. haec cum agere insti-
tuisset, oppressa morbo est. itaque testamentum fe-
cit eiusmodi, ut illi filio HS cccccc ioooo millia
legaret; heredem institueret eundem illum Oppia-
nicum, nepotem suum: atque ijs diebus paucis est
mortua. propinqui tamen illi, quemadmodum uiua
Dinea instituerant, ita, mortua illa, ad inuestigan-
dum Aurium cum eodem illo indice in agrum Galli-
cum profecti sunt. interim Oppianicus, ut erat, si-
cut multis ex rebus reperietis, singulari scelere, &
audacia, per quendam Gallicanum, familiarem suum,
primum

PR
primum illu
sum Aurium
interficiend
propinquum
feli, littera
propinquos,
esse inuestiga
ab Oppianico
rius, uir forte
illius Auri
dientibus, c
rissima uoce
Aurium co
rim breui t
profecti, A
Aurium r
sed etiam c
istius adole
cum A. A
hominem, d
git, & se m
lit. post ill
testem, nam
quam mer
per illam L
in sermo i
quattuor
a Sylla, &
ab eodem

primum illum indicem pecunia corrumpit, deinde ipsum Aurium, non magna iactura facta, tollendum interficiendumque curauit. illi autem, qui erant ad propinquum inuestigandum, & recuperandum profecti, litteras Larinum ad Aurios illius adolescentis propinquos, suosque necessarios mittunt, sibi difficile esse inuestigandi rationem, quod intelligerent indicem ab Oppianico esse corruptum. quas litteras A. Aurius, uir fortis, & experiens, & domi nobilis, M. illius Aurij propinquus, in foro palam, multis audientibus, cum adesset Oppianicus, recitat, & clarissima uoce, se nomen Oppianici, si interfectum M. Aurium comperisset, delaturum esse testatur. Interim breui tempore illi, qui erant in agrum Gallicum profecti, Larinum reuertuntur, interfectum esse M. Aurium renunciant. animi non solum propinquorum, sed etiam omnium Larinatum odio Oppianici, & istius adolescentis misericordia commouentur. itaque cum A. Aurius, qui antea denunciarat, clamore hominem, ac minis insequi cepisset, Larino profugit, & se in castra clarissimi uiri Q. Metelli contulit. post illam fugam, & sceleris, & conscientiae testem, nunquam se iudicijs, nunquam legibus, nunquam inermem inimicis committere ausus est: sed per illam L. Syllae uim, atque uictoriam Larinum, in summo timore omnium, cum armatis aduolauit: quattuoruiros, quos municipes fecerant, sustulit: se a Sylla, & alios praeterea tres factos esse dixit, & ab eodem sibi esse imperatum, ut Aurium illum, qui

dd sibi

O R A T I O

sibi delationem nominis, & capitis periculum ostentarat, & alterum Aurium, & eius C. filium, & Sex. Virbium, quo sequeſtre in illo indice corrum-
pendo dicebatur eſſe uſus, proſcribendos, interficien-
dosq. curaret. itaque, illis crudeliſſime interſectis,
non mediocri ab eo ceteri proſcriptionis, & mortis
metu terrebantur. His rebus in cauſſa iudicioq. pate-
factis, quis eſt, qui illum abſolui potuiſſe arbitrare-
tur? atque hæc parua ſunt: cognoscite reliqua; ut
non aliquando condemnatum eſſe Oppianicum, ſed
aliquandiu incolumem fuiſſe miremini. Primum ui-
dete hominis audaciam. Saſſiam in matrimonium
ducere, Habiti matrem, illam, cuius uirum A.
Aurium occiderat, concupiuit. utrum, impuden-
tior hic, qui poſtulet; an crudelior illa, ſi nubat?
difficile dictu eſt. ſed tamen utriuſque humanitatem,
conſtantiamq. cognoscite. Petit Oppianicus, ut ſi-
bi Saſſia nubat, & id magnopere contendit. illa au-
tem non admiratur audaciam, non impudentiam a-
ſpernatur, non denique illam Oppianici dexteram,
uiri ſui ſanguine redundante, reformidat; ſed, quod
haberet tres ille filios, iccirco ſe ab his nuptijs abhor-
rere reſpondit. Oppianicus, qui pecuniam Saſſiæ con-
cupiuiſſet, domo ſibi quaerendum remedium exiſtima-
uit ad eam moram, quæ nuptijs afferebatur. nam
cum haberet ex Nouia infantem filium; alter autẽ
eius filius, Papia natus, Theani Apuli, quod abeſt
a Larino decem & octo millia paſſuum, apud ma-
trem educaretur: accerſit ſubito ſine cauſſa puerum
Theano,

FR
Theano, qu
bus, antea
cans, mitti
ſet, co ipſo
lens, niſus e
tequam luce
rorem matr
ex Oppianic
pore audiffe
rum matris
uenit, & il
dies nondum
infans nec
ſia, latam
mirum, q
neribus de
liberos pec
cuniam libe
iudices, mo
bus, breuit
motos, quo
mini, quib
uerum etiã
dices non e
iam non po
tiſſecit, q
auditis mo
cũ ea, quæ
Et inq. di

Theano, quod facere, nisi ludis publicis, aut festis diebus, antea non solebat. mater, nihil mali misera suspicans, mittit. ille se Tarentum proficisci cum simulasset, eo ipso die puer cū hora undecima in publico ualens, uisus esset, ante noctem mortuus, et postridie, ante quā luceret, combustus est. atque hunc tātum maerorem matri prius hominum rumor, quā quisquam ex Oppianici familia, renunciauit. illa cum uno tempore audisset, sibi non solum filium, sed etiā exequiarum munus ereptum, Larinum confestim exanimata uenit, & ibi de integro funus iam sepulto filio fecit. dies nondum decem intercesserāt, cum ille alter filius infans necatur. itaque nubit Oppianico continuo Salsia, letanti iam animo, & spe optima confirmata: nec mirum, quæ se non nuptialibus donis, sed filiorum funeribus delinitā uideret. itaque, quod ceteri propter pecuniam liberos amittere iucundum esse duxit. Sentio, iudices, uos pro uestra humanitate his tantis sceleribus, breuiter a me demonstratis, uehementer esse commotos. quo tandem igitur animo fuisse illos arbitramini, quibus his de rebus non modo audiendum fuit, uerum etiā iudicandum? uos auditis de eo, in quem iudices non estis; de eo, quē non uidetis; de eo, quæ odisse iam non potestis; de eo, qui & naturæ, & legibus satisfecit, quem leges ex filio, natura morte multauit: auditis non ab inimico: auditis sine testibus: auditis, cū ea, quæ copiosissime dici possunt, breuiter a me stri-
Et imq. dicuntur: illi audiebāt de eo, de quo iurati sen-

dd 2 tentias

O R A T I O

tentias ferre debebant ; de eo, cuius præsentis nefarium, & consceleratum uultum intuebantur ; de eo, quem oderant propter audaciam ; de eo, quem omni supplicio dignum esse ducebant : audiebant ab accusatoribus : audiebant uerba multorum testium: audiebant, cum unaquaque de re a P. Canutio, homine eloquentissimo, grauitè, & diu diceretur. Et est quisquam, qui, cum hæc cognouerit, suspicari possit Oppianicum iudicio oppressum, & circumuentum esse innocentem? Aceruatim iam reliqua, iudices, dicā ut ad ea, quæ propiora huius causæ, & adiunctiora sunt, perueniā. uos, quæso, memoria teneatis, non mihi hoc esse propositum, ut accussem Oppianicum mortuum, sed, cum hoc persuadere uobis uelim, iudicium ab hoc non esse corruptum, hoc uti initio ac fundamēto defensionis, Oppianicum, hominem sceleratissimum, & nocentissimum, esse damnatum, qui uxori suæ Cluētiae, quæ amita huius Habiti fuit, cum ipse poculum dedisset, subito illa in media potione exclamauit, se maximo cum dolore mori. nec diutius uixit, quā locuta est : nam in ipso sermone hoc, et uociferatione mortua est. & ad hanc mortem tam repentinam, uocemque morientis, omnia præterea, quæ solent esse indicia, & uestigia ueneni, in illius mortuæ corpore fuerunt. eodemq. ueneno C. Oppianicum fratrem necauit. neque est hoc satis : tametsi in ipso fraterno paricidio nullum scelus prætermisissum uidetur: tamē, ut ad hoc nefarium facinus accederet, aditum sibi alijs sceleribus ante munivit. nam cum esset grauida

Auria,

FR
Auria, fra
uideretur ;
& quod era
fratrem ag
culo mortis
clamaret, te
gnificatione
rem, ne, p
deretur, ne
primauit, q
accipere pot
clausum, n
fratris libe
te gere pot
dam multi
bus secun
camentis
que iniuria
nis, subsid
reip. cinem
dem iniuria
cum suo cor
hic autem i
tem, atque
lis hominib
nicus inme
itaque cum
cognoscere
Cn. Mag

Auria, fratris uxor, et iam appropinquare partus uideretur; mulierem ueneno interfecit; ut una illa, & quod erat fratre conceptum, necaretur: postea fratrem aggressus est: qui sero, iam exhausto illo poculo mortis, cum & de suo, & de uxoris interitu clamaret, testamentumq. mutare cuperet, in ipsa significatione huius uoluntatis est mortuus. ita mulierem, ne, partu eius, ab hereditate fraterna excluderetur, necauit: fratris autem liberos prius uita priuauit, quam illi hanc ab natura propriam lucem accipere potuerunt: ut omnes intelligerent, nihil ei clausum, nihil sanctum esse posse, cuius ab audacia fratris liberos ne materni quidem corporis custodia tegere potuisset. Memoria teneo, Milesiam quandam mulierem, cum essem in Asia, quod, ab heredibus secundis accepta pecunia, partum sibi ipsa medicamentis abegisset, rei capitalis esse damnatam: neque iniuria: quæ spem parentis, memoriam nominis, subsidium generis, heredem familiæ, designatū reip. ciuem sustulisset. quanto est Oppianicus in eadem iniuria maiore supplicio dignus? siquidem illa, cum suo corpori uim attulisset, se ipsam crucianit: hic autem idem illud effecit per alieni corporis mortem, atque cruciatum. ceteri non uidentur in singulis hominibus multa paricidia suscipere posse: Oppianicus inuentus est, qui in uno corpore plures necaret. itaque cum hanc eius consuetudinem audaciamque cognosceret auunculus illius adolescentis Oppianici, Cn. Magius; isque graui morbo affectus esset, &

dd 3 heredem

O R A T I O

heredem illum sororis suæ filium faceret : amicis adhibitis , præfente matre sua Dinea , uxorem suam interrogavit , efferet ne prægnans . quæ cum fe efferet refpon diffet ; ab ea petiuit , ut , fe mortuo , apud Dineam , quæ tum ei mulieri focrus erat , quoad pareret , habitaret ; diligentiamq. adhiberet , ut id , quod conceperat , feruaret , ut faluum parere poffet . itaque ei testamento legat grandem pecuniam a filio , fi qui natus efferet ; ab fecundo herede nihil legat . quid de Oppianico fufpicatus fit , uidetis : quid iudicarit , obfcu rum non efferet . nam , cuius filium faceret heredem , eum tutorem liberis non adfcripfit . quid Oppianicus fecerit , cognofcite ; ut illum Magium intelligatis longe animo profpexiffe morientem . Quæ pecunia mulieri legata erat a filio , fi qui natus efferet , eam præfentem Oppianicus , non debitam , mulieri foluit : fi hæc folutio legatorum , & non merces abortionis ap pellanda efferet . quo illa pretio accepto , multisq. præ terea muneribus , quæ tum ex tabulis Oppianici reci tabantur , fpem illam , quam in aluo , commendatâ a uiro , continebat , uicta auaritia , fceleri Oppiani ci uendidit . Nihil poffe iam ad hanc improbitatem addi uidetur . attendite exitum . Quæ mulier , obte ftatione uiri , decem illis menfibus ne domum quidem ullam , nifi focrus suæ , noffe debuit , hæc quinto men fe poft uiri mortem ipfi Oppianico nupsit . quæ nu ptie non diuturnæ fuerunt : erant enim non matrimo nij dignitate , fed fceleris focietate coniunctæ . Quid illa cædes Afini Larinatis , adolefcentis pecuniofi , quàm

P R
quàm clara
na celebrat
t a nequicia
ditus ad libe
commodat a
in Afini con
cus continuo
aliqua mach
E fortunat
cogitata La
id confiliu
di commod
cum Aul
pianicus e
bus com
profufis
nina, & a
re , præfer
mulat e fan
fcens apud
etaret , &
lius , ut er
testament
ad eum , qu
adducit , &
to Afini
conualefc
in hortulo
Esquilina

quàm clara, cum recens fuit, quàm omnium sermo
na celebrata? Fuit *Aiulius* quidam *Larinas*, perdi-
ta nequitia, & summa egestate, arte quadam præ-
ditus ad libidines adolescentulorum excitandas ac-
commodata: qui ut se blanditijs, & assentationibus
in *Asinij* consuetudinem penitus immersit, *Oppiani*
cus continuo sperare cœpit, hoc se *Aiulio*, tanquam
aliqua machina admota, capere *Asinij* adolescentiã,
& fortunas eius patrias expugnare posse. ratio ex-
cogitata *Larini* est, res translata *Romã*. iniri enim
id consilium facilius in solitudine, perfici rem eiusmo-
di commodius in turba posse arbitrati sunt. *Asinius*
cum *Aiulio* *Romam* est profectus. hos uestigijs *Op-*

pianicus consecutus est. iam, ut *Romæ* uixerint, qui-
bus conuiuijs, quibus flagitijs, quantis, & quàm
profusis sumptibus, non modo conscio, sed etiam con-
uiuia, & adiutore *Oppianico*, longum est mihi dice-
re, præsertim ad alia properanti. exitum huius assi-
mulatæ familiaritatis cognoscite. Cum esset adole-
scens apud mulierculam quandam, atque ibi perno-
ctaret, & ibi diem posterum commoraretur; *Aiu-*

lius, ut erat constitutum, simulat se ægrotare, &
testamentum facere uelle. *Oppianicus* obsignatores
ad eum, qui neque *Asinium*, neque *Aiulium* nossent,
adducit, & illum *Asinium* appellat: ipse, testamen-
to *Asinij* nomine obsignato, discedit: *Aiulius* illico
conualescit. *Asinius* autem breui illo tempore, quasi
in hortulos iret, in arenarias quasdam extra portã
Esquilinam perductus, occiditur. qui cum unum iã,

O R A T I O

& alterum diem desideraretur; neque in ijs locis,
 ubi ex consuetudine quærebat, inueniretur; &
 Oppianicus in foro Larinatum dictitaret, nuper se,
 & suos amicos testamentum eius obsignasse: liberti
 Asinij, & non nulli amici, quod eo die, quo postre-
 mum Asinius uisus erat, Aiulium cum eo fuisse, &
 a multis uisum esse constabat, in eum inuadunt, &
 hominem ante pedes Q. Manilij, qui tum erat triu-
 uir, constituunt. atque ille continuo, nullo teste, nul-
 lo indice, recentis maleficij conscientia perterritus,
 omnia, ut a me paullo ante dicta sunt, exponit, Asi-
 niumq. ab se, consilio Oppianici, interfectum fate-
 tur. Extrahitur domo latitans Oppianicus a Mani-
 lio: index Aiulius ex altera parte coram tenetur.
 hic iam quid reliqua queritis? Manilium plerique
 noratis. non ille honorem a pueritia, non studia uirtu-
 tis, non ullum existimationis bonæ fructum unquam
 cogitarat, sed ex petulanti, atque improbo scurra, in
 discordijs ciuitatis, ad eam columnam, ad quam mul-
 torum sæpe conuicijs perductus erat, cum suffragijs po-
 puli peruenerat. itaque rem cum Oppianico trásgit:
 pecuniam ab eo accipit: causam & susceptam, et ma-
 nifestam, relinquit. ac tum in Oppianici causâ crimē
 hoc Asiniani cum testibus multis, tum uero indicio
 Aiulij probabatur: in quo inter allegatos Oppianici
 nomen primum esse constabat, eius, quem uos miserū,
 atque innocentem falso iudicio circūuentum esse dici-
 tis. Quid? aniam tuam, Oppianice, Dineam, cui tu es
 heres, pater tuus non manifesto necauit? ad quam cū
 adduxisset

adduxisset me
 uictorem, pe
 exclama, se
 te suos omnes
 quendam L.
 neam, qui cas
 cum eo HS q
 est demonstr
 raret, cui for
 etus est, rem
 lit. neque po
 moratus. E
 cum tabula
 fuisset, dig
 fecisset, po
 testamento
 adulterinis
 nim uereor,
 tur: nos tam
 partibus exi
 Larini censo
 cauerunt: co
 la contrahere
 affinitibus tu
 illum aditu
 conuincio dig
 omnes abho
 ac pernici
 tamen homi

adduxisset medicū illum suum iam cognitum, & saepe
uictorem, per quem interfecerat plurimos, mulier
exclamat, se ab eo nullo modo uelle curari, quo curan-
te suos omnes perdidisset. tum repente Anconitanum
quendam L. Clodium, pharmacopolam circumfora-
neum, qui casu tum Larinum uenisset, aggreditur, &
cum eo HS quadringentis, id quod ipsius tabulis tum
est demonstratum, transigit. L. Clodius, qui prope-
raret, cui fora multa restarent, simul atque introdu-
ctus est, rem conficit; prima potione mulierem sustu-
lit. neque postea Larini punctum est temporis com-
moratus. Eadem hac Dinea testamentum faciente,
cum tabulas prehendisset Oppianicus, qui gener eius
fuiſſet, digito legata deleuit: & cum id multis locis
fecisset, post mortem eius, ne litteris coargui posset,
testamentum, in alias tabulas transcriptum, signis
adulterinis obſignauit. Multa prætereo consulto: ete-
nim uereor, ne hæc ipsa nimium multa esse uidean-
tur: uos tamen eum similem sui fuisse in ceteris uitæ
partibus existimare debetis. Illum tabulas publicas
Larini censorias corrupisse, decuriones uniuerſi iudi-
cauerunt: cum illo iam nemo rationem, nemo rem ul-
lā contrahebat: nemo illum ex tā multis cognatis, &
affinibus tutorem unquam liberis suis scripsit: nemo
illum aditu, nemo congressione, nemo sermone, nemo
conuiuio dignum iudicabat: omnes aspernabantur,
omnes abhorrebant, omnes ut aliquam immanem,
ac perniciosam bestiam, pestemq. fugiebant. Hunc
tamen hominem, tam audacem, tam nefarium, tam
nocentem,

O R A T I O

nocentem, nunquam accusasset *Habitus*, iudices, si id prætermittere saluo capite suo potuisset, erat huic inimicus *Oppianicus*, erat, sed tamen erat vitricus: crudelis, & huic infesta mater, attamen mater: postremo, nihil tam remotum ab accusatione, quam *Cluentius*, & natura, & uoluntate, & instituta ratione uitæ. sed, cum esset hæc illi proposita condicio, ut aut iuste, pieq. accusaret, aut acerbe, indigneq. moreretur; accusare, quoquo modo posset, quam illo modo emori, maluit. atque ut hæc ita esse perspicere possitis, exponam uobis *Oppianici* facinus, manifestum compertum, atque deprehensum: ex quo simul utrunque, & huic accusare, & illum condemnari necesse fuisse, intelligetis. *Martiales* quidam *Larini* appellabantur, ministri publici *Martis*, atque ei deo ueteribus institutis religionibusq. *Larinatum* consecrati. quorum cum satis magnus numerus esset; cumq. item, ut in *Sicilia* permulti *Veneri* sunt, sic illi *Larini* in *Martis* familia numerarentur: repente *Oppianicus*, eos omnes liberos esse, ciuesq. Romanos, cæpit defendere. grauitè id decuriones *Larinatum*, cunctiq. municipes tulerunt: itaque ab *Habito* petiuerunt, ut eam causam susciperet, publiceque defenderet. *Habitus*, cum se ab omni eiusmodi negotio remouisset, tamen pro loco, pro antiquitate generis sui, pro eo quod se non solum suis commodis, sed etiam suorum municipum, ceterorumq. necessariorum natum esse arbitrabatur, tantæ uoluntati uniuersorum *Larinatum* deesse noluit. suscepta causa, Romanamq.

manq. delat
Habitu
sionis excit
tura Oppian
atque inimic
sua interesse
lium dimouer
Oppianici, h
mentem max
ad illius iudic
fecerat. neq
rat in anim
omnino pr
sciret, (ne
Habito mo
tura: que
mio; orbat
his rebus in
lere conatus
tres gemini
nes inter se
cipium autem
splendor sit
nium constan
ut mea fert
sus est Oppi
omnes, qua
tias studio
uerent, ut

*matrē. delata, magnæ quotidie contentiones inter
 Habitum & Oppianicum ex utriusque studio defen-
 sionis excitabantur. erat ipse immani, acerbāq. na-
 tura Oppianicus: incendebat eius a mentiam infesta,
 atque inimica filio mater Habiti. magni autem illi
 sua interesse arbitrabantur, hunc a causa Martia-
 lium dimouere. suberat etiam alia causa maior, quæ
 Oppianici, hominis auarissimi, atque audacissimi,
 mentem maxime commouebat. nam Habitus usque
 ad illius iudicii tempus nullum testamentum unquam
 fecerat. neque enim, legare eiusmodi matri, pote-
 rat in animum inducere, neque testamento nomen
 omnino prætermittere parentis. id cum Oppianicus
 sciret, (neque enim erat obscurum) intelligebat,
 Habito mortuo, bona eius omnia ad matrem esse uen-
 tura: quæ ab sese postea, aucta pecunia, maiore præ-
 mio; orbata filio, minore periculo necaretur. itaque
 his rebus incensus, qua ratione Habitum ueneno tol-
 lere conatus sit, cognoscite. C. & L. Fabricij fra-
 tres gemini fuerunt, ex municipio Aletrinate, homi-
 nes inter se cum forma, tum moribus similes, muni-
 cipum autem suorum dissimillimi: in quibus quantus
 splendor sit, quàm prope æquabilis, quàm fere om-
 nium constans, & moderata ratio uitæ, nemo uesterū,
 ut mea fert opinio, ignorat. his Fabricijs semper u-
 sus est Oppianicus familiarissime. iam hoc fere scitis
 omnes, quantam uim habeat ad coniungendas amici-
 tias studiorum ac naturæ similitudo. cum illi ita ui-
 uerent, ut nullum quæstum turpem esse arbitraren-
 tur;*

O R A T I O

tur; cum omnis ab his fraus, omnes insidiæ, circum-
 scriptionesq. adolescentium nascerentur; cumq. essent
 uitijs, atque improbitate omnibus noti: studiose, ut
 dixi, ad eorum se familiaritatem multis iam ante an-
 nis Oppianicus applicarat: itaque tunc sic statuit,
 per C. Fabricium (nam L. erat mortuus) insidias
 Habito comparare. erat illo tempore infirma ualetu-
 dine Habitus, utebatur autem medico ignobili, sed
 spectato homine, Cleophanto: cuius seruum Dioge-
 nem Fabricius ad uenenum Habito dandum spe &
 pretio sollicitare cœpit. seruus non incallidus, sed, ut
 ipsa res declarauit, frugi, atque integer, sermonem
 Fabricij non est aspernatus: rem ad dominum detu-
 lit: Cleophantus autem cum Habito est locutus: Ha-
 bitus autem statim cum M. Bebrio senatore, familia-
 rissimo suo, communicauit: qui qua fide, qua pruden-
 tia, qua dignitate fuerit, meminisse uos arbitror. ei
 placuit, ut Diogenem Habitus emeret a Cleophanto,
 quo facilius aut comprehenderetur res eius indicio,
 aut falsa esse cognosceretur. ne multis, Diogenes e-
 mitur: uenenum diebus paucis, multi uiri boni cum
 ex occulto interuenissent, pecuniaq. obsignata, quæ
 ad eam rem dabatur, in manibus Scamandri, liberti
 Fabriciorum, deprehenditur. Pro dii immortales,
 Oppianicum quisquam, his rebus cognitis, circum-
 uentum dicit esse? quis unquam audacior? quis no-
 centior? quis apertior in iudicium adductus est? quod
 ingenium, quæ facultas dicendi, quæ a quoquam ex-
 cogitata defensio huic uni crimini potuit obsistere? si
 mul

mul & illud,
 perta, man
 Cluentio, au
 arbitror dem
 satum esse C
 potuerit. cog
 ut, re semel at
 in iudicium ue
 num nomen e
 deprehender
 der. integre
 cio: simplex
 men allatum
 xi, qui, lib
 lum uidere
 tem, & cu
 bat, frequen
 quam de hon
 men, quod e
 esse arbitra
 dere: idque
 mandri susci
 omne pericu
 talibus iuri
 lam negare
 nifestum est
 mihi tam a
 tur; pollic
 eturum.

mul & illud, quis est, qui dubitet, quin, hac re com-
perta, manifestoq. deprehensa, aut obeunda mors
Cluentio, aut suscipienda accusatio fuerit? Satis esse
arbitror demonstratum, iudices, ijs criminibus accu-
satum esse Oppianicum, ut honeste absolui nullo modo
potuerit. cognoscite nunc, ita reum citatum esse illū,
ut, re semel atque iterum præiudicata, condemnatus
in iudicium uenerit. Nam Cluentius, iudices, pri-
mum nomen eius detulit, cuius in manibus uenenum
deprehenderat. is erat libertus Fabriciorum Scaman-
der. integrum consilium, iudicij corrupti nulla suspi-
cio: simplex in iudicium caussa, certa res, uerum cri-
men allatum est. hic tum Fabricius, is, de quo ante di-
xi, qui, liberto damnato, sibi illud impendere pericu-
lum uideret, quod mihi cum Aletrinatibus uicinita-
tem, & cum plerisque eorum magnum usum esse scie-
bat, frequentes eos ad me domum adduxit. qui quan-
quam de homine, sicut necesse erat, existimabant: ta-
men, quod erat ex eodem municipio, suæ dignitatis
esse arbitrabantur, eum, quibus rebus possent, defen-
dere: idque, a me, ut facerem, & ut caussam Sca-
mandri susciperem, petebant; in qua caussa patroni
omne periculum continebatur. ego, qui neque illis,
talibus uiris, ac tam amantibus mei, rem possem ul-
lam negare; neque illud crimen tantum, ac tam ma-
nifestum esse arbitrarer; sicut nec illi quidem ipsi, qui
mihi tum illam caussam commendabant, arbitraban-
tur; pollicitus ijs sum, me omnia, quæ uellent, esse fa-
cturum. Res agi cæpta est: citatus est Scamander
reus

O R A T I O

reus : accusabat P. Canutius, homo in primis ingeniosus, & in dicendo exercitatus : accusabat autem ille quidem Scamandrum uerbis tribus, uenenum esse deprehensum. omnia tela totius accusationis in Oppianicum conijciebantur : aperiiebatur causa insidiarum : Fabriciorum familiaritas commemorabatur : hominis uita, & audacia proferebatur : denique omnis accusatio, uarie, grauiterq. tractata, ad extremum manifesta ueneni deprehensione conclusa est. Hic ego cum ad respondendum surrexi, qua cura, di immortales, qua sollicitudine animi, quo timore. semper equidem magno cum metu incipio dicere : quotiescunque dico, toties mihi uideor in iudicium uenire non ingenij solum, sed etiam uirtutis, atque officij : ne aut id profiteri uidear, quod non possim implere, quod est impudentia ; aut id non efficere, quod possim, quod est aut perfidia, aut negligentia. tum uero ita sum perturbatus, ut omnia timerem ; si nihil dixissem, ne infantissimus ; si multa in eiusmodi causa dixissem, ne impudentissimus existimarer. collegi me aliquando, & ita constitui, fortiter esse agendum ; illi aetati, qua tum eram, solere laudi dari, etiam si minus firmis causis hominum periculis non defuissem. itaque feci : sic pugnaui, sic omni ratione contendendi, sic ad omnia confugi, quantum ego assequi potui, remedia, ac perfugia causarum, ut hoc, quod timide dicam, consecutus sim, ne quis illi causae patronum defuisse arbitraretur. sed, ut quidquid ego apprehenderam, statim accusator extorquebat e manibus.

P
bus. si quae
bito : fatebat
ille minister
esse dicebat.
mandrum m
fuisse : conce
nis in uxorib
biti uentura
sem, qua in l
existimata e
fatebatur, se
nus. cum eg
sem, Scam
constitutio
mentum,
nis usu uer
tam abditio
uenisset : de
mis hominib
filio Diogen
cum ueneno.
Quintus
ma auctorit
bito, & de
Cleopha
dicio, cum
uerbo ille
tota accusa
bat, nec di

bus . si quæsieram , an inimicitia Scamandro cum Ha-
 bito : fatebatur , nullas fuisse ; sed Oppianicum , cuius
 ille minister fuisset , huic inimicissimum fuisse , atque
 esse dicebat . sin autem illud egeram , nullum ad Sca-
 mandrum morte Habiti uenturum emolumentum
 fuisse : concedebat ; sed ad uxorem Oppianici , homi-
 nis in uxoribus necandis exercitati , omnia bona Ha-
 biti uentura esse dicebat . cum illa defensione usus es-
 sem , quæ in libertinorum caussis honestissima semper
 existimata est , Scamandrum patrono esse probatum :
 fatebatur , sed quærebat , cui probatus esset ipse patro-
 nus . cum ego pluribus uerbis in eo commoratus es-
 sem , Scamandro factas insidias esse per Diogenem ,
 constitutumq̃ . inter eos de alia re fuisse ; ut medica-
 mentum , non uenenum , Diogenes afferret ; hoc cui-
 us usu uenire posse : quærebat , cur in eiusmodi locū ,
 tam abditum , cur solus , cur cum obsignata pecunia
 uenisset : denique hoc loco caussa testibus honestissi-
 mis hominibus premebatur . M . Bebrius de suo con-
 silio Diogenem emptum , se præsentē Scamandrum
 cum ueneno , pecuniaq̃ . deprehensum esse dicebat . P .
 Quintius Varus , homo summa religione , & sum-
 ma auctoritate præditus , de insidijs , quæ fierent Ha-
 bito , & de sollicitatione Diogenis , recenti re , secum
 Cleophantum locutum esse dicebat . Atque in illo iu-
 dicio , cum Scamandrum nos defendere uideremur ,
 uerbo ille reus erat , re quidem uera , & periculo , &
 tota accusatione Oppianicus : neque id obscure fere-
 bat , nec dissimulare ullo modo poterat : aderat fre-
 quens :

O R A T I O

quens ; aduocabat ; omni studio , gratiaq. pugnabat ;
 postremo , id quod maximo malo illi causse fuit , hoc
 ipso loco , quasi reus ipse esset , sedebat . oculi omnium
 iudicum non in Scamandrum , sed in Oppianicum cōij
 ciebantur : timor eius , perturbatio , suspensus , incer
 tusq. uultus , crebra coloris mutatio , quæ erant an
 tea suspiciosa , hæc aperta , ac manifesta faciebant .
 Cum in consilium iri oporteret , quæsiuit ab reo C. Lu
 nius Quæsitō ex lege illa Cornelia , quæ tum erat ,
 clam an palam de se sententiam ferri uellet ? de Op
 pianici sententia responsum est , quod is Habiti fami
 liarem Iunium esse dicebat , clam uelle ferri . itum est
 in consilium : omnibus sententijs , præter unam , quam
 suam Stalenus esse dicebat , Scamander prima actio
 ne condemnatus est . quis tum erat omnium , qui , Sca
 mandro condemnato , non iudicium de Oppianico fa
 ctum esse arbitraretur ? quid est illa damnatione iudi
 catum , nisi uenenum id , quod Habito daretur , esse
 quæsitum ? quæ porro tenuissima suspicio collata in
 Scamandrum est , aut conferri potuit , ut is sua sponte
 necare uoluisset Habitum putaretur ? atque , hoc tum
 iudicio facto , & Oppianico re , & existimatione iā ,
 lege , & pronuntiatione nondum condemnato , tamē
 Habitus Oppianicum reum statim non fecit : uoluit
 cognoscere , utrum iudices in eos solos essent seueri ,
 quos uenenum habuisse ipsos comperissent ; an etiam
 consilia , conscientiasq. eiusmodi facinorum supplicio
 dignas iudicarent . itaque C. Fabricium , quem pro
 pter familiaritatem Oppianici consciū illi facinori
 fuisse

P R
 fuisse arbit
 primus con
 impetrant
 victus, &
 se neque
 bu potuit
 quamuis
 putabamus
 tia. itaque
 cassi enu
 nes indus
 di potestas
 ponerent
 ratum est
 difficillim
 mus quer
 difficillim
 tronus ad
 ci nihil pra
 tem praest
 paucis uer
 incipit, le
 maior Cep
 erigebat
 pianicus
 animos in
 nis impu
 dicere, a
 se noia m

fuisse arbitrabatur, reum statim fecit: utq. ei locus primus constitueretur, propter causſæ coniunctionem impetrauit. Hic tum Fabricius nō modo ad me meos uicinos, & amicos Aletrinales non adduxit, sed ipse ijs neque defensoribus uti postea, neque laudatoribus potuit. rem enim integram hominis non alieni, quamuis suspiciosam, defendere, humanitatis esse putabamus; iudicatam labefactare conari, impudentiæ. itaque tum ille, inopia & necessitate coactus, in causſa eiusmodi ad Cepasios fratres confugit, homines industrios, atque eo animo, ut, quæcunque dicendi potestas esset data, in honore, atque in beneficio ponerent. Iam, hoc quoque prope iniquissime comparatum est; quod in morbis corporis, ut quisque est difficillimus, ita medicus nobilissimus, atque optimus quæritur; in periculis capitis, ut quæque causſa difficillima est, ita deterrimus, obscurissimusq. patronus adhibetur, nisi forte hæc causſa est, quod medici nihil præter artificium, oratores etiam auctoritatem præstare debent. Citatur reus: agitur causſa: paucis uerbis accusat, ut de re iudicata, Caninius. incipit, longo, & alte petito proæmio respondere maior Cepasius. primo attente auditur eius oratio. erigebat animum iam demissum, & oppressum Oppianicus: gaudebat ipse Fabricius: non intelligebat, animos iudicium nō illius eloquentia, sed defensionis impudentiæ commoueri. postea quā de re cœpit dicere, ad ea, quæ erant in causſa, addebat etiam ipse nonnulla quædam uulnera. hoc quanquam sedulo faciebat,

O R A T I O

bat, tamen interdum non defendere, sed prauaricari accusationi uidebatur. itaque cum callidissime se dicere putaret; & cum illa uerba grauissima ex intimo artificio deprompsisset, Respicite iudices hominum fortunas, respicite dubios, uariosq. casus, respicite C. Fabricij senectutem; cum hoc, Respicite, ornanda orationis causa, saepe dixisset, respexit ipse: at C. Fabricius a subsellijs demisso capite discesserat. hic iudices ridere; stomachari, atque acerbe ferre patronus causam sibi eripi, & se cetera de illo loco, Respicite iudices, non posse dicere: nec quidquam propius est factum, quam ut illum persequeretur, et collo oborto ad subsellia reduceret, ut reliqua posset perorare. Iam tum Fabricius primum suo iudicio, quod est grauissimum, deinde legis ui, & sententijs iudicum est condemnatus. Quid est, quod iam de Oppianici causa plura dicamus? apud eosdem iudices reus est factus, cum is duobus praedictis iam damnatus esset: ab iisdem autem iudicibus, qui Fabriciorum damnatione de Oppianico iudicabant, locus ei primus est constitutus: accusatus est criminibus grauissimis, ijs, quae a me breuiter dicta sunt, & praeterea multis, quae ego omnia nunc omitto: accusatus est apud eos, qui & Scamandrum, ministrum Oppianici, & Fabricium, conscium maleficij, condemnarant. Vtrum, per deos immortales, magis est mirandum, quod is condemnatus est, an quod omnino respondere ausus est? quid enim illi iudices facere potuerunt? qui si innocentes Fabricios condemnassent, tamen in Oppianico

P R
nico sibi co
debuerunt
cum ceteri
cuius discre
berum, q
nam, quia
pem, atq
qui ceteros
causa con
iam accepe
toria non f
dine notat
sioni loci
ces respo
Scamand
sernum
morte Sc
ster erat
ira? quia
bertus aut
lum exper
ipsam Opp
absolutio
quis tant
tantam li
hoc uidet
illo iudic
dicibus,
simul illo

nico sibi constare, & superioribus consentire iudicijs debuerunt. an uero illi sua per se iudicia rescinderent, cum ceteri soleant in iudicando, ne ab aliorum iudicijs discrepent, prouidere? & illi, qui Fabricij libertum, quia minister in maleficio fuerat; patronum, quia conscius, condemnassent; ipsum principem, atque architectum sceleris absoluerent? & qui ceteros, nullo praeiudicio facto, tamen ex ipsa causa condemnassent; hunc, quem bis condemnatum iam acceperat, liberarent? tum uero illa iudicia senatoria non falsa inuidia. sed uera atque insigni turpitudine notata, atque operta dedecore, et infamia, defensionis locum nullum reliquissent. quid enim tandem illi iudices responderent, si quis ab ijs quereret: condemnastis Scamandrum, quo crimine? nempe, quod Habitum per seruum me dici ueneno necare uoluisset. quid Habitum morte Scamander consequeretur? nihil; sed ad minister erat Oppianici. condemnastis C. Fabricium; quid ita? quia, cum ipse familiarissime Oppianico usus, libertus autem eius in maleficio deprehensus esset, illum experte eius consilij fuisse non probatur. Si igitur ipsum Oppianicum, bis suis iudicijs condemnatum, absoluisent; quis tantam turpitudinem iudiciorum, quis tantam inconstantiam rerum iudicatarum, quis tantam libidinem iudicum ferre potuisset? Quod si hoc uidetis, quod iam omni oratione patefactum est, illo iudicio reum condemnari, presertim ab iisdem iudicibus, qui duo praeiudicia fecissent, necesse fuisse: simul illud uideatis, necesse est, ullam accusatori causam

O R A T I O

sam esse potuisse, cur iudicium uellet corrumpere. Quæro enim abs te, T. Ati, relictis iam ceteris argumentis omnibus, num Fabricios quoque innocentes condemnatos existimes? num etiam illa iudicia pecunia corrupta esse dicas, quibus iudicijs alter a Staleno solo absolutus est, alter etiam ipse se condemnauit? age, si nocentes, cuius maleficij? num quid, præter uenenum quaesitum, quo Habitus necaretur, obiectum est? num quid aliud in illis iudicijs uersatum est, præter hæc insidias Habito ab Oppianico per Fabricios factas? nihil, inquam, aliud, iudices, reperi-tis. extat memoria: sunt tabulæ publicæ: redargue me, si mentior: testium dicta recita: doce, in illorum iudicijs quid, præter hoc uenenum Oppianici, non modo in criminis, sed in maledicti loco sit obiectum. Multa dici possunt, quare ita necesse fuerit iudicari: sed ego occurram expectationi uestræ, iudices: nam etsi a uobis sic audior, ut nunquam benignius, neque attentius quenquam auditum putem: tamen uocat me aliò iam dudum tacita uestra expectatio, quæ mihi obloqui uidetur: Quid ergo? negas ne illud iudicium esse corruptum? non nego: sed, ab hoc corruptum non esse, confirmo. a quo igitur est corruptum? opinor, primum, si incertum fuisset, quisnam exitus, illius iudicij futurus esset, uerisimilius tamen esset, eum potius corrupisse, qui metuisset ne ipse condemnaretur, quàm illum, qui ueritus esset

et R
esset, ne al
ni dubium
potius, q
eum, qui
te potius
dilect, qua
set. amant
Cluentio,
ruptum ill
ab Oppian
bito; uim
pianico;
cui, rat
quo int
men de
illa non
ter: cum
qui metue
tione non
rit audaci
babeam r
nifestam
non est n
dici pecu
rumpend
appello,
loquentia
te deplor
iudici pec

esset, ne alter absolueretur : deinde , cum esset nemi-
ni dubium , quid iudicari necesse esset , eum certe
potius , qui sibi aliqua ratione diffideret , quàm
eum , qui omniratione consideret : postremo , cer-
te potius illum , qui bis apud eos iudices offen-
disset , quàm illum , qui bis causam ijs probauis-
set . unum quidem certe , nemo erit tam iniquus
Cluentio , qui mihi non concedat , si constet cor-
ruptum illud esse iudicium , aut ab Habito , aut
ab Oppianico esse corruptum . si doceo , non ab Ha-
bito ; uinco , ab Oppianico : si ostendo , ab Op-
pianico ; purgo Habitum . quare , etsi satis do-
cui , rationem nullam huic corrumpendi fuisse , ex
quo intelligitur ab Oppianico esse corruptum : ta-
men de illo ipso separatim cognoscite . Atque ego
illa non argumentabor , quæ sunt grauias uehemen-
ter : eum corrupisse , qui in periculo fuerit ; eum ,
qui metuerit ; eum , qui spem salutis in alia ra-
tione non habuerit ; eum , qui semper singulari fue-
rit audacia . multa sunt eiusmodi : uerum , cum
habeam rem non dubiam , sed apertam , atque ma-
nifestam , enumeratio singulorum argumentorum
non est necessaria . Dico , C . Aelio Staleno iu-
dici pecuniam grandem Statium Aluum ad cor-
rumpendum iudicium dedisse . num quis negat ? te
appello , Oppianice , te T . Ati : quorum alter e-
loquentia damnationem illam , alter tacita pieta-
te deplorat . audete negare , ab Oppianico Staleno
iudici pecuniam datam : negate , negate , inquam , in

ORATIO

eo loco . quid reticetis ? at negare non potestis , quod repetistis , quod confessi estis , quod abstulistis . quo tandem igitur ore mentionē corrupti iudicij facitis , cum ab ista parte iudici pecuniam ante iudicium datam , post iudicium ereptam esse fateamini ? Quonā igitur hæc modo gesta sunt ? repetam paullo altius , iudices : & omnia , quæ in diuturna obscuritate latuerunt , sic aperiam , ut ea cernere oculis uideamini . uos quæso , ut adhuc me attente audistis , item , quæ reliqua sunt , audiat : profecto nihil a me dicitur , quod non dignum hoc conuentu & silentio , dignum uestris studijs , atque auribus esse uideatur . Nam ut primum Oppianicus ex eo , quod Scamander reus erat factus , quid sibi impenderet , cæpit suspicari ; statim se ad hominis egentis , audacis , in iudicijs corrumpendis exercitati , tum autem iudicis , Staleni familiaritatem applicauit . ac primum , Scamandro reo , tantum donis datis muneribusq̃ . proferat , ut eo auctore uteretur cupidior , quam fides iudicis postulabat . post autem , cum esset Scamander unius Staleni sententia absolutus , patronus autē Scamandri ne sua quidem sententia liberatus ; acrioribus saluti suæ remedijs subueniendum putauit . tum a Staleno , sicut ab homine ad excogitandum acutissimo , ad audendum impudentissimo , ad efficiendum acerrimo , (hæc enim ille & aliqua ex parte habebat , & maiore ex parte se habere simulabat) auxilium capiti & fortunis suis petere cæpit . Iam hoc non ignoratis , iudices , ut etiam bestię , famē domi-

nante,

P R
nante, ple
do sunt, re
causam bo
num se iud
accepisset
fimo, nec b
pecuniam p
ditates sua
set; statuit
dicales re
perditum,
promissis
ti desperat
pit, ut si
ille autem
est audire
ter se, qu
quod ad ill
mis, & in
bat: post e
poscit, de
HS DCXL
simul atq
statim cap
fari: nihil
nicum co
aut iudici
damnat
cogit at

nante, plerunque ad eum locum, ubi pastæ aliquando sint, reuertantur. Stalenus ille biennio ante, cum caussam bonorum Sasinij Atellæ recepisset, DC nummum se iudicium corrupturum esse dixerat. quæ cum accepisset a pupillo, suppressit, iudicioq. factò, nec Sasinio, nec bonorum emptoribus reddidit. quam cum pecuniam profudisset, & sibi nihil non modo ad cupiditates suas, sed ne ad necessitatem qui dem reliquisset; statuit ad easdem sibi prædas, ac suppressiones iudiciales reuertendum. itaque cum Oppianicum iam perditum, et duobus iugulatum præiudicijs uideret, promissis eum suis excitauit abiectum, & simul saluti desperare uetuit. Oppianicus orare hominem cæpit, ut sibi rationem ostenderet iudicij corrumpendi. ille autem, quemadmodum ex ipso Oppianico postea est auditum, negauit quenquam esse in ciuitate, præter se, qui id efficere posset: sed primo grauari cæpit, quod adilitatem se petere cum hominibus nobilissimis, & inuidiam, atque offensionem timere dicebat: post exoratus, initio per magnam pecuniam poposcit, deinde ad id peruenit, quod confici potuit, & HS DCXL deferri ad se domum iussit. quæ pecunia simul atque ad eum delata est, homo impurissimus statim cæpit in eiusmodi mente, & cogitatione uersari: nihil esse suis rationibus utilius, quàm Oppianicum condemnari: illo absoluto, pecuniam illam aut iudicibus dispartendam, aut ipsi esse reddendam; damnato, repetiturum esse neminem. itaque rem excogitat singularem. Atque hæc, iudices, quæ uere

ORATIO

dicuntur a nobis , facilius credetis , si cum animis ue-
 stris longo intervallo recordari C. Staleni uitam , &
 naturam uolueritis . nam , perinde ut opinio est de
 cuiusque moribus , ita , quid ab eo factum , & non
 factum sit , existimari potest . Cum esset egens , sum-
 ptuosus , audax , callidus , perfidiosus ; & cum do-
 mi suæ , miserrimus , & inanissimus , tantum num-
 morum positum uideret ; ad omnem malitiam , &
 fraudem uersare mentem suam , hæc secum cogitans ,
 cœpit . Dem ne iudicibus ? mihi igitur ipsi , præter
 periculum , & infamiam , quid quæretur ? nihil ex-
 cogitem , quamobrem Oppianico damnari necesse sit ?
 quid tandem , (nihil enim est , quod fieri non possit)
 si quis eum forte casus ex periculo eripuerit ; non ne
 reddendum est ? præcipitantem igitur impellamus ,
 inquit , & perditum prosternamus . capit hoc consi-
 lium , ut pecuniam quibusdam iudicibus leuissimis
 polliceatur , deinde eam postea supprimat : ut , quoniã
 graues homines , sua sponte se uere iudicatu-
 ros puta-
 bat , hos , qui leuiore-
 erant , destitutione iratos Op-
 pianico redderet . itaque , ut erat semper præpos-
 terus , atque peruersus , initium facit a Bulbo , et eum ,
 quod iam diu nihil quæsierat , tristem , atque oscitan-
 tem , leuiter impellit . quid tu , inquit ? ecquid me ad-
 diuinas Bulbe , ne gratis reip. seruiamus ? ille uero ,
 simul atque hoc audiuit ; Ne gratis ; quod uoles , in-
 quit , sequar : sed quid affers ? tum ei quadraginta
 millia , si esset absolutus Oppianicus pollicetur , et eum
 ut ceteros appellet , quibuscum loqui consuesset , ro-
 gat :

P R
 gat : atque
 aspergit
 est , mihi
 nus et alio
 delat : se
 ur . tum ap
 blandissime
 Staleni co
 rat ; ne , si
 quam gene
 mecum loc
 ille planus
 qui illi pec
 mo incub
 ciem , at q
 ritur se ad
 ex fraude
 natura ha
 malitiis co
 co desitua
 sententia ,
 rinatum in
 dam mem
 que tam fa
 que tam ex
 ea obscur
 rito homi
 corruptum
 bittaretur

gat : atque etiam ipse, conditor totius negotij, Cuttā
 aspergit huic Bulbo . itaque minime amarus is uisus
 est, qui aliquid ex eius sermone speculæ degustarat. u-
 nus et alter dies intercesserat, cum res parū certa ui-
 debatur: sequester, et cōfirmator pecuniæ desideraba-
 tur . tum appellat hilari uultu hominem Bulbus , ut
 blandissime potest : quid tu, inquit, Pæte? (hoc enim
 Stalenus cognomen ex imaginibus Aeliorum delege-
 rat ; ne, si se Ligurem, fecisset, nationis magis suæ,
 quàm generis, uti cognomine uideretur) qua de re
 mecum locutus es, quærunt a me ubi sit pecunia . hic
 ille planus, improbißimus, quæstu iudiciario pastus,
 qui illi pecuniæ, quam condiderat, spē iam atque ani-
 mo incubaret, contrahit frontem, (recordamini fa-
 ciem, atque illos eius fictos simulatosq. uultus) que-
 ritur se ab Oppianico destitutum : & , qui esset totus
 ex fraude & mendacio factus, quiq. ea uitia, quæ a
 natura habebat, etiam studio, atque artificio quodā
 malitiæ condiuisset, pulchre asseuerat, se ab Oppiani-
 co destitutum : atque hoc addit testimonij, sua illum
 sententia, quam palam omnes laturi essent, conde-
 mnatum iri. manarat sermo in consilio, pecuniæ quan-
 dam mentionem inter iudices esse uersatam : res ne-
 que tam fuerat occulta, quàm erat occultanda ; ne-
 que tam erat aperta, quàm reip. causa aperienda. in
 ea obscuritate, ac dubitatione omnium, Canutio, pe-
 rito homini, qui quodam odore suspicionis Stalenum
 corruptum esse sensisset, neque dum rem profectam ar-
 bittaretur, placuit, repente iudices pronunciare . iudi-
 ces,

ORATIO

ces, se id uelle, dixerunt. hic tum Oppianicus non magnopere pertimuit : rem a Staleno perfectam esse arbitrabatur . in consilium erant ituri iudices triginta & duo : sententijs decem & sex absolutio confici poterat : HS x l, in singulos iudices distributa, eum numerum sententiarum conficere debebant ; ut ad cumulum, spe maiorum præmiorum, ipsius Staleni sententia septimadecima accederet . atque etiam casu tum, quod illud repente erat factum, Stalenus ipse non aderat ; causam nescio quam apud iudicem defendebat . facile hoc Habitus patiebatur, facile Canutius, at non Oppianicus, neque patronus eius L. Quintus : qui cum esset eo tempore tribunus pl. conuictum C. Iunio, iudici quæstionis, maximum fecit, ut ne sine Staleno in consilium iretur : cumq. id ei per uiatores consulto negligentius agi uideretur, ipse a publico iudicio ad priuatum Staleni iudicium profectus est, & illud pro potestate dimitti iussit ; Stalenum ipse ad subsellia adduxit . consurgitur in consilium, cum sententias Oppianicus, quæ tum erat potestas, palam ferri uelle dixisset, ut Stalenus scire posset, quid cuique deberetur . uaria iudicum genera ; nummarij pauci, sed omnes irati . ut enim, qui accipere in campo consueuerunt, ijs candidatis, quorum nummos suppressos esse putant, inimicissimi solent esse : sic eiusmodi iudices infestum reo uenerant : ceteri nocentissimum esse arbitrabantur ; sed spectabant sententias eorum, quos corruptos putabant ; ut ex ijs constituerent, a quo iudicium corruptum uideretur . ecce tibi eiusmodi sortitio,

PR
tio, ut in pri
iudicandum
sententia
illi omnes
inictus est
tio, quidnam
ex uetere ill
uere homine
quo esset ort
incognita p
dixerunt . n
riant, quo
tere : &
men nihil
putabant
nino fuerat
cum, siue
suspicionem
denotato O
xime popu
uentos coll
putant, n
eius ordin
trabatur
& graui
reum con
fortunas
niosum in
posse . ho

tio, ut in primis Bulbo, & Staleno, & Guttæ esset iudicandum. summa omnium expectatio, quidnam sententiæ ferrent leues, ac nummarij iudices. atque illi omnes sine ulla dubitatione condemnant. hic tum iniectus est hominibus scrupulus, & quædam dubitatio, quidnam esset actum, deinde homines sapientes, ex uetere illa disciplina iudiciorum, qui neque absolvere hominem nocentissimum possent; neque eum, de quo esset orta suspicio, pecunia oppugnatum, re illa incognita primo condemnare uellent; non liquere, dixerunt. non nulli autem, seueri homines, hoc statuerunt, quo quisque animo quid faceret, spectari oportere: & si alij pecunia accepta uerum iudicabant, tamen nihilo minus se superioribus suis iudicijs constare putabant oportere: itaque damnarunt. quinque omnino fuerunt, qui illum uestrum innocentem Oppianicum, siue imprudentia, siue misericordia, siue aliqua suspicione, siue ambitione adducti, absoluerent. Condemnato Oppianico, statim L. Quinctius, homo maxime popularis, qui omnes rumorum, & concionum uentos colligere consuesset, oblatam sibi facultatem putauit, ut ex inuidia senatoria posset crescere; quod eius ordinis iudicia minus iam probari populo arbitrabatur. habetur una atque altera concio uehemens, & grauis: accepisse pecuniam iudices, ut innocentem reum condemnarent, tribunus pl. clamitabat: agi fortunas omnium dicebat, nulla esse iudicia; qui pecuniosum inimicum haberet, incolumem esse neminem posse. homines totius ignari negotij, qui Oppianicum nunquam

nunquam uidissent, uirum optimum, & hominem prudentissimum, pecunia oppressum arbitrarentur, incensum si suspicione rem in medium uocare cœperunt, & causam illam totam deposcere. Atque illo ipso tempore in ades T. Annij, hominis honestissimi, necessarij, & amici mei, noctu Stalenus, accersitus ab Oppianico, uenit. iam cetera nota sunt omnibus: ut cum illo Oppianicus egerit de pecunia: ut ille se redditurum esse dixerit: ut eorum sermonem omnem audierint uiri boni, qui tum consulto prope in occulto stetissent: ut res patefacta atque in forum prolata, & pecunia omnis a Staleno extorta, atque erepta sit. huius Staleni persona, populo iam nota, atque perspecta, ab nulla turpi suspicione abhorrebat: suppressam esse ab eo pecuniam, quam pro reo pronunciaisset, qui erant in concione, non intelligebant: neque enim docebantur: uersatam esse in iudicio mentionem pecuniæ sentiebant: innocentem reum condemnatum esse audiebant: Staleni sententia condemnatum uidebant: non gratis id ab eo factum esse, quod hominem norant, iudicabant. similis in Bulbo, in Gutta, in alijs non nullis suspicio consistebat. itaque confiteor, (licet enim iam impune, hoc præsertim in loco, confiteri) quod Oppianici non modo uita, sed etiam nomen ante illud tempus populo ignotum fuisset; indignissimum porro uideretur, circumuentum esse innocentem pecunia; hanc deinde suspensionem auget Staleni improbitas, & non nullorum eius similium iudicum turpitudine; causam autem ageret L. Quinctius, homo cum summa

PR
ma potestate
mos multitudine
cio in iudicio
hanc summam
ni præfuerat
nem ad iudicium
constitutum,
hominum de
tum. neque
lo, causam
net eadem,
iniquitas,
mali fuit,
itaque, nudo
do ab ijs,
etiam ab
tum si dicer
immo eadem
te. Quis tum
tum esse Opp
tum posset
cium pecuniam
cui tum lio
tum deum
demonstrat
re conetur
gaur, or
aquitas
terea, quod

ma potestate praeitus, tum ad inflammandos animos multitudinis accommodatus; summam illi iudicio invidiam, infamiamque esse conflatam. atque in hanc flammam recentem C. Iunium, qui illi quaestioni praefuerat, iniectum esse memini, & illum, hominem edilicium, iam praetorem opinionibus hominum constitutum, non disceptatione dicendi, sed clamore hominum de foro, atque adeo de ciuitate esse sublatum. neque me paenitet, hoc potius tempore, quam illo, causam A. Cluentij defendere. causa enim manet eadem, quae mutari nullo modo potest: temporis iniquitas, atque inuidia recessit: ut, quod in tempore mali fuit, nihil obsit; quod in causa boni fuit, prosit. itaque, nunc quemadmodum audiar, sentio, non modo ab ijs, quorum iudicium, atque potestas est, sed etiam ab illis, quorum tantum est existimatio. at, tum si dicerem, non audirer; non quod alia res esset; immo eadem, sed tempus aliud. id adeo sic cognoscite. Quis tum auderet dicere, nocentem condemnatum esse Oppianicum? quis nunc audet negare? qui tum posset arguere, ab Oppianico tentatum esse iudicium pecunia? quis in hoc tempore inficiari potest? cui tum liceret docere, Oppianicum reum factum esse tum denique, cum, duobus proximis praedictis, condemnatus esset? quis est, qui id hoc tempore infirmare conetur? Quare, inuidia remota, quam dies mitigauit, oratio mea deprecata est, uestra fides, atque aequitas a ueritatis disceptatione reiecit, quid est praeterea, quod in causa relinquitur? uersatam esse in iudicio

O R A T I O

dicio pecuniam constat : ea, quæritur, unde profecta sit, ab accusatore, an ab reo. Accusator dicit hæc : primum, grauissimis criminibus accusabam, ut nihil opus esset pecunia : deinde, condemnatum adducebā, ut ne eripi quidem pecunia posset : postremo, etiam si absolutus esset, mearum tamen omnium fortunarum status incolumis maneret. Quid contra reus ? primum, ipsam multitudinem & atrocitatem criminum pertimescebam : deinde, Fabricijs propter conscientiam mei sceleris condemnatis, me esse condemnatum sentiebam : postremo, in eum casum ueneram, ut omnis mearum fortunarum status unius iudicij periculo contineretur. Age, quoniam corrumpendi iudicij causas ille multas, & graues habuit, hic nullam ; profectio ipsius pecuniæ requiratur. Confecit tabulas diligentissime Cluentius. hæc autem res habet hoc certe, ut nihil possit, neque additum, neque detractum de re familiari, latere. anni sunt octo, cum ista causa in ista meditatione uersatur : cum omnia, quæ nunc ad eam rem pertinent, & ex huius, & ex aliorum tabulis agitis, tractatis, inquiritis : cum interea Cluentianæ pecunia uestigium nullū inuenitis. Quid ? Albiana pecunia uestigijs ne uobis odoranda est, an ad ipsum cubile uobis ducibus uenire possumus ? tenentur uno in loco HS D C X L : tenentur apud hominem audacissimum : tenentur apud iudicem. quid uultis amplius ? At enim Stalenus non fuit ab Oppiano, sed a Cluentio ad iudicium corrumpendum constitutus. Cur eum, cum in consilium iretur, Cluentius,

&

P R
 & Caninius
 mittebant, S
 rant, non re
 Etius flagit
 tribumia po
 uit. Hanc em
 bo, & ceteri
 Quare, si isti
 cinia, istinc
 audacia est ;
 cio pecunia,
 mini, uerit
 eò transire
 maleficia o
 do, ad que
 enim pecu
 rumpende
 Tene hoc,
 que exercit
 cuit eum, t
 proxime ac
 obtemperer
 tus est is, c
 quod stulte
 conciliatio
 faucibus p
 tum loque
 dit concili
 hominum

Et Canutius abesse patiebantur? cum in consilium
mittebant, Stalenum iudicem, cui pecuniam dede-
rant, non requirebant? Oppianicus quærebat? Quin
Etius flagitabat? sine Staleno ne in consilium iretur,
tribunicia potestate perfectum est? At condemna-
uit. Hanc enim damnationem dederat obsidem Bul-
bo, & ceteris, ut destitutus ab Oppianico uideretur.
Quare, si istinc causa corrumpendi iudicii, istinc pe-
cunia, istinc Stalenus, istinc denique omnis fraus &
audacia est; hinc pudor, honesta uita, & nulla suspi-
cio pecuniæ, nulla corrumpendi iudicii causa: patia-
mini, ueritate patefacta, atque omni errore sublato,
eò transire illius turpitudinis infamiam, ubi cetera
maleficia consistant; ab eo inuidiam discedere aliquan-
do, ad quem nunquam accessisse culpam uidetis. At
enim pecuniam Staleno dedit Oppianicus non ad cor-
rumpendum iudicium, sed ad conciliationem gratiæ.
Te ne hoc, Ati, dicere, tali prudentia, etiam usu at-
que exercitatione præditum? sapientissimum esse di-
cunt eum, cui, quod opus sit, ipsi ueniat in mentem;
proxime accedere illum, qui alterius bene inuentis
obtemperet. in stultitia contra est. minus enim stul-
tus est is, cui nihil in mentem uenit, quàm ille, qui,
quod stulte alteri uenit in mentem, comprobatur. istam
conciliationem gratiæ Stalenus tum recentire, cum
faucibus premeretur, excogitauit; siue, ut homines
tum loquebantur, a P. Cethego admonitus, istam de-
dit conciliationis & gratiæ fabulam. nam fuisse hunc
hominum sermonem recordari potestis, Cethegum,
quod

O R A T I O

quòd hominem odisset, & quòd eius improbitatem
uersari in rep. nollet, & quòd uideret eum, qui se ab
reo pecuniam, cum iudex esset, clam atque extra or-
dinem accepisse confessus esset, saluum esse non posse,
minus ei fidele consilium dedisse. in hoc si improbus
Cethegus fuit; uidetur mihi aduersarium remouere
uoluisse. sin erat eiusmodi caussa, ut Stalenus, num-
mos se accepisse, negare non posset; nihil autem erat
periculosius, nec turpius, quàm, ad quam rem acce-
pisset, confiteri: non est consilium Cethegi reprehen-
dendum. Verum alia caussa tum Staleni fuit, alia
nunc, Ati, tua est. ille, cum re premeretur, quodcum-
que diceret, honestius diceret, quàm si, quod erat fa-
ctum, fateretur: te uero illud idem, quod tum explo-
sum & eiectum est, nunc retulisse demiror. qui enim
poterat tum in gratiam redire cum Oppianico Cluen-
tius? qui cum matre habebat simultates: hærebat in
tabulis publicis reus, & accusator: condemnati erāt
Fabricij: nec elabi, alio accusatore, poterat Albius,
nec sine ignominia calumniæ relinquere accusationē
Cluentius. An, ut præuicaretur? Iam id quoque
ad corrumpendum iudicium pertinet. sed quid opus
erat ad eam rem iudice sequestre? & omnino, quam-
obrem tota ista res per Stalenum potius, hominem ab
utroque alienissimum, sordidissimum, turpissimum,
quàm per bonum aliquem uirum ageretur, & ami-
cum, necessariumq. communem? Sed quid ego hæc
pluribus, quasi de re obscura, disputo? cum ipsa pe-
cunia numero ac summa sua,
non

PR
non modo qu
fuerit, ostend
cus absoluer
D C L aff
de caussa; qu
uale? sin, ut
decim iudici
potuit descri
sint, a Cluen
ro ante hoc t
iudicium non
ita diu iact
caussa illa
cem contr
runt amen
ad omnia
que facta p
tim ruina f
& disceptat
ualere; par
modi, ut ne
que existim
uem, quam
tam a nobis
eius, attenti
qui ei quid
cet: tum e
nis. non re
per tribu

non modo quanta fuerit, sed etiam ad quam rem data fuerit, ostendat. sexdecim dico iudices, ut Oppianicus absolueretur, corrupendos fuisse; ad Stalenum D C X L esse delata: si, ut tu dicis, gratiæ concilianda causa; quadraginta istorum accessio millium quid ualeat? sin, ut nos dicimus, ut D C X L nummum sexdecim iudicibus darentur; non Archimedes melius potuit describere. At enim iudicia facta permulta sunt, a Cluentio iudicium esse corruptum. imino uero ante hoc tempus omnino ista ipsa res suo nomine in iudicium nunquam est uocata: ita multum agitata, ita diu iactata ista res est, ut hodierno die primum causa illa defensa sit; hodierno die primum ueritas uocem contra inuidiam, his iudicibus freta, miserit. ueruntamen multa ista iudicia quæ sunt? ego enim me ad omnia confirmaui, & sic paraui, ut docerem, quæ facta postea iudicia de illo iudicio dicerentur, partim ruinæ similia, aut tempestati, quam iudicio, & disceptationi fuisse; partim nihil contra Habitum ualere; partim etiam pro hoc esse; partim esse eiusmodi, ut neque appellata unquam iudicia sint, neque existimata. Hic ego, magis ut consuetudinem seruem, quam quod uos nō uestra hoc sponte faciatis, petam a uobis, ut me, dum de his singulis disputo iudicijs, attente audiatis. Condemnatus est C. Iunius, qui ei quæstioni præfuerat. Adde etiam illud, si placeat: tum est condemnatus, cum esset iudex quæstionis. non modo causæ, sed ne legi quidem quidquam per tribunum pl. laxamenti datum est. quo tempore
ff illum

illum a quæstione ad nullum aliud reip. munus abdu-
ci licebat, eo tempore ad quæstionem ipse abreptus
est. at quam quæstionem? uultus enim uestri, iudi-
ces, me inuitant, ut quæ reticenda putaram, libeat
iam libere dicere. Quid? illa tandem quæstio, aut
disceptatio, aut iudicium fuit? putabo fuisse. dicat,
qui uult, hodie, de illo populo concitato, cui tum
mos gestus est, qua de re Iunius causam dixerit. quæ-
cunque rogaris, hoc respondebit, quod pecuniam ac-
ceperit, quod innocentem circumuenerit. est hæc o-
pinio. at, si ita esset, hac lege accusatum esse oport-
uit, qua accusatur Habitus. at ipse ea lege quere-
bat. Paucos dies expectasset Quintius. at neque
priuatus accusare, nec, sedata iam inuidia, uolebat.
Videtis igitur, non in causa, sed in tempore, ac po-
testate spem omnem accusatoris fuisse. Multam pe-
tiuit: qua lege? quod in legem non iurasset; quæ
res nemini unquam fraudi fuit: & quod C. Ver-
res, prætor urbanus, homo sanctus, & diligens,
sub sortitionem eius in eo codice non haberet, qui tum
interlitus proferebatur. His de causis C. Iunius con-
demnatus est, iudices, leuissimis, et infirmis-
simis, quas omnino in iudicium afferri non oportuit: itaque
oppressus est non causa, sed tempore. Hoc uos Cluen-
tio iudicium putatis obesse oportere? quam ob caus-
sam? si ex lege sub sortitus non erat Iunius, aut si in
legem aliquando non iurauerat, iccirco illius damna-
tione aliquid de Cluentio iudicabatur? non, inquit:
sed ille iccirco his legibus condemnatus est, quod con-
tra

P R
tra aliam
possunt, ill
ergo iccirco
quod illud in
Nam igitur
lires, alia
gotij nunc es
qua gesta s
go est caus
to silentio,
sit? quia t
errorem,
ditiose ac
nus pl. id
dicium ne
cione mem
si pro thea
ubi accusat
modo dicen
erat. Nup
locus ad in
non est comp
lam, aut c
que abiecit
pl. condic
quid? com
bunum pl
pore? Sy
necessary

tra aliam legem commiserat . qui hoc confitentur ,
possunt , illud idem iudicium non fuisse , defendere .
ergo iccirco , inquit , infestus tum prætor Iunio fuit ,
quod illud iudicium corruptum per eum putabatur .
Num igitur hoc tempore caussa mutata est ? num a-
lia res , alia ratio illius iudicij , alia natura totius ne-
gotij nunc est , ac tum fuit ? non opinor ex ijs rebus ,
quæ gestæ sunt , rem ullam potuisse mutari . quid er-
go est caussa , quod nunc nostra defensio audiatur tan-
to silentio , tunc Iunio defendendi sui potestas erepta
sit ? quia tum in caussa nihil erat præter inuidiam ,
errorem , suspicionem , conciones quotidianas , se-
ditiose ac populariter concitatas . accusabat tribu-
nus pl. idem in concionibus , idem ad subsellia : ad iu-
dicium non modo de concione , sed etiam cum ipsa con-
cione ueniebat . gradus illi Aurelij , tum noui , qua-
si pro theatro illi iudicio ædificati uidebantur : quos
ubi accusator concitatis hominibus complerat , non
modo dicendi ab reo , sed nè surgendi quidem potestas
erat . Nuper apud C. Orchinium , collegam meum ,
locus ab iudicibus Fausto Syllæ de pecunijs residuis
non est constitutus : non quo illi aut ex legem esse Syl-
lam , aut caussam pecuniæ publicæ contemptam at-
que abiectam putarent : sed quod , accusante tribuno
pl. condicione æqua disceptari posse non putauerunt .
quid ? conferam Syllam ne cum Iunio , ad hunc tri-
bunum pl. cum Quinctio , an uero tempus cum tem-
pore ? Sylla maximis opibus , cognatis , affinibus ,
necessarijs , clientibus plurimis : hæc autem apud Iu-
ff 2 nium

O R A T I O

nium parua, & infirma, & ipsius labore quæsitæ,
atque collectæ. hic tribunus pl. modestus, pudens,
non modo non seditiosus, sed etiam seditiosis aduersa-
rius: ille autem acerbus, criminofus, popularis ho-
mo, acturbulentus. tempus hoc tranquillum, ac pa-
catum: illud omnibus inuidiæ tempestatibus concita-
tum. quæ cum ita essent, in Fausto tamen illi iudices
statuerunt, iniqua condicione reum causam dicere,
cum aduersario eius ad ius accusationis summa uis
potestatis accederet. quam quidem rationem uos,
iudices, diligenter pro uestra sapientia, & humani-
tate cogitare, & penitus perspicere debetis, quid
mali, quantum periculi unicuique nostrum inferre
possit uis tribunica, conflata præsertim inuidia, &
concionibus seditiose concitatis. Optimis hercle tem-
poribus, tum cum homines se nõ iactatione populari,
sed dignitate, atque innocentia tuebantur, tamen
nec C. Popillius, nec Q. Metellus, clarissimi atque
amplissimi uiri, uim tribuniciam sustinere potue-
runt: nedum, his temporibus, his moribus, his
magistratibus, sine uestra sapientia, ac iudiciorum
remedijs salui esse possimus. Non fuit igitur illud iu-
dicium iudicij simile, iudices, non fuit; in quo non
modus est adhibitus, non mos consuetudoq. seruata,
non causa defensa. uis illa fuit, & ut sæpe iam di-
xi, ruina quedam, atque tempestas, & quid uis po-
tius, quàm iudicium, aut disceptatio, aut quæstio.
Quòd si quis est, quid illud iudicium fuisse arbitre-
tur, & qui his rebus indicatis standum putet: is ta-
men

men hanc ca-
nim, sine q
lege subfor-
dicitur: Clu-
bus ab iudice
te esse conuic-
tus. adde,
cum illo non
obiectum.
solicitatam
torum testifi-
erat propo-
maiestatis
Iam ista d
coniectur
Bulbum,
multis flag-
etis, iecire
ta causa B
id esse secus
iudicium n
illa, quæ e
dicia, P. T
bitu dixerit
ambitus co
tror in me
ob rem iud
cibus prob
fendissent

men hanc causam ab illa debet seungere . ab illo enim , siue quod in legem non iurasset , siue quod ex lege subfortitus iudicem non esset , multa petita esse dicitur : Cluentij autem ratio cum illis legibus , quibus ab Iunio multa petita est , nulla potest ex parte esse coniuncta . At etiam Bulbus est condemnatus . adde , maiestatis : ut intelligas hoc iudicium cum illo non esse coniunctum . At est hoc illi crimen obiectum . Fateor : sed etiam , legionem esse ab eo sollicitatam in Illyrico , Cosconij litteris , & multorum testimonijs planum factum est : quod crimen erat proprium illius questionis , & quæ res lege maiestatis tenebatur . At hoc obfuit ei maxime . Iam ista diuinatio est : qua si uti licet , uide ne mea coniectura multo sit uerior . ego enim sic arbitror , Bulbum , quod homo nequam , turpis , improbus , multis flagitijs contaminatus in iudicium sit adductus , iccirco facilius esse damnatum . tu mihi ex tota causa Bulbi , quod tibi commodum est , eligis , ut id esse secutos iudices dicas . quapropter hoc Bulbi iudicium non plus obesse huic causæ debet , quam illa , quæ commorata sunt ab accusatore , duo iudicia , P. Popilly , & T. Cutta , qui causam de ambitu dixerunt , qui accusati sunt ab ijs , qui erant ipsi ambitus condemnati : quos ego non iccirco esse arbitror in integrum restitutos , quod planum fecerint , illos ob rem iudicandam pecuniam accepisse ; sed quod iudicibus probarint , quod in eodem genere , in quo ipsi offendissent , alios reprehendissent , se ad præmia legis

ff 3 ueni-

uenire oportere. quapropter neminē dubitare existi-
mo, quin illa damnatio ambitus nulla ex parte cum
caussa Cluentij, uestroq. iudicio coniuncta esse possit.
Quid, quōd Stalenus est condemnatus? Non dico
hoc tempore, iudices, id quod nescio an dici oport-
teat, illum maiestatis esse damnatum. non recito te-
stimonia hominum honestissimorum, quæ in Stalenū
sunt dicta ab ijs, qui M. Aemilio, clarissimo uiro,
legati, & præfecti, & tribuni militares fuerunt:
quorum testimonijs planum factum est, maxime eius
opera, cum quæstor esset, in exercitu seditionem esse
conflatam. ne illa quidem testimonia recito, quæ di-
cta sunt de HS DC millibus: quæ ille cum acce-
pisset nomine iudicij Sasiniani, sicut in Oppianici iu-
dicio, postea retinuit, atque suppressit. omitto &
hæc, & alia permulta, quæ illo iudicio in Stalenum
dicta sunt. hoc dico, eandem tum fuisse P. & L. Co-
minijs, equitibus R. honestissimis hominibus, & di-
sertis, controuersiam cum Staleno, quem accusa-
bant, quæ nunc mihi est cum Atio. Cominij dice-
bant idem, quod ego dico; Stalenum ab Oppianico
pecuniam accepisse, ut iudicium corrumperet. Stale-
nus conciliandæ gratiæ causa se accepisse dicebat.
irridebatur hæc illius reconciliatio, & persona uiri
boni suscepta, sicut in statuīs inauratis, quas posuit
ad Inturnæ: quibus subscripsit, reges ab se in gra-
tiam esse reductos: exagitabantur omnes eius frau-
des, atque fallaciæ: tota uita in eiusuodi ratione uer-
sata aperiēbatur: egestas domestica, quæstus foren-
sis

P R
fis in medi
paci &
Stalenus,
denatus e
in tota caus
Staleni dam
pere uoluit
tias dedisse
tutem sit,
pianicus;
uestigio rep
factum a i
illa damna
tium, se
confirmer
modi, ut
nis, imper
landum pro
tamen hoc
multam, q
posse comm
est; Eulbi
non est; St
quod aliud
re possumus
nius Falco
præsertim
post pauca
bis quidem

sis in medium proferebatur : nummarius interpres
 pacis & concordiae non probabatur : itaque tum
 Stalenus , cum idem defenderet quod Atius , con-
 demnatus est : Cominij , cum hoc agerent , quod nos
 in tota caussa egimus , probauerunt . Quamobrem si,
 Staleni damnatione , Oppianicum iudicium corrup-
 pere uoluisse , Oppianicum iudici ad emendas senten-
 tias dedisse pecuniam , iudicatum est ; cum ita consti-
 tutum sit , uti in illa culpa aut Cluentius sit , aut Op-
 pianicus ; Cluentij nummus nullus iudici datus ullo
 uestigio reperitur ; Oppianici pecunia post iudicium
 factum a iudice ablata est : potest esse dubium , quin
 illa damnatio Staleni non modo non sit contra Cluen-
 tium , sed maxime nostram caussam defensionemq.
 confirmet . Ergo adhuc Iunij iudicium uideo esse eius-
 modi , ut incursionē potius seditionis , uim multitudi-
 nis , impetum tribunicium , quā iudicium , appel-
 landum putem . quod si quis illud iudicium appellet ,
 tamen hoc confiteatur necesse est , nullo modo illam
 multam , quæ a Iunio petita sit , cum Cluentij caussa
 posse coniungi . illud igitur Iunianum per uim factum
 est ; Bulbi , & Popillij , & Guttæ contra Cluentium
 non est ; Staleni etiam pro Cluentio . Videamus , ec-
 quod aliud iudicium , quod pro Cluentio sit , profer-
 re possimus . Dixit ne tandem caussam C. Fidicula-
 nius Falcula ? qui Oppianicum condemnarat : cum
 praesertim , id quod fuit in illo iudicio inuidiosissimū ,
 post paucos dies ex subfortitione sedisset . dixit ; &
 bis quidem dixit : in summam enim L. Quinctius

inuidiam concionibus eum quotidianis, seditiosis, & turbulentis adduxerat. uno iudicio multa est ab eo petita, sicut ab Iunio, quod non suæ decuriæ munere, neque ex lege sedisset. paullo sedatiore tempore est accusatus, quàm Iunius, sed eadem fere lege, & crimine. quia nulla in iudicio seditio, neque turba uersata est, prima actione facillime est absolutus. Non numero hanc absolutionem. nihilominus enim potest, ut illam multam non commiserit, accepisse tamen ob rem iudicandam pecuniam, quam captam nusquam Stalenus eadem lege dixit. proprium crimen illud quæstionis eius non fuit. Fidiculanus quid fecisse dicebatur? accepisse a Cluentio HS cccc. cuius erat ordinis? senatorij. qua lege in eo genere a senatore ratio repeti solet, de pecunijs repetundis, ea lege accusatus, honestissime est absolutus. acta est enim caussa more maiorum, sine ui, sine metu, sine periculo: dicta, et exposita, & demonstrata sunt omnia: adducti iudices sunt, non modo potuisse honeste ab eo reum condemnari, qui non perpetuo sedisset, sed, si aliud is iudex nihil scisset, nisi quæ præiudicia de eo facta esse constaret, audire præterea nihil debuisse. tum etiam illi quinque, qui, imperitorum hominum rumusculos aucupati, tum illum absoluerunt, iam suam clementiam laudari magnopere nelebant. a quibus si qui quæreret, sedissent ne iudices in C. Fabricium: sedisse se diceret. si interrogarentur, num quo crimine is esset accusatus, præterquã ueneni eius, quod quæsitum Habito diceretur: negaret. si de
inde

P R
inde essent
cerent: nem
si esset de
ille una sent
tum illorum
sententia ra
rei iudicat
pem malefic
uehementiss
tentia non
i tales uiri
statu suo de
misericordi
cando sup
leni fraud
sibi non la
soluere eum
ipsi bis iura
rant; con
tam atroci
patescunt
pientes illi
quod i fec
probetis:
iure perit
sanctorum
Confidio
gnitatis,
tior? qui

inde essent rogati, quid iudicassent : condemnasse se, dicere-
 rent : nemo enim absoluit . eodem modo quæsitum
 si esset de Scamandro, certe idem respōdissent : tametsi
 ille una sententia est absolutus : sed illam unam nemo
 istorum suam dici uellet . uter igitur facilius suæ
 sententiæ rationem redderet ? is ne, qui se & sibi, &
 rei iudicatæ constituisse dicit ; an ille, qui se in princi-
 pem maleficij lenem, in adiutores eius, & conscios
 uehementissimum esse respondit ? quorum ego de sen-
 tentia non debeo disputare : neque enim dubito, quin
 ij tales uiri, suspitione aliqua perculsi repentina, de
 statu suo declinarent. quare eorum, qui absoluerunt,
 misericordiam non reprehendo : eorum, qui in iudi-
 cando superiora iudicia secuti sunt sua sponte, non Sta-
 leni fraude constantiam comprobo : eorum uero, qui
 sibi non liquere dixerunt, sapientiam laudo : qui ab-
 soluere eum, quem nocentissimum cognorant, & quæ
 ipsi bis iam antea condemnarant, nullo modo pote-
 rant ; condemnare, cum tanta consilij infamia, &
 tam atrocis rei suspicio esset iniecta, paullo posterius,
 patefacta re, maluerunt . ac, ne ex facto solum sa-
 pientes illos iudicetis, sed etiam ex nominibus ipsis,
 quod ij fecerint, rectissime, ac sapientissime factum
 probetis : quis P. Octauio Balbo ingenio prudentior,
 iure peritior, fide, religione, officio diligentior, aut
 sanctior commemorari potest ? non absoluit. quis Q.
 Considio constantior ? quis iudiciorum, atque eius di-
 gnitatis, quæ in iudijs publicis uersari debet, peri-
 tior ? quis uirtute, consilio, auctoritate præstantior ?

ne

ne is quidem absoluit . longum est de singulorum uirtute ita dicere . quæ quia cognita sunt ab omnibus , uerborum ornamenta non quærunt . qualis uir M . Iuuentius Pedo fuit ex uetere illa iudicum disciplina ? qualis L . Cauius Mergus ? M . Basilius ? C . Caudinus ? qui omnes in iudicijs publicis iam tum florere rep . floruerunt . ex eodem numero L . Cassius , Cn . Næuius , pari & integritate , & prudentia : quorum nullius sententia est Oppianicus absolutus . atque ex his omnibus natus minimus , ingenio , & diligentia , & religione par ijs , quos antea commemoravi , P . Saturius in eadem sententia fuit . O innocentiam Oppianici singularem : quo in reo , qui absoluit , ambitiosus ; qui distulit , cautus ; qui condemnauit , constans existimatur . Hæc tum , agitante Quintio , neque in concione , neque in iudicio demonstrata sunt . neque enim ipse dici patiebatur ; nec per multitudinem concitatam consistere cuiquam in dicendo licebat . itaque ipse , postquam Iunium peruertit , causam totam reliquit : paucis enim diebus illis , & ipse priuatus est factus , & hominum studia deferbuisse intelligebat . quod si , per quos dies Iunium accusauit , Fidiculanum accusare uoluisset : respondendi Fidiculano potestas facta non esset . ac primo quidem , omnibus illis iudicibus , qui Oppianicum condemnarant , minabatur . iam insolentiam noratis hominis ; noratis animos eius , ac spiritus tribunicios . quod erat odium , dij immortales ? quæ superbia ? quanta ignoratio sui ? quàm grauis , atque intolerabilis arrogancia ? qui il-

lud

PR
lud etiam ip
omnia, non
pianicum: p
ab omnibus
illum contul
trorum, b
plissimorum
tem R. in m
eiusmodi ca
dem quam c
nos ad quita
non modo i
loco uider
illum pos
tum, opp
a concione
renocauer
sper iucur
suis illis ip
derat? nec
res eius, &
amictum,
ram reco
dum, se e
in Rostra
nouis nom
nego usq
ignobili
tem uirtu

tud etiam ipsum acerbe tulerit, ex quo illa nata sunt omnia, non sibi, ac defensionis suæ condonatum esse Opianicum: proinde quasi non satis signi esse debuerit, ab omnibus eum fuisse desertum, qui se ad patronum illum contulisset. erat enim Romæ summa copia patronorum, hominum eloquentissimorum, atque amplissimorum: quorum certe aliquis defendisset equitem R. in municipio suo nobilem, si honeste putasset eiusmodi causam posse defendi. nam Quinctius quidem quam causam unquam antea dixerat, cum annos ad quinquaginta natus esset? quis eum unquam non modo in patroni, sed in laudatoris, aut aduocati loco uiderat? qui, quod Rostra iam diu uacua, locūq. illum post aduentum L. Syllæ a tribunicia uoce desertum, oppresserat, multitudinemq. iam desuetactam a concionibus ad ueteris consuetudinis similitudinem reuocauerat, iccirco cuidam hominum generi paulisper iucundior fuit. atque idem quanto in odio postea suis illis ipsis fuit, per quos in altiore locum ascenderat? neque iniuria. facite enim, ut non solum mores eius, & arrogantiam, sed etiam uultum, atque amictum, atque illam usque ad talos demissam purpuram recordemini. is, quasi non esset ullo modo ferendum, se ex iudicio discessisse uictum, rem ab subsellijs in Rostra detulit. Et iam querimur, sæpe hominibus nouis non satis magnos in hac ciuitate esse fructus? nego usquam unquam fuisse maiores. ubi, si quis, ignobili loco natus, ita uiuat, ut nobilitatis dignitatem uirtute tueri posse uideatur; usque eò peruenit, quoad

quoad eum industria cum innocentia prosecuta est. si quis autem hoc uno nititur, quod sit ignobilis; proce-
dit saepe longius, quam si idem ille esset cum iisdem suis
uitis nobilissimus. ut, Quinctius (nihil enim dicam
de ceteris) si fuisset homo nobilis, quis eum cum illa
superbia, atque intolerantia ferre potuisset? quod eo
loco fuit, ita tulerunt, ut, si quid haberet a natura bo-
ni, prodesse ei putarent oportere; superbiam autem,
atque arrogantiam eius deridendam magis arbitra-
rentur propter humilitatem hominis, quam pertime-
scendam. Sed, ut illuc reuertar: quo tempore Fidicu-
lanus est absolutus, tu, qui ea iudicia facta comme-
moras, quaero quid tum esse existimas iudicatum? cer-
te, gratis iudicasse. at condemnarat: at causam to-
tam non audierat: at in concionibus omnibus a L.
Quinctio uehementer erat & saepe uexatus. illa igitur
omnia Quinctiana iniqua, falsa, turbulenta, po-
pularia, seditiosa iudicia fuerunt. Esto, potuit esse in-
nocens Falcula: iam ergo aliquis Oppianicum gra-
tis condemnauit: iam non eos Iunius subfortitus est,
qui, pecunia accepta, condemnarent: iam potuit ali-
quis ab initio non sedisse, & tamen Oppianicum gra-
tis condemnasse. uerum si innocens Falcula, quaeso
quis nocens? si hic gratis condemnauit, quis accepit?
nego, rem esse ullam in quenquam illorum obiectam,
quae Fidiculano obiecta non sit; neque aliquid fuisse
in Fidiculani causa, quod idem non esset in cetero-
rum. aut hoc iudicium reprehendas tu, cuius accusa-
tio rebus iudicatis niti uidebatur, necesse est: aut, si
hoc

PR
hoc uerum
innatum esse
mento esse
soluto Falcula
bi damnatos
innatus, plus
debuerint po-
quam ambitu
fuit, cum alia
lege huius pe-
set. deinde,
quisque lege
men hac pla-
cusatorum
Hic profert
tet, P. Sep-
stimam.
apud homine
cere non deb-
solet adhibere
to, adhibere
aut, quod si
cum putant
non admittit
bitrantur, &
dunt cetera
multi, quib-
sent assidue
damnato

hoc uerum esse concedis, Oppianicum gratis conde-
 mnatum esse fateare. quanquam satis magno argu-
 mento esse debet, quod ex tam multis iudicibus, ab-
 soluto Falcula, nemo reus factus est. Quid enim mi-
 hi damnatos ambitus colligitis, alia lege, certis cri-
 minibus, plurimis testibus? cum primum illi ipsi
 debuerint potius accusari de pecunijs repetundis,
 quam ambitus. nam si in ambitus iudicijs hoc his ob-
 fuit, cum alia lege causam dicerent: certe, si propria
 lege huius peccati adducti essent, multo plus obfuis-
 set. deinde, si tanta uis fuit istius criminis, ut, qua-
 quisque lege ex illis iudicibus reus factus esset, ta-
 men hac plaga periret: cur, in tanta multitudine ac-
 cusatorum, tantis præmijs, ceteri rei facti non sunt?
 Hic profertur id, quod iudicium appellari non oportet,
 P. Septimio Scæuolæ litem eo nomine esse æ-
 stimatam. cuius rei quæ consuetudo sit, quoniam
 apud homines peritissimos dico, pluribus uerbis do-
 cere non debeo. nunquam enim ea diligentia, quæ
 solet adhiberi in ceteris iudicijs, eadem, reo damna-
 to, adhibita est. In litibus æstimandis fere iudices
 aut, quod sibi eum, quem semel condemnarunt, inimi-
 cum putant esse; si qua in eum lis capitis illata est,
 non admittunt: aut, quod se perfunctos iam esse ar-
 bitrantur, cum de reo iudicarunt, negligentius atten-
 dunt cetera. itaque & maiestatis absoluti. sunt per-
 multi, quibus damnatis de pecunijs repetundis lites es-
 sent æstimatæ: & hæc quotidie fieri uidemus, ut, reo
 damnato de pecunijs repetundis, ad quos peruenisse

ORATIO

se pecunias in litibus æstimandis statutum sit, eos illi iudices absoluant. quod cum sit, non iudicia rescinduntur, sed hoc statuitur, æstimationem litium non esse iudicium. Scæuola condemnatus est alijs criminibus, frequentissimis Apuliæ testibus: omni contentione pugnatum est, ut lis hæc capitis, æstimaretur. quæ res si rei iudicata pondus habuisset, ille postea uel isdem, uel alijs inimicis reus hac lege ipsa factus esset. Sequitur id, quod illi iudicium appellant, maiores autem nostri nunquam neque iudicium nominarunt, neque perinde ut rem iudicatum obseruauerunt, animaduersio, atque auctoritas censoria. quia de re ante quàm dicere incipio, per pauca mihi de meo officio uerba facienda sunt; ut a me cum huiusce periculi, tum ceterorum quoque officiorum, & amicitiarum ratio conseruata esse uideatur. nã mihi cum uiris fortibus, qui censores proxime fuerunt, ambobus est amicitia, cum altero uero, sicuti & plerique uestrum sciunt, magnus usus, & summa utriusque officijs constituta necessitudo est. quare, quidquid de subscriptionibus eorum mihi dicendum erit, eo dicam animo, ut omnem orationem meam non de illorum facto, sed de ratione censoria habitam existimari uelim. a Lentulo autem, familiari meo, qui a me pro eximia sua uirtute, summisq. honoribus, quos a populo R. adeptus est, honoris causa nominatur, facile hoc, iudices, impetrabo, ut, quam ipse adhibere consuevit in amicorum periculis fidem, & diligentiam, tum uim animi, libertatemq. dicendi, in hac, mihi concedat, ut tantum

P R
tantum mihi
præterire non
omnia caute,
huius defen-
tas lafa, aut
igitur, iudice
quodam illius
iam subscriber
nam, non qu
ntatem ita co
que in re not a
lud uirum; C
mitio censori
sum postea el
erant repreh
qui in ipsi
quod si illud i
cio damnati, i
priuatur, sic
onorem adit
quem Cn. L
denariis, is
ullam honesta
tem ipse L. C
clarissimi uir
parum pecun
in senatum r
rum iudicij
iores nostri

tantum mihi sumam, quantum sine huius periculo
præterire non possum. a me tamen, ut æquum est,
omnia caute, pedetentimq. dicentur; ut neque fides
huius defensionis relicta, neque cuiusquam aut digni-
tas læsa, aut amicitia uiolata esse uideatur. Video
igitur, iudices, animaduertisse censores in iudices
quosdam illius consilij Iuniani, cum istam ipsam caus-
sam subscriberent. Hic primum illud commune pro-
ponam, nunquam animaduersionibus censors hanc ci-
uitatem ita contentam, ut rebus iudicatis, fuisse. ne-
que in re nota consumam tempus exemplis: ponam il-
lud unum; C. Getam, cum a L. Metello, & Cn. Do-
mitio censoribus ex senatu eiectus esset, censorem ip-
sum postea esse factum; & cuius mores a censoribus
erant reprehensi, hunc postea & populi R. & eorū,
qui in ipsum animaduenterant, moribus præfuisse.
quod si illud iudicium putaretur: ut ceteri, turpi iudi-
cio damnati, in perpetuum omni honore ac dignitate
priuantur, sic hominibus ignominia notatis neque ad
honorem aditus, neque in curiam reditus esset. nunc
si quem Cn. Lentuli, aut L. Gellij libertus furti con-
demnarit, is, omnibus ornamentis amissis, nunquam
ullam honestatis suæ partem recuperabit. quos au-
tem ipse L. Gellius, & Cn. Lentulus, duo censores,
clarissimi uiri, sapientissimiq. homines, furti, & ca-
ptarum pecuniarum nomine notauerunt, ij non modo
in senatum redierunt, sed etiam illarum ipsarum re-
rum iudicijs absoluti sunt. Neminem uoluerunt ma-
iores nostri non modo de existimatione cuiusquam, sed

ne

ne pecuniaria quidem de re minima esse iudicem, nisi qui inter aduersarios conuenisset. quapropter in omnibus legibus, quibus exceptum est, de quibus causis aut magistratum capere non liceat, aut iudicem legi. aut alterum accusare, hæc ignominie causa prætermissa est. timoris enim causam, non uitæ pœnam, in illa potestate esse ueluerunt. itaque non solum, iudices, illud ostendam, quod iam uidetis, populi R. suffragijs sæpenumero censorias subscriptiones esse deletas, uerum etiam iudicijs eorum, qui iurati statuere maiore cum religione et diligentia debuerunt. Primum iudices, senatores, equitesq. R. in compluribus iam reis, quos contra leges pecunias accepisset subscriptum est, suæ potius religioni, quam censorum opinioni, paruerunt. deinde, prætores urbani, qui iurati debent optimum quenque in selectos iudices referre, nūquam sibi ad eam rem censoriam ignominiam impedimento esse oportere duxerunt. censores denique ipsi sæpenumero superiorum censorum iudicijs (si ista iudicia appellari nultis) non steterunt. atque etiam ipsi inter se censores sua iudicia tanti esse arbitrantur, ut alter alterius iudicium non modo reprehendat, sed etiam rescindat; ut alter de senatu mouere uelit, alter retineat, et ordine amplissimo dignum existimet; ut alter in ærarios referri, aut tribu moueri iubeat, alter uetet. Quare qui uobis in mentem uenit, hæc appellare iudicia, quæ a populo R. rescindi, ab iuratis iudicibus repudiari, a magistratibus negligi, ab ijs, qui eandem potestatem adepti sunt, commutari, inter

P R O
inter colleg
iust, uideam
corrupto iudi
tutius; utro
sit, an, quia
qua subscrip
quenque nost
regiam perma
uas calamitat
scriptio, posse
mucronem m
runt, aequa
dian, perim
est, quia uer
ramus, uer
tates censor
non est. doce
unde dederit
que aliquod a
ostende. nunc
niam, bonia
cus esse existi
tum auctorit
iudicium cur
ro eam fuisse
blicas monu
mentum int
sum testame
cuius monu

inter collegas discrepare uideatis? Quæ cum ita sint, uideamus quid tandem censores de illo iudicio corrupto iudicasse dicantur. Ac primum illud statuamus; utrum, quia censores subscripserint, ita sit; an, quia ita fuerit, illi subscripserint. si ideo, quia subscripserint: uidete, quid agatis; ne in unum-
quenque nostrum censoribus in posterum potestatem regiam permittatis; ne subscriptio censoria non minus calamitatis ciuibus, quàm illa acerbissima proscriptio, possit asferre; ne censorium stylum, cuius mucronem multis remedijs maiores nostri retuderunt, æque posthac, atque illum dictatorium gladium, pertimescamus. sin autem, quòd subscriptum est, quia uerum est, iccirco graue debet esse: hoc queramus, uerum sit, an falsum; remoueantur auctori-
tates censoriæ; tollatur id ex caussa, quod in caussa non est. doce, quam pecuniam Cluentius dederit, unde dederit, quemadmodum dederit: unum denique aliquod a Cluentio profectæ pecuniæ uestigium ostende. uince deinde, uirum bonum fuisse Oppianicum, hominem integrum, nihil de illo unquam secus esse existimatum, nihil denique præiudicatum: tum auctoritatem censorum amplexato; tum illorū iudicium cum re coniunctum esse defendito. dum uero eum fuisse Oppianicum constabit, qui tabulas publicas municipij sui corrupisse iudicatus sit; qui testamentum interleuerit; qui, supposita persona, falsum testamentum obsignandum curarit; qui eum, cuius nomine id obsignatum est, interfecerit; qui

O R A T I O

auunculum filij sui in seruitute, ac uinculis necarit;
 qui municipes suos proscribendos, occidendosq. cura-
 rit; qui eius uxorem, quem occiderat, in matrimo-
 nium duxerit; qui pecuniam pro abortion? dederit;
 qui socrum, qui uxorem, qui uno tempore fratris
 uxorem, speratosq. liberos, fratremq. ipsum, qui
 denique suos liberos interfecerit; qui, cum uenenum
 priuigno suo quæreret, manifesto sit deprehensus; cu-
 ius ministris conscijsq. damnatis, ipse adductus in
 iudicium pecuniam iudici dederit ad sententias iudi-
 cum corrumpendas: dum hæc, inquam, de Oppia-
 nico constabunt, nec ullo argumento Cluentiana pe-
 cuniæ crimen tenebitur; quid est, quòd te ista censo-
 ria siue uoluntas, siue opinio fuit, adiunare, aut
 hunc innocentem opprimere posse uideatur? Quid igi-
 tur censores secuti sunt? Ne ipsi quidem, ut grauis-
 sime dicam, quidquam aliud dicent, præter sermo-
 nem, atque famam. nihil se testibus, nihil tabulis,
 nihil graui aliquo argumento comperisse, nihil de-
 nique, caussa cognita, statuisset dicent. quòd si ita fe-
 cissent; tamen id non ita fixum esse deberet, ut con-
 uelli non liceret. nò utar exemplorum copia, quæ sum-
 ma est: non rem ueterem, non hominem potentem
 aliquem, aut gratiosum proferam. nuper hominem
 tenuem, scribam ædilicium, D. Matrinium cum de-
 fendissem apud M. Iunium, Q. Publicium præto-
 res, & M. Plætorium, C. Flaminium ædiles curu-
 les, persuasi ut scribam iurati legerent eum, quem
 iidem isti censores ærarium reliquissent. cum enim in
 homi-

homine nulla culpa reperiretur; quid ille meruisset, non quid de eo statutum esset, querendum esse duxerunt. Nam hæc quidem, quæ de iudicio corrupto subscripserint, quis est, qui ab illis satis cognita, et diligenter iudicata arbitretur? in N. Aquillium, & in T. Guttam uideo esse subscriptum. quid est hoc? duos esse corruptos solos pecunia? quid? ceteri uidelicet gratis condemnarunt. non est igitur circumuentus, non est oppressus pecunia; non, ut illæ Quinætiæ conciones habebantur, omnes, qui Oppianicum condemnarunt, in culpa sunt, ac suspitione ponendi. duos solos uideo auctoritate censorum affines ei turpitudini iudicari. Nam, ut illud afferant, nihil est; quod de ijs duobus habuerint compertum, de ceteris comperisse. nam illud quidem minime probandum est, ad notationes auctoritatemq. censoriam exemplum illos a consuetudine militari transtulisse. statuerunt enim ita maiores nostri, ut, si a multis esset flagitium rei militaris admissum, sortitione in quosdam animaduerneretur: ut metus uidelicet ad omnes, pœna ad paucos perueniret. quod idem facere censores in delectu dignitatis, & in iudicio ciuium, & in animaduersione uitiorum, qui conuenit? nam miles, qui locum non tenuit, qui hostium impetum, uimq. pertimuit, potest idem postea & miles esse melior, & uir bonus, & ciuis utilis. quare, ne in bello propter hostium metum delinqueret, n' p'ior ei mortis & supplicij metus est a maiori-
us constitutus: ne autem nimium multi pœnam ca-

gg 2 pitis

O R A T I O

pitis subirent, iccirco illa sortitio comparata est. hoc tu idem facies censor in senatu legendo? si erunt plures, qui ob innocentem condemnandum pecuniam acceperint; ut non animaduertas in omnes, sed carpas ut uelis, & paucos ex multis ad ignominiam sortiare? habebit igitur, te sciente, & uidente, curia senatorem, populus R. iudicem, resp. ciuem sine ignominia quenquam, qui ad perniciem innocentis fidem suam & religionem pecunia commutarit? et, qui pretio adductus eripuerit patriam, fortunas, liberos ciui innocenti, is censoriae seueritatis nota non inuretur? tu es praefectus moribus? tu magister ueteris disciplinae, & seueritatis, si aut retines quenquam sciens in senatu, scelere tanto contaminatum; aut statuis, qui in eadem culpa sit, non eadem poena affici oportere? et quam condicionem supplicij maiores in bello timiditati militis propositam esse uoluerunt, eandem tu in pace constitues improbitati senatoris? Quod si hoc exemplum ex re militari ad animaduersionem censoriam transferendum fuit, sortitio ne id ipsum factum esse oportuit. sin autem sortiri ad poenam, atque hominum delictum fortunae iudicio committere, minime censorium est: certe, in multorum peccato, carpi paucos ad ignominiam, & turpitudinem non oportet. Verum omnes intelligimus, in istis subscriptionibus uentum quendam popularem esse quaesitum. iactata res erat in concione a tribuno seditioso: incognita causa probatum illud erat multitudini: illicitum erat contra dicere: nemo

denique



P R
denique, ne
est: in iudi
rat: etenim
erat in iudi
ta. praterm
cium posse
moy, at que
hae quoque
magis, quod
iudicia cum
tur per homi
ritate illa in
quod si hanc
causam ag
certe proba
buisse cogn
ptione ruan
esse quaesit
cum condem
ciam acce
Iam id ipsa
tem fuisse re
cum homine
de ijs, qui
xerint, non
lum Gellius
negat hoc I
bertini filii
Senatorum

denique, ut defenderet contrariam partem, laborabat: in invidiam porro magnam illa iudicia uenerant: etenim paucis postea mensibus alia uehemens erat in iudicijs ex notatione tabularum inuidia uersata. pratermitti a censoribus & negligi macula iudiciorum posse non uidebatur. homines, quos ceteris uitijs, atque omni dedecore infames uidebant, eos hac quoque subscriptione notare uoluerunt; & eo magis, quod illo ipso tempore, illis censoribus erant iudicia cum equestri ordine communicata; ut uideretur per hominum idoneorum ignominiam sua auctoritate illa iudicia cum equestri ordine reprehendisse. quod si hanc apud eos ipsos censores mihi, aut alij causam agere licuisset: hominibus tali prudentia certe probauissem, (res enim indicat) nihil ipsos habuisse cogniti, nihil comperti, ex tota ipsa subscriptione rumorem quendam, & plausum popularem esse quassitum. Nam in L. Popillium, qui Oppianicum condemnarat, subscripsit L. Gellius, quod is pecuniam accepisset, quo innocentem condemnaret. Iam id ipsum quantæ diuinationis est, scire innocentem fuisse reum, quem fortasse nunquam uiderat? cum homines sapientissimi iudices, (ut nihil dicam de ijs, qui condemnarunt) causa cognita, sibi, dixerint, non liquere. Verum esto, condemnat Popillium Gellius; iudicat accepisse a Cluentio pecuniam. negat hoc Lentulus: nam Popillium, quod erat libertini filius, in senatum non legit; locum quidem senatorium ludis, & cetera ornamenta reliquit; &

O R A T I O

eum omni ignominia liberat . quod cum facit , iudicat , eius sententia gratis esse Oppianicum condemnatum . & eundem Popillium postea Lentulus in ambitus iudicio pro testimonio diligentissime laudat . Quare si neque L. Gellij iudicio stetit Lentulus ; neque Lentuli existimatione contentus fuit Gellius ; et si uterque censor censoris opinione standum non putavit : quid est , quamobrem quisquam nostrum censorias subscriptiones omnes fixas , & in perpetuum ratas putet esse oportere ? At in ipsum Habitum animaduverterunt . Nullam quidem ob turpitudinem , nullum ob totius uitae , non dicam uitium , sed erratum . neque enim hoc homine sanctior , neque probior , neque in omnibus officijs retinendis diligentior esse quisquam potest . neque illi aliter dicunt ; sed eandem illam famam iudicij corrupti secuti sunt : neque ipsi secus existimant , quam nos existimari uolumus , de huius pudore , integritate , uirtute ; sed putarunt , praetermitti accusatorem non potuisse , cum animaduersum esset in iudices . qua de re tota si unum factum ex omni antiquitate protulero , plura non dicam . non enim mihi exemplum summi & clarissimi uiri P. Africani praetereundum uidetur : qui cum esset censor ; & in equitum censu C. Licinius Sacerdos prodijisset ; clara uoce , ut omnis concio audire posset , dixit , se scire illum uerbis conceptis peierasse ; si quis contra dicere uellet , usurum esse eum suo testimonio : deinde , cum contra nemo diceret , iussit equum traducere . itaque is , cuius arbitrio & populus R.

&

P R
 & extera
 sua confici
 fuit . quod
 ipis iudici
 larier exci
 me maxime
 uideor , qu
 Egnatij pat
 pientissimi
 Oppianici d
 ius hominis
 cam . hoc t
 modi est ,
 oderat , ei
 geret , que
 diligenter ,
 an Egnatij
 teris subscri
 tu grauem
 censorum
 subscription
 patrem enee
 uerius iud
 modo ? susc
 usmodi rep
 tato , rem
 mus , et ho
 esse diceret
 potuit nullo

& exteræ gentes contentæ esse consueuerunt, ipse
sua conscientia ad ignominiam alterius contentus nõ
fuit. quòd si hoc Habito facere licuisset, facile illis
ipsis iudicibus, & falsæ suspicioni, & inuidiæ popu-
lariter excitatæ restitisset. Vnum etiam est, quod
me maxime conturbat, cui loco respondere posse uix
uideor, quòd elogium recitasti de testamento Cn.
Egnatij patris, hominis honestissimi uidelicet, & sa-
pientissimi, iccirco se exheredasse filium, quòd is ob
Oppianici damnationem pecuniam accepisset. de cu-
ius hominis leuitate, & inconstantia plura non di-
cam. hoc testamentum ipsum, quod recitas, eius-
modi est, ut ille, cum eum filium exheredaret, quem
oderat, ei filio coheredes homines alienissimos conium-
geret, quem diligebat. Sed tu, Ati, consideres censeo
diligenter, utrum censorium iudicium graue uelis esse,
an Egnatij. si Egnatij: leue est, quod censores de ce-
teris subscripserunt: ipsum enim Egnatium, quem
tu grauem esse uis, ex senatu eiecerunt. sin autem
censorium: hunc Egnatium, quem pater censoria
subscriptione exheredauit, censores in senatu, cum
patrem eijcerent, retinuerunt. At enim senatus u-
niuersus iudicauit illud corruptum esse iudicium. quo
modo? suscepit causam. an potuit rem delatam e-
iusmodi repudiare? cum tribunus pl. populo conci-
tato, rem pæne ad manus reuocasset; cum uir opti-
mus, et homo innocentissimus pecunia circumuentus
esse diceretur; cum inuidia flagraret ordo senatorius;
potuit nihil decerni? potuit illa concitatio multitudi-

O R A T I O

nis sine summo periculo reip. repudiari? At quid est decretum? quàm iuste? quàm sapienter? quàm diligenter? SI QVI SVNT, QVORVM OPERA FACTVM SIT, VT IVDICIVM PVBLICVM CORRVMPERETVR. Vtrum, uidetur senatus id factum iudicare, an, si factum sit, moleste grauiusq. ferre? si ipse A. Cluentius sententiam de iudicijs rogaretur, aliam non diceret, atque ij dixerunt, quorum sententijs Cluentium condemnatum esse dicitis. Sed quæro a uobis, num istam legem ex isto S. C. L. Lucullus consul, homo sapientissimus, tulerit? num anno post M. Lucullus, & C. Cassius? in quos cum consules designatos idem illud senatus decreuerit. non tulerunt: & quod tu Habiti pecunia factum esse arguis, neque id ulla tenuissima suspitione confirmas; factum est primo illorum æquitate, & sapientia consulum, ut id, quod senatus decreuerat ad illud inuidiæ præsens incendium restinguendum, id postea referendum ad populum non arbitrarentur: ipse deinde populus R. qui, L. Quinctij tribuni pl. fictis querimonijs antea concitatus, rem illam, & rogationem flagitarat, idem C. Iunij filij, pueri paruuli, lacrymis commotus, maximo clamore, & concursu totam illam legem, & quæstionem repudiavit. ex quo intelligi potuit id, quod sæpe dictum est; ut mare, quod sua natura tranquillum sit, uentorum ui agitari, atque turbari, sic & populum R. sua sponte esse placatum, hominum seditiosorum uocibus, ut uiolen-

lentissimis tempestatibus, concitari. Est etiam reli-
qua permagna auctoritas, quam ego turpiter pæne
præterij: mea enim esse dicitur. Recitavit ex oratio-
ne nescio qua Atius, quam meam esse dicebat, cohor-
tationem quandam iudicum ad honeste iudicandum,
& commemorationem tum illorum iudiciorum, quæ
probata non essent, tum illius ipsius iudicij Iuniani.
perinde quasi ego non ab initio huius defensionis dixe-
rim, inuidiosum illud fuisse iudicium; aut, cum de in-
famia iudiciorum disputarem, potuerim illud, quod
tam popolare esset, in illo tempore præterire. ego ue-
ro, si quid eiusmodi dixi, neque cognitum commemo-
raui; neque pro testimonio dixi; & illa oratio po-
tius temporis mei, quàm iudicij, & auctoritatis fuit.
cum enim accusarem, & mihi initio proposuissem,
ut animo & populi R. & iudicum commouerem;
cumq. omnes offensiones iudiciorum, non ex mea opi-
nione, sed ex hominum rumore proferrem; istam ré,
quæ tam populariter esset agitata, præterire non po-
tui. Sed errat uehementer, si quis in orationibus no-
stris, quas in iudicijs habuimus, auctoritates nostras
consignatas se habere arbitratur. omnes enim illæ
orationes causarum, & temporum sunt, non homi-
num ipsorum, ac patronorum. nam si causæ ipsæ pro
se loqui possent, nemo adhiberet oratorem: nunc ad-
hibemur, ut ea dicamus, non quæ nostra auctoritate
constituantur, sed quæ ex re ipsa, causaq. ducantur.
hominem ingeniosum, M. Antonium aiunt solitum
esse dicere, iccirco se nullam unquam orationem scri-
psisse,

O R A T I O

psisse, ut, si quid aliquando, quod non opus esset, ab se esset dictum, posset se negare dixisse. perinde quasi, quid a nobis dictum, aut actum sit, id nisi litteris mandauerimus, hominum memoria non comprehendatur. ego uero in isto genere libentius cum multorum, tum hominis eloquentissimi, & sapientissimi, L. Crassi auctoritatem sequor: qui cum L. Plancium defenderet, accusante M. Bruto, homine in dicendo uehementi, & callido; cum Brutus, duobus recitatoribus constitutis, ex duabus eius orationibus capita alterna inter se contraria recitanda curasset, quod in dissuasione rogationis eius, quæ contra coloniam Narbonensem ferebatur, quantum potest de auctoritate senatus detrahit, in suasionem legis Seruiliæ summis ornat senatum laudibus; & multa in equites R. cum ex ea oratione asperius dicta recitasset, quo animi illorum iudicium in Crassum incenderentur; ali quantum esse commotus dicitur. itaque in respondendo primum exposuit utriusque rationem temporis; ut oratio ex re, & causa habita uideretur: deinde, ut intelligere posset Brutus, quem hominem, & non solum qua eloquentia, uerum etiam quo lepore, & quibus facetijs præditum laceisset, tres & ipse excitauit recitatores cum singulis libellis, quos M. Brutus, pater illius accusatoris, de iure civili reliquit. eorum initia cum recitarentur ea, quæ uobis nota esse arbitror; FORTE EVENIT, UT RVRI IN PRIVERNATE ESSEMVVS EGO, ET BRVTVS FILIVS; fundum Priuernatem flagitabat.

IN

PR
IN ALBAN
TVS FILI
BVRTI FO
bortem fundu
nem sapientem
dia et relinque
si posuisset homi
tu filio fuisse;
neas non ex lib
querere. Cra
recitationis su
lerat, se in y
habuisset, in
stantia. Ego
neque enim
ea causa, qu
mibi quidqu
nus honeste h
quod si uelim
cognoscere, an
tandem id pos
ciam a uobis q
num, quod eg
si quam huc g
listis, hanc, c
gnita, depon
abs te dicta su
respondi: con
sefellisse, quæ

IN ALBANO ERAMVS EGO, ET BRVTVS FILIVS; *Albanum poscebat: IN TIBVRTI FORTE CVM ASSEDISSEMVS; Tiburtem fundum requirebat: Brutum autem, hominem sapientem, quod filij nequitiam uideret, quæ prædia ei relinqueret, testificari dicebat uoluisse. quod si potuisset honeste scribere, se in balneis cum id ætatis filio fuisse; non præterijisset: eas se tamen ab eo balneas non ex libris patris, sed ex tabulis, & ex censu querere. Crassus tum ita Brutum ultus est, ut illum recitationis suæ pæniteret. moleste enim fortasse tulerat, se in ijs orationibus reprehensum, quas de rep. habuisset, in quibus forsitan magis requiratur constantia. Ego autem illa recitata esse non moleste fero. neque enim ab illo tempore, quod tum erat, neque ab ea caussa, quæ tum agebatur, aliena fuerunt. neque mihi quidquam oneris suscepi, cum ista dixi, quo minus honeste hanc causam & libere possem defendere. quod si uelim confiteri, me causam A. Cluentij nunc cognoscere, antea fuisse in illa opinione populari: quis tandem id possit reprehendere? præsertim, iudices, cum a uobis quoque ipsis hoc impetrare sit æquissimum, quod ego & ab initio petiui, & nunc peto, ut, si quam huc grauiorem de illo iudicio opinionem attulistis, hanc, caussa perspecta, atque omni ueritate cognita, deponatis. Nunc, quoniam ad omnia, quæ abs te dicta sunt, T. Ati, de Oppianici damnatione, respondi: confiteare, necesse est, te opinione multum fefellisse, quod existimaris me causam A. Cluentij*
non

non facto eius, sed lege defensurum. nam hoc persæpe dixisti, tibi sic renūciari, me habere in animo causam hanc præsidio legis defendere. Ita ne est? ab amicis uidelicet imprudentes prodimur: & est nescio quis de ijs, quos amicos nobis arbitramur, qui nostra consilia ad aduersarios deferat. quisnam tibi hoc renunciavit? quis tam improbus fuit? cui ego autem narraui? nemo, ut opinor, in culpa est: sed nimirum tibi istuc lex ipsa renunciavit. sed num tibi ita defendisse uideor, ut tota in causa mentionem ullam fecerim legis? unum secus hanc causam defendisse, ac si lege *Habitus* teneretur? certe, ut hominem confirmare oportet, nullus est locus a me purgandi istius inuidiosi criminis prætermisus. Quid ergo est? quæret fortasse quispiam, displiceat ne mihi legum præsidio a capite periculum propulsare? mihi uero, iudices, non displicet: sed utor instituto meo in hominis honesti prudentisq. iudicio. non solum meo consilio uti consueui, sed multum etiam eius, quem defendo, & consilio, & uoluntati obtempero. nam, ut hæc ad me causa delata est, qui leges eas, ad quas adhibemur, & in quibus uersamur, nosse deberem, dixi *Habito* statim, de eo, qui coisset, quo quis condemnaretur, illum esse liberum, teneri autem nostrum ordinem. atque ille me orare, & obsecrare cæpit, ut ne sese lege defenderem. cum ego, quæ mihi uiderentur, dicerem, traduxit me ad suam sententiam. affirmabat enim lacrymans, non se cupidiorum esse ciuitatis retinendæ, quæ existimationis. morem homini gessi: & tamen iccirco

co

P R
co feci, (neq
uidebam per
posse defendi
sum usus, plu
luit, minus la
actum, nisi ut
ta, perorasse
quod ait. Atri
cio quæquam
eques R. hoc
dam hoc indig
dero) tu mil
gnius, in ea
legibus. hoc
frumur in
equitatis.
tentia ciuita
stra sine mem
neris, ac san
gum ministri
ces: legum d
beri esse poss
loco sedas?
gnitate præ
quamobrem
pauci de hon
re Atrius, e
stas dicens
ctores, quæ

co feci, (neque enim id semper facere debemus) quòd uidebam per se ipsam causam copiosissime sine lege posse defendi: uidebam in hac defensione, qua iam sum usus, plus dignitatis, in illa, qua me hic uti noluit, minus laboris futurum. quòd si nihil aliud esset actum, nisi ut hanc causam obtinerem: lege recitata, perorarem: neque me illa oratio commoueret, quòd ait *Atius*, indignum esse facinus, si senator iudicio quenquam circumuenerit, legibus eum teneri; si eques *R.* hoc idem fecerit, non teneri. Ut tibi concedam hoc indignum esse; (quod cuiusmodi sit, iam uidero) tu mihi concedas necesse est, multo esse indignius, in ea ciuitate, quæ legibus teneatur, discedi a legibus. hoc enim uinculum est huius dignitatis, qua fruimur in rep. hoc fundamentum libertatis, hic fons æquitatis. mens, & animus, & consilium, & sententia ciuitatis posita est in legibus. ut corpora nostra sine mente, sic ciuitas sine lege suis partibus, ut neruis, ac sanguine, & membris, uti non potest. legum ministri, magistratus: legum interpretes, iudices: legum denique iccirco omnes serui sumus, ut liberi esse possimus. Quid est, *Q. Naso*, cur tu in isto loco sedeas? quæ uis est, qua abs te hi iudices, tali dignitate præditi, coerceantur? uos autem, iudices, quamobrem ex tam magna multitudine ciuium tam pauci de hominum fortunis sententiam fertis? quo iure *Atius*, quæ uoluit, dixit? cur mihi tam diu potestas dicendi datur? quid sibi autem illi scribæ, quid lictores, quid ceteri, quos apparere huic quæstioni uideo,

O R A T I O

deo, uolunt? opinor, hæc omnia lege fieri, totumq.
 hoc iudicium, ut antea dixi, quasi mente quadam re
 gi, & administrari. Quid ergo est? hæc quæstio sola
 ita gubernatur? quid M. Platorij, & C. Flaminij
 inter sicarios? quid C. Orchinij peculatus? quid mea
 de pecunijs repetundis? quid C. Aquillij, apud quem
 nunc de ambitu causa dicitur? quid reliquæ quæstio-
 nes? circumspicite omnes reip. partes: omnia legum
 imperio, & præscripto fieri uidebitis. si quis apud
 me te, T. Ati, reum uelit facere, clames te lege pe-
 cuniarum repetundarum non teneri: neque hæc tua
 recusatio confessio sit captæ pecuniæ, sed laboris, sed
 periculi non legitimi declinatio. nunc quid agatur,
 & quid abs te iuris constituitur, uide. Iubet lex ea,
 qua lege hæc quæstio constituta est, iudicem quæ-
 stionis, hoc est Q. Voconium, cum ijs iudicibus, qui
 ei obuenerint (uos appellat, iudices) quærere de ue-
 neno: in quem quærere? infinitum est. Q VICVN-
 QUE FECERIT, VENDIDERIT, EME-
 RIT, HABVERIT, DEDERIT. Quid eadem
 lex statim adiungit? recita. DEQUE EIVS CA-
 PITE QVAERITO. Cuius? qui coierit? conue-
 nerit? non ita est. quid ergo est? dic. QVI TRI-
 BVNVS MIL. LEGIONIBVS QVATTVOR
 PRIMIS, QVI VE QVAESTOR, TRIBV-
 NVS PL. Deinceps omnes magistratus nominauit.
 QVI VE IN SENATV SENTENTIAM DI-
 XIT, DIXERIT. Quid tum? QVI EORVM
 COIT, COIERIT, CONVENIT, CONVE-
 NERIT,

PR
 NERIT, Q
 CO COND
 rum? uidelicet
 stro modo scrip
 lex docet: ubi
 quitur. QV
 FECERIT.
 iudicium uoc
 iunxisset, Qu
 EIVS CAP
 GISTRATV
 SENATV S
 EORVM C
 tius? certe n
 men defendi
 legem: mor
 ca, qua ab h
 enim quiddam
 aliquid, quod
 tat interesse,
 fendi: ego aut
 disputatione a
 mihi hæc caus
 mens proposit
 nis contenti es
 adfuit, existi
 sunt, si recte
 ti, de te tibi
 hoc loco pro

NERIT, QVO QVIS IUDICIO PVBLI-
CO CONDEMNARETVR. Qui eorum? quo-
rum? uidelicet, qui suprascripti sunt. quid interest,
utro modo scriptum sit? etsi est apertum, tamen ipsa
lex docet: ubi enim omnes mortales alligat, ita lo-
quitur. QVI VENENV MVLVM FECIT,
FECERIT. Omnes uiri, mulieres, liberi, serui in
iudicium uocantur. si item de coitione uoluisset, ad-
iunxisset, Qui ue coierit: nunc ita est: DE QVE
EIVS CAPITE QVAERITO, QVI MA-
GISTRATVM HABVERIT, QVI VE IN
SENATV SENTENTIAM DIXERIT. QVI
EORVM COIT, COIERIT. Num is est Cluen-
tius? certe non est. quis ergo est Cluentius? qui ta-
men defendi causam suam lege nolit: itaque obijcio
legem: morem Cluentio gero. tibi tamen, Ati, pau-
ca, quæ ab huius causa seiuncta sunt, respondebo. est
enim quiddam in hac causa, quod Cluentius ad se; est
aliquid, quod ego ad me putem pertinere. hic sua pu-
tat interesse, se re ipsa, & gesto negotio, non lege, de-
fendi: ego autem mea existimo interesse, me nulla in
disputatione ab Atio uideri esse superatum. non enim
mihi hæc causa sola dicenda est: omnibus hic labor
meus propositus est, quicumque hac facultate defensio-
nis contenti esse possunt. nolo quenquam eorum, qui
adsunt, existimare, me, quæ de lege ab Atio dicta
sunt, si reticuerim, comprobare. quamobrem, Cluen-
ti, de te tibi obsequor; neque ego legem recito; neque
hoc loco pro te dico: sed ea, quæ a me desiderari arbi-
tror,

O R A T I O

bitror, non relinquam. Iniquum tibi uidetur, *Ati*,
 esse, non iisdem legibus omnes teneri. Primum, ut
 id iniquissimum esse confitear, huiusmodi est, ut com-
 mutatis eis opus sit legibus, non ut ijs, quæ sunt,
 non pareamus. deinde, quis unquam hoc senator ac-
 cussauit, ut, cum altiore gradum dignitatis benefi-
 cio populi *R.* esset consecutus, eo se putaret duriori-
 bus legum condicionibus uti nõ oportere? quàm mul-
 ta sunt commoda, quibus caremus: quàm multa mo-
 lesta, ac difficilia, quæ subimus. atque hæc omnia
 tantum honoris, & amplitudinis commodis compen-
 santur. Conuerte nunc ad equestrem ordinem, atque
 in ceteros ordines: easdem uitæ condiciones non per-
 ferent: putant enim minus multos sibi laqueos legū,
 & condicionum, ac iudiciorum propositos esse opor-
 tere, qui in summum locum ciuitatis aut non potue-
 runt ascendere, aut non petiuerunt. Atque ut omit-
 tam leges alias omnes, quibus nos tenemur, ceteri
 autem sunt ordines liberati: hanc ipsam legem, ne
 quis iudicio circumueniretur, *C. Gracchus* tulit: eā
 legem pro plebe, non in plebem tulit. postea *L. Syl-*
la, homo a populi causa remotissimus, tamen, cum
 eius rei quæstionem hac ipsa lege constitueret, qua
 uos hoc tempore iudicatis, populum *R.* quem ab hoc
 genere liberum acceperat, alligare nouo quæstionis
 genere ausus non est. quod si fieri posse existimasset,
 pro illo odio, quod habuit in equestrem ordinem, ni-
 hil fecisset libentius, quàm omnem illam acerbitatē
 proscriptionis suæ, quæstus in ueteres iudices, in hæc
 unam

P R O
 nam quæstio
 gium, mibi
 providendum
 gu periculum
 bus, sed a pa
 tur integritat
 nos estis, &
 quites ordina
 dia coniuncti
 posse omnia,
 mine ullo, au
 tes *R.* in pot
 est, ut de ijs
 cia fieri poss
 dinis confir
 tu propositio
 posse confidat
 maioribus op
 cum uideat
 rit, causam
R. qui boni
 trib. pl. restit
 illa cuncta, q
 iudicasset, h
 ventur tunc
 nas, illa robo
 non fecerunt
 culpe suscip
 me repug

nam quaestionem contulisset . nec nunc quidquam agitur , mihi credite iudices , & prospicite id , quod providendum est , nisi ut equester ordo in huiusce legis periculum includatur : neque hoc agitur ab omnibus , sed a paucis . nam ij senatores , qui se facile tuentur integritate , & innocentia , quales , ut uere dicā , uos estis , & ceteri , qui sine cupiditate uixerunt , equites ordini senatorio dignitate proximos , concordia coniunctissimos esse cupiunt : sed ij , qui se uolunt posse omnia , neque præterea quidquam esse aut in homine ullo , aut in ordine , hoc uno metu se putāt equites R. in potestatem suam redacturos , si constitutum est , ut de ijs , qui rem iudicarent , huiusmodi iudicia fieri possint . uident enim auctoritatem huius ordinis confirmari : uident iudicia comprobari : hoc metu proposito , euellere se aculeum seueritatis uestre posse confidunt . quis enim de homine audeat paullo maioribus opibus prædito uere & fortiter iudicare , cum uideat sibi de eo , quod coierit , aut consenserit , causam esse dicendam ? o uiros fortes equites R. qui homini clarissimo , ac potentissimo M. Druso trib. pl. restiterunt , cum ille nihil aliud ageret cum illa cuncta , quæ tum erat , nobilitate , nisi uti , qui rem iudicassent , huiusmodi quaestionibus in iudiciū uocarentur . tunc C. Flanius Pusio , Cn. Titinius , C. Mæcenas , illa robora populi R. ceteriq. huiusmodi ordinis non fecerunt idem , quod nunc Cluentius , ut aliquid culpæ suscipere se putarent recusando ; sed apertissime repugnarunt , cum hæc recusarent , & palam fortissime

h h tissime

O R A T I O

tissime atque honestissime dicerent: se potuisse iudicio
populi R. in amplissimum locum peruenire, si sua stu-
dia ad honores petendos conferre uoluissent: sese ui-
disse, in ea uita qualis splendor inesset, quanta orna-
menta, quæ dignitas: quæ se non contempsisse, sed or-
dine suo patrumq. suorum contentos fuisse, & uitam
illam tranquillam, & quietam, remotam a procel-
lis inuidiarum, & huiusmodi iudiciorum anfractu,
sequi maluisse: aut sibi ad honores petendos ætatem
integram restitui oportere; aut, quoniam id non pos-
set, eam condicionem uitæ, quam secuti, petitionem
reliquissent, manere: iniquum esse, eos, qui honorum
ornamenta propter periculorum multitudinem præ-
termisissent, populi beneficijs esse priuatos, iudicio-
rum nouorum periculis non carere: senatorem hoc
queri non posse; propterea quod ea condicione propo-
sita petere cœpisset, quodq. permulta essent ornamen-
ta, quibus eam mitigare molestiam posset, locus, au-
toritas, domi splendor, apud exterarum nationes no-
men, & gratia, toga prætexta, sella curulis, insi-
gnia, fasces, exercitus, imperia, prouinciæ: quibus
in rebus cum summum recte factis maiores nostri præ-
mium, tum plura peccatis pericula proposita esse uo-
luerunt. illi non hoc recusabant, ea ne lege accusa-
rentur, qua nunc Habitus accusatur, quæ tunc erat
Sempronia, nunc est Cornelia: intelligebant enim ea
legem equestrem ordinem non teneri: sed, ne noua
lege alligarentur, laborabant. Habitus ne hoc qui-
dem unquam recusauit, quo minus uel ea lege ratio-
nem

P R
nem uita
bis condicio
primus in
rea quidem
commoda
que legibus
mul & illud
R. aliud nunc
commississe
ge ea, quæ
qua se solus
iudices asto
adolescens
teneri omni
sicut facer
dicit ea leg
tum habere
re, et in arc
non licet, f
stra acquit
id, quod era
niam ita de
re noluerit
dam, quod
ego populo
te status
ta sit in o
ta, & q
tentetur

nem uitæ suæ redderet, quæ non teneretur. quæ si uobis condicio placet, omnes id agamus, ut hæc quamprimum in omnes ordines quæstio perferatur. interea quidem, per deos immortales, quoniam omnia commoda nostra, iura, libertatem, salutem denique legibus obtemus, a legibus non recedamus: simul & illud quàm sit indignum cogitemus, populum R. aliud nunc agere, uobis remp. & fortunas suas commisisse, ipsum sine cura esse, non metueret ne lege ea, quam nunquam ipse iusserit, & quæstione, qua se solutum liberumq. esse arbitretur, per paucos iudices astringatur. agit enim sic causam T. Atius, adolescens bonus, & disertus, omnes ciues legibus teneri omnibus: uos attenditis, & auditis silentio, sicut facere debetis A. Cluentius, eques R. causam dicit ea lege, qua lege senatores, & ij, qui magistratum habuerunt, soli tenentur. mihi per eum recusare, et in arce legis præsidia cõstituere defensionis meæ non licet, si obtinuerit causam Cluentius, sicuti uestra æquitate nixi confidimus: omnes existimabunt id, quod erit, obtinuisse propter innocentiam, quoniam ita defensio sit; in lege autem, quam attingere noluerit, præsidij nihil fuisse. Hic nunc est quiddam, quod ad me pertineat, de quo ante dixi, quod ego populo R. præstare debeam; quoniam is meæ uitæ status est, ut omnis mihi cura, atque opera posita sit in omnium periculis defendendis. Video, quanta, & quàm periculosa, & quàm infinita quæstio tentetur ab accusatoribus, cum eam legem, quæ in

b h 2 no-

nostrum ordinem scripta sit, in populum R. transferre conentur. qua in lege est: QVI COIERIT. Quod quàm late pateat, uidetis. CONVENIRIT. Aequè infinitum, & incertum est. CONSENSERIT. Hoc uero cum incertum, & infinitum, tum obscurum, & occultum est. FALSVM VE TESTIMONIVM DIXERIT. Quis de plebe Romana testimonium dixit unquam, cui non hoc periculum, T. Atio auctore, paratum esse uideatis? nam dicturum quidem certe, si hoc iudicium plebi Romanæ propositum sit, neminem unquam esse confirmo. sed hoc polliceor omnibus, si cui forte hac lege negotium faceissetur, qui lege non teneatur, si is uti me defensore uoluerit, me eius causam legis præsidio defensurum, & uel his iudicibus, uel eorum similibus facile probaturum, & omni me defensione usurum esse legis: qua nunc ut utar, ab eo, cuius uoluntati mihi obtemperandum est, non conceditur. non enim debeo dubitare, iudices, quin, si qua ad uos causa huiusmodi delata sit eius, qui lege non teneatur, etiam si is inuidiosus, aut multis offensus esse uideatur, etiam si eum oderitis, etiam si inuiti absoluturi sitis, tamen absoluatis, & religioni potius uestræ, quàm odio, pareatis. est enim sapientis iudicis, meminisse se hominem; cogitare, tantum sibi a populo R. esse permissum, quantum commissum, & creditum sit; & non solum sibi potestatem datam, uerum etiam fidem habitam esse, meminisse; posse, quem oderit, absolvere; quem non oderit, condemnare;

&

PR
 & semper,
 ligio cogat,
 citetur, de q
 ueretur. cui
 hominis mag
 iudicandi cam
 esse solum, ne
 cere, sed hab
 tatem, fidem
 metum, cup
 asinare com
 mort alibus
 que si optima
 in omni uit
 cum honesta
 uisset, aut
 fet dicere id
 ei uideatur,
 oportere. qu
 te nimium,
 prudentia sa
 fiant, qua
 li statuere
 omnium tur
 hil, præter
 metis necess
 rim, plurib
 intelligetis
 breuissime

& semper, non quid ipse uelit, sed quid lex, & religio cogat, cogitare; animaduvertere, qua lege reus citetur, de quo reo cognoscat, quæ res in quæstione uersetur. cum hæc sunt uidenda, tum uero illud est hominis magni, iudices, atque sapientis, cum illam iudicandi causa tabellam sumpserit, non se putare esse solum, neque sibi, quodcumque concupierit, licere, sed habere in consilio legem, religionem, æquitatem, fidem; libidinem autem, odium, inuidiam, metum, cupiditatesq. omnes amouere; maximiq. æstimare conscientiam mentis suæ, quam ab dijs immortalibus accepimus, quæ a nobis diuelli nõ potest: quæ si optimorum consiliorum, atque factorum testis in omni uita nobis erit, sine ullo metu, & summa cum honestate uiuemus. hæc si T. Atius aut cognouisset, aut cogitasset; profecto ne conatus quidem esset dicere id, quod multis uerbis egit; iudicem, quod ei uideatur, statuere, & non deuinctum legibus esse oportere. quibus de rebus mihi pro Cluentij uoluntate nimium, pro reip. dignitate parum, pro uestra prudentia satis dixisse uideor. Reliqua perpauca sunt, quæ, quia uestræ quæstionis erant, iccirco illi statuerunt sibi fingenda esse, & proferenda, ne omnium turpissimi reperirentur, si in iudicium nihil, præter inuidiam, attulissent. Atque, ut existimetis necessario me de his rebus, de quibus iam dixirim, pluribus egisse uerbis, attédite reliqua: profecto intelligetis, ea, quæ paucis demonstrari potuerunt. breuissime esse defensa. Cn. Decio Samniti, ei, qui

h h 3 pro-

proscriptus est, iniuriam in calamitate eius ab huius familia factā esse dixistis. a nullo ille liberalius, quā a Cluentio, tractatus est. huius illum opes in rebus eius incommodis subleuarunt. atque hoc cum ipse, tum omnes eius amici, necessarijque cognouerunt. An carij, & Paceni pastoribus huius uillicos uim, & manus attulisse. Cum quadam in collibus, ut solet, controuersia pastorum esset orta; Habiti uillici rem domini, & priuatam possessionem defende runt. cum esset expositulatio facta; causa illis demonstrata, sine iudicio controuersiaque discessum est. P. Aelij testamento propinquus exheredatus cum esset, heres hic alienior institutus est. P. Aelius Habiti merito fecit: neque hic in testamento faciendo interfuit: idque testamentum ab huius inimico Oppianico est obsignatum. Florio legatum ex testamento, inficiatum esse. Non est ita: sed cum HS x x x scripta essent, pro HS c c c, neque ei satis cautum uideretur, uoluit eum aliquid acceptum referre liberalitati suae: primo debere negauit, post sine controuersia soluit. Caelij cuiusdam Samnitis uxorem post bellum ab hoc esse repetitam. Mulierem cum emisset de sectoribus; quo tempore eam primum liberam esse audiuit, sine iudicio reddidit Caelio. Ennium esse quendam, cuius bona teneat Habitus. Est hic Ennius, egens quidam calumniator, mercenarius Oppianici, qui permultos annos quieuit, deinde aliquando cum seruo Habiti furti egit, nuper ab ipso Habito petere cepit. hic illo priuato iudicio, mihi credite, nobis

ijdem

PR
ijdem fort
que etiam,
rem hospit
uia Latina,
eius in taber
henime nihil
uitauerit, id
moleste ferat
que in totam
illi inuidiosum
accusatores
falsare, qu
quod ad ne
iudicij est,
acti huc co
intelligant
potuerit;
huius uolunt
minime per
pacem ab ho
time adest,
ditus, L. P
esper fuit, &
tauit, apud
hanc heres
tum, poss
hinc, illius
& in prim
Cluentio

isilem fortasse patronis calumniam non effugiet. At
que etiam, ut nobis renunciatur, hominem multo-
rum hospitum, A. Binnium quendam, coponem de
uia Latina, subornatis, qui sibi a Cluentio, seruisq.
eius in taberna sua manus allatas esse dicat. quo de
homine nihil etiam nunc dicere nobis est necesse. si in-
uitauerit, id quod solet, sic hominem accipiemus, ut
molestē ferat, se de uia decessisse. Habetis iudices,
quæ in totam uitam de moribus A. Cluentij, quem
illi inuidiosum reum uolunt esse, annos octo meditati
accusatores collegerūt, quàm leuia genere ipso, quàm
falsa re, quàm breuia responsu. cognoscite nunc id,
quod ad uestrum iusiurandum pertinet, quod uestri
iudicij est, quod uobis oneris imposuit ea lex, qua co-
acti huc conuenistis, de criminibus ueneni: ut omnes
intelligant, quàm paucis uerbis hæc caussa perorari
potuerit; & quàm multa a me dicta sint, quæ ad
huius uoluntatem maxime, ad uestrum iudicium
minime pertinerent. Obiectum est, C. Vibium Ca-
pacem ab hoc A. Cluentio ueneno esse sublatū. Opor-
tune adest, homo summa fide, & omni uirtute præ-
ditus, L. Plætorius senator, qui illius Capacis ho-
spes fuit, & familiaris. apud hunc ille Romæ habi-
tauit, apud hunc ægrotauit, huius domi est mortuus.
haud heres est Cluentius: intestatum dico esse mor-
tuum, possessionemq. eius bonorum prætoris edicto
huic, illius sororis filio, adolescenti pudentissimo,
& in primis honesto, equiti R. datam, Numerio
Cluentio, quem uidetis. Alterum ueneficij crimen,

h h 4 Oppia-

O R A T I O

Oppianico huic adolescenti, cum eius in nuptijs more Larinatum multitudo hominum pranderet, uenenum Habiti consilio paratum: id cum daretur in mulso, Balbutium quendam, eius familiarem, interceptisse, bibisse, statimq. esse mortuum. Hæc ego si sic agerem, tanquam mihi crimen esset diluendum; hæc pluribus uerbis dicerem, quæ nunc paucis percurrit oratio mea. Quid unquam Habitus in se admisit, ut hoc tantum ab eo facinus non abhorre uideatur? Quid autem magnopere Oppianicum metuebat? cum ille uerbum omnino in hac ipsa caussa nullum facere potuerit, huic autem accusatores, matre uiua, deesse non possent: quod iam intelligetis. an, ut de caussa eius periculi nihili decederet, ad caussam nouum crimen accederet? Quod autem tempus ueneni dandi illo die? in illa frequentia? per quem porro datum? unde sumptum? quæ deinde interceptio poculi? cur non de integro autem datum? multa sunt, quæ dici possunt: sed non committam, ut uidear non dicendo uoluisse dicere: res enim iam se ipsa defendat. Nego illum adolescentem, quem statim, epoto poculo, mortuum esse dixistis, omnino illo die esse mortuum. magnum, & impudens mendacium. perspicite cetera. Dico illum, cum ad illud prandium crudior uenisset, &, ut ætas illa fert, sibi tum non pepercisset, aliquot dies ægrotasse, & ita esse mortuum. quis huic rei testis est? idem, qui sui luctus, pater, pater, inquam, illius adolescentis: quem propter

propter animi dolorem pertenuis suspicio potuisset
ex illo loco testem in A. Cluentium constituere,
is hunc suo testimonio subleuat. quod recita. tu au-
tem, nisi molestum est, paullisper exsurge, & per-
fer hunc dolorem commemorationis necessaræ: in
qua ego diutius non morabor; quoniam, quod fuit
iuri optimi, fecisti, ut ne cui innocenti mæror tuus
calamitatem, & falsum crimen afferret. T E-
S T I M O N I U M. Vnum etiam mihi reli-
quum eiusmodi crimen est, iudices, ex quo illud
perspicere possitis, quod a me initio orationis meæ
dictum est; quidquid mali per hos annos A. Cluen-
tius uiderit, quidquid hoc tempore habeat solici-
tudinis, ac negotij, id omne a matre esse confla-
tum. Oppianicum ueneno necatum esse, quod ei
datum sit in pane per M. Asellium quendam,
familiarem illius, idque Habiti consilio factum es-
se, dicitis. in quo primum illud quæro, quæ caus-
sa Habito fuerit, cur interficere Oppianicum uel-
let. inimicitias enim inter ipsos fuisse confiteor:
sed homines inimicos suos morte affici uolunt,
uel quod metuunt, uel quod oderunt. quo tan-
dem igitur Habitus metu adductus tantum in se
facinus suscipere conatus est? quid erat, quod
iam Oppianicum, pæna affectum pro maleficijs,
eiectum e ciuitate, quisquam timeret? quid me-
tuebat? ut oppugnaretur a perdito? an ne accusa-
retur a condemnato, an ne exsulis testimonio
laderetur? sin autem, quod oderat, Habitus ic-
circo

circo illum uita frui noluit : adeo ne erat stultus , ut il-
 lam, quam tum ille uiuebat, uitam esse arbitraretur
 damnati, exsulis, deserti ab omnibus, quem propter
 animi importunitatem nemo recipere tecto, nemo adi-
 re, nemo alloqui, nemo respicere uellet ? huius igitur
 uitæ Habitui inuidebat ? hunc si acerbe, & penitus
 oderat, nõ eum quamdiutissime uiuere uelle debebat ?
 huic mortem maturabat inimicus, quod illi unum in
 malis perfugium erat calamitatis ? qui si quid animi
 ac uirtutis habuisset, ut multi sæpe fortes uiri in eiu-
 modi dolore, mortem sibi ipse conscisset . huic quam-
 obrem id uellet inimicus offerre, quod ipse sibi optare
 deberet ? nam nunc quidē quid tandem illi mali mors
 attulit ? nisi forte ineptijs, ac fabulis ducimur, ut exi-
 stimemus illum apud inferos impiorum supplicia per-
 ferre, ac plures illic offendisse inimicos, quàm hic re-
 liquisse ; a socrus, ab uxore, a fratre, a liberum pæ-
 nis actum esse præcipitem in sceleratorum sedem, at-
 que regionem . quæ si falsa sunt, id quod omnes intel-
 ligunt : quid ei tandem aliud mors eripuit, præter sen-
 sum doloris ? Age uero, uenenum per quem datum ?
 per M . Asellium . quid huic cum Habito ? nihil ; at-
 que adeo, quod ille Oppianico familiarissime est usus,
 potius etiam contra simulas . ei ne igitur, quem sibi
 offensioem, Oppianico familiarissimum sciebat esse,
 potissimum & suum scelus, & illius periculum com-
 mittebat ? cur deinde tu, qui pietate ad accusandum
 excitatus es, hunc Asellium esse inultum tã diu sinis ?
 cur non Habiti exemplo usus es, ut per illum, qui at-
 tulisset

PR
 tulisset uenenum
 illud quàm ne-
 quàm nouum
 potuit, quàm
 qua in parte p-
 portione esset
 tum, in uenas
 manare ? fac-
 tum ; quàm in-
 ni nullo modo
 fesset ita fact-
 eiusmodi mo-
 non haberet
 tius, quàm
 so homines
 gatis, & ne-
 tem in Habitu
 scite . Cum u-
 clusus Oppian-
 contulisset, il-
 bementer, di-
 Stratio Albio
 mul esse soleb-
 lucissimus in-
 matrimonij,
 niri sublatum
 delis Oppian-
 dax, multa
 terea Oppi-

tulisset uenenum, de hoc præiudicaretur? Iam uero illud quàm non probabile, quàm inusitatum, iudices, quàm nouum? in pane datum uenenum. facilius ne potuit, quàm in poculo? latentius potuit abditum aliqua in parte panis, quàm si totum colliquefactum in potione esset? celerius potuit comesum, quàm epotum, in uenas, atque in omnes partes corporis permanare? facilius fallere in pane, si esset animaduersum; quàm in poculo, cum ita confusum esset, ut secer ni nullo modo posset? At repentina morte periit. quod si esset ita factum; tamen ea res, propter multorum eiusmodi mortem, satis firmam ueneni suspicionem non haberet: si esset suspiciosum, tamen ad alios potius, quàm ad Habitum, pertineret. uerum in eo ipso homines impudentissime mentiuntur. id ut intelligatis, & mortem eius, & quemadmodum post mortem in Habitum sit crimen a matre quæsitum, cognoscite. Cum uagus, & exsul erraret, atque undique exclusus Oppianicus in Falernum se ad C. Quinctilium contulisset, ibi primum in morbum incidit, ac satis uehementer, diuq. ægrotauit. cum esset una Saffia; & Statio Albio, quodam colono, homine ualente, qui simul esse solebat, familiarius uteretur, quàm uir dissolutissimus incolumi fortuna pati posset; & ius illud matrimonij, castum, atque legitimum, damnatione uiri sublatum arbitraretur: Nicostratus quidam, fidelis Oppianici seruulus, percuriosus, et minime mendax, multa dicitur renunciare domino solitus esse. interea Oppianicus cum iam conualesceret, neque in Falerno

O R A T I O

lerno improbitatem coloni diutius ferre posset, et huc ad urbem profectus esset, (solebat enim extra portā aliquid habere conductis) cecidisse ex equo dicitur, et homo infirma uale tudine latus offendisse uehementer, & postea quā ad urbem cum febris uenerit, paucis diebus esse mortuus. mortis ratio, iudices, eiusmodi est, ut aut nihil habeat suspicionis, aut, si quid habet, id intra parietes in domestico scelere uersetur. post mortem eius Saffia statim moliri nefaria mulier cœpit insidias filio: quæstionem habere de uiri morte constituit: emit de A. Rupilio, quo erat usus Oppianicus medico, Stratōnem quendam, quasi ut idem faceret, quod Habitus in emendo Diogene fecerat. de hoc Stratone, & de assecla quodam, seruo suo, quæsituram esse dixit. præterea seruum illum Nicostратum, quem nimium loquacem fuisse, ac nimium domino fidelem arbitrabatur, ab hoc adolescente Oppianico in quæstionem postulauit. hic cum esset illo tempore puer, & illa quæstio de patris sui morte constitui diceretur; etsi illum seruum & sibi beneuolum esse, & patri fuisse arbitrabatur, nihil tamen est ausus recusare. aduocantur amici, & hospites Oppianici, & ipsius mulieris, multi homines honesti, atque omnibus rebus ornati: tormentis omnibus uehementissimis quæritur. cum essent animi seruorum & spe, & metu tentati, ut aliquid in quæstione dicerent, tamen, ut arbitror, auctoritate aduocatorum, & ui tormentorum adducti, in ueritate manserunt, neque se quidquam scire dixerunt. quæstio illo die de amicorum sententia

P R
tentia dimiss
aduocantur
tormentorū
ri aduocati, &
atque import
set, ea, que co
que essent torm
nem facere ue
moribus popul
intelligere se
sed ut aliquid
ceteri compro
tum est, sati
co Nicostрат
merens, que
bat, ad quem
dem suspicio p
micoriam opp
insidia nocere
que, a Stratō
sibi persuasum
& ornatum d
bernā dedit
sua quiescebat
ratis filio poti
tur. cum tra
Oppianicum
tantem, ad l
spondit et fil

tentia dimissa est. satis longo interuallo post iterum
aduocantur. habetur de integro quæstio: nulla uis
tormentorum acerrimorum prætermittitur: auersa-
ri aduocati, & iam uix ferre posse: furere crudelis,
atque importuna mulier, sibi nequaquam, ut speras-
set, ea, quæ cogitasset, procedere. cum iam tortor, at
que essent tormenta ipsa defessa, neque tamen illa fi-
nem facere uellet: quidam ex aduocatis, homo & ho-
noribus populi ornatus, & summa uirtute præditus,
intelligere se dixit, non id agi, ut uerum inueniretur,
sed ut aliquid falsi dicere cogerentur. hoc postquam
ceteri comprobarunt, ex omnium sententia constitu-
tum est, satis uideri esse quæsitum. redditur Oppiani
co Nicostratus: Larinum ipsa proficiscitur cum suis,
mærens, quòd iam certe incolumem filium fore puta-
bat, ad quem non modo uerum crimen, sed ne ficta qui-
dem suspicio perueniret, & cui non modo aperta ini-
micorum oppugnatio, sed ne occultæ quidem matris
insidiæ nocere potuissent. Larinum postquam uenit,
quæ, a Stratone illo uenenum antea uiro suo datum,
sibi persuasum esse simulasset, instructam ei continuo,
& ornatam Larini medicinæ exercendæ causâ ta-
bernâ dedit. unum, alterum, tertium annum Sas-
sia quiescebat, ut uelle, atque optare aliquid calami-
tatis filio potius, quàm id struere, & moliri uideret-
ur. cum interim, Hortensio, Metello cos. ut hunc
Oppianicum, aliud agentem, ac nihil eiusmodi cogi-
tantem, ad hanc accusationem detraheret, inuito de-
spondit ei filiam suam, illam, quam ex genere susce-
perat;

O R A T I O

perat ; ut eum nuptijs alligatum, simul & testamen-
 ti spe deuinctum, posset habere in potestate . hoc ipso
 fere tempore Strato ille medicus domi furtum fecit,
 & cædem eiusmodi . cum esset in ædibus armarium,
 in quo sciret esse nummorum aliquantum , & auri,
 noctu duos conseruos dormientes occidit, in piscinâq.
 deiecit; ipse armarij fundum exsecuit, & HS *, &
 auri quinque pondo abstulit, uno ex seruis, puero non
 grandi, conscio . furto postridie cognito, omnis suspi-
 cio in eos seruos, qui non comparebant, commoueba-
 tur . cum exsectio illa fundi in armario animaduerte-
 retur, quærebant homines, quonam modo fieri potuis-
 set . quidam ex amicis Sassiæ recordatus est, se nuper
 in auctione quadam uidisse in rebus minutis adun-
 cam ex omni parte dentium, & tortuosam uenire ser-
 rulam, qua illud potuisse ita circumsecari uideretur .
 ne multa, perquiritur a coactoribus . inuenitur ea ser-
 rula ad Stratonem peruenisse . hoc initio suspicionis
 orto, & aperte insimulato Stratone, puer ille con-
 scijs pertinuit, rem omnem dominæ indicauit : homi-
 nes in piscina inuenti sunt : Strato in uincula conie-
 ctus est : atque etiam in taberna eius nummi, nequa-
 quam omnes, reperiuntur . constituitur quæstio de
 furto . nam quid quisquam suspicari aliud potest ? an
 hoc dicitis, armario expilato, pecunia ablata, non
 omni recuperata, occisis hominibus, institutam esse
 quæstionem de morte Oppianici ? cui probatis ? quid
 est, quod minus uerisimile proferre potuistis ? deinde,
 ut omittam cetera, triennio post mortem Oppianici
 de

P R
 de eius mort
 pristino Nico
 quæstionem po
 postea quam i
 esse testamen
 uam fidelissim
 ad supplicium
 nique quæstio
 seruis habebat
 dam homines
 & de Nicost
 nimibus non
 morbo, sed
 Roma, cum
 ceterorum,
 stitutam esse
 triennio post
 non dicam act
 bono uiro, in
 an hoc dicitis
 ci possit; tam
 retur de furto
 esse confessum
 rum improba
 centia defen
 ad fraudem
 tum excogit
 que proiecit
 si aut conf

de eius morte quærebatur . atque etiam incensa odio
pristino Nicostratum eūdem illum tum sine caussa in
quæstionem postulauit . Oppianicus primo recusauit :
postea quā illa abducturam se filiam , mutaturam
esse testamentum minaretur , mulieri crudelissimæ ser-
uum fidelissimum non in quæstionem tulit , sed plane
ad supplicium dedit . post triennium igitur agitata de
nique quæstio de uiri morte habebatur : & de quibus
seruis habebatur ? noua , credo , res obiecta , noui qui-
dam homines in suspicionem uocati sunt : de Stratone ,
& de Nicostrato . quid ? Romæ quæsitum de istis ho-
minibus non erat ? ita ne tandem ? mulier , iam non
morbo , sed scelere furiosa , cum quæstionem habuisset
Romæ , cum de T . Anni , L . Rutilij , P . Saturij , et
ceterorum , honestissimorum uiro-
rum , sententia con-
stitutum esset , satis quæsitum uideri ; eadem de re ,
triennio post , iisdem de hominibus , nullo adhibito ,
non dicam uiro , ne colonum forte affuisse dicatis , sed
bono uiro , in filij caput quæstionem habere conata est .
an hoc dicitis ; (mihi enim uenit in mentem , quid di-
ci possit ; tametsi adhuc non esset dictum) cum habe-
retur de furto quæstio , Stratonem aliquid de ueneno
esse confessum ? hoc uno modo , iudices , sepe multo-
rum improbitate depressa ueritas emergit , & inno-
centiæ defensio interclusa respirat ; quod aut ij , qui
ad fraudem callidi sunt , non tantum audent , quan-
tum excogitant ; aut illi , quorum eminent audacia , at-
que proiecta est , a consilijs malitiæ deseruntur . quod
si aut confidens astutia , aut callida esset audacia ; uix
ullo

ORATIO

ullo obsisti modo posset. Vtrum, furtum factum non est? at nihil clarius Larini fuit. an ad Stratonem suspicio non pertinuit? at is & ex serrula insimulatus, & a puero conscio est indicatus. an id actum non est in quaerendo? quæ fuit alia igitur caussa quaerendi? an id, quod dicendum uobis est, & quod tum Saffia ditabat; cum de furto quaeretur, tum Strato isdem in tormentis dixit de ueneno? en hoc illud est, quod ante dixi: mulier abundat audacia, consilio, & ratione deficitur: nam tabellæ quæstionis plures proferruntur, quæ recitatæ, uobisq. editæ sunt, illæ ipsæ, quas tum obsignatas esse dixi: in quibus tabellis de furto littera nulla inuenitur. non uenit in mentem, primam orationem Stratonis conscribere de furto, post aliquid adiungere dictum de ueneno, quod non percontatione quæsitum, sed dolore expressum uideretur. quæstio de furto est, ueneni iam suspicione superioris quæstione sublata: quod ipsum hæc eadem mulier indicarat: quæ ut Romæ de amicorum sententia statuerat satis esse quæsitum, postea per triennium maxime ex omnibus seruis Stratonem illum dilexerat, in honore habuerat, commodis omnibus affecerat. cum igitur de furto quaeretur, & eo furto, quod ille sine controuersia fecerat: tum ille de eo, quod quaerebatur, uerbum nullum fecit, de ueneno statim dixit: de furto, si non eo loco, quo debuit, ne in extrema quidem, aut media, aut in aliqua denique parte quæstionis uerbum fecit ullum? Iam uidetis, illam nefariam mulierem, indices, eadem manu, qua si de-

tur

P R
tur potest
quæstionem
tionem, di
minate. ne
minem, que
nominari.
tis, tu iudic
teris conscri
auctorem la
testem ullum
centissimo f
bi tales uiri
est auctorit
amicis bo
tea, quid
nata est? qu
& Nicofra
Nicostrato
hunc breui te
cere, dare p
que seruare
re hunc temp
dices, in cri
quod, nemo
lier amens re
cipum, non
eius sceleris
denuncietur
hoc portet

tur potestas, interficere filium cupiat, hanc fictam
 questionem conscripsisse. Atque istam ipsam qua-
 estionem, dicite, quis obsignauit? unum aliquem no-
 minate. neminem reperietis, nisi forte eiusmodi ho-
 minem, quem ego proferri malim, quam neminem
 nominari. Quid ais, T. Ati? tu periculum capi-
 tis, tu iudicium sceleris, tu fortunas alterius, lit-
 teris conscriptas, in iudicium afferas; neque earum
 auctorem litterarum, neque obsignatorem, neque
 testem ullum nominabis? & quam tu pestem inno-
 centissimo filio ex matris sinu deprompseris, hanc
 hi tales uiri comprobabunt? Esto: in tabellis nihil
 est auctoritatis: quid? ipsa questio iudicibus, quid?
 amicis hospitibusq. Oppianici, quos adhibuerat an-
 tea, quid? huic tandem ipsi tempori cur non reser-
 uata est? quid istis hominibus factum est, Stratone,
 & Nicostrato? quaero abs te, Oppianice, seruo tuo
 Nicostrato quid factum esse dicas? quem tu, cum
 hunc breui tempore accusaturus esses, Romam dedu-
 cere, dare potestatem indicandi, incolumem deni-
 que seruare questioni, seruare his iudicibus, serua-
 re huic tempori debuisti. nam Stratone[m] quidem, iu-
 dices, in crucem actum esse exacta scitote lingua:
 quod, nemo est Larinatium, qui nesciat. timuit mu-
 lier amens non suam conscientiam, non odium muni-
 cipum, non famam omnium, sed, quasi non omnes
 eius sceleris testes essent futuri, sic metuit, ne con-
 demnaretur extrema seruuli uoce morientis. quod
 hoc portentum, dii immortales? quod tantum mon-
 strum

O R A T I O

strum in ullis locis ? quod tam infestum scelus, & im-
mane, aut unde natum esse dicamus? iam enim uide-
tis profecto, iudices, non sine necessarijs me ac maxi-
mis caussis principio orationis meae de matre dixisse.
nihil est enim mali, nihil sceleris, quod illa non ab
initio filio uoluerit, optauerit, cogitauerit effecerit.
Mitto illam primam libidinis iniuriam: mitto nefa-
rias generi nuptias: mitto cupiditate matris expul-
sam ex matrimonio filiam: quae non dum ad huiusce
uitae periculum, sed ad commune familiae dedecus
pertinebant: nihil de alteris Oppianici nuptijs que-
ror; quarum illa cum obsides filios ab eo mortuos ac-
cepisset, tum denique in familiae luctum, atque in
pruignorum funus nupsit: praetereo, quod Aurium
Melinum, cuius illa quondam socrus, paullo ante u-
xor fuisset, cum Oppianici esse opera proscriptum,
occisumq; cognosceret, eam sibi domum sedemq. con-
iugij delegit, in qua quotidie superioris uiri mortis
indicia, & spolia fortunarum uideret. illud pri-
mum queror, de illo scelere, quod nunc denique pa-
tifactum est, Fabriciani ueneni, quod iam tum re-
cens suspiciosum ceteris, huic incredibile, nunc ue-
ro apertum iam omnibus, ac manifestum uidetur.
non est profecto de illo ueneno calata mater: nihil
est ab Oppianico sine consilio mulieris cogitatum.
quod nisi esset; certe postea, deprehensare, non il-
la ut ab improbo uiro discessisset, sed ut a crudelissi-
mo hoste fugisset, domumq. illam in perpetuum, sce-
lere omni affluentem, reliquisset. non modo id non
fecit,

P R
fecit, sed
fit, in quo
omnes, ac
hij cogitaren
Oppianicum
bus, colloc
itaque apud
pis inimici
dissidia uide
rem filio su
trimonium
nis affuit
deponunt
nitatis co
in eo solus
comparat
bus armat
& minis,
sim. q. de
nem aliquo
auctoritas
habita. La
conscriptio
illa conscel
ius ab illa
criminis.
rem filio
rendorunt
rui est co

fecit, sed ab illo tempore nullum locum prætermi-
sit, in quo non instrueret insidias aliquas, ac dies
omnes, ac noctes tota mente mater de pernicie fi-
lij cogitaret. quæ primum, ut istum confirmaret
Oppianicum accusatorem filio suo, donis, muneribus,
collocatione filia, spe hereditatis obstrinxit.
itaque apud ceteros, nouis inter propinquos susce-
ptis inimicijs, sæpe fieri diuortia, atque affinitatum
dissidia uidimus: hæc mulier satis firmum accusato-
rem filio suo fore neminem putauit, nisi qui in ma-
trimonium sororem eius ante duxisset. ceteri, no-
uis affinitatibus adducti, ueteres inimicitias sæpe
deponunt: illa sibi ad confirmandas inimicitias affi-
nitatis coniunctionem pignori fore putauit. neque
in eo solum diligens fuit, ut accusatorem filio suo
compåraret: sed etiam cogitauit, quibus eum re-
bus armaret. hinc enim illæ sollicitationes seruorum
& minis, & promissis: hinc illæ infinitæ, crudelissi-
mæq. de morte Oppianici quæstiones; quibus fi-
nem aliquando non mulieris modus, sed amicorum
auctoritas fecit: ab eodem scelere illæ triennio post
habitæ Larini quæstiones: eiusdem amentia falsæ
conscriptiones quæstionum: ex eodem furore etiam
illa conscelerata exsectio linguæ: totius denique hu-
ius ab illa est & inuenta, & adornata comparatio
criminis. atque his rebus cum instructum accusato-
rem filio suo Romam ipsa misisset, paullisper, conqui-
rendorum, & conducendorum testium causa, La-
rini est commorata: postea autem, cum appropin-

O R A T I O

quare huius iudicium ei nunciatum est, confestim
huc aduolauit; ne aut accusatoribus diligentia, aut
pecunia testibus deesset; aut ne forte mater hoc si-
bi optatissimum spectaculum huius sordium, atque
luctus, & tanti squaloris amitteret. iam uero,
quod iter Romam eius mulieris fuisse existimatis?
quod ego, propter uicinitatem Aquinatium, &
Venafranorum, ex multis audiui, & comperi: quos
concurfus in ijs oppidis? quantos & uiuorum, &
mulierum gemitus esse factos? mulierem quandam
Larino, atque illam usque a mari supero, Romam
proficisci, cum magno comitatu, & pecunia, quo
facilius circumuenire iudicio capitis, atque oppri-
mere filium posset. nemo erat illorum, pæne di-
cam, quin expiandum illum locum esse arbitraretur,
quacunque illa iter fecisset: nemo, quin terram
ipsam uiolari, quæ mater est omnium, uestigijs con-
sceleratæ matris putaret. itaque nullo in oppido con-
sistendi potestas ei fuit. nemo ex tot hospitibus in-
uentus est, qui non contagionem aspectus fugeret.
nocti se potius ac solitudini, quàm ulli aut urbi, aut
hospiti, committebat. Nunc uero quid agat, quid
moliatur, quid denique quotidie cogitet, quem igno-
rare nostrum putat? quos appellarit, quibus pecu-
niam promiserit, quorum fidem pretio labefacta-
re conata sit, tenemus. quin etiam nocturna sa-
crificia, quæ putat occultiora esse, sceleratasq. eius
preces, & nefaria uota cognouimus, quibus illa
etiam deos immortales de suo scelere testatur; ne-
que

P R
que intelli
cibus deor
ne, neque
placari: cu
immortales
se confido.
dam alios d
luit, huius
pellite. mu
rentum mi
fissime act
rogamus;
cipium uic
dibile dict
Larinate
studio, fr
eius peric
& mulier
presentia
esse tutum
sentes uidet
solicitat. n
bitrantur
modisq. on
enim, iudic
diligentia
omnes bon
tem illam
sic tuetur

que intelligit , pietate , & religione , & iustis pre-
cibus deorum mentes , non contaminata superstitione ,
neque ad scelus perficiendum cæsis hostijs , posse
placari : cuius ego furorem , atque crudelitatem deos
immortales a suis aris , atque templis aspernatos es-
se confido . Vos iudices , quos huic A. Cluentio quos-
dam alios deos ad omne uitæ tempus fortuna esse uo-
luit , huius importunitatem matris a filij capite de-
pellite . multi sæpe in iudicando peccata liberum pa-
rentum misericordie concesserunt : uos ne huius hone-
stissime actam uitam matris crudelitati condonetis ,
rogamus ; præsertim cum ex altera parte totum muni-
cipium uidere possitis . omnes scitote , iudices , (incre-
dibile dictum est ; sed a me uerissime dicetur) omnes
Larinales , qui ualuerunt , uenisse Romam , ut hunc
studio , frequentiaq. sua , quantum possent , in tanto
eius periculo subleuarent . pueris illud hoc tempore ,
& mulieribus oppidum scitote esse traditum , idq. in
præsentia in communi Italie pace domesticis copijs
esse tutum . quos tamen ipsos æque , & eos , quos præ-
sentes uidetis , huius expectatio iudicij dies noctesq.
solicitat . non illi uos de unius municipis fortunis ar-
bitrantur , sed de totius municipij statu , dignitate , cõ-
modisq. omnibus sententias esse laturos . summa est
enim , iudices , hominis in communem municipij rem
diligentia , in singulos municipes benignitas , in
omnes homines iustitia , & fides : præterea nobilita-
tem illam inter suos , locumq. a maioribus traditum
sic tuetur , ut maiorum grauitatem , constantiam ,
gratiam ,

ORATIO

gratiam, liberalitatem assequatur. itaque ijs eum
 uerbis publice laudant, ut non solum testimonium
 suum, iudiciumq. significant, uerum etiam curam
 animi, ac dolorem. quæ dum laudatio recitatur,
 uos quæso, qui eam detulistis, assurgite. ex lacrymis
 horum, iudices, existimare potestis, omnes hæc de-
 curiones decreuisse lacrymantes. **LAUDATIO.**
 Age uero, uicinorum quantum studium, quàm in-
 credibilis beneuolentia, quanta cura est? non illi in li-
 bellis laudationum decreta miserunt, sed homines ho-
 nestissimos, quos nossimus omnes, huc frequentes
 adesse, & hunc præsentem laudare uoluerunt. ad-
 sunt Ferentani, homines nobilissimi; Marrucini i-
 tem: pari dignitate Theano Apulo, atque Luceria
 equites Romanos, honestissimos homines, laudato-
 res uidetis: Boniano, totoq. ex Samnio cum lauda-
 tiones honestissimæ missæ sunt, tum homines amplis-
 simi nobilissimiq. uenerunt. iam, qui in agro Larina-
 ti prædia, qui negotia, qui res pecuniarias habent,
 honesti homines, & summo splendore præditi, diffi-
 cile dictu est, quàm sint solliciti, quàm laborent. non
 multi mihi ab uno sic diligi uidentur, ut hic ab his
 uniuersis. Quàm, non abesse ab huius iudicio L. Vo-
 lusienum, summo splendore hominem, ac uirtute
 præditum, uellem. præsentem possem P. Heluidium
 Rufum, equitem R. omnium ornatissimum, nomi-
 nare: qui cum huius causâ dies noctesq. uigilaret,
 & cum me hanc causam doceret, in morbum gra-
 uem periculosumq. incidit: in quo tamen non minus
 de

P R
 de capite h
 dici senator
 dium & te
 dem spe, se
 nni, quoni
 & ne long
 in hunc ben
 iam studi
 borem, qu
 orari, uel
 mansuetu
 ter? quare
 tis: cuius
 dant: qu
 minum co
 nemo hor
 litas, ut n
 nominat
 & iura m
 pellex: eo
 formam, n
 Quare, in
 matris a f
 lem dolore
 mini matr
 tius uestr
 uestra mat
 tuemq. c
 uestrum,

de capite huius, quàm de sua uita, laborat. Cn. Tu
dici senatoris, uiri optimi, & honestissimi, par stu
dium & testimonio, & laudatione cognoscetis. ea
dem spe, sed maiore uerecundia, de te, P. Volu
mni, quoniam iudex es in A. Cluentium, dicimus.
& ne longum sit, omnium uicinorum summam esse
in hunc beneuolentiam confirmamus. horum omni
um studium, curam, diligentiam, meumq. una la
borem, qui totam hanc causam uetere instituto per
orauit, uestramq. simul, iudices, equitatem, &
mansuetudinem una mater oppugnat. at quæ ma
ter? quam cæcæ crudelitatis, & scelere ferri uide
tis: cuius cupiditatem nulla unquam turpitudine retar
dauit: quæ uitæ animi in deterrimas partes iura ho
minum conuertit omnia: cuius ea stultitia est, ut eam
nemo hominem; ea uis, ut nemo feminam; ea crude
litas, ut nemo matrem appellare possit. atque etiam
nominanecessitudinum, non solum naturæ nomen,
& iura mutauit, uxor generi, nouerca filij, filiæ
pellex: eò iam denique adducta est, ut sibi, præter
formam, nihil ad similitudinem hominis reseruaret.
Quare, iudices, si scelus odistis, prohibete aditum
matris a filij sanguine: date parenti hunc incredibi
lem dolorem ex salute, ex uictoria liberum: patia
mini matrem, ne orbata filio latetur, uictam po
tius uestra equitate discedere. sin autem, id quod
uestra natura postulat, pudorem, bonitatem, uir
tutemq. diligitis: leuate hunc aliquando supplicem
uestrum, iudices, tot annos in falsa inuidia, pericu
lisq.

O R A T I O

lisq. uersatum : qui nunc primum post illam flam-
mam , aliorum facto , & cupiditate excitatam , spe
uestrae æquitatis erigere animum , & paulum respi-
rare a metu cæpit : cui posita sunt in uobis omnia:
quem seruatum esse plurimi cupiunt , seruare soli uos
poteſtis . orat uos Habitus , iudices , & flens obse-
crat , ne se inuidiæ , quæ in iudijs ualere non de-
bet ; ne matri , cuius uota , & preces a uestris men-
tibus repudiare debetis ; ne Oppianico , homini ne-
fario , condemnato iam , & mortuo , condonetis.
quod si qua calamitas hunc in hoc iudicio afflixiſſet
nocentem : nã iste miser , iudices , si , id quod diffi-
cile factu est , in uita remanebit , sæpe , & multum
queretur , deprehensum esse illud quondam Fabricia-
num uenenum : quod si tum indicatum non esset , non
huic ærumnosissimo uenenum illud fuisset , sed mul-
torum medicamentum laborum : postremo etiam
fortassis mater exequias illius funeris prosecuta ,
mortem se filij lugere simulasset : nunc uero quid erit
profectum , nisi ut huius ex medijs mortis insidijs ui-
ta ad luctum reſeruata , mors sepulcro patris priua-
ta esse uideatur ? satis diu fuit in miserijs , iudices : sa-
tis multos annos ex inuidia laborauit . nemo huic
tam iniquus , præter parentem , fuit , cuius animum
non iam expletum esse putemus . uos , qui æqui estis
omnibus , qui , ut , quisque crudeliſſime oppugna-
tur , eum leniſſime ſubleuatis ; conſeruate A. Cluen-
tium ; reſtituite incolumem municipio ; amicis , uici-
nis , hoſpitibus , quorum ſtudia uidetis , reddite ; uo-
bis

DE LE

bis in perpetuum
 qd hoc, iudic
 recte hoc rep
 imocentiſſimo
 que inuicidiff
 beretis ; ut on
 nulla locum,

DE L

CONTR

TR

que res apert
 oppugnatur .
 tur a multis ,
 les , regis Ale
 poli R. esse f
 clam petentib
 reſtituiſſis ? h
 bis conſilia ſi
 utrum cogitat
 dentur ? Vide
 luo turbet ven
 litas diſperd

DE LEGE AGR. CONTRA RVL. 69
bis in perpetuum liberisq. uestris obstringite. uestrum
est hoc, iudices, uestre dignitatis, uestre clementie:
recte hoc repetitur a uobis, ut uirum optimum, atque
innocentissimum, plurimisq. mortalibus carum, at-
que iucundissimum, his aliquando calamitatibus li-
beretis; ut omnes intelligant, in concionibus esse in-
uidie locum, in iudicijs ueritati.

DE LEGE AGRARIA,
CONTRA P. SERVILIUM RULLUM
TRIB. PL. IN SENATU.
ORATIO XV.

Desunt multa.

*quæ res aperte petebatur, ea nunc occulte cuniculis
oppugnatur. dicent enim decemuii id, quod & dici-
tur a multis, & sæpe dictum est; post eosdem consu-
les, regis Alexandrini testamento regnum illud po-
puli R. esse factum. dabitis igitur Alexandriam
clam petentibus ijs, quibus apertissime pugnantibus
restitistis? hæc, per deos immortales, utrum esse uo-
bis consilia siccorum, an uinolentorum somnia; &
utrum cogitata sapientum, an optata furiosorum ui-
dentur? Videte nunc, proximo capite ut impurus he-
luo turbet remp. ut a maioribus nostris possessiones re-
lictas disperdat, & dissipet: ut sit non minus in popu-
li*

O R A T I O

li R. patrimonio nepos, quàm in suo. Proscribit in sua lege uectigalia, quæ decemuiui uendant; hoc est, proscribit auctiõnem publicorum bonorum. agros emi uult, qui diuidantur: quærit pecuniam. uidelicet excogitabit aliquid, atque asseret. nam superioribus capitibus dignitas populi R. uiolabatur, nomen imperij in commune odium orbis terræ uocabatur; urbes pacatæ, agri sociorum, regum status decemuiris donabantur: nunc præsens certa pecunia numerata quæritur. exspecto, quid tribunus pl. uigilans, & acutus, excogitet. Veneat, inquit, silua Scantia. Vtrum tandem hanc siluam in relictis possessionibus, an in censorum pascuis inuenisti? si quid est, quod indagaris, inueneris, ex tenebris erueris; quanquam iniquum est, tamen consume sane, quoniam commodum est, quoniam quidem tu attulisti. siluam uero tu Scantiam uendas, nobis consulibus, atque hoc senatu? tu ullum uectigal attingas? tu populo R. subsidia belli, tu ornamenta pacis eripias? tum uero hoc me inertiorem consulem iudicabo, quàm illos fortissimos uiros, qui apud maiores nostros fuerunt; quod, quæ uectigalia illis consulibus populo R. parta sunt, ea me consule ne retineri quidem potuisse iudicabuntur. Vendit Italiæ possessiones ex ordine omnes. sane est in eo diligens: nullam enim prætermittit: persequitur in tabulis censorijs totam Siciliam: nullum adificium, nullos agros relinquit. audistis auctiõnem populi R. proscriptam a tribuno pl. constitutam in mensem Ianuariũ. &, credo, non dubitatis, quin iccirco
hæc

DELEG

hæc, ærarij ca
tate pepererunt
uideremus.
tius, quàm at
admodum Pon
fuit: nunc iam
Scantiam,
p. Seruili, for
agros in Mac
ni, partim L.
fuit: deinde a
rintium, qu
uectigalia po
in Hispania
pionem ex
Carthaginen
tam tectis, ac
mensuram cal
mistoriam, su
atram hunc
gibus, atque
tam nobis ma
eos agros uen
gonia, Ponto
re uidentur pr
pej exercitum
quibus ille et
Hoc uero ciui
constituant, l

DE LEGE AGR. CONTRA RVL. 70

hac, ærarij caussa, nō uendiderint ij, qui armis, et uirtute pepererunt, ut esset, quod nos, largitionis caussa, uenderemus. Videte nunc, quō affectarint iter apertius, quā antea. nam, superiore parte legis quemadmodum Pompeium oppugnarent, a me indicati sunt: nunc iam se ipsi indicabūt. Iubent uenire agros Attalensium, atque Olympenorum: hos populo R. P. Seruiliij, fortissimi uiri, uictoria adiunxit: deinde agros in Macedonia regios, qui partim T. Flamini, partim L. Paulli, qui Persen uicit, uirtute parti sunt: deinde agrum opimum, & fructuosissimum Corinthium, qui L. Mummiij imperio, ac felicitate, ad uectigalia populi R. adiunctus est: post autem agros in Hispania apud Carthaginem nouam, duorum Scipionum eximia uirtute possessos: tum ipsam ueterem Carthaginem uendunt, quam P. Africanus, nudatam tectis, ac mœnibus, siue ad notandam Carthaginiensium calamitatem, siue ad testificandam nostram uictoriam, siue ad oblatam aliquam religionem, ad æternam hominum memoriam consecrauit. his insignibus, atque infulis imperij uenditis, quibus ornatam uobis maiores uestri remp. tradiderunt, iubent eos agros uenire, quos rex Mithridates in Paphlagonia, Ponto, Cappadociaq. possederit. rum obscure uidentur prope hasta præconis insectari Cn. Pompeij exercitum, qui uenire iubeant eos ipsos agros, in quibus ille etiam nunc bellum gerat, atque uersetur? Hoc uero cuiusmodi est, quod eius auctioris, quam constituunt, locum sibi nullum definiunt? nam decem-
uiris

ORATIO

uiris, quibus in locis ipsis uideatur, uendendi potestas
 lege permittitur. censoribus uectigalia locare, nisi
 in conspectu populi R. non licet: his uendere uel in ul-
 timis terris licebit? at hoc etiam nequissimi homines,
 consumptis patrimonijs, faciunt, ut in atrijs auctio-
 narijs potius, quàm in triuijs, aut in compitis auctio-
 nentur: hic permittit sua lege decemuiris, ut, in qui-
 bus commodum sit tenebris, aut in qua uelint solitudi-
 ne, bona populi R. possint diuendere. Iam, illa omni-
 bus in prouincijs, regnis, liberis populis quàm acer-
 ba, quàm formidolosa, quàm quæstiosa concursatio
 decemuiralis futura sit, non uidetis? hereditatum ob-
 eundarum caussa quibus uos legationes dedistis, qui
 & priuati, & priuatum ad negotium exierunt, non
 maximis opibus, neque summa auctoritate præditi,
 tamen auditis profecto, quàm graues eorum aduen-
 tus socijs uestris esse soleant. quamobrem quid puta-
 tis impendere hac lege omnibus gentibus terroris,
 & mali, cum mittantur in orbem terrarum decem-
 uiri summo cum imperio, summa cum auaritia, infi-
 nitaq. omnium rerum cupiditate? quorum cum ad-
 uentus graues, cum fasces formidolosi, tum uero iudi-
 cium, ac potestas erit non ferenda. licebit enim, quod
 uidebitur, publicum iudicare; quod iudicarint, uen-
 dere. etiam illud, quod homines sancti non facient,
 ut pecuniam accipiant, ne uendant; tamen id ijs ip-
 sum per legem licebit. hinc uos quas spoliationes,
 quas pactiones, quam denique in omnibus locis num-
 dinationem iuris, ac fortunarum fore putatis? ete-
 nim,

DE LEG

nim, quod sup
 la & Pompei
 fecerunt. iud
 publicis pergr
 sint & libera
 quæ ipsi libe
 non potest, ut
 quæstiosior sit
 piones dua, n
 pit in uectigal
 ciliensem, in
 cautum sit fa
 psale possiden
 cautum fæde
 quid attinuer
 quam dubita
 non nunquam
 rim, duas can
 gratis parcere
 nummus uidet
 gis ofsecerint
 amicos, rege
 nus uectigali
 qui amplissim
 bus, & be
 peruenit ex
 tio, quod neq
 in ararium r
 bet. hoc cap

DE LEGE AGR. CONTRA RVL. 71

nim, quod superiore parte legis præfinitum fuit, Syl-
la & Pompeio, cos. id rursus liberum, infinitumq.
fecerunt. iubet eosdem decemuiros omnibus agris
publicis pergrande uectigal imponere; ut iidem pos-
sint & liberare agros, quos commodum sit, &
quos ipsis libeat, publicare. quo in iudicio, perspicere
non potest, utrum seueritas acerbior, an benignitas
quæstuosior sit futura. Sunt tamen in tota lege exce-
ptiones duæ, non tam iniquæ, quàm suspiciosæ. exci-
pit in uectigali imponendo agrum Recentoricum Si-
ciliensem, in uendendis agris eos agros, de quibus
cautum sit fœdere. hi sunt in Africa, qui ab Hiem-
psale possidentur. Hic quæro, si Hiempsali satis est
cautum fœdere, & Recentoricus ager priuatus est;
quid attinuerit excipi? sin & fœdus illud habet ali-
quam dubitationem, & ager Recentoricus dicitur
non nunquam esse publicus; quem putet existimatur-
um, duas causas in orbe terrarum repertas, quibus
gratis parceret? numquidnam tam abstrusus usquam
nummus uidetur, quem non architecti huiusce le-
gis olfecerint? prouincias, ciuitates liberas, socios,
amicos, reges denique exhauriunt: admovent ma-
nus uectigalibus populi R. non est satis. Audite uos,
qui amplissimo populi, senatusq. iudicio exercitus ha-
buisstis, & bella gessistis. quod ad quenque peruenit,
peruenerit ex præda, ex manubijs, ex auro corona-
rio, quod neque consumptum in monumento, neque
in ararium relatum sit, id ad decemuiros referri iu-
bet. hoc capite multa sperant: in omnes imperato-
res,

res, heredesq. eorum questionem suo iudicio comparant: sed maximam pecuniam se a Fausto ablaturus arbitrantur. quam causam suscipere iurati iudices noluerunt, hanc isti decemuiros suscipere. iccirco a iudicibus fortasse prætermisam esse arbitrantur, quod sit ipsis reseruata. deinde etiam in reliquum tempus diligentissime sancit, ut, quod quisque imperator habeat pecuniæ, protinus ad decemuiros deferat. hic tamen excipit Pompeium, simillime, ut mihi uidetur, atque in illa lege, qua peregrini Roma eiiciuntur, Glaucippus excipitur. non enim hac exceptione unus afficitur beneficio, sed unus priuatur iniuria. sed cui manubias remittit, huius uectigalia inuadit: iubet etenim pecuniã, si qua post nos consules ex nouis uectigalibus recipiatur, hac uti decemuiros. quasi uero non intelligamus, hæc eos uectigalia, quæ Cn. Pompeius adiunxerit, uendere cogitare. Videtis iam P. C. omnibus rebus, & modis constructam, & coaceruatam pecuniam decemuiralem. Minuetur huius pecuniæ inuidia: consumetur enim in agrorum emptionibus. Optime. quis ergo emet agros istos? idem decemuiros: tu, Rulle, (missos enim facio ceteros) emes, quos uoles: uendes, quos uoles: utrumque horum facies, quanti uoles. Cauet enim uir optimus, ne emat ab inuito. Quasi uero non intelligamus, ab inuito emere, iniuriosum esse; ab non inuito, quaestuosum. Quantum tibi agri uendet, ut alios omittam, socer tuus? & si ego eius æquitatem animi probe noui, uendet non inuitus. facient idem ceteri libenter; ut possessionis

DE LEG
possessionis in
quod cupiunt
prospicite omni
dem licentiam
dos: si porro a
possessiones non
pericia? non
in est, quod n
nolit uenditor
mus uectigali
tis aut inuadi
men emanant
ductio? quæ
centur, inq
in qua loca
omnia consi
riam omnium
intraem tra
firmaretis, co
uinctam, &
tur, ne in Lat
hanc urbe ad
faciemus, in
stremo non e
quam nostro
ro rotam It
id cuiusmodi
existimasti
quasq. in e

possessionis inuidiam pecunia commutent; accipiant, quod cupiunt; dent, quod retinere uix possunt. Nunc prospicite omnium rerum infinitam, atque intolerandam licentiam. Pecunia coacta est ad agros emendos: ij porro ab inuitis non ementur: si consenserint possessores non uendere, quid futurum est? referetur pecunia? non licet: exigetur? uetat. uerum esto: nihil est, quod non emi possit, si tantum des, quantum uelit uenditor. spoliemus orbem terrarum, uendamus uectigalia, effundamus aerarium, ut, locupletatis aut inuidiae, aut pestilentiae possessoribus, agri tamen emantur. quid tum? quæ erit in istos agros deductio? quæ totius rei ratio, atque descriptio? deducuntur, inquit, coloniae: quò? quorum hominum? in quæ loca? quis enim non uidet, in coloniis esse hæc omnia consideranda? tibi nos, Rulle, & istis tuis, harum omnium rerum machinatoribus, totam Italiam inermem tradituros existimasti, quam præsidij confirmaretis, coloniis occuparetis, omnibus uinclis deuinctam, & constrictam teneretis? ubi enim caueatur, ne in Ianiculo coloniam constituatis? ne urbem hanc urbe alia premere, atque urgere possitis? non faciemus, inquit. primum nescio: deinde timeo: postremo non committam, ut uestro beneficio potius, quam nostro consilio, salui esse possimus. Quod uero totam Italiam uestris colonis complere uoluistis, id cuiusmodi esset, neminem ne nostrum intellecturum existimastis? scriptum est enim, quæ in municipia, quasq. in colonias decemuiui uelint, deducant colonos,

O R A T I O

nos, quos uelint; & ijs agros assignent, quibus in le-
 cis uelint: ut, cum totam Italiam militibus suis occu-
 parint, uobis non modo dignitatis retinendæ, sed ne
 libertatis quidem recuperandæ spes relinquatur. At-
 que hæc a me suspicionibus, & coniectura coarguin-
 tur. iam omnis omnium tolletur error: iam aperte
 ostendent, sibi nomen huius reip. sedem urbis, atque
 imperij, denique hoc templum Iouis Optimi Maxi-
 mi, atque hanc arcem omnium gentium displicere.
 Capuam deduci colonos uolunt. illam urbem huic ur-
 bi rursus opponere, illuc opes suas deferre, & impe-
 rij nomen transferre cogitant. qui locus, propter u-
 bertatem agrorum, abundantiamq. rerum omnium,
 superbiam, & crudelitatem genuisse dicitur; ibi no-
 stri coloni, delecti ad omne facinus, a decemuiris col-
 locabuntur. & credo, qua in urbe homines in ue-
 teri dignitate, fortunaq. nati copiam rerum mode-
 rate ferre non potuerunt, in ea isti uestri satellites
 modeste insolentiam suam continebunt. Maiores no-
 stri Capua magistratus, senatum, consilium com-
 mune, omnia denique insignia reip. sustulerunt, ne-
 que aliud quidquam, nisi inane nomen Capuæ, re-
 liquerunt: non crudelitate: quid enim illis fuit cle-
 mentius, qui etiam externis hostibus uictis sua sæpi-
 sime reddiderunt? sed consilio, quod uidebant, si quod
 reip. uestigium illis mœnibus contineretur, urbem
 ipsam imperio domicilium præbere posse. Vos hæc,
 nisi euertere remp. cuperitis, ac uobis nouam do-
 minationem comparare, credo, quàm perniciofa
 essent,

DE LE

essent, non
 nis deducen
 qua corrupti
 panorum fasti
 uir hic urbe
 almodum ar
 mo quidquid
 se: nunc omni
 a colonis per
 hanc enim ob
 mia, qua ne
 ducant, quo
 panum, &
 queror dimi
 huius iactur
 nemo est, qu
 sit, nos capu
 puli R. poss
 belli, sub fig
 seruare non p
 lo concessisse,
 nationi, &
 dico, solum l
 lipi remaneat
 niteat, in be
 stem non per
 tionem, &
 libertatis lo
 uobis in rep

essent, non uideretis. quid enim cauendum est in colonijs deducendis? si luxuries, Hannibalem ipsum Capua corrumpit: si superbia, nata inibi esse ex Campanorum fastidio uidetur: si praesidium, non praepositur huic urbi ista colonia, sed opponitur. At quem admodum armatur, dii immortales? nam bello Punico quidquid potuit Capua, potuit ipsa per sese: nunc omnes urbes, quae circum Capuam sunt, a colonis per eosdem decemuiros occupabuntur. hanc enim ob causam permittit ipsa lex, in omnia, quae uelint, oppida colonos ut decemuiros deducant, quos uelint. Atque his colonis agrum Campanum, & Stellatam campum diuidi iubet. Non queror diminutionem uectigalium, non flagitium huius iacturae, atque damni: praetermitto illa, quae, nemo est, quin grauissime & uerissime conqueri possit, nos caput patrimonij publici, pulcherrimam populi R. possessionem, subsidium annonae, horreum belli, sub signo, claustrisque reip. positum uectigal seruare non potuisse; cum denique nos agrum P. Rullo concessisse, qui ager ipse per sese & Syllanae dominationi, & Gracchorum largitioni restitisset: non dico, solum hoc in rep. uectigal esse, quod amissis alijs remaneat: intermissis non conquiescat; in pace niteat, in bello non obsolescat; militem sustentet, hostem non pertimescat; praetermitto omnem hanc orationem, & concioni reseruo: de periculo salutis, ac libertatis loquor. quid enim existimatis integrum uobis in rep. fore, aut in uestra libertate, ac digni-

kk tate

ORATIO

tate retinendum, cum Rullus, atque ij, quos multo magis, quam Rullum, timetis, cum omni egentium atque improborum manu, cum omnibus copijs, cum omni argento, & auro Capuam, & urbes circa Capuam occuparint? His ego rebus P. C. resistam uehementer, atque acriter, neque patiar homines ea me consule expromere, quæ contra remp. diu cogitarunt. Errastis, Rulle, uehementer & tu, & non nulli collegæ tui, qui sperastis uos contra consulem, ueritate, non ostentatione popularem, posse in euer tenda rep. populares existimari. laceſſo uos, in concionem uoco: populo R. disceptatore uti uolo. etenim, ut circumſpiciamus omnia, quæ populo grata, atque iucunda sunt, nihil tam populare, quam pacem, quam concordiam, quam otium, reperiemus. sollicitam mihi ciuitatem suspitione, suspensam metu, perturbatam ueſtris legibus, & concionibus, & seditiõibus tradidistis: spem improbis ostendistis, timorem bonis inieciſtis: fidem de foro, dignitatem de rep. sustulistis. hoc motu, atque hac perturbatione animorum, atque rerum cum populo R. uox, & auctositas consulis repente in tantis tenebris illuxerit; cum ostenderit nihil esse metuendum, nullum exercitum, nullam manum, nullas colonias, nullam uenditionem ueſtigalium, nullum imperium nouum, nullum regnum decemuirale, nullam alteram Romam, neque aliam sedem imperij nobis consulibus futuram, summamq. tranquillitatem pacis, atque otij: uerendum, credo, nobis

DE LE

bis erit, ne
popularis
rum ueſtro
ipſi populo
timeſcam,
omnino co
tum, & e
quo uno no
que provin
tum aliquo
a tribuno p
frequent
tus hic re
rit, quod
ciam non
P. C. ut po
mibi irat
immortales
quibus, niſi
conſpirate
munem re
dite. multa
riorum ciui
num pericul
tio pertime
ac domeſtic
ri, atque b
ſſenatum
populum a

DE LEGE AGR. CONTRA RVL. 74

bis erit, ne uestra ista præclara lex agraria magis popularis esse uideatur. cum uero scelera consiliorum uestrorum, fraudemq. legis, & insidias, quæ ipsi populo R. a popularibus tribunis pl. fiant: pertimescam, credo, ne mihi non liceat contra uos in concione consistere; præsertim cum mihi deliberatum, & constitutum sit, ita gerere consulatum, quo uno modo geri grauitè, & libere potest, ut neque prouinciam, neque honorem, neque ornamentum aliquod, aut commodum, neque rem ullam, quæ a tribuno pl. impediri possit, appetiturus sim. dicit frequentissimo senatu consul kalendis Ian. sese, si status hic reip. maneat, neque aliud negotium extiterit, quod honeste subterfugere non possit, in prouinciam non iturum. sic me in hoc magistratu geram P. C. ut possim tribunum pl. reip. iratum coercere, mihi iratum contemnere. Quamobrem, per deos immortales, colligite uos tribuni pl. deserite eos, a quibus, nisi prospicitis, breui tempore deseremini: conspirete nobiscum: consentite cum bonis: communem remp. communi studio, atque amore defendite. multa sunt occulta reip. uulnera, multa nefariorum ciuium perniciofa consilia: nullum externum periculum est: non rex, non gens ulla, non natio pertimescenda est: inclusum malum, intestinum, ac domesticum est. huic pro se quisque nostrum mederi, atque hoc omnes sanare uelle debemus. Erratis, si senatum probare ea, quæ dicuntur a me, putatis, populum autem esse in alia uoluntate. omnes, qui

kk 2 se

O R A T I O

se incolumes uolent , sequentur auctoritatem consulis soluti a cupiditatibus , liberi a delictis , cauti in periculis , non timidi in contentionibus . quod si quis uestrum spe ducitur , se posse turbulenta ratione honori uelificari suo : primum me consule id sperare desistat : deinde habeat me ipsum sibi documento , quæ equestri ortum loco consulem uidet , quæ uitæ uia facillime uiros bonos ad honorem dignitatemq. perducatur . Quod si uos uestrum mihi studium P. C. ad communem dignitatem defendendam profitemini : perficiam profecto , id quod maxime resp. desiderat , ut huius ordinis auctoritas , quæ apud maiores nostros fuit , eadem nunc longo interuallo reip. restituta esse uideatur .

DE LEGE AGRARIA, CONTRA P. SERVILIUM RULLUM TRIB. PL. AD POPV- LVM ORATIO XVI.

*E*ST hoc in more positum Quirites , institutoq. maiorum , ut ij , qui beneficio uestro imagines familiæ suæ consecuti sunt , eam primam habeant concionem , qua gratiam beneficij uestri cum suorum laude cōiungant . qua in oratione non nulli aliquando digni maiorum loco reperiuntur : plerique autem hoc perficiunt , ut tantum maioribus eorum debitum esse uideatur , unde , etiam quod posteris solueretur , re-
dunda-

undaret . mihi quidem apud uos de meis maioribus
 dicendi facultas non datur : non quòd non tales fue-
 rint , quales nos , illorum sanguine creatos , discipli-
 nisq. institutos , uidetis : sed quòd laude populari , at-
 que honoris uestri luce caruerunt . de me autem ip-
 so , uereor ne arrogantis sit , apud uos dicere ; ingra-
 ti , tacere . nam & , quibus studijs hanc dignitatem
 consecutus sim , memet ipsum commemorare , per-
 quam graue est : & silere de tantis uestris beneficijs
 nullo modo possum . quare adhibebitur a me certa ra-
 tio , moderatioq. dicendi ; ut , quid a uobis accepe-
 rim , commemorem ; quare dignus uestro summo ho-
 nore , singulariq. iudicio sim , ipse modice dicam , si
 necesse erit ; uos eosdem existimatuos putem , qui
 iudicauistis . Me , perlongo interuallo prope memo-
 riæ , temporumq. nostrorum , primum , hominem
 nouum , consulem fecistis : & eum locum , quem no-
 bilitas præsidijs firmatum , atque omni ratione ob-
 uallatum tenebat , me duce rescidistis , uirtutiq. in
 posterum patere uoluistis : neque me tantummodo
 consulem , quod est ipsum per sese amplissimum , sed
 ita fecistis , quo modo pauci nobiles in hac ciuitate
 consules facti sunt , nouus ante me nemo . nam pro-
 fecto , si recordari uolueritis de nouis hominibus , re-
 perietis , eos , qui sine repulsa consules facti sunt , diu-
 turno labore , atque aliqua occasione esse factos , cum
 multis annis post petissent , quàm prætoreis fuissent ,
 aliquanto serius , quàm per atatem , ac per leges li-
 ceret ; qui autem anno suo petierint , sine repulsa non
 esse

O R A T I O

esse factos : me esse unum ex omnibus novis hominibus , de quibus meminisse possimus , qui consulatum petierim , cum primum licitum sit ; consul factus sim , cum primum petierim : ut uester honos ad mei temporis diem petitus , non ad alienæ petitionis occasionem interceptus , nec diuturnis precibus efflagitatus , sed dignitate impetratus esse uideatur . est illud amplissimum , quod paullo ante commemoravi , Quirites , quòd hoc honore ex novis hominibus primum me , multis posthabitis , affecistis , quòd prima petitione , quòd anno meo : sed tamen magnificentius , atque ornatius esse illo nihil potest , quòd meis comitijs non tabellam , uindicem tacitæ libertatis , sed uocem uiuam præ uobis , indicem uestrarum erga me uoluntatum , ac studiorum , tulistis . itaque me non extrema tribus suffragiorum , sed primi illi uestri concursus , neque singulæ uoces præconum , sed una uoce uniuersus populus R. consulem declarauit . hoc ego tam insigne , tam singulare uestrum beneficium , Quirites , cum ad animi mei fructum , atque lætitiā duco esse permagnum , tum ad curam , sollicitudinemque multo maius . uersantur enim , Quirites , in animo meo multæ , & graues cogitationes , quæ mihi nullam partem neque diurnæ , neque nocturnæ quietis impartiant ; primum tuendi consulatus : quæ cum omnibus est difficilis , & magna ratio , tum uero mihi præter ceteros ; cui errato nulla uenia , recte facto exigua laus , & ab inuitis expressa proponitur , non dubitanti fidele consilium , non laboranti certum
subsi-

subsidium nobilitatis ostenditur. quòd si solus in discrimen aliquod adducerer, ferrem, Quirites, animo æquiore: sed mihi uidentur certi homines, si qua in re me non modo consilio, uerum etiam casu lapsum esse arbitrabuntur, uos uniuersos, qui me antetuleritis nobilitati, uituperaturi. mihi autem, Quirites, omnia potius perpetienda esse duco, quàm non ita gerendum consulatum, ut in omnibus meis factis, atque consilijs uestrum de me factum, consiliumq. laudetur. Accedit etiam ille mihi summus labor, ac difficillima ratio consulatus gerendi, quòd non eadem, qua superioribus consulibus, lege, & conditione utendum esse decreui: qui aditum huius loci, conspectumq. uestrum partim magnopere fugerunt, partim non uehementer secuti sunt. ego autem non solum hoc in loco dicam, ubi est id dictu facillimum, sed in ipso senatu, in quo esse locus huic uoci non uidebatur, popularem me futurum esse consulem, prima mea illa oratione kalendis Ian. dixi. neque enim ullo modo possum, cum me intelligam non hominum potentium studio, non excellentibus gratijs paucorum, sed uniuersi populi R. iudicio consulem ita factum, ut nobilissimis hominibus longe præponerem, non & in hoc magistratu, & in omni uita esse popularis. sed mihi ad huiusce uerbi uim, & interpretationem uehementer opus est uestra sapientia. uersatur enim magnus error propter insidiosas non nullorum simulationes; qui cum populi non solum commoda, uerum etiam salutem oppugnant, & impediunt,

O R A T I O

diunt, oratione assequi uolunt, ut populares esse uideantur. ego, qualem kalendis Ian. acceperim remp. Quirites, intelligo, plenam sollicitudinis, plenam timoris; in qua, nihil erat mali, nihil aduersi, quod non boni metuerent, improbi expectarent. omnia turbulenta consilia contra hunc reip. Statum, & contra uestrum otium partim iniri, partim, nobis consulibus designatis, inita esse dicebantur. sublata erat de foro fides, non ictu aliquo nouæ calamitatis, sed suspitione, ac perturbatione iudiciorum, infirmatione rerum iudicatarum: nouæ dominationes, extraordinaria non imperia, sed regna quæri putabantur. quæ cum ego non solum suspicarer, sed plane cernerem; neque enim obscure gerebantur: dixi in senatu, in hoc magistratu me popularem consulem futurum. quid enim est tam popolare, quàm pax? qua non modo ij, quibus natura sensum dedit, sed etiam tecta, atque agri mihi latari uidentur. quid tam popolare, quàm libertas? quam non solum ab hominibus, uerum etiam a bestiis expeti, atque omnibus rebus anteponi uidetis. quid tam popolare, quàm otium? quod ita iucundum est, ut & uos, & maiores uestri, & fortissimus quisque uir maximos labores suscipiendos putet, ut aliquando in otio possit esse, præsertim in imperio, ac dignitate: qui iccirco etiam maioribus nostris præcipuam laudem, gratiamq. debemus, quòd eorum labore est factum, ut impune in otio esse possemus. Quare qui possum non esse popularis, cum uideam
hæc

DE LE

hec omnia
tem propriam
mesticum,
pla sunt, in
mei consula
ilud nobis in
gno aliqua
re uera fieri
test. Neque
dicionum per
mationes, re
fustarum, p
lent esse exi
centur, si al
ac specie sim
di sunt. ma
gis agrarie
in mentem,
tissimos pleb
plebem in ag
tis antea po
qui, ut pler
re, quorum
deo reip. pa
signato con
nos pl. defig
tarent, cog
dem anno g
quam oport

hæc omnia, Quirites, pacem externam, libertatem propriam generis, ac nominis uestri, otium domesticum, denique omnia, quæ uobis cara, atque ampla sunt, in fidem, & quodam modo in patrocinium mei consulatus esse collata? neque enim, Quirites, illud uobis iucundum, aut popolare debet uideri, largitio aliqua promulgata, quæ uerbis ostentari potest, re uera fieri, nisi exhausto ærario, nullo pacto potest. Neque uero illa popularia sunt existimanda, iudiciorum perturbationes, rerum iudicatarum infirmationes, restitutio damnatorum: qui ciuitatum afflictarum, perditis iam rebus, extremi exitiorum solent esse exitus: neque, si qui agros populo R. pollicentur, si aliud quiddam obscure moliuntur, aliud spe, ac specie simulationis ostendant, populares existimandi sunt. nam uere dicam, Quirites: genus ipsum legis agrariæ uituperare non possum. uenit enim mihi in mentem, duos clarissimos, ingeniosissimos, amantissimos plebis Romanæ uiros, Ti. & C. Gracchos plebem in agris publicis constituisse, qui agri a priuatis antea possidebantur. non sum autem ego is consul, qui, ut plerique, nefas esse arbitrer, Gracchos laudare, quorum consilijs, sapientia, legibus multas esse uideo reip. partes constitutas. itaque, ut initio mihi designato consuli nunciabatur, legem agrariam tribunos pl. designatos conscribere, cupiebam, quid cogitarent, cognoscere. etenim arbitrabar, quoniam eodem anno gerendi nobis essent magistratus, esse aliquam oportere inter nos bene administrandæ reip. societatem.

O R A T I O

cietatem . cum familiariter me in eorum sermonem insinuarem , ac darem , calabar , excludebar : & , cum ostenderem , si lex utilis plebi Romanæ mihi uideretur , auctorem me , atque adiutorem futurum , tamen aspernabantur hanc liberalitatem meam : negabant me adduci posse , ut ullam largitionem probarem . finem feci offerendi mei ; ne forte mea sedulitas aut insidiosa , aut impudens uideretur . interea non desistebant clam inter se conuenire , priuatos quosdam adhibere , ad suos cætus occultos noctem adiungere , & solitudinem . quibus rebus quanto in metu fuerimus , ex uestra sollicitudine , in qua illis temporibus fuistis , facile assequi coniectura poteritis . Ineunt tandem magistratus tribuni pl. concio tandem expectata P. Rulli , quod & princeps erat agrariæ legis , & truculentius se gerebat , quàm ceteri . iam designatus alio uultu , alio uocis sono , alio incessu esse meditabatur , uestitu obsoletiore , corpore inculto , & horrido , capillatior quàm ante , barbaq. maiore , ut oculis & aspectu denunciare omnibus uim tribuniciam , & minitari reip. uideretur . legem hominis , concionemq. expectabam . lex initio nulla proponitur : concionem in primis aduocari iubet . summa cum expectatione concurritur . explicat orationem sane longam , & uerbis ualde bonis . unum erat , quod mihi uitiosum uidebatur , quod tanta ex frequetia inueniri nemo potuit , qui intelligere posset , quid diceret . hoc ille utrum insidiarum causa fecerit , an hoc genere eloquentiæ deleteretur , nescio . tamen si qui acutiores in concione steterant ,

DE LE

terant , de
restituab
lex in publi
res mo temp
ferant . omni
Quirites , ho
ferendamq. u
aque utiliter
intor essem
odio penitus
consultatus
atque impr
obliterant
dini restit
sed animo
hoc animo
esse aptam
sul , re , non
ter posset de
usque ad ex
gitatum , re
nisi uti dece
rum omni
lorum , orb
tur , legis a
firmo , Qu
pulari , dat
omnia ; o
tatem ; p

DE LEGE AGR. CONTRA RVL. 78

terant; de lege agraria nescio quid uoluisse eum dicere suspicabantur. Aliquando tandem, me designato, lex in publicum proponitur: concurrunt iussu meo plures uno tempore librarij: descriptam legem ad me afferunt. omni hoc uobis ratione confirmare possum, Quirites, hoc animo me ad legendam legem, cognoscendamq. uenisse, ut, si eam uobis accommodatam, atque utilem esse intelligerem, auctor eius, atque adiutor essem. non enim natura, neque dissidio, neque odio penitus insito bellum nescio quod habet susceptum consilatus cum tribunatu: quia persaepe seditiosis, atque improbis tribunis pl. boni, & fortes consules oblitterunt, & quia uis tribunicia non nunquam libidini restitit consulari. non potestatum dissimilitudo, sed animorum disiunctio dissensionem facit. itaque hoc animo legem sumpsit in manus, ut eam cuperem esse aptam uestris commodis, & eiusmodi, quam consul, re, non oratione popularis, & honeste, & libenter posset defendere. atque ego a primo capite legis usque ad extremum reperio, Quirites, nihil aliud cogitatum, nihil aliud susceptum, nihil aliud actum, nisi uti decem reges ararij, uectigalium, prouinciarum omnium, totius reip. regnorum, liberorum populorum, orbis denique terrarum domini constituerentur, legis agrariae simulatione, atque nomine. sic confirmo, Quirites, hac lege agraria, pulchra, atque populari, dari uobis nihil, condonari certis hominibus omnia; ostentari populo R. agros, eripi etiam libertatem; priuatorum pecunias augeri, publicas exhauriri;

O R A T I O

riri; denique, quod est indignissimum, per tribunum
 pl. quem maiores praesidem libertatis, custodemq.
 esse uoluerunt, reges in ciuitate constitui. quae cum
 exposuero: si falsa uobis uidebuntur esse, sequar au-
 thoritatem uestram, mutabo meam sententiam: sin
 insidias fieri libertati uestrae, simulatione largitionis,
 intelligetis, nolitote dubitare, plurimo sudore, &
 sanguine maiorum uestrorum partam, uobisq. tradi
 tam libertatem, nullo uestro labore, consule adiuto-
 re, defendere. Primum caput est legis agrariae,
 quo, ut illi putant, tentamini leuiter, quo animo li-
 bertatis uestrae diminutionem ferre possitis. iubet
 enim, tribunum pl. qui eam legem tulerit, creare de-
 cemuiros per tribus septem decem; ut, quem nouem
 tribus fecerint, is decemui sit. Hic quaero, quam ob
 causam initium rerum, ac legum suarum hinc duxe-
 rit, ut populus R. suffragio priuaretur? toties legi-
 bus agrarijs curatores constituti sunt, triumuiroi, quin-
 queuiroi, decemuiroi: quaero, a populari tribuno pl. ec-
 quando, nisi per xxxv tribus, creati sint? etenim
 cum omnes potestates, imperia, curationes ab uniuers
 so populo R. proficisci conuenit, tum eas profecto ma-
 xime, quae constituuntur ad populi fructum aliquem,
 & commodum; in quo & uniuersi deligant, quem po-
 pulo R. maxime consulturum putent; & unusquis-
 que studio, & suffragio suo uiam sibi ad beneficium
 impetrandum munire possit. hoc tribuno pl. potissi-
 mum uenit in mentem, populum R. uniuersum priua-
 re suffragijs, paucas tribus non certa condicione iu-
 ris,

DE LE

ris sed fort
 ratem vocat
 altero, ut co
 dem uidit, m
 quod per pop
 gorem sacre
 nem sacerdo
 hoc idem de
 nir clarissim
 sacerdotia m
 li uocaretur
 cooptaretur
 trib. pl. bo
 tentat, &
 lem esse di
 puli fieri na
 posset, quoc
 daret: hic, q
 imminuat, &
 essent affig
 quam dare
 bus extorq
 lo modo po
 adimi nullo
 eripere con
 tant aq. im
 lium: fide
 libertate
 comitia

ris, sed sortis beneficio fortuito ad usurpandam libertatem uocare. Item, inquit, eodemq. modo, capite altero, ut comitijs pontificis maximi. Ne hoc quidem uidit, maiores nostros tam fuisse populares, ut, quod per populum creari fas non erat, propter religionem sacrorum, in eo tamen, propter amplitudinem sacerdotij, uoluerint populo supplicari. atque hoc idem de ceteris sacerdotijs Cn. Domitius trib. pl. uir clarissimus, tulit; quod populus per religionem sacerdotia mandare non poterat, ut minor pars populi uocaretur; ab ea parte qui esset factus, is a collegio cooptaretur. Videte, quid intersit inter Cn. Domitiū trib. pl. hominem nobilissimum, & P. Rullum: qui tentauit, ut opinor, patientiam uestram, cum se nobilem esse diceret. Domitius, quod, per caerimonias, populi fieri nō poterat, ratione assecutus est, ut id, quoad posset, quoad fas esset, quoad liceret, populo ad partes daret: hic, quod populi propriū sēper fuit, quod nemo imminuit, nemo immutauit, quin ij, qui populo agros essent assignaturi, ante acciperent a populo beneficiū, quā darent, id totum eripere uobis, atque e manibus extorquere conatus est. ille, quod dari populo nullo modo poterat, tamen quodam modo dedit: hic, quod adimi nullo pacto poterat potestate, quadam ratione eripere conatur. Quæret quispiam, in tanta iniuria, tantaq. impudentia quid spectarit. Non defuit consilium: fides erga plebem Romanam, æquitas in uos, libertatemq. uestram uehementer defuit. iubet enim comitia decemuiris habere creandis eum, qui legem tulerit.

O R A T I O

tulerit . hoc dicam planius . iubet Rullus , homo non cupidus , neque appetens , habere comitia Rullum . non dum reprehendo . uideo fecisse alios . illud , quod nemo fecit , de minore parte populi , quò pertineat , uideate . habebit comitia : uolet eos renunciare , quibus regia potestas hac lege quæritur . uniuerso populo neque ipse committit , neque illi horum consiliorum auctores committi recte putant posse . sortietur tribus idem Rullus , homo felix : educet , quas uolet , tribus : quos nouè tribus decemuiros fecerint ab eodem Rulloeductæ , hos omnium rerum , ut iam ostendam , dominos habebimus . atque ij , ut grati , ac memores beneficij esse uideantur , aliquid se nouem tribuum notis hominibus debere confitebuntur : reliquis uero vi et xx tribubus , nihil erit , quod non putent posse suo iure denegare . Quos tandem igitur decemuiros creari uult ? se primum . qui licet ? leges enim sunt ueteres , neque eæ consulares , si quid interesse hoc arbitramini , sed tribunicia , uobis , maioribusq. uestris uehementer gratæ , atque iucundæ . Licinia est lex , atque altera Aebutia : quæ non modo eum , qui tulerit de aliqua curatione , ac potestate , sed etiã collegas eius , cognatos , affines excipit , ne eis ea potestas , curatio ue mandetur . etenim si populo consulis : remoue te a suspitione alicuius tui commodi : fac fidem , te nihil , nisi populi utilitatem , & fructum , quærere : sine ad alios potestatem , ad te gratiam beneficij tui peruenire . nam hoc quidem uix est liberi populi , uix uestrorum animorum , ac magnificentia . Quis legem tulit?

DE LE
la? Rullus .
primari? R
tribus , quas
quas decem
lus . quem pr
berale seru
tam dominis
igitur hac leg
gu sibi sua le
re populi suff
uolet , atque
collegas suos
diabit , a qu
ptione legis
rum , qui in
tione , atque
hominis dolo
Rullo potest
runt , qui
pulo deligem
set , in qua fi
retur , nos e
principem de
delegisset ,
terra , & m
ciendis , sua
tibi huc opti
gebant . it
non legiti

lit? Rullus. quis maiorem partem populi suffragijs
 priuauit? Rullus. quis comitijs praesuit? Rullus. quis
 tribus, quas uoluit, uocauit, nullo custode sortitus?
 quis decemuiros, quos uoluit, renunciavit? idem Rul-
 lus. quem principem renunciavit? Rullum. uix me-
 hercule seruis hoc eum suis, non uobis, omnium gen-
 tium dominis, probaturum arbitrarer. optimae leges
 igitur hac lege sine ulla exceptione tollentur. idem le-
 gis sibi sua lege curationem petet: idem, maiore par-
 te populi suffragijs spoliata, comitia habebit: quos
 uolet, atque in ijs se ipsum, renunciabit: & uidelicet
 collegas suos, adscriptores legis agrariae, non repu-
 diabit, a quibus ei locus primus inuidiae in praescri-
 ptione legis concessus est: ceteri fructus omnium re-
 rum, qui in spe legis huius positi sunt, communi cau-
 tione, atque aequa sibi parte retinentur. At uidete
 hominis diligentiam; si aut Rullum cogitasse, aut si
 Rullo potuisse in mentem uenire arbitramini. Vide-
 runt ij, qui haec machinabantur; si uobis ex omni po-
 pulo deligendi potestas esset data, quaecunque res es-
 set, in qua fides, integritas, uirtus, auctoritas quae-
 retur, uos eam sine dubitatione ad Cn. Pompeium
 principem delaturos. etenim quem unum ex cunctis
 delegissetis, ut eum omnibus omnium gentium bellis
 terra, & mari praeponeretis, certe in decemuiris fa-
 ciendis, siue fides haberetur, siue honos, & commit-
 ti huic optime, & ornari hunc iustissime posse intelli-
 gebant. itaque excipitur hac lege non adolescentia,
 non legitimum aliquod impedimentum, non potestas,
 non

O R A T I O

non magistratus ullus alijs negotijs, ac legibus im-
 ditus, reus denique, quo minus decemuir fieri possit.
 præsentem eum profiteri iubet. quod nulla alia in lege
 unquam fuit, ne in ijs quidem magistratibus, quorum
 certus ordo est. timebat enim Pópeius, ne, si adesset,
 ferri non posset; aut ne, si accepta lex esset, illum sibi
 collegam adscriberetis, custodem ac uindicem cupidita-
 tum. Hic quoniam uideo uos hominis dignitate, & có-
 tumelia legis esse commotos; renouabo illud, quod ini-
 tio dixi, regnũ comparari, libertatem uestrá hac lege
 funditus tolli. an uos aliter existimabatis, cum ad
 omnia uestra pauci homines cupiditatis oculos adie-
 cissent, non eos in primis id aéturos, ut ex omni cu-
 stodia uestre libertatis, ex omni potestate, curatio-
 ne, patrocínio uestrorum commodorum Cn. Pompe-
 ius depelleretur? uiderunt, & uident, si per impru-
 dentiam uestram, negligentiam meam, legem inco-
 gnitam acceperitis, fore, uti postea, cognitis insidijs,
 cum decemuiros crearetis, tum uitijs omnibus, & sce-
 leribus legis Cn. Pompeij præsidium opponendum pu-
 tetis. & hoc paruum argumentum uobis erit, a cer-
 tis hominibus dominationem, potestatemq. omnium
 rerum quæri, cum uideatis eum, quem custodem ue-
 stre libertatis fore uideant, expertem fieri dignita-
 tis? Cognoscite nunc, quæ potestas decemuiris, &
 quanta detur. Primum lege curiata decemuiros or-
 nat. Iam hoc inauditum, & plane nouo more, uti cu-
 riata lege magistratus detur, cui nullis comitijs ante
 sit datus. eam legem ab eo prætore, qui sit primus
 factus,

DE LE

factus, ferro
 habeant, qu
 a plebe delig
 nouis legibus
 est, non mem
 quid iuris a m
 homo pl. uobis
 gistratibus bi
 centuriata le
 teris patricij
 indicabatur;
 pulum benefi
 comitia tene
 tum auspicio
 burus pl. qu
 populi, aut p
 que uos non
 erant, sustine
 rint uos de san
 popularis ne
 statem reliqui
 diligentiam.
 cemuiros hab
 nouem tribus
 curiam: pr
 nihil ad me
 ion factus, et
 possit, qui po
 aut profecto

DE LEGE AGR. CONTRA RVL. 81

factus, ferri iubet: at quo modo? ut ij decemuiratum habeant, quos plebs designauerit. oblitus est, nullos a plebe designari. & is orbem terrarum constringit nouis legibus, qui, quid in secundo capite scriptum est, non meminit in tertio. Atque hic perspicuum est, quid iuris a maioribus acceperitis, quid ab hoc tribuno pl. uobis relinquatur. maiores de omnibus magistratibus bis uos sententiam ferre uoluerunt. nam centuriata lex censoribus ferebatur, cum curiata ceteris patricijs magistratibus: tum iterum de eisdem iudicabatur; ut esset reprehendendi potestas, si populum beneficij sui pæniteret. nunc quia prima illa comitia tenetis centuriata, & tributa: curiata tantum auspiciorum caussa remanserunt. hic autem tribunus pl. quia uidebat potestatem neminem iniussu populi, aut plebis posse habere; curiatis ea comitijs, quæ uos non finitis, confirmauit; tributa, quæ uestra erant, sustulit. ita cum maiores binis comitijs uoluerint uos de singulis magistratibus iudicare, hic homo popularis ne unam quidem populo comitiorum potestatem reliquit. Sed uidete hominis religionem, & diligentiam. Vidit, & perspexit, sine curiata lege decemuiros habere potestatem non posse, quoniam per nouem tribus essent constituti. iubet ferri de his legem curiatam: prætori imperat. quàm id ipsum absurde, nihil ad me attinet: iubet enim, qui primus sit prætor factus, eum legem curiatam ferre: sin is ferre non possit, qui postremus sit: ut aut lusisse in tantis rebus, aut profecto nescio quid spectasse uideatur. uerû hoc,

ll quod

O R A T I O

quod est aut ita peruersum, ut ridiculum, aut ita ma-
litiosum, ut obscurum sit, relinquamus: ad religio-
nem hominis reuertamur. Videt, sine lege curiata
nihil agi per decemuiros posse. quid postea, si ea lata
non erit? attendite ingenium. tum ij decemuiri, in-
quit, eodem iure sint, quo qui optima lege. si hoc fie-
ri potest, ut in hac ciuitate, quæ longe iure libertatis
ceteris ciuitatibus antecellit, quisquam nullis comi-
tijs imperium, aut potestatem assequi possit: quid at-
tinet tertio capite, legem curiatam ferre, iubere,
quoniam quarto permittas, ut sine lege curiata idem
iuris habeant, quod haberent, si optima lege a popu-
lo essent creati? Reges constituuntur, non decemuiri,
Quirites: hiq. ab ijs initijs fundamentisq. nascun-
tur, ut, non modo cum gerere cœperint, sed etiam cū
constituentur, omne uestrum ius, potestas, libertasq.
tollatur. at uidete, quàm diligenter retineat ius tri-
bunicia potestatis. Consulibus legem curiatam fe-
rentibus a tribunis pl. saepe est intercessum. neque
tamen nos id querimus, esse hanc tribunorum pl. po-
testatem: tantummodo, si quis ea potestate temere
est usus, existimamus. hic tribunus pl. legi curiatæ,
quam prætor ferat, adimit intercedendi potestatem.
atque hoc cum in eo reprehendendum est, quod per tri-
bunum pl. tribunicia potestas minuitur: tum in eo de-
ridendum, quod consuli, si legem curiatam non ha-
bet, attingere rem militarem non licet; hic, qui ue-
tat intercedere, potestatem, etiam si intercessum sit,
tamen eandem constituit, quam sit lata esset lex: ut
non

DE LE

non intelligi
quoniam
tiam interce
ra. Sint igit
est populi su
usurpationem
non causam
ens, qui a
maioribus
fissimus, q
labet, auspi
cemuiros h
habuerunt
Rulle, me
lex ipsa e
suffragio e
tate, ac p
millima rat
tere? Dat
re uera reg
piternam: t
ut inuitis
rioribus,
prætere
sumptum
tores ex
patres co
tellites p
tes, & p

non intelligam, quare aut hic uetet intercedere, aut
 quenquam intercessurum putet, cum intercessio stulti-
 tiam intercessoris significatura sit, non rem impeditu-
 ra. Sint igitur decemuii neque ueris comitijs, hoc
 est populi suffragijs, neque illis ad speciem, atque ad
 usurpationem uetustatis per xxx lictores auspicio-
 rum caussa adumbratis, constituti. Videte nunc,
 eos, qui a uobis nihil potestatis acceperint, quanto
 maioribus ornamentis afficiat, quam omnes nos affe-
 cti sumus, quibus uos amplissimas potestates dedistis.
 Iubet, auspicij coloniarum deducendarum caussa, de-
 cemuiros habere pullarios. eodem iure, inquit, quo
 habuerunt tresuii lege Sempronia. Audes etiam,
 Rulle, mentionem facere legis Semproniae? nec te ea
 lex ipsa commonet, tresuiros illos xxxv tribuum
 suffragio esse creatos? & cum tu a Ti. Gracchi equi-
 tate, ac pudore longissime remotus sis; id, quod dissi-
 millima ratione factum sit, eodem iure putas esse oportere?
 Dat praeterea potestatem, uerbo praetoriam,
 re uera regiam: definit in quinquennium, facit sem-
 piternam: tantis enim confirmat opibus, & copijs,
 ut inuitis eripi nullo modo possit. Deinde ornat appa-
 ritoribus, scribis, librarijs, praecomibus, architectis,
 praeterea mulis, tabernaculis, centurijs, supellectili:
 sumptum haurit ex aerario: suppeditat a socijs; iani-
 tores ex equestri loco ducentos in annos singulos, sti-
 patores corporis constituit, eosdem ministros, & sa-
 tellites potestatis. Formam adhuc habetis, Quiri-
 tes, & speciem ipsam tyrannorum: insignia uidetis

ll 2 pote-

O R A T I O

potestatis, non dum ipsam potestatem. dixerit enim
 fortasse quispiam: quid me ista laedunt, scriba, liētor,
 praeo, pullarius? Omnia sunt haec huiusmodi, Qui-
 rites, ut, ea qui habeat sine uestris suffragiis, aut rex
 non ferendus, aut priuatus furiosus esse uideatur. per-
 spicite, quanta potestas permittatur: non priuatorum
 insaniam, sed intolerantiam regum esse dicetis. Pri-
 mum permittitur infinita potestas innumerabilis pe-
 cuniæ conficiendæ de uestris uectigalibus, non fruen-
 dis, sed alienandis. deinde orbis terrarum, gentiumq.
 omnium datur cognitio sine consilio, pœna sine prouo-
 catione, animaduersio sine auxilio. iudicare per quin-
 quennium uel de consulibus, uel de ipsis, tribunis pl.
 poterunt: de illis interea nemo iudicabit. magistra-
 tus his gerere licebit, causam dicere non licebit: eme-
 re agros a quibus uolent, uel quos uolent, quàm uo-
 lent magno poterunt: colonias deducere nouas, reno-
 uare ueteres, totam Italiam suis coloniis ut comple-
 re liceat, permittitur: omnes prouincias obeundi, li-
 beros populos agris multandi, regnorum uel dando-
 rum summa potestas datur: cum uelint, Romæ esse;
 cum commodum sit: quacunque uelint, summo cum
 imperio iudicioq. omnium rerum uagari ut liceat, cō-
 ceditur: interea dissoluant iudicia publica: de consi-
 liis abducant, quos uelint: singuli de maximis rebus
 iudicent: quæstori permittant: finitorem mittant: ra-
 tum sit, quod finitor uni illi, a quo missus erit, renun-
 ciauerit. Verbum mihi deest, Quirites, cum ego
 hanc potestatem regiam appello: sed profecto maior
 est

DE L
 est quædam
 non si min
 contineret
 omnia, &
 & ea, quæ
 ista uobis
 igitur eis,
 quibus uen
 nelio cos. C
 quid? ista
 tum in lege
 ius obscuri
 pudor esse
 leris. nam
 da censuit
 urbis, sum
 potestatem
 periculi per
 decemur in
 dent salit
 uis uendibi
 & magna
 pter angust
 pter nunti
 se propter
 gus est crea
 dacie de
 blicarum,
 sunt, cum

est quædam . nullum enim regnum fuit unquam , quod non si minus iure aliquo , at regionibus tamen certis contineretur . hoc uero infinitum est , quo & regna omnia , & uestrum imperium , quod latissime patet , & ea , quæ partim libera a uobis , partim etiam ignorata uobis sunt , permissa legis continentur . Datur igitur eis , primum ut liceat eis uendere omnia , de quibus uendendis S. C. facta sunt M. Tullio , Cn. Cornelio cos. Cur hoc tam est obscurum , atque cæcum ? quid ? ista omnia , de quibus senatus censuit , nominatim in lege perscribi non ne potuerunt ? dua sunt huius obscuritatis causse , Quirites , una pudoris ; si quis pudor esse potest in tam insigni impudentia ; altera sceleris . nam neque ea , quæ senatus nominatim uendenda censuit , audet appellare . sunt enim loca publica urbis , sunt sacella , quæ post restitutam tribuniciam potestatem nemo attigit , quæ maiores in urbe passim periculi perfugia esse uoluerunt . hæc lege tribunicia decemuiui uendent . accedet eò mons Gaurus : accedent salicta ad Minturnas : adiungetur etiam illa uia uendibilis Herculanea , multarum delictarum , & magnæ pecuniæ , permulta alia , quæ senatus propter angustias ærarij uendenda censuit , consules propter inuidiam non uendiderunt . Verum hæc fortasse propter pudorem in lege reticentur : sed illud magis est credendum , & pertimescendum , quod audaciæ decemuirali corrumpendarum tabularum publicarum , fingendorumq. S. C. quæ facta nunquam sunt , cum ex eo numero , qui per eos annos consu-

ORATIO

les fuerunt, multi mortui sint, magna potestas per-
mittitur. nisi forte nihil est æquum uos de eorum au-
dacia suspicari, quorum cupiditati nimium angustus
orbis terrarum esse uideatur. Habetis unum uen-
ditionis genus; quod magnum uideri uobis intelli-
go: sed attendite animos ad ea, quæ consequuntur:
hunc quasi gradum quendam, atque aditum ad cete-
ra factum intelligetis. QVI AGRI, QVAE
LOCA, QVAE AEDIFICIA. Quid est præ-
terea? multa, in mancipijs, in pecore, auro, argento,
ebore, ueste, supellectili, ceteris rebus. quid dicam?
inuidiosum putasset hoc fore, si omnia nominasset?
non metuit inuidiam. quid ergo? longum putauit, &
timuit, ne quid præteriret: adscripsit, ALIUD VE
QVI D. Qua breuitate rem nullam esse exceptam
uidetis. quidquid ergo sit extra Italiam, quod publi-
cum populi R. factum sit L. Sylla, Q. Pompeio cos.
aut postea, id decemuiros iubet uendere. Hoc capite,
Quirites, omnes gentes, nationes, prouincias, regna
decemuirum ditioni, iudicio, potestatiq. permissa, &
condonata esse dico. primum hoc. quæro enim, qui
tandem locus usquam sit, quem non possint decemui-
ri dicere publicum populi R. esse factum? nam cum
idem possit iudicare, qui dixerit: quid est, quod non
liceat ei dicere, cui liceat eidem iudicare? commo-
dum erit Pergamum, Smyrnam, Tralles, Ephe-
sum, Miletum, Cyzicum, totam denique Asiam,
quæ post L. Syllam, Q. Pompeium consules recu-
perata sit, populi R. factam esse dicere. utrum, ora-
tio

DE LE
tio ad eius
& differet,
sim iudice
rorem dam
simabit? Q
potest: quon
quam heret
nis, quod ce
quid causæ
portus, tota
turi sint? Q
tes, belli le
tura, &
chritudina
les? nemp
Alexand
ut recondi
quis enim
stamento re
hic ego con
ne quid sent
res non mo
uidetur esse
firmet: au
ta sentio, t
Tyrum mi
stis recep
tu confirm
lud teneat

tio ad eius rei disceptationem deerit; an, cum idem
 & differet, & iudicabit, impelli non poterit, ut fal-
 sum iudicet? an, si condemnare Asiam uolet, ter-
 rorem damnationis, & minas non, quanti uolet, æ-
 stimabit? Quid (quod disputari contra nullo pacto
 potest: quoniam statutum a uobis est, & iudicatum:
 quam hereditatem iam crenimus) regnum Bithy-
 niæ, quod certe publicum est populi R. factum? num
 quid causæ est, quin omnes agros, urbes, statua,
 portus, totam denique Bithyniam decemuii uendi-
 turi sint? Quid Mitylenæ, quæ certe uestræ, Quiri-
 tes, belli lege, ac uictoriæ iure factæ sunt, urbs & na-
 tura, & situ, & descriptione ædificiorum, & pul-
 chritudine in primis nobilis; agri iucundi, & ferti-
 les? nempe eodem capite inclusi continentur. Quid
 Alexandria, cunctaq. Aegyptus? ut occulte latet?
 ut recondita est? ut furtim tota decemuiris traditur?
 quis enim uestrum hoc ignorat? dici, illud regnum te-
 stamento regis Alexandrini populi R. esse factum.
 hic ego consul populi R. non modo nihil iudico, sed
 ne quid sentiam quidem profero. magna enim mihi
 res non modo ad statuendum, sed etiam ad dicendum
 uidetur esse. uideo, qui testamentum factum esse con-
 firmet: auctoritatem senatus extare hereditatis adi-
 tæ sentio, tum, quando, Alexandro mortuo, legatos
 Tyrum misimus, qui ab illo pecuniam depositam no-
 stris recuperarent. hæc L. Philippum sæpe in sena-
 tu confirmasse, memoria teneo. eum, qui regnum il-
 lud teneat hoc tempore, neque genere, neque animo

O R A T I O

regio esse, inter omnes fere uideo conuenire. Dicitur contra: nullum esse testamentum: non oportere populum R. omnium regnorum appetentem uideri: demigraturos in illa loca nostros homines propter agrorum bonitatem, & omnium rerum copiam. Hac tanta de re P. Rullus cum ceteris decemuiris, collegis suis, iudicabit? & uerum iudicabit? nam utrunque ita magnum est, ut nullo modo neque concedendum, neque ferendum sit. Volet esse popularis, populo R. adiudicabit. Ergo idem ex sua lege uendet Alexandriam, uendet Aegyptum, urbis copiosissimæ, pulcherrimorumq. agrorum iudex, arbiter, dominus, rex denique opulentissimi regni reperietur. Non sibi tantum, non appetet: iudicabit Alexandriam regis esse, a populo R. abiudicabit. Primum populi R. hereditatem decemuiui iudicent, cum uos uolueritis de priuatis hereditatibus centumuiros iudicare? deinde quis aget causam populi R.? ubi res ista agetur? qui sunt isti decemuiui, quos perspicimus regnum Alexandriae Ptolemæo gratis adiudicatuos? Quod si Alexandria petebatur; cur non eosdem cursus hoc tempore, quos L. Cotta, L. Torquato cos. concurrerunt? cur non aperte, ut antea? cur non item, ut cum directo, & palam regionem illam petierunt? an quietis ijs, qui per cursum rectum regnum tenere non potuerunt, nunc tetrīs tenebris, & caligine se Alexandriam peruenturos arbitrati sunt? * atque illud circumspicite uestris mentibus, unaque. Legatos nostros, homines auctoritate

te

DE LE
retenui, qu
beras obeun
sunt: graue
in leui perso
non suo, non
quid censetis
falsibus, cum
bem terrarum
metu? quo p
imprio terr
ferent. imp
bunt. illud
cemur, qu
hostes, au
sum locum
lem, in qua
dicet? at qu
tus ipsi qu
appetunt, qu
Cn. Pompeio
male uero est
uel labori, &
fui: mitti a
dos, denique
terest, utrum
anis, impro
piatur? Int
uiri legis pe
se sociorum

DE LEGE AGR. CONTRA RVL. 85.

tē tenui, qui rerum priuatarum caussa legationes liberas obeunt, tamen exteræ nationes ferre uix possunt: graue est enim nomen imperij, atque id etiam in leui persona pertimescitur: propterea quod uestro, non suo, nomine, cum hinc egressi sunt, abutuntur. quid censetis, cum isti decemuii cum imperio, cum fascibus, cum illa delecta finitorum iuuentute per orbem terrarum uagabuntur? quo tandem animo? quo metu? quo periculo miseras nationes futuras? Est in imperio terror: patientur. est in aduentu sumptus: ferent. imperabitur aliquid muneris: non recusabunt. illud uero quantum est, Quirites, cum is decemuir, qui aliquam in urbem aut expectatus, ut hostes, aut repente, ut dominus, uenerit; illum ipsum locum, quod uenerit, illam ipsam sedem hospitalem, in quam erit deductus, publicam populi R. esse dicet? at quanta calamitas populi, si dixerit? quantus ipsi questus, si negarit? Atque iidem, qui hæc appetunt, queri non nunquam solent, omnes terras Cn. Pompeio, atque omnia maria esse permissa. Simile uero est, multa committi, an condonari omnia: uel labori, & negotio præponi, an prædæ, & questui: mitti ad socios liberandos, an ad opprimendos. denique, si quis est honos singularis, nihil ne interest, utrum populus R. eum, cui uelit, deferat, an is, imprudente populo R. per legis fraudem surripiatur? Intellexistis, quot res, & quantas decemuii legis permissu uendituri sint. non est satis. cum sese sociorum, cum exterarum nationum, cum re-

gum

O R A T I O

gum sanguine impleant, incidant nervos populi R. adhibeant manus uectigalibus uestris, irrumpant in ærarium. sequitur enim caput, quo capite non per mittit quidem, si forte desit pecunia, quæ tanta ex superioribus recipi potest, ut deesse non debeat; sed plane, quasi ea res nobis saluti futura sit, ita cogit, atque imperat, ut decemuiui uestra uectigalia uen dant nominatim. quam tu mihi ex ordine recita de legis scripto populi R. auctiorem. quam mehercule ego præconi huic ipsi lætuosam, & acerbam recita tionem futuram puto. **AUCTIO.** Ut in suis rebus, ita in rep. luxuriosus nepos, qui prius siluas uendat, quàm uineas. Italiam percensuisti: perge in Sicili am. nihil est in hac prouincia, quod aut in oppidis, aut in agris maiores nostri proprium nobis relique rint, quin id uenire iubeat. quod partum recenti ui ctoria maiores uobis in sociorum urbibus, ac finibus, & uinculum pacis, & monumentum belli relique runt, id uos, ab illis acceptum, hoc auctore uende tis? Hic mihi parumper mentes uestras, Quirites, commouere uideor, dum patefacio uobis, quas isti penitus abstrusas insidias se posuisse arbitrantur con tra Cn. Pompeij dignitatem. & mihi, quæso, igno scite, si appello talem uirum sapius. uos mihi præ tori biennio ante, Quirites, hoc eodem in loco perso nam hanc imposuistis, ut, quibuscunque rebus pos sem, illius absentis dignitatem uobiscum una tuerer. feci adhuc quæ potui, neque familiaritate illius ad ductus, nec spe honoris, atque amplissimæ dignita tis;

DE LE

tis; quam
nos confe
hanc totam
quam mach
minum; &
parari, ut
etiam tener
um, quæ T
egrumq.
num. hæc
rissimi uiri
nia regio
Attalicos
regis Phil
ribus loca
bit idem a
tiles, & C
gros in Hal
in Africa ip
uidelicet P.
um illarum
crant, sed
imperio cer
sed non fuit
tasse empt
inter hos a
te summor
Mithridat
in Cappad

tis ; quam ego , etsi libente illo , tamen absente , per
 uos consecutus sum . quamobrem , cum intelligam
 hanc totam fere legem ad illius opes euertendas tan-
 quam machinam comparari ; & resistam consilijs ho-
 minum ; & perficiam profecto , quod ego uideo com-
 parari , ut id uos uniuersi non solum uidere , uerum
 etiam tenere possitis . Iubet uenire , quæ Attalensi-
 um , quæ Phaselitum , quæ Olympenorum fuerint ,
 agrumq. Agerensem , & Orindicum , & Gedusa-
 num . hæc P. Seruiliij imperio , & uictoria , cla-
 rissimi uiri , uestra facta sunt . adiungit agros Bithy-
 niæ regios , quibus nunc publicani fruuntur : deinde
 Attalicos agros in Cherrhoneso : in Macedonia , qui
 regis Philippi , siue Persæ fuerunt : qui item a censo-
 ribus locati sunt , & certissimum uectigal . adscri-
 bit idem auctiori Corinthios agros opimos , & fer-
 tiles , & Cyrenenses , qui Appionis fuerunt : & a-
 gros in Hispania propter Carthaginem nouam , &
 in Africa ipsam ueterem Carthaginem uendit : quam
 uidelicet P. Africanus non propter religionem sedi-
 um illarum , ac uetustatis de consilij sententia conse-
 crauit , sed ut ipse locus eorum , qui cum hac urbe de
 imperio certarunt , uestigia calamitatis ostenderet .
 sed non fuit tam diligens , quam est Rullus : ant for-
 tasse emptorem ei loco reperire non potuit . Verum
 inter hos agros regios , captos ueteribus bellis uirtu-
 te summorum imperatorum , adiungit regios agros
 Mithridatis , qui in Paphlagonia , qui in Ponto , qui
 in Cappadocia fuerunt , ut eos decemuiri uendant .

Itane

O R A T I O

Itane uero? non legibus datis, non auditis uerbis imperatoris, non dum denique bello confecto, cum rex Mithridates, amisso exercitu, regno expulsus, tamen in ultimis terris aliquid etiam nunc moliatur, atque ab inuicta Cn. Pompeij manu Maotide, & illis paludibus, & itinerum angustijs, atque altitudine montium defendatur; cum imperator in bello uersetur; in locis autem illis etiam nunc belli nomen reliquum sit: eos agros, quorum adhuc penes Cn. Pompeium omne iudicium, & potestas more maiorum debet esse, decemviri uendent? &, credo, P. Rullus (is enim sic se gerit, ut sibi iam decemuir designatus esse uideatur) ad eam auctione potissimum proficiscetur. is uidelicet, antequam ueniat in Pontum, litteras ad Cn. Pompeium mittet. quarum ego iam exemplum ab istis compositum esse arbitror.

P. SERUILIVS RULLVS TRIBVNVS PL.
DECEMVIR S. D. CN. POMPEIO CN. F.

Non credo adscripturum esse, Magno: non enim uidetur id, quod imminuere lege conatur, concessurus uerbo. TE VOLO CVRARE, VT MIHI SI-
NOPE PRAESTO SIS, AVXILIVM QVE
ADDVCAS, DVM EOS AGROS, QVOS TV
TVO LABORE CEPISTI, EGO MEA LEGE
VENDAM. An Pompeium non adhibebit? in eius
provincia uendet manubias imperatoris? ponite ante
oculos uobis Rullum in Ponto, inter uestra, at-
que hostium castra, hasta posita, cum suis formosis
finitoribus auctionantem. neque in hoc solum inest

contin-

DE LE

contumelia
na, ut ulla
tam tum im
do uenierit,
homines certa
cissim sit ini
iudicio omni
innumerabil
ueriam etiam
illi insidiarum
gloria detra
Pompeio ex
rum commo
rit eam r
esse transla
se, qui ha
tur: illud qu
ut hac porte
Atque in om
permittitur
locis uideat
nem refracta
ta. neque ali
hoc ex loco
res proprias
Paphlagonia
dine licebit
um fuisse
suam dicer

contumelia, quæ uehementer & insignis est, & no-
ua, ut ulla res parta bello, non dum legibus datis, e-
tiam tum imperatore bellum administrante, non mo-
do uenierit, uerum etiam locata sit. plus spectant
homines certe, quàm contumeliam: sperant, si con-
cessum sit inimicis Cn. Pompeij cum imperio, cum
iudicio omnium rerum, cum infinita potestate, cum
innumerabili pecunia non solum alijs in locis uagari,
uerum etiam ad ipsius exercitum peruenire, aliquid
illi insidiarum fieri, aliquid de eius exercitu, copijs,
gloria detrahi posse: putant, si quam spem in Cn.
Pompeio exercitus habeat aut agrorum, aut alio-
rum commodorum, hanc non habiturum, cum uide-
rit earum rerum omnium potestatem ad decemuiros
esse translatam. Patior non moleste, tam stultos es-
se, qui hæc sperent; tam impudentes, qui conen-
tur: illud queror, tam me ab ijs esse contemptum,
ut hæc portenta me consule potissimum cogitarent.
Atque in omnibus his agris, ædificijsq. uendendis
permittitur decemuiris, ut uendant quibuscunque in
locis uideatur. o perturbatam rationem: o libidi-
nem refrænandam: o consilia dissoluta, atque perdi-
ta. uectigalia locare nusquam licet, nisi in hac urbe,
hoc ex loco, hæc uestrum frequentia: uenire uestras
res proprias, & in perpetuum a uobis alienari, in
Paphlagoniæ tenebris, atque in Cappadociæ solitu-
dine licebit? L. Sylla cum bona indemnatorum ciui-
um funesta illa auctione sua uenderet, & se prædam
suam diceret uendere, tamen ex hoc loco uendidit;
nec,

O R A T I O

nec, quorum oculos offende-
 bat, eorum ipsorum conspe-
 ctum fugere ausus est. decemviri uestra uectigalia
 non modo ne uobis quidem arbitris, sed ne præcone
 quidem publico teste uendent? Sequitur, Omnes a-
 gros extra Italiam, infinito ex tempore, non ut an-
 tea, ab Sylla, & Pompeio cos. cognitio decemui-
 rum, priuatus sit, an publicus: sicq. agro pergran-
 de uectigal imponitur. Hoc quantum iudicium, quàm
 intolerandum, quàm regium sit, quem præterit?
 posse, quibuscunque locis uelint, nulla disceptatio-
 ne, nullo consilio priuata publicare, publica libera-
 re. Excipitur hoc capite ager in Sicilia Recentori-
 cus: quem ego excipi, & propter hominum necessi-
 tudinem, & propter æquitatem, Quirites, sæpe ue-
 hementer gaudeo: sed quæ hæc impudentia? qui a-
 grum Recentoricum possident, uetustate possessionis
 se, non iure, misericordia senatus, non agri condi-
 cione, defendunt. nam illum agrum publicum esse
 fatentur; sed, moueri possessionibus, amicissimis se-
 dibus, ac dijs penatibus, negant oportere. at si est
 priuatus ager Recentoricus; quid eum excipis? sin-
 autem publicus; quæ est ista æquitas, ceteros, etiam
 si priuati sint, permittere ut publici iudicentur, hunc
 excipere nominatim, quem qui possident, publicum
 esse fateantur? ergo eorum ager excipitur, qui a-
 pud Rullum alia ratione ualuerunt: ceteri agri om-
 nes, qui ubique sunt, sine ullo delectu, sine populi R-
 notione, sine iudicio senatus decemuiris addicentur.
 Atque etiam est alia superiore capite, quo omnia ue-
 neunt,

DE LE

neunt, quæ
 quibus fæde
 me, sed ab a
 ex hoc loco,
 Hiempalem
 erit; & tan-
 tam esse fæde
 retur Hiemp
 cuiusmodi est
 dus totum ex
 tionem dece
 uet, non rep
 litat enim a
 dolescens na
 pillatus.
 acervos pe
 lat: auriens
 ex coronari
 lacum est in
 sanptum, o
 eos referre
 de clarissim
 iudicium que
 translatura
 quante cun
 tum, quid
 hac impera
 cunque de p
 uiros, qua

neunt, quæstiosa exceptio: quæ tegit eos agros, de quibus fœdere cautum est. audiuit, hanc rem non a me, sed ab alijs agitari sæpe in senatu, nonnunquam ex hoc loco, possidere agros in ora maritima regem Hiempsale, quos P. Africanus populo R. adiudicavit; & tamen postea per G. Cottam consulem cautum esse fœdere. hoc quia uos fœdus non iusseritis, retur Hiempsal ut satis firmum sit, & ratum. Quid, cuiusmodi est illud? tollitur uestrum iudicium: fœdus totum excipitur, comprobatur. quod minuit auctoritatem decemviralem, laudo: quod regi amico cauet, non reprehendo: quod non gratis sit, indico. uolitat enim ante oculos istorum Iuba, regis filius, adolescens non minus bene nummatus, quam bene capillatus. Vix iam uidetur locus esse, qui tantos acervos pecuniæ capiat. auget, addit, accumulatur: aurum, argentum ex præda, ex manubijs, ex coronario, ad quoscunque peruenit, neque relatum est in publicum, neque in monumento consumptum, id profiteri apud decemuiros, & ad eos referre iubet. hoc capite etiam quæstionem de clarissimis uiris, qui populi R. bella gesserunt, iudiciumque de pecunijs repetundis ad decemuiros translatum uidetis. horum erit nullum iudicium, quantæ cuiusque manubiæ fuerint, quid relatum, quid residuum sit. in posterum uero lex hæc imperatoribus uestris constituitur, ut, quicumque de prouincia decesserit, apud eosdem decemuiros, quantum habeat prædæ, manubiarum, auri

coro-

Scoronarij, profiteatur. Hic tamen uir optimus eum, quem amat, excipit, Cn. Pompeium. unde iste amor tam improuisus, ac tam repentinus? qui honore decemuiratus excluditur prope nominatim; cuius iudicium, legumq. datio, captorum agrorum ipsius uirtute cognitio tollitur; cuius non in prouinciam, sed in ipsa castra decemuii cum imperio, infinita pecunia, maxima potestate, et iudicio rerum omnium mituntur; cui ius imperatorium, quod semper omnibus imperatoribus est conseruatum, soli eripitur: is excipitur unus, ne manubias referre debeat. utrum tandem, hoc capite honos haberi homini, an inuidia quæri uidetur? remittit hoc Rullo Cn. Pompeius: beneficio isto legis, benignitate decemuirali nihil utitur. nam si est æquum, prædas, ac manubias suas imperatores non in monumenta deorum imortalium, neque in urbis ornamenta conferre, sed ad decemuiros, tanquam ad dominos, reportare: nihil sibi appetit præcipue Pompeius, nihil; uult se in comuni, atque in eodem, quo ceteri, iure uersari. si est iniquum, Quirites, si turpe, si intolerandum, hos decemuiros portitores omnibus omnium pecunijs constitui, qui non modo reges, atque exterarum nationum homines, sed etiam imperatores nostros excutiant: non mihi uidetur honoris causa excipere Pompeium, sed metuere, ne ille eandem contumeliam, quam ceteri, ferre non possit. Pompeius autem, cum hoc animo sit, ut, quidquid uobis placeat, sibi ferendum putet; quod uos ferre non poteritis, id, profe-

cto

DE LE
 to perficiet
 runtamen ca
 ex nouis ne
 tur. noua po
 peius adiuu
 lbus, eius u
 parta sit pec
 ta sit in terri
 bes, agri, re
 lia uestra uen
 bie uestrorum
 manes diuit
 iudicijs, ta
 rantur, uic
 que intoler
 rum homin
 legis agrari
 bet agros em
 mines appe
 melim fieri po
 tur y, qui se
 retis, quib
 darum, &
 sed, quod ego
 tamen id pat
 hoc certe uo
 haberet h
 homines uo
 uerunt et

Eto perficiet, ne diutius inuiti ferre cogamini. Ve-
 runtamen cauet, ut, si qua pecunia post nos consules
 ex nouis uectigalibus recipiatur, ea decemuiuri utan-
 tur. noua porro uectigalia uidet ea fore, quae Pom-
 peius adiunxerit. ita, remissis manubijs, uectiga-
 libus, eius uirtute partis, se frui putat oportere.
 Parta sit pecunia, Quirites, decemuiris tanta, quan-
 ta sit in terris: nihil praetermissum, sed omnes ur-
 bes, agri, regna denique, postremo etiam uectiga-
 lia uestra uenierint: accesserint in cumulum manu-
 bia uestrorum imperatorum: quantae, & quam im-
 manes diuitiae decemuiris in tantis auctiōibus, tot
 iudicijs, tam infinita potestate rerum omnium qua-
 rantur, uidetis. Cognoscite nunc alios immensos, at-
 que intolerabiles quaestus; ut intelligatis, ad certo-
 rum hominum importunam auaritiā hoc populare
 legis agrariae nomen esse quaesitum. Hac pecunia iu-
 bet agros emi, quod deducamini. Non consueui ho-
 mines appellare asperius, Quirites, nisi laceffitus.
 uelim fieri posset, ut a me sine contumelia nominaren-
 tur ij, qui se decemuiros sperant futuros: iam uide-
 retis, quibus hominibus omnium rerum & uenden-
 darum, & emendarum potestatem permetteretis.
 sed, quod ego non dum statuo mihi esse dicendum, uos
 tamen id potestis cum animis uestris cogitare. unum
 hoc certe uideor mihi uerissime posse dicere. tum cum
 haberet haec res. Luscinos, Calatinos, Acidinos,
 homines non solum honoribus populi, rebusq. gestis,
 uerum etiam patientia paupertatis ornatos; & tum

m m cum

O R A T I O

cum erant Catones , Phili , Lælij ; quorum sapien-
tiam , temperantiamq̃. in publicis , priuatisq̃. , foren-
sibus , domesticisq̃. rebus perspexeratis : tamen hu-
iuscemodi res commissa nemini est , ut idem iudica-
ret , & uenderet , & hoc faceret per quinquennium
toto in orbe terrarum ; idemq̃. agros uectigales po-
puli R. abalienaret ; & , cum summam tantæ pecu-
niæ nullo teste sibi ipse ex sua uoluntate fecisset , tum
denique emeret a quibus uellet , quod uideretur . com-
mittite uos nunc , Quirites , his hominibus hæc om-
nia , quos odorari hunc decemuiratum suspicamini :
reperietis , partem esse eorum , quibus ad habendum ,
partem , quibus ad consumendum nihil satis esse ui-
deatur . Hic ego iam illud , quod expeditissimum sit ,
ne disputo quidem , Quirites , non esse hanc nobis a
maioribus relictam consuetudinem , ut emanent agri
a priuatis , quod plebs publice deducatur : omnibus le-
gibus agris publicis priuatos esse deductos : huiusce-
modi me aliquid ab hoc horrido , ac truce tribuno pl.
expectasse : hanc uero emendi , et uendendi questuosis-
simam , ac turpissimam mercaturam , alienam actio-
ne tribunicia , alienam dignitate populi R. semper pu-
taui . Libet agros emi . primum quero quos agros ?
& quibus in locis ? nolo suspensam & incertam ple-
bem R. obscura spe & cæca expectatione pendere .
Albanus ager est , Setinus , Priuernas , Fundanus ,
Vestinus , Falernus , Linternus , Cumanus , Cassi-
nas : audio . ab alia porta , Capenas , Faliscus , Sabi-
nus ager , Reatinus , Venafranus , Allifanus , Tre-
bulanus .

DE LE
bulanus .
agros , &
rum etiam
que nomi-
sit , quid int
emendis , et
Definitio , in
quantulum
Italia alio
quidam ag
sit . Qui pol
ant cultus
na auction
in quibus
situi uine
cunia , quoc
le , & mact
ant quod est
tam cultus
minare non
Hoc quoque
fueret . in
nia ; & tam
rit emptori
ria . ne u
dent de posse
ne , et pecu
erat a tribu
nno , qui ag

DE LEGE AGR. CONTRA RVL. 90
bulanus . habes tantam pecuniam , qua hosce omnes
agros , & ceteros horum similes non modo emere , ue
rum etiam coaceruare possis : cur eos non definis , ne
que nominas ? ut saltem deliberare plebs Romana pos
sit , quid intersit sua , quid expediat , quantum tibi in
emendis , et in uendendis rebus committendum putet .
Definio , inquit , Italiam . satis certa regio . etenim
quantulum interest , utrum in Massici radices , an in
Italia alioue deducamini ? Age uero , definis locum :
quidnam agri ? Vero , inquit ; qui arari , aut coli pos
sit . Qui possit arari , inquit , aut coli , non qui aratus ,
aut cultus sit . utrum hæc lex est , an tabula Veratia
næ auctionis ? in qua scriptum fuisse aiunt : iugera CC ,
in quibus oliuetum fieri potest : iugera CCC , ubi in
stitui uineæ possunt . hoc tu emes ista innumerabili pe
cunia , quod arari aut coli possit ? quod solum tam exi
le , & macrum est , quod aratro perstringi non possit ?
aut quod est tam asperum saxetum , in quo agricola
rum cultus non elaboret ? Iccirco , inquit , agros no
minare non possum , quia tangam nullum ab inuito .
Hoc quoque multo est quæstuosius , quàm si ab inuito
sumeret . inibitur enim ratio quæstus de uestra pecu
nia ; & tum denique ager emetur , cum idem expedie
rit emptori , & uenditori . Sed uidete uim legis agra
riæ . ne ij quidem , qui agros publicos possident , dece
dent de possessione , nisi erunt deducti optima cōdicio
ne , et pecunia maxima . conuersa ratio . antea , cum
erat a tribuno pl . mentio legis agrariæ facta , conti
nuo , qui agros publicos , aut qui possessiones inuidio
sas

ORATIO

*fas tenebant, pertimescebant: hæc lex eos homines
 fortunis locupletat, inuidia liberat. quàm multos e-
 nim, Quirites, existimatis esse, qui latitudinem pos-
 sessionum tueri, qui inuidiâ Syllanorum agrorum fer-
 re non possint? qui uendere cupiant, emptores non re-
 periant? perdere iam denique illos agros ratione ali-
 qua uelint? qui paullo ante diem noctemq. tribunici-
 um nomen horrebant, uestram uim metuebant, men-
 tionem legis agrariæ pertimescebant, ij nunc etiam
 ultro rogabuntur, atque orabuntur, ut agros par-
 tim publicos, partim plenos inuidiæ, plenos periculi,
 quanti ipsi uelint, decemuiris tradant. Atque hoc
 carmen hic tribunus pl. non uobis, sed sibi intus ca-
 nit. habet socerum uirum optimum, qui tantum agri
 in illis reip. tenebris occupauit, quantum concupiuit.
 huic subuenire uult succumbenti, iam oppresso, Sylla-
 nis oneribus graui, sua lege, ut liceat illi inuidiam de-
 ponere, pecuniam condere. Et uos non dubitatis, quin
 uectigalia uestra uendatis, plurimo maiorum uestro-
 rum sanguine, et sudore quæsitâ, ut Syllanos posses-
 sores diuitijs augeatis, periculo liberetis? nam ad hanc
 emptionem decemuiralem duo genera agrorum spe-
 ctant, Quirites. eorum unum propter inuidiam domi-
 ni fugiunt, alterum propter uastitatem. Syllanus a-
 ger, a certis hominibus latissime continuatus, tãtam
 habet inuidiam, ut ueri ac fortis tribuni pl. strido-
 rem unum perferre non possit. hic ager omnis, quo-
 quo pretio coemptus erit, tamen ingenti pecunia uo-
 bis inducetur. Alterum genus agrorum, propter steri-
 litatem*

DE L

*litatem in-
 que deserta
 non uend-
 est, quod ad
 banam pleb-
 esse. hoc em-
 ac non de op-
 uero, Quir-
 possessionem
 tatis, uerbis
 rorum omni-
 litis his re-
 citate, an-
 lo duce, c-
 sit: ostend-
 ro, cum e-
 diderit, t-
 nos potestis
 egrum,
 pecunia cog-
 ematur, de-
 si, qui uelit
 referre in
 pecuniam
 non emet
 regibus, et
 cunias hab-
 quit, addu-
 dere. Ergo*

litatem incultum, propter pestilentiam uastum, atque desertum, emetur ab ijs, qui eos uident sibi esse, si non uendiderint, relinquendos. Et nimirum istud est, quod ab hoc tribuno pl. dictum est in senatu, urbanam plebem nimium in rep. posse. exhauriendam esse. hoc enim uerbo est usus, quasi de aliqua sentina, ac non de optimorum ciuium genere loqueretur. Vos uero, Quirites, si me audire uultis, retinete istam possessionem gratiae, libertatis, suffragiorum, dignitatis, urbis, fori, ludorum, festorum dierum, ceterorum omnium commodorum. nisi forte mauultis, relictis his rebus, atque hac luce reip. in Sipontina siccitate, aut in Salapinorum pestilentiae finibus, Rullo duce, collocari. At dicat, quos agros empturus sit: ostendat, & quid, & quibus daturus sit. ut uero, cum omnes urbes, agros, uectigalia, regna uendiderit, tum arenam aliquam, aut paludes emat, id uos potestis, quaeso, concedere? Quanquam illud est egregium, quod hac lege ante omnia ueneunt, ante pecuniae coguntur, & coaceruantur, quam gleba una ematur. deinde emi iubet, ab inuito uetat. Quaero, si, qui uelint uendere, non fuerint; quid pecunia fiet? referre in ararium lex uetat, exigi prohibet. igitur pecuniam omnem decemuiui tenebunt; uobis ager non emetur. uectigalibus abalienatis, socijs uexatis, regibus, atque omnibus gentibus exinanitis, illi pecunias habebunt, uos agros non habebitis. Facile, inquit, adducentur pecuniae magnitudine, ut uelint uendere. Ergo ea lex est, qua nostra uendamus, quan-

m m 3 ti

O R A T I O

ti possumus; aliena emamus, quanti possessores uelint. Atque in hos agros, qui hac lege empti sint, colonias ab ijs decemuiris deduci iubet. Quid? omnine eiusmodi locus est, ut nihil intersit reip. colonia deducatur in eum locum, nec ne: an est locus, qui coloniam postulet, est qui plane recuset? quo in genere, sicut in ceteris reip. partibus, est operæpretium diligentiam maiorum recordari, qui colonias sic idoneis in locis contra suspicionem periculi collocarunt, ut esse non oppida Italiae, sed propugnacula imperij uiderentur. Hi deducunt colonias in eos agros, quos emerint. etiam ne, si reip. non expediat? Et in quæ loca præterea uidebitur. quid igitur est causæ, quin coloniâ in Ianiculum possint deducere. & suum præsidium in capite, atque ceruicibus uestris collocare? Tu non definias, quot colonias, in quæ loca, quo numero colonorum, deduci uelis? tu occupes locum, quem idoneum ad uim tuam iudicaris? compleas numero? con firmes præsidio, quo uelis? populi R. uectigalibus, atque omnibus copijs ipsum populû R. coerceas? opprimas? redigas in istam decemuiralem ditionem, ac potestatem? Ut uero totam Italiam suis præsijs obsidere, atque occupare cogitet, quaeso, Quirites, cognoscite. Permittit decemuiris ut in omnia municipia, in omnes colonias totius Italiae colonos deducant, quos uelint: ijsq. colonis agrû dari iubet. nû obscure maiores opes, quàm libertas uestra pati potest, et maiora præsidia quæritur? num obscure regnum constituitur? num obscure libertas uestra tollitur? nam cum ijdem
omnem

DE LE

omnem pe
totam Itali
fram libert
san tenebim
randa uest
Campus
mus: & Ca
simam, atq
junus dicer
ries: deinde
tar: ut, si q
ne, quid ex
ut hunc sim
pido dicam
quàm Rom
Capuam se
sibi singuli
solari: uere
bis, aut me
bonisibus,
omnibus m
quam me ne
& intentis
tamen paul
nuebo. sed
facinus, ca
bellum face
men ne pat
riopes, ar

omnem pecuniam , maximam multitudinem , id est
 totam Italiam , suis opibus obtinebunt , iidem ue-
 stram libertatem suis præsidijs & colonijs interclu-
 sam tenebunt : quæ spes tandem , quæ facultas recupe-
 randæ uestræ libertatis relinquetur ? At enim ager
 Campanus hac lege diuidetur , orbis terræ pulcherri-
 mus : & Capuam colonia deducetur , urbem amplis-
 simam , atque ornatissimam . atqui quid ad hæc pos-
 sumus dicere ? De commodo uestro prius dicam , Qui-
 rites : deinde ad amplitudinem , & dignitatem reuer-
 tar : ut , si quis agri aut oppidi bonitate delectetur ,
 ne , quid expectet ; si quem rei dignitas commouet ,
 ut huic simulatæ largitioni resistat . ac primum de op-
 pido dicam ; si quis est forte , quem Capua magis ,
 quàm Roma delectat . Quinque millia colonorum
 Capuam scribi iubet . ad hunc numerum quingenos
 sibi singuli sument . quæso nolite uosmet ipsos con-
 solari : uere , & diligenter considerate . Num uo-
 bis , aut uestri similibus , integris , quietis , otiosis
 hominibus , in hoc numero locum fore putatis ? si
 omnibus uobis , aut maiori uestrum parti : quan-
 quam me uester honos uigilare dies , atque noctes ,
 & intentis oculis omnes reip. partes intueri iubet ;
 tamen paullisper , si ita commodum uestrum feret , con-
 niuebo . sed si quinque hominum millibus , ad uim ,
 facinus , cædemq. delectis , locus , atque urbs , quæ
 bellum facere atque instruere possit , quæritur : ta-
 men ne patiemini , uestro nomine contra uos firma-
 ri opes , armari præsidia , urbes , agros , copias com-
 m m 4 para-

O R A T I O

parari? nam agrum quidem Campanum, quem uobis ostentant, ipsi concupiuerunt: deducunt suos, quorum nomine ipsi teneant, & fruantur: coement præterea: ista dena iugera continuabunt. nam si dicent, per legem id non licere: ne per Corneliam quidem licet: at uidemus (ut longinqua mittamus) agrum Prænestinum a paucis possideri. neque istorum pecunijs quidquam aliud deesse uideo, nisi eiusmodi fundos, quorum subsidio familiarum magnitudines, & Cumanorum, ac Puteolanorum prædiorum sumptum sustinere possint. Quod si uestrum commodum spectat; ueniat, & coram mecum de agri Campani diuisione disputet. Quæsiui ex eo kalendis Ian. quibus hominibus, & quemadmodum illum agrum esset distributurus. respondit, a Romilia tribu se initium esse facturum. primum, quæ est ista superbia, & contumelia, ut populi pars amputetur, ordo tribuum negligatur? ante rusticis detur ager, qui habent, quàm urbanis, quibus ista agri spes, & iucunditas ostenditur? aut, si hoc ab se dictum negat, & satisfacere omnibus uobis cogitat: proferat, in iugera dena describat, a Suburana usque ad Arniensem nomina uestra proponat. si, non modo dena iugera dari uobis, sed ne constipari quidem tantum numerum hominum posse in agrum Campanum, intelligetis: tamen ne uexari remp. contemni maiestatem populi R. deludi uosmet ipsos diutius a tribuno pl. patiemini? Quod si posset ager iste ad uos peruenire; non ne eum tamen in patrimonio uestro remanere malletis? unum ne fundum

DE L
dum pulch
pacis orna
ueligaliu
disperire p
missis ceter
libus exer
magnifica p
fortuna, m
Asia portu
rima ueligi
donum, au
pani ueligi
bus præfio
infestum,
mitosum
de Campa
etiam, qua
terat, coen
de plebis R
L. Sylla, q
est dilargit
Rullus ext
ex qua nec
minatio de
uestrum es
terni homi
uisus, nec
homines
prompti

dum pulcherrimum populi R. caput uestrae pecuniae,
 pacis ornamentum, subsidium belli, fundamentum
 uectigalium, horreum legionum, solatium annonae,
 disperire patiimini? an obliti estis, Italico bello, a-
 missis ceteris uectigalibus, quantos agri Campani frus-
 tibus exercitus alueritis? an ignoratis, cetera illa
 magnifica populi R. uectigalia per leui saepe momento
 fortunae, inclinatione temporis, pendere? quid nos
 Asiae portus, quid Syriae rura, quid omnia transma-
 rina uectigalia iuuabunt, tenuissima suspitione prae-
 donum, aut hostium iniecta? at uero hoc agri Cam-
 pani uectigal cum eiusmodi est, ut domi sit, & omni-
 bus praesidijs oppidorum tegatur; tum neque bellis
 infestum, nec fructibus uarium, nec caelo ac loco cala-
 mitosum esse solet. Maiores nostri non solum id, quod
 de Campanis ceperant, non imminuerunt, uerum
 etiam, quod ei tenebant, quibus adimi iure non po-
 terat, coemerunt. qua de causa nec duo Gracchi, qui
 de plebis R. commodis plurimum cogitauerunt; nec
 L. Sylla, qui omnia sine ulla religione, quibus uoluit,
 est dilargitus, agrum Campanum attingere ausus est.
 Nullus extitit, qui ex ea possessione remp. dimoueret,
 ex qua nec Gracchorum benignitas eam, nec Syllae do-
 minatio deiecisset. quem agrum nunc praetereuntes
 uestrum esse dicitis; et quem per iter qui faciunt, ex-
 terni homines uestrum esse audiunt: is, cum erit di-
 uisus, neque erit, neque uester esse dicetur. At qui
 homines possidebunt? primo quidem acres, ad uim
 prompti, ad seditionem parati; qui, simulac decem-

mirò

O R A T I O

uiri concrepuerint, armati in ciues, & expediti ad
 cædem esse possint. deinde ad paucos, opibus, & co-
 pijs affluentes, totum agrum Campanum perferri ui-
 debitis. uobis interea, qui illas a maioribus pulcher-
 rimas uectigalium sedes, armis captas, accepistis,
 gleba nulla de paternis, atque auitis possessionibus re-
 linquetur. ac tantum intererit inter uestram, & pri-
 uatorum diligentiam, quod, cum a maioribus no-
 stris P. Lentulus, is qui princeps senatus, in ea lo-
 ca missus esset, ut priuatos agros, qui in publicum Câ-
 panum incurrebant, pecunia publica coemeret, dici-
 tur renunciasse, nulla se pecunia fundum cuiusdam e-
 mere potuisse; eumque, qui nollet uendere, ideo ne-
 gasse se adduci posse uti uenderet, quod, cum plures
 fundos haberet, ex illo solo fundo nunquam malum
 nuncium audisset. Ita ne uero? priuatum hæc caussa
 commouit; populum R. ne agrum Campanum pri-
 uatis gratis, Rullo rogante, tradat, non commoue-
 bit? atqui idem populus R. de hoc uectigali potest di-
 cere, quod ille de suo fundo dixisse dicitur. Asia mul-
 tos annos uobis fructum Mithridatico bello non tulit:
 Hispaniarum uectigal temporibus Sertorianis nul-
 lum fuit: Sicilia ciuitatibus bello fugitiuorum M'.
 Aquillius etiam mutuum frumentum dedit: at ex
 hoc uectigali nunquam malus nuncius auditus est. ce-
 tera uectigalia belli facultatibus affliguntur: hoc ue-
 ctigali etiam belli facultates sustentantur. Deinde,
 in hac assignatione agrorum ne illud quidem dici po-
 test, quod in ceteris, agros desertos a plebe, atque a
 cultura

DE LE

cultura homi-
 num dico; si
 expelli ple-
 ri, totus enim
 a plebe, & a
 genus hominu-
 ratorum, &
 ius exercitur
 educati, gleb-
 conferant, no-
 bus, & audia-
 pari possessio-
 maioribus p-
 tri reliquer-
 hunc agru p-
 liderunt. E-
 tius diuidat-
 uni pedes aff-
 proprie parua
 ad nos esset su-
 ram, qui uob-
 honestius eua-
 tis. nam uer-
 tur alijs, erip-
 armato hosti-
 Adungit Se-
 eo duodena d-
 si uero paullo
 multitudine,

cultura hominum liberorum esse non oportere . sic enim dico ; si Campanus ager diuidatur , exturbari & expelli plebem ex agris , non constitui , & collocari . totus enim ager Campanus colitur , & possidetur a plebe , & a plebe optima , & modestissima : quod genus hominum optime moratum , optimorum & aratorum , & militum , ab hoc plebicola tribuno funditus eicitur . atque illi miseri , nati in illis agris , & educati , glebis subigendis exercitati , quò se subito conferant , non habebunt : his robustis , & ualentibus , & audacibus decemuirum satellitibus agri Campani possessio tota tradetur . & ut uos nunc de uestris maioribus prædicatis , hunc agrum nobis maiores nostri reliquerunt : sic uestri posterì de uobis prædicabunt , hunc agrum patres nostri , acceptum a patribus suis , perdiderunt . Equidem existimo , si iam campus Martius diuidatur , & unicuique uestrum , ubi consistat , bini pedes assignentur : tamen promiscue toto , quàm proprie parua frui parte malletis . Quare , etiam si ad uos esset singulos aliquid ex hoc agro peruenturum , qui uobis ostenditur , alijs comparatur : tamen honestius eum uos uniuersi , quàm singuli , possideretis . nunc uero , cum ad uos nihil pertineat , sed paretur alijs , eripiatu r uobis : non ne accerrime , tanquam armato hosti , sic huic legi pro uestris agris resistetis ? Adiungit Stellatem campum agro Campano , & in eo duodena describit in singulos homines iugera . Quasi uero paullum differat ager Campanus a Stellati . et multitudo , Quirites , queritur , qua illa oppida omnia

O R A T I O

nia compleantur . nam dixi antea , lege permitti ,
 ut , quæ uelint municipia , quas uelint ueteres colo-
 nias , colonis suis occupent . Calenum municipium
 complebunt : Theanum oppriment : Atellam , Cu-
 mas , Neapolin , Pompeios , Nuceriam suis præ-
 sidijs deuincient : Puteolos uero , qui nunc in sua po-
 testate sunt , suo iure libertateq. utuntur , totos no-
 uo populo , atque aduenticijs copijs occupabunt . tunc
 * illud exsilium Campanæ coloniæ , uehementer huic
 imperio timendum , Capuam a decemuiris infere-
 tur : tunc contra hanc Romam , communem patriam
 omnium nostrum , illa altera Roma quæretur . in
 id oppidum homines nefarij remp. nostram trans-
 ferre conantur , quo in oppido maiores uestri nullam
 omnino remp. esse uoluerunt : qui tres solum urbes
 in terris omnibus , Carthaginem , Corinthum , Ca-
 puam , statuerunt posse imperij grauitatem , ac no-
 men sustinere . deleta Carthago est , quod cum homi-
 num copijs , tum ipsa natura , ac loco , succincta por-
 tibus , armata muris , excurrere ex Africa , immi-
 nere ita fructuosissimis insulis populi R. uidebatur .
 Corinthi uestigium uix relictum est : erat enim po-
 sita in angustijs , atque in faucibus Græciæ , sic ,
 ut terra claustra locorum teneret , & duo maria ,
 maxime nauigationi diuersa , pæne coniungeret , cum
 pertenui discrimine separarentur . hæc , quæ procul e-
 rant a conspectu imperij , non solum affligerunt , sed
 etiam , ne quando recreata exurgere , atque erigere se
 possent , funditus , ut dixi , sustulerunt . de Capua mul-
 tum

DE LE
 tam est et d
 blice sunt S
 tes , si agri
 blicum ex il
 reip. nullam
 meremus it
 teribus repe
 ger Campa
 locus compo
 res , cultu ag
 iccirco illa
 ternallum
 consilia , &
 Capuam r
 rum , cella
 ruit : hi , ex
 bus uestris
 tuunt , mole
 si maiores r
 stri imperio
 Eruti , aut
 duos adhuc
 transferre
 liquissent
 gini , etiam
 agrumq. c
 la restitue
 quam no
 tus , popu

tum est et diu consultum. extant litteræ, Quirites, publice: sunt S.C. complura. statuerunt homines sapientes, si agrum Campanis ademissent, magistratus, publicum ex illa urbe consilium sustulissent, imaginem reip. nullam reliquissent, nihil fore quod Capuam timeremus. itaque hoc perscriptum in monumentis ueteribus reperietis: ut esset urbs, quæ res eas, quibus ager Campanus coleretur, suppeditare posset; ut esset locus comportandis, condendisq. fructibus; ut aratores, cultu agrorum defessi, urbis domicilijs uterentur; iccirco illa ædificia non esse deleta. uidete, quantum in teruallum sit interiectum inter maiorum nostrorum consilia, & inter istorum hominum dementiam, illi Capuam receptaculum aratorum, nundinas rusticorum, cellam atque horreum Campani agri esse uoluerunt: hi, expulsis aratoribus, effusis ac dissipatis fructibus uestris, eandem Capuam sedem nouæ reip. constituunt, molem contra ueterem remp. comparant. quod si maiores nostri existimassent, quenquam in tam illi stri imperio, & tam præclara populi R. disciplina M. Bruti, aut P. Rulli similem futurum: (hos enim nos duos adhuc uidimus, qui hanc remp. Capuam totam transferre uellent) profecto nomen illius urbis non reliquissent. uerum arbitrabantur, Corintho, & Carthagini, etiam si senatum, & magistratum sustulissent, agrumq. ciuibus ademissent, tamen non defore, qui illa restituerent, atque qui ante omnia commutarent, quàm nos audire possemus; hic uero, in oculis senatus, populiq. R. nihil posse existere, quod non ante extingu

O R A T I O

tingui, atque opprimi posset, quàm plane exortum, ac
 natum esset. neque uero ea res fefellit homines diui-
 na mente, & consilio præditos. nam post Q. Ful-
 uium, Q. Fabium cos. quibus consulibus Capua de-
 uicta, atque capta est, nihil est in ea urbe contra hanc
 remp. non dico factum, sed omnino cogitatum. mul-
 ta postea bella gesta cum regibus, Philippo, Antio-
 cho, Persa, Pseudophilippo, Aristonico, Mithrida-
 te, & ceteris: multa præterea graua, Carthaginien-
 sium, Corinthium, Numantinum: multæ in hac rep.
 seditiones domesticæ, quas prætermitto: bella cum
 socijs, Fregellanum, Marsicum: quibus omnibus do-
 mesticis externisq. bellis Capua non modo non ob-
 fuit, sed oportunissimam se nobis præbuit, & ad bel-
 lum instruendum, & ad exercitus ornandos, & te-
 etis, ac sedibus suos recipiendos. homines non ine-
 rant in urbe, qui malis concionibus, turbulentis S.C.
 iniquis imperijs remp. miscerent, & rerum nouarum
 causam aliquam quærent. neque enim concionan-
 di potestas erat cuiquam, nec consilij capiundi publi-
 ci: non gloriæ cupiditate efferebantur: propterea
 quodd, ubi honos publice non est, ibi gloriæ cupiditas
 esse non potest: non contentione, non ambitione discor-
 des. nihil enim supererat, de quo certarent; nihil,
 quod contra peterent; nihil, ubi dissiderent. itaque il-
 lam Campanam arrogantiam, atque intolerandam
 ferociam ratione, & consilio maiores nostri ad iner-
 tissimum, & desidiosissimum otium perduxerunt. sic
 & crudelitatis infamiam effugerunt, quod urbem ex
 Italia

DE LE O

Italia pulchre
 posteriorem pro
 exercitibus, urbe
 querunt. Hæc
 dixi, reprehendi
 te P. Rulle on
 mili furore det
 qui magistratu
 qui aliquam p
 seris attigeru
 nas pertuleru
 poris feci me
 met uidi cum
 L. Confidio
 quebantur,
 cus ipse affe
 illi colonia
 tuit. Nam pr
 rius duomuir
 volebant, qui
 tulisset, non
 lam nomen
 non cum ba
 cum fascibus
 constituta, e
 anobis con
 præconem
 patres con
 fidij uidere

Italia pulcherrimam non sustulerunt : & multum in
 posterum prouiderunt, quòd, neruis urbis omnibus
 exectis, urbem ipsam solutam, ac debilitatam reli-
 querunt. Hæc consilia maiorum M. Bruto, ut antea
 dixi, reprehendenda, & P. Rullo uisa sunt : neque
 te P. Rulle omina illa M. Bruti, atque auspicia a si-
 mili furore deterrent. nam & ipse, qui deduxit, &
 qui magistratum Capuæ, & Leocreanti ceperunt, & *
 qui aliquam partem illius deductionis, honoris, mu-
 neris attigerunt, omnes acerbissimas impiorum pæ-
 nas pertulerunt. Et quoniam Bruti, atque illius tem-
 poris feci mentionem, commemorabo id, quod ego-
 met uidi cum uenissem Capuam, coloniam deductam
 L. Confidio, & Sex. Saltio, quemadmodum ipsi lo-
 quebantur, prætoribus : ut intelligatis, quantam lo-
 cus ipse asserat superbiam : quæ paucis diebus, quibus
 illò colonia deducta fuit, perspicui atque intelligi po-
 tuit. Nam primum, id quod dixi, cum ceteris in colo-
 nijs diuuii appellantur, hi se prætores appellari
 uolebant. quibus primus annus hanc cupiditatem at-
 tulisset, nonne arbitramini paucis annis fuisse consu-
 lum nomen appetituros ? deinde anteibant lictores,
 non cum bacillis, sed, ut hic prætoribus anteeunt,
 cum fascibus duobus. erant hostiæ maiores in foro
 constitutæ, quæ ab his prætoribus de tribunali, sicut
 a nobis consulibus de consilij sententia probatis, ad
 præconem, & ad tibicinem immolabantur. deinde
 patres conscripti uocabantur. Iam uero, uultum Con-
 sidij uidere, ferendum uix erat. quem hominem ut
 grandi

O R A T I O

grandi macie torridum, Romæ cōtemptum, abiectum
uidebamus, hunc Capuæ Campano supercilio, ac re-
gio spiritu cum uideremus, Magios, Blossios mihi ui-
debar illos uidere, ac Iubelios. Iam uero, qui metus
erat tunicatorum illorum? & in Albana, & Sepla-
sia quæ cōcursatio percontantium, quid prætor edixis-
set? ubi cenaret? quid enunciaffet? nos autem, hinc
Roma qui ueneramus, iam non hospites, sed peregrini,
atque aduenæ nominabamur. Hæc qui prospexerint,
maiores nostros dico, Quirites, non eos in deo-
rum immortalium numero uenerandos a nobis, &
colendos putatis? quid enim uiderunt? hoc, quod
nunc uos, quæso, perspicite, atque cognoscite. non in-
generantur hominibus mores tam a stirpe generis, ac
seminis, quàm ex ijs rebus, quæ ab ipsa natura loci,
et a uitæ consuetudine suppeditantur, quibus alimur,
& uiuimus. Carthaginienses fraudulentis, & men-
daces, non genere, sed natura loci, quod, propter por-
tus suos, multis & uarijs mercatorum & aduenarum
sermonibus ad studium fallendi studio quæstus uo-
cabantur. Ligures montani, duri, atque agrestes: do-
cuit ager ipse, nihil ferendo, nisi multa cultura, &
magno labore quæsitum. Campani semper superbi bo-
nitate agrorum, & fructuum, magnitudine urbis, sa-
lubritate, descriptione, pulchritudine. ex hac copia,
atque omnium rerum affluetia primum illa nata sunt;
arrogantia, qua a maioribus nostris alterum Capua
consulem postulauit; deinde ea luxuries, quæ ipsum
Hannibalem, armis etiam tum inuidtum, uoluptate
uicit.

DE LE

uicit. Huc
ge Rulli de
gures, sex
mos, quos
mam in mon
culis sublat
angustissimi
loco explicat
contemnent
cum suis opo
dos scilicet p
illam copia
tendent: L
cle Lanuui
Theano,
Nuceria m
inflati, for
sumpserint
tur; progre
mo priuatus
cile sese reg
pijs, contin
bus conqui
cilio super
non statim
ij: immo
germaniq
tos & edo
deprauab

xicit. Huc isti decemuiri cum 100 colonorum ex le-
 ge Rulli deduxerint, centum decuriones, decem au-
 gures, sex pontifices constituerint: quos illorum ani-
 mos, quos impetus, quam ferociam fore putatis? Ro-
 mam in montibus positam, & conuallibus; cœna-
 culis sublatam, atque suspensam, non optimis uis,
 angustissimis semitis, præ sua Capua, planissimo in
 loco explicata, ac præ illis semitis irridebunt, atque
 contemnent. agros uero, Vaticanum, & Pupiniam,
 cum suis optimis, atque uberibus campis conferen-
 dos scilicet putabunt. oppidorum autem finitimorum
 illam copiam cum hac per risum, ac per iocum con-
 tendent: Labicos, Fidenas, Collatiam, ipsum her-
 cle Lanuuium, Ariciam, Tusculum, cum Calibus,
 Theano, Neapoli, Puteolis, Cumis, Pompeijs,
 Nuceria non comparabunt. quibus illi rebus elati, et
 inflati, fortasse non continuo, sed certe si paullum as-
 sumpserint uetustatis, ac roboris, non continebun-
 tur; progredientur longius, efferentur. singularis ho-
 mo priuatus, nisi magna sapientia præditus, uix fa-
 cile sese regionibus officij, magnis in fortunis, & co-
 pijs, continet: ne dum isti, ab Rullo, & Rulli simili-
 bus conquisiti, atque electi, coloni Capuæ, in domi-
 cilio superbiæ, atque in sedibus luxuriæ collocati,
 non statim conquisituri sint aliquid sceleris, & flagi-
 tij: immo uero etiam hoc magis, quàm illi ueteres,
 germaniq. Campani, quod in uetere fortuna illos na-
 tos & educatos nimia tamen rerum omnium copiae
 deprauabant; hi ex summa egestate in eandem rerum

n n abun-

abundantia traducti, non solum copia, uerum etiam insolentia commouebuntur. Hæc tu, P. Rulle, M. Bruti sceleris uestigia, quàm monumenta maior um sapientiæ, sequi maluisti: hæc tu cum istis tuis aucto-ribus excogitasti, ut uetera uestigalia uenderetis, & expilaretis noua; ut urbi Capuam ad certamen di- gnitatis opponeretis; ut sub uestrum ius, iurisdictio- nem, potestatem, urbes, nationes, provincias, li- beros populos, reges, terrarum denique orbem su- biungeretis; ut, cum omne pecuniam ex arario ex- hausissetis, ex uestigalibus redegetis, ab omnibus regibus, gentibus, imperatoribus nostris coegissetis, tamen omnes uobis pecunias ad nutum uestrum pen- derent; ut iidem partim inuidiosos agros a Syllanis possessoribus, partim desertos ac pestilentes a uestris necessarijs, a uobismet ipsis emptos, quanti uelletis populo R. induceretis; ut omnia municipia, colo- niasq. Italiæ nouis colonis occuparetis; ut, quibuscun- que in locis uobis uideretur, ac quàm multis uideretur, colonias collocaretis; ut omnem remp. uestris mi- litibus, uestris urbibus, uestris præsijs cingeretis, at- que oppressam teneretis; ut ipsum Cn. Pompeium, cuius præsidio sapissime populus R. contra acerrim- mos hostes, & contra improbissimos ciues uictor eua- sit, proscribere, atque horum conspectu priuare posse- tis; ut nihil auro & argento uiolari, nihil numero, * & suffragijs declarari, nihil elata manu perfringi posset, quod non uos oppressam, atque ereptum tenere- tis; ut uolitaretis interea per gentes, per regna om-
nia

nia cum imperio summo, cum iudicio infinito, cum
 omni pecunia; ut ueniretis in castra Cn. Pompeij, at
 que ipsa castra, si commodum uobis esset, uenderetis;
 ut interea magistratus reliquos, legibus omnibus so-
 luti, sine metu iudiciorum, sine periculo petere posse-
 tis; ut nemo ad populum R. uos adducere, nemo pro-
 ducere, non senatus cogere, non consul coercere, non
 tribunus pl. retinere posset. hæc ego uos concupisse,
 pro uestra stultitia, atque intemperantia, non miror;
 sperasse me consule assequi posse, demiror. nam cum
 omnium consulum gravis in rep. custodienda cura, ac
 diligentia debet esse, tum eorum maxime, qui non in
 cunabulis, sed in campo sunt consules facti. nulli po-
 pulo R. pro me maiores mei spoponderunt: mihi cre-
 ditum est: a me petere, quod debeo, me ipsum appel-
 lare debetis. quemadmodum, cum petebam, nulli
 me uobis auctores generis mei commendarunt: sic,
 si quid deliquero, nullæ sunt imagines, quæ me a uo-
 bis deprecentur. quare, modo ut uita suppetat; quam,
 ego sum is, qui possim ab istorum scelere, insidijsq.
 defendere; polliceor hoc uobis, Quirites, bona fide:
 remp. uigilanti homini, non timido; diligenti, non
 ignauo, commisistis. ego is consul, qui concionem
 metuam? qui tribunos pl. perhorrescam? qui sæpe
 & sine caussa tumultuer? qui timeam, ne mihi in
 carcere habitandum sit, si tribunus pl. duci iussisset?
 ego, non dum uestris armis armatus, insignibusq. am-
 plissimis ornatus, imperio, auctoritate, non horruï in
 hunc locum progredi posse, uobisq. auctoribus impro-
 bitati

O R A T I O

bitati hominis resistere : nunc uerear , ne resp. tantis
 munita praesidijs , ab istis uinci , aut opprimi possit?
 si antea timuisssem , hac concione , hoc populo certe
 non uererer. quis enim unquam tam secunda concio-
 ne legem agrariam suasit , quàm ego dissuasi? si hoc
 dissuadere est , ac non disturbare , atque peruertere.
 ex quo intelligi Quirites potest , nihil esse tam popu-
 lare , quàm id , quod ego uobis in hunc annum consul
 popularis affero , pacem , tranquillitatem , otium . quæ
 nobis designatis timebatis ; ea ne accidere possent , con-
 silio meo , ac ratione prouisa sunt . non modo uos eri-
 tis in otio , qui semper esse uolueratis , uerum etiam
 istos , quibus otiosi negotium faceessimus , otiosissimos
 reddam . etenim illis honores , potestates , diuitiæ ex
 tumultu , atque ex dissensionibus ciuium comparari
 solent : uos , quorum gratia in suffragijs consistit , liber-
 tas in legibus , honos in iudicijs , & æquitate magi-
 stratum , res familiaris in pace , omni ratione otium
 tenere debetis . nam etsi ij , qui propter desidiam in
 otio uiuunt , tamen in sua turpi inertia capiunt uolu-
 ptatem : sub ipso otio , quo uos fortunam regitis , hunc
 statum , quem habetis , esse meliorem non ignoratis , *
 non ut quæsitum , sed uita partum otium tenueritis .
 quod ego & concordia , quam mihi constitui cum col-
 lega , inuitissimis ijs hominibus , quos in consulatu
 inimicos esse & animis , & corporis actibus prouidi
 omnibus prospexi , & sane reuocaui : idem tribunis *
 pl. denunciaui , ne quid turbulenti me consule consla-
 rent . summum , & firmissimum est illud communibus
 fortu-

DE LE
 fortunis pra
 dierna die
 prabuitis ;
 tis . pro cert
 me esse perfe
 inuiderunt m
 gendo plurim

DE L
 CON
 RV
 P

C
 consuetudine
 timuissent .
 contentione
 meam concio
 uenire nolue
 deo quosdam
 quid , & no
 concione prab
 quare a nob
 uoluntatem
 neatis , pet

DE LEGE AGR. CONTRA RVL. 99
fortunis praesidium, Quirites, ut, quales uos ho-
dierna die maxima concione mihi pro salute uestra
praebuistis, tales reliquis temporibus reip. praebea-
tis. pro certo polliceor hoc uobis, atque confirmo,
me esse perfecturum, ut iam tandem illi, qui honori
inuiderunt meo, tamen uos uniuersos in consule deli-
gendo plurimum uidisse fateantur.

DE LEGE AGRARIA,
CONTRA P. SERVILIUM
RVLLVM TRIB. PL. AD PO-
PVLVM. ORATIO XVII.

C OMMODIVS fecissent tribuni pl. Qui-
rites, si, quae apud uos de me deferunt, ea
coram potius me praesente dixissent. nam
& aequitatem uestrae disceptationis, &
consuetudinem superiorum, & ius suae potestatis re-
tinuissent. sed quoniam adhuc praesens certamen,
contentionemq. fugerunt; nunc, si uidetur eis, in
meam concionem prodeant; &, quod prouocati a me
uenire noluerunt, reuocati saltem reuertantur. Vi-
deo quosdam, Quirites, strepitu significare nescio
quid, & non eosdem uultus, quos proxima mea con-
cione praebuerunt, in hanc concionem mihi retulisse.
quare a uobis, qui nihil de me credidistis, ut eam
uoluntatem, quam semper habuistis erga me, reti-
neatis, peto: a uobis autem, quos leuiter immuta-

nn 3 tos

O R A T I O

tos esse sentio, paruam exigui temporis usuram bonæ de me opinionis postulo, ut eam, si, quæ dixerō, uobis probabo, perpetuo retineatis; sin aliter, hoc ipso in loco depositam, atque abiectam relinquantis. Completisunt animi, auresq. uestræ, Quirites, me gratificantem septem tyrannis, ceterisq. Syllanarum assignationum possessoribus, agrariæ legi, & commodis uestris obsistere. hæc si qui crediderunt, illud prius crediderint necesse est, hac lege agraria, qua promulgata sit, adimi Syllanos agros, uobisq. diuidi, aut denique minui priuatorum possessiones, ut in eas uos deducamini. si ostendo, non modo non adimi cuiquam glebam de Syllanis agris, sed etiam genus id agrorum certo capite legis impudentissime confirmari, atque sanciri; si doceo, agris ijs, qui a Sylla sunt dati, sic diligenter Rullum sua lege consulere, ut facile appareat eam legem non a uestrorum commodorum patrono, sed a Valgij genero esse conscriptam: num quid est causæ, Quirites, quin illa criminatione, qua in me absentem usus est, non solum meam, sed etiam uestram diligentiam prudentiamq. de spexerit? Caput est legis XL. de quo ego consulto, Quirites, neque apud uos ante feci mentionem, ne aut refricare obductam iam reip. cicatricem uiderer, aut aliquid alienissimo tempore nouæ dissensionis commouere; neque uero nunc ideo disputabo, quòd hunc statum reip. non magnopere defendendum putem, præsertim qui otij, & concordie patronum me in hunc annum reip. professus sim; sed ut doceam

Rullum

DE LE

Rullum, po

bus de se, &

gum iniqui

ror eam, q

ut omnia, q

am ceteris

ges omnes e

tyrannum le

xi; ueritat

detur homin

multo impu

legibus, cu

pudens gra

habet in ill

ptus est; al

tio est hæc

PAPIRI

git, quòd e

me fuerunt

dictatorem

diosim arbit

ingenio fure

dictatorem

ergo ait Ma

inuidiam ra

CARBON

loca, posse

tera compl

GNATA

DE LEGE AGR. CONTRA RVL. 100

Rullum, posthac in ijs saltem tacere rebus, in quibus de se, & de suis factis taceri uelit. Omnium legum iniquissimam, dissimillimamq. legis esse arbitror eam, quam L. Flaccus interrex de Sylla tulit, ut omnia, quaecunque ille fecisset, essent rata. nam cum ceteris in ciuitatibus, tyrannis institutis, leges omnes extinguantur, atque tollantur: hic reip. tyrannum lege constituit. est inuidiosa lex, sicut dixi; ueruntamen habet excusationem. non enim uidetur hominis lex esse, sed temporis. quid, si est hæc multo impudentior? nam Valeria lege, Cornelijsq. * legibus, cum eripitur, cum datur, coniungitur impudens gratificatio cum acerba iniuria: sed tamen habet in illis legibus spem non nullam ille, cui ademptus est; aliquem scrupulum, cui datus est: Rulli cautio est hæc: QVAE POST C. MARIVM, CN. PAPIRIVM COS. Quam procul a suspitione fugit, quod eos consules, qui aduersarij Syllæ maxime fuerunt, potissimum nominauit. si enim Syllam dictatorem nominasset, perspicuum fore, & inuidiosum arbitratus est. sed quem uestrum tam tardo ingenio fore putauit, cui, post eos consules Syllam dictatorem fuisse, in mentem uenire non posset? quid ergo ait Marianus tribunus pl. qui nos Syllanos in inuidiam rapit? QVAE POST MARIVM ET CARBONEM. Agros, ædificia, lacus, stagna, loca, possessiones: cælum, & mare prætermisit, cetera complexus est. PVBLICE DATA, ASSIGNATA, VENDITA, CONCESSA SVNT.

nn 4 A quo,

O R A T I O

A quo, Rulle? post Marium & Carbonem cos. quis assignavit? quis dedit? quis concessit, præter Syllam? EA OMNIA EO IVRE SINT. Quo iure? labefactat uidelicet nescio quid: nimium acer, nimium uehemens tribunus plebis Syllana rescindit. VT QVAE OPTIMO IVRE PRIVATA SINT. Etiam ne meliore, quàm paterna, & auita? meliore. at hoc Valeria lex non dicit, Corneliae leges non sanciunt, Sylla ipse non postulat. si isti agri partem aliquam iuris, aliquam similitudinem propriae possessionis, aliquam spem diuturnitatis attingunt: nemo est tam impudens istorum, quin agi secum præclare arbitretur. tu uero, Rulle, quid quæris? quod habent, ut habeant? quis uetat? ut priuatum? sed ita latum est, ut melior tui soceri fundus Irpinus sit, siue ager Irpinus, (totum enim possidet) quàm meus paternus auitusque fundus Arpinas. id enim caues. optimo enim iure ea sunt profecto prædia, quæ optima condicione sunt: libera meliore iure sunt, quàm serua. capite hoc omnia, quæ seruiebant, non seruiant: soluta meliore in causa sunt, quàm obligata. eodem capite obligata omnia, si modo Syllana sunt, liberantur: immunia commodiore condicione sunt, quàm illa, quæ pensitant. ego Tusculanis pro aqua Crabra uectigal pendam, quia a municipio fundum accepi: si a Sylla mihi datus esset, Rulli lege non penderem. Video uos, Quirites, sicuti res ipsa cogat, commoueri, uel legis, uel orationis impudentia; legis, quæ ius me-

DE LE

melius Syll
orationis,
audet, rat
re. At si illa
tacerem, me
non modo ill
nus donation
fessiones defe
nam ipse non
Sylla nobis
fiones agros
re conetur
CESSA,
de? POS
sus est, ut
cōsules poss
tum? etiam
cario uenit
caussa posse
non mediocr
tum, Quiri
nelia public
ti, qui a pa
tur: his cau
inquam, a
uobis assign
Causam qu
lia, Sicilia
qua suerunt

melius Syllanis prædijs constituat, quàm paternis;
 orationis, quæ eiusmodi caussa insimulare quenquam
 audeat, rationes Syllæ nimium uehementer defende
 re. At si illa solum sanciret, quæ a Sylla essent data,
 tacerem, modo ipse se Syllanum esse confiteretur: sed
 non modo illis cauet, uerum etiam aliud quoddam ge
 nus donationis inducit; & is, qui a me Syllanas pos
 sessiones defendi criminatur, non eas solum sanat, ue
 rum ipse nouas assignationes instituit, & repentinus
 Sylla nobis exoritur. nam attendite, quantas conces
 siones agrorum hic noster obiurgator uno uerbo face
 re conetur. QVÆ DATA, DONATA, CON
 CESSA, VENDITA. Patior, audio: quid dein
 de? POSSESSA. Hoc tribunus pl. promulgare au
 sus est, ut, quod quisque post Marium, & Carbonem
 cōsules possidet, id eo iure teneret, quod optimo priua
 tum? etiam ne, si ui eiecit? etiam ne, si clam, si pre
 cario uenit in possessionem? ergo hac lege ius ciuile,
 caussæ possessionum, prætorum interdicta tollentur.
 non mediocris res, neque paruum sub hoc uerbo fur
 tum, Quirites, latet. sunt enim multi agri lege Cor
 nelia publicati, nec cuiquam assignati, neque uendi
 ti, qui a paucis hominibus impudentissime possiden
 tur: his cauet, hos defendit, hos priuatos facit: hos,
 inquam, agros, quos Sylla nemini dedit, Rullus non
 uobis assignare uult, sed eis condonare, qui possident.
 Causam quæro, cur ea, quæ maiōres uobis in Ita
 lia, Sicilia, duabus Hispanijs, Macedonia, Asia
 quæsuerunt, uenire patiamini; cum ea, quæ uestra
 sunt,

sunt, condonari possessoribus eadem lege uideatis? Iam totam legem intelligitis, cum ad paucorum dominationem scripta sit, ad Syllanæ assignationis rationes esse accommodatissimam. nam socer huius uir multum bonus est: neque ego nunc de illius bonitate, sed de generi impudentia disputo. ille enim, quod habet, retinere uult, nequē se Syllanum esse dissimulat: hic, ut ipse habeat, quod non habet, quæ dubia sunt, per uos sancire uult: & cum plus appetat, quàm ipse Sylla, quibus ego rebus resisto, Syllanas res defendere criminatur. Habet agros non nullos, inquit, socer meus, desertos, atque longinquos: uendet eos me lege, quanti uolet. habet incertos, ac nullo iure possesos: confirmabuntur optimo iure. habet publicos: redam priuatos. denique eos fundos, quos in agro Casinati optimos, fructuosissimos continuauit, cum usque eò uicinos proscriberet, quoad oculos continuando, ex multis prædijs unam fundi regionem formamq. perfecerit, quos nunc cum aliquo metu tenet, sine ulla cura possidebit. Et quoniam, qua de causâ, & quorum causâ ille hoc promulgauit, ostendi; doceat ipse, num ego quem possessorem defendam, cum agrariæ legi resisto. siluam Scantiam uendis: resp. possidet: defendo. Campanum agrum diuidis: uos estis in possessione: non cedo. deinde Italiæ, Siciliæ, ceterarumq. prouinciarum possessiones uenales, ac proscriptas hac lege uideo: uestra sunt prædia, uestre possessiones: resistam, atque repugnabo, neque patiar a quoquam populum R. de suis possessionibus me consule

isile dimoueri, præsertim cum uobis nihil quærat. hoc enim uos in errore uersari diutius non oportet. num qui uestrum ad uim, ad facinus, ad eadem accommodatus est? nemo. atqui ei generi hominum, mihi credite, Campanus ager, & præclara illa Capua seruatur: exercitus contra uos, contra libertatem uestram, contra Cn. Pompeium constituitur: contra hanc urbem Capua, contra uos manus hominem audacissimorum, contra Cn. Pompeium decem duces comparantur. ueniant coram, &, quoniam me in uestram concionem, uobis flagitantibus, conuocauerunt, differant.

PRO C. RABIRIO PERDV-
LIONIS REO, AD QVIRITES
ORATIO. XVIII.

ETSI, Quirites, non est meæ consuetudinis, initio dicendi rationem reddere, qua de causâ quenque defendam; propterea quod cum omnibus ciuibus in eorum periculis semper satis iustam mihi causam necessitudinis esse duxi: tamen in hac defensione capitis, famæ, fortunarum omnium C. Rabirij, proponenda ratio uidetur esse officij mei: propterea quod quæ iustissima mihi causâ ad hunc defendendum esse uisa est, eadem uobis ad absoluendum debet uideri. nam me cum amicitia uetustas, tum dignitas hominis, tum
ratio

ratio humanitatis, tū meæ uitæ perpetua consuetudo ad C. Rabirium defendendum est adhortata: tum uero, ut id studiosissime facerem, salus reip. consulare officium, cōsulatus denique ipse, mihi una uobiscum cum salute reip. commendatus, coegit. non enim C. Rabirium culpa delicti, non inuidia, uitæq. turpitudine, non denique ueteres, iustæ, grauesq. inimicitiae ciuium in discrimē capitis uocauerunt: sed, ut illud summum auxilium maiestatis, atque imperijs, quod, nobis a maioribus est traditum, de rep. tolleretur, ut nihil posthac auctoritas senatus, nihil consulare imperium, nihil cōsensus bonorum contra pestem, ac perniciem ciuitatis ualeret, iccirco in his rebus euertendis unius hominis senectus, infirmitas, solitudoq. tentata est. quamobrem si est boni consulis, cum cuncta auxilia reip. labefactari, conuelliq. uideat, ferre opem patriæ, succurrere salutī, fortunisque communibus, implorare ciuium fidem, suam salutem posteriorem salute communi ducere: est etiam bonorum, & fortium ciuium, quales uos omnibus reip. temporibus extitistis, intercludere omnes seditionum uias, munire præsidia reip. summum in consulibus imperium, summum in senatu consilium putare; ea qui secutus sit, laude potius, & honore, quàm pœna, & supplicio dignum iudicari. quamobrem labor in hoc defendendo præcipue meus est, studium uero conseruandi hominis commune mihi uobiscum esse debet. sic enim existimare debetis, Quirites, post hominum memoriam rem nullam maiorem, magis periculosam, magis ab omnibus

P
nibus nobis
gram, neq
Reffe delat
Quirites, q
cum consil
proborum f
reip. temp
Que cion it
ne capitis,
sest, ab lo
busq. imm
to magis h
filio guber
ab ijs, ut
seruand
tiantur. e
xime ad de
atque obse
hominis un
nestris mar
tis in homi
sapientiam
biene, dila
meq. ex co
semibora
iniquissim
miserim
scriptione
cōsulis ad

nibus uobis providendam, neque a tribuno pl. suscep-
 ptam, neque a consule defensam, neque ad populum
 R. esse delatam. agitur enim nihil aliud in hac causa,
 Quirites, quam ut nullum sit posthac in rep. publi-
 cum consilium, nulla bonorum consensio contra im-
 proborum furorem, & audaciam, nullum extremis
 reip. temporibus perfugium, & praesidium salutis.
 Quae cum ita sint, primum, quod in tanta dimicatio-
 ne capitis, famae, fortunarumq. omnium fieri neces-
 se est, ab Ioue Optimo Maximo, ceterisq. dijs, dea-
 busq. immortalibus, quorum ope, & auxilio mul-
 to magis haec resp. quam ratione hominum, & con-
 silio gubernatur, pacem, ac ueniam peto; precorq.
 ab ijs, ut hodiernum diem & ad huius salutem con-
 seruandam, & ad remp. constituendam illuxisse pa-
 tiantur. deinde uos, Quirites, quorum potestas pro-
 xime ad deorum immortalium numen accedit, oro,
 atque obsecro, quoniam uno tempore uita C. Rabirij,
 hominis miserrimi, atque innocentissimi, salus reip.
 uestris manibus, suffragijsq. permittitur, adhibea-
 tis in hominis fortunis misericordiam, in reip. salute
 sapientiam, quam soletis. Nunc quoniam, T. La-
 biene, diligentiae meae temporis angustijs obstitisti;
 meq. ex comparato et constituto spatio defensionis in
 semihorae curriculum coegisti: parebitur &, quod
 iniquissimum est, accusatoris condicioni, &, quod
 miserrimum, inimici potestati. quanquam in hac prae-
 scriptione semihorae patroni mihi partes reliquisti,
 cōsulis ademisti: propterea quod ad defendendum pro
 permodum

pemodum satis erit hoc mihi temporis, uerum ad con-
querendum parum. Nisi forte de locis religiosis, ac
de lucis, quos ab hoc uiolatos esse dixisti, pluribus
uerbis tibi respondendum putas. quo in crimine nihil
est unquam abs te dictum, nisi, a C. Macro obie-
ctum esse crimen id C. Rabirio. in quo ego demiror,
meminisse te, quid obiecerit C. Rabirio. Macer inimi-
cus; oblitum esse, quid aequi, & iurati iudices iudi-
carint. An de peculatu facto, an de tabulario incenso
longa oratio est expromenda? quo in crimine prop-
ter quos C. Rabirij, iudicio clarissimo, C. Curtius pro uir-
tute sua est honestissime liberatus: ipse uero Rabirius
non modo in iudiciu horum criminum, sed ne in tenuis-
simam quidem suspicionem uerbo est unquam uocatus.
An de sororis filio diligentius respondendum est, quod
ab hoc necatum esse dixisti, cum ad iudicii moram fa-
miliaris funeris excusatio quaereretur? quid enim est
tam uerisimile, quam cariores huic sororis maritu,
quam sororis filium fuisse? atque ita cariores, ut al-
ter uita crudelissime priuaretur, cum alteri ad prola-
tionem iudicii biduum quaereretur? An de seruis alie-
nis contra legem Fabiam retentis, aut de ciuibus R.
contra legem Porciam uerberatis, aut necatis plura
dicenda sunt? cum tanto studio C. Rabirius totius
Apuliae, singulari uoluntate Campaniae uicinitatis
ornetur; cumq. ad eius propulsandum periculum non
modo homines, sed prope regiones ipsae conuenerint,
aliquanto etiam latius excitatae, quam ipsius uicini-
tatis nomen ac termini postulabant. Nam quid ego
ad

P
ad illa longa
dem multa
nec a iene
co mihi sen
plura de pua
paroni dilig
coram ista
partem, de
angustiam eff
sed consulis
perduellioni
nari soles m
Quirites,
stulissim:
primum testi
ri potest, q
meo carni
sed ista laus
tes, qui, exp
stigma cruci
ram uirore
cerbitate su
munitam es
tandem, L
R. in concio
tas oportet
natis, aule
dehgi, &
cionem con

ad id longam orationem comparem, quod est in eadem multæ irrogatione perscriptum, hunc nec suæ, nec alienæ pudiciæ pepercisse? quin etiam suspicor eo mihi semihoram a Labieno præstitutam esse, ut ne plura de pudicitia dicerem. ergo ad hæc crimina, quæ patroni diligentiam desiderant, intelligis mihi semihoram istam nimium longam fuisse. Illam alteram partem, de nece Saturnini, nimis exiguam, atque angustam esse uoluisti: quæ non oratoris ingenium, sed consulis auxilium implorat, & flagitat. nam de perduellionis iudicio, quod a me sublatum esse criminari soles, meum crimen est, non Rabirij. quod utinam, Quirites, ego id aut primus, aut solus ex hac rep. sustulisssem: utinam, quod ille crimen esse uult, proprium testimonium meæ laudis esset. quid enim optari potest, quod ego mallet, quam me in consulatu meo carnificem de foro, crucem de campo sustulisse? sed ista laus primum est maiorum nostrorum, Quirites, qui, expulsis regibus, nullum in libero populo ue stigium crudelitatis regiæ retinuerunt: deinde multorum uirorum fortium, qui uestram libertatem non acerbitate suppliciorum infestam, sed lenitate legum munitam esse uoluerunt. Quamobrem uter nostrum tandem, Labiene, popularis est; tu ne, qui ciuibus R. in concione ipsa carnificem, qui uincla adhiberi putas oportere; qui in campo Martio, comitijs centuriatis, auspicato in loco, crucem ad ciuium supplicium defigi, & constitui iubes: an ego, qui funestari concionem contagione carnificis ueto; qui expiandum fo
rum

rum populi R. ab illis nefarijs sceleris uestigijs esse dico; qui castam concionem, sanctum campum, inuiolatum corpus omnium ciuium R. integrum ius libertatis defendendo seruari oportere? popularis uero tribunus pl. custos, defensorq. iuris, & libertatis. Porcia lex uirgas ab omnium ciuium R. corpore amouit: hic miserricos flagella retulit. Porcia lex libertatem ciuium licitori eripuit: Labienus, homo popularis, carnifici tradidit. C. Gracchus legem tulit, ne de capite ciuium R. iniussu uestro iudicaretur: hic popularis, a dumuiris iniussu uestro non iudicari de ciue R. sed indicta causa ciuem R. capitis condemnari coegit. Tu mihi etiam legis Porciae, tu C. Cracchi, tu horum libertatis, tu cuiusquam denique hominis popularis mentionem facis, qui non modo supplicijs inusitatis, sed etiam uerborum inaudita crudelitate uiolare libertatem huius populi, tentare mansuetudinem, commutare disciplinam conatus es? nanque haec tua, quae te hominem clementem, popularemq. delectant; licitor, colliga manus; quae non modo huius libertatis, mansuetudinisq. non sunt, sed ne Romuli quidem, aut Numae Pompilij, sed Tarquinij, superbissimi, atque crudelissimi regis: ista sunt cruciatus carmina, quae tu, homo lenis, ac popularis, libentissime commemoras: Caput obnubito, arbori infelici suspendito. quae uerba, Quirites, iam pridem in hac rep. non solum tenebris uetustatis, uerum etiam luce libertatis oppressa sunt. an uero, si actio ista popularis esset, & si ullam partem aequitatis haberet, aut in

ris;

ris; C. Gracchus eam reliquisset? scilicet tibi grauiorem dolorem patru tui mors attulit, quàm C. Graccho fratris: & tibi acerbior eius patru mors est, què nunquam uidiſti, quàm illi eius fratris, quicum concordiffime uixerat: & ſimilis uiri tu ulciſceris patru mortem, atque ille perſequeretur fratris ſui, ſi iſta ratione agere uoluiffet: & par deſiderium ſui reliquit apud populum R. Labienus iſte, patruus ueſter, quiſquis fuit, ac Ti. Gracchus reliquerat. an pietas tua maior, quàm Gracchi? an animus? an conſilium? an opes? an auctoriſtas? an eloquentia? quæ, ſi in illo minima fuiſſent, tamen præ tuis facultatibus maxima putarentur. cum uero his rebus omnibus C. Gracchus omnes uicerit; quantum interuallum tandem inter te atque illum interiectum putas? ſed moreretur prius acerbiffima morte millies Gracchus, quàm in eius concione carnifex conſiſteret; quem non modo foro, ſed etiam cælo hoc, ac ſpiritu cenſoriæ leges, atque urbis domicilio carere uoluerunt. Hic ſe popularem dicere audet, me alienum a commodis ueſtris? cum iſte omnes & ſuppliciorum, & uerborum acerbitates non ex memoria ueſtra, ac patrum ueſtrorum, ſed ex annalium monumentis, atque ex regum commentarijs conquiſierit; ego omnibus meis oibibus, omnibus conſilijs, omnibus dictis, atque factis repugnari, & reſtiterim crudelitati. niſi forte hanc conditionem uobis eſſe uultis, quam ſerui, ſi libertatis ſpem propoſitam non haberent, ferre nullo modo poſſent. miſera eſt ignominia iudiciorum publicorum, miſera

o o multatio

O R A T I O

multatio bonorum, miserum exsilium: sed tamen in
 omni calamitate retinetur aliquod uestigium liberta-
 tis. mors denique si proponitur, in libertate moria-
 mur: carnifex uero, & obductio capitis, & nomen
 ipsum crucis absit non modo a corpore ciuium R. sed
 etiam a cogitatione, oculis, auribus. harum enim
 omnium rerum non solum euentus, atque perpeffio,
 sed etiam condicio, exspectatio, mentio ipsa denique
 indigna ciue R. atque homine libero est. an uero ser-
 uos nostros horum suppliciorum omnium metu do-
 minorum benignitas una uindicta liberabit: nos a
 uerberibus, ab unco, a crucis denique terrore neque
 res gestæ, neque acta ætas, neque nostri honores uin-
 dicabunt? quamobrem fateor, atque etiam, T. La-
 biene, profiteor, & præ me fero, te ex illa crudeli,
 importuna, non tribunicia actione, sed regia, meo cõ-
 silio, uirtute, auctoritate esse depulsum. quia tu in a-
 ctione quâquam omnia exempla maiorum, omnes le-
 ges, omnẽ auctoritatẽ senatus, omnes religiones, at-
 que auspiciorum publica iura neglexisti: tamen a me
 hæc in hoc tam exiguo meo tempore non audies. libe-
 rum tempus nobis dabitur ad istã disceptationẽ. nunc
 de Saturnini crimine, ac de clarissimi patruui tui mor-
 te dicemus. Arguis, occisum esse a C. Rabirio L. Sa-
 turninum: et id C. Rabirius multorũ testimonijs, Q.
 Hortensio copiosissime defendente, antea falsum esse
 docuit. Ego autem, si mihi esset integrum, suscipe-
 rem hoc crimen, agnoscerem, confiterer. utinam
 hanc mihi facultatem causa concederet, ut possem
 hoc

hoc præ
 stem pop
 mouet, se
 nes imper
 dite, popu
 si uero cl
 to iam len
 indicem Et
 ter, in qua
 mihi esset
 num esse o
 bitraver
 bor id, qu
 minus. c
 birum a
 grauiore
 men expe
 eum, qui
 cidendi bo
 nefas fuit
 scelere non
 terfectura
 sit S. C. ut
 tribunos p
 ramq. dat
 seruariet

hoc predicare C. Rabirij manu L. Saturninum, hostem populi R. interfectum. Nihil me clamor iste commouet, sed consolatur; cum indicat esse quosdam ciues imperitos, sed non multos. nunquam, mihi credite, populus R. hic, qui silet, consulem me fecisset, si uestro clamore perturbatum iri arbitraretur. quanto iam leuior est acclamatio. quin continetis uocem, indicem stultitiæ uestrae, testem paucitatis? Libenter, inquam, confiterer, si uere possem, aut etiam si mihi esset integrum, C. Rabirij manu L. Saturninum esse occisum; & id facinus pulcherrimum esse arbitrarer. sed quoniam id facere non possum; confitebor id, quod ad laudem minus ualebit, ad crimen non minus. confiteor, interficiendi Saturnini causa C. Rabirium arma cepisse. Quid est, Labiene? quam a me grauiorem confessionem, aut quod in hunc maius crimen expectas? nisi uero interesse aliquid putas inter eum, qui hominem occidit, & eum, qui cum telo, occidendi hominis causa, fuit. si interfici Saturninum nefas fuit: arma sumpta esse contra Saturninum sine scelere non possunt. si arma iure sumpta concedis: interfectum iure concedas, necesse est.

Pauca quædam uidentur deesse.

fit S. C. ut C. Marius, L. Valerius cos. adhiberent tribunos pl. & prætores, quos eis uideretur; operamq. darent, ut imperium populi R. maiestasq. conseruaretur. adhibent omnes tribunos pl. præter Saturninum,

00 2 turninum,

O R A T I O

* turninum, præter Glauciam: qui remp. saluam esse uellent, arma capere, & se sequi iubent. parent omnes. ex ædificijs, armamentarijsq. publicis arma populo R. C. Mario consule distribuyente, dantur. Hic iam, ut omittam cetera, de te ipso, Labiene, quæro; cum Saturninus Capitolium teneret; armatus esset una C. Glaucia, C. Sausæius, etiam ille ex compedi- bus, atque ergastulo Gracchus; addam, quoniam ita uis, eodem Q. Labienum, patrum tuum; in foro au- tem C. Marius, & L. Valerius Flaccus cos. post cum etus senatus, atque ille senatus, quem etiam uos ipsi, qui hos patres conscriptos, qui nunc sunt, in inuidiam uocatis, quo facilius de hoc senatu detrudere possitis, laudare consueuistis; cum equester ordo, at quorum equitum R. dii immortales? patrum nostrorum, at- que eius ætatis, quæ tum magnam partem reip. at- que omnem dignitatem iudiciorum tenebat; cum om- nes omnium ordinum homines, qui in salute reip. sa- lutem suam repositam esse arbitrabantur, arma cepis- sent: quid tandem C. Rabirio faciendum fuit? de te ipso, inquam, Labiene, quæro; cum ad arma consu- les ex S. C. uocauissent; cum armatus M. Aemilius princeps senatus in Comitio constitisset; qui cum in- gredi uix posset, non ad insequendum sibi traditam pedum, sed ad fugiendum impedimento fore putabat; cum denique Q. Scæuola confectus senectute, præpe- ditus morbo, mancus, & membris omnibus captus, ac debilis, hastili nixus & animi uim, & infirmita- tem corporis ostenderet; cum L. Metellus, Sér. Gal-

ba

ba C. Ser-
lus, omne
communi
ita nobilit
mitij, L. C
sus; cum on
nes, Pomp
Lepidus, c
quo tu imp
tulus admo
cum deniq
sent: quid
trum, in
que igna
dijs teger
cum tuo p
turpitudin
rio, Scæu
nique omni
periculi so
res tali in
gam, atq
furor L. S
ad patria
dem aucto
cuius imp
quit, men
quid prop
fectura, r

ba C. Serranus, P. Rutilius, C. Fimbria, Q. Catu-
lus, omnesque, qui tum erant, consulares pro salute
communi arma cepissent; cum omnes prætores, cen-
ta nobilitas, ac iuventus accurreret, Cn. & L. Do-
mitij, L. Crassus, Q. Mucius, C. Claudius M. Dru-
sus; cum omnes Octavij, Metelli, Iulij, Cassii, Cata-
nes, Pompeij, cum L. Philippus, L. Scipio, cum M.
Lepidus, cum D. Brutus, cum hic ipse P. Servilius,
quo tu imperatore, Labiene, meruisti, cum hic Q. Ca-
tulus admodum tum adolescens, cum hic C. Curio,
cum denique omnes clarissimi uiri cum consulibus es-
sent: quid tandem C. Rabirium facere conuenit? u-
trum, inclusum, atque abditum latere in occulto, at-
que ignauiam suam tenebrarum, ac parietum custo-
dijs tegere; an in Capitolium pergere, atque ibi se
cum tuo patruo, & ceteris ad mortem propter uitæ
turpitudinem confugientibus cōgregare; an cum Ma-
rio, Scauro, Catulo, Metello, Scauola, cum bonis de-
nique omnibus coire non modo salutis, uerum etiam
periculi societatem? tu denique, Labiene, quid face-
res tali in re, ac tempore? cum ignauiae ratio te in fu-
gam, atque in latebras impelleret; improbitas, &
furor L. Saturnini in Capitolium arcesseret; consules
ad patriæ salutem, ac libertatem uocarent: quam tan-
dem auctoritatem, quam uocem, cuius sectam sequi,
cuius imperio parere potissimum uelles? Patruus, in-
quit, meus cum Saturnino fuit. Quid pater? quicū?
quid propinqui uestri, equites R.? quid omnis præ-
fectura, regio, uicinitas uestra? quid ager Picenus

ORATIO

uniuersus, utrum tribuniciū furorem, an cōsularem
auctoritatem secutus est? equidem hoc affirmo, quod
tu nunc de tuo patruo prædicas, neminem unquam
adhuc de sese esse confessum. nemo est unquam inuen-
tus tam profligatus, tam perditus, tam ab omni non
modo honestate, sed etiam simulatione honestatis re-
lictus, qui se in Capitolio fuisse cum Saturnino fatere
tur. at fuit uester patruus. fuerit, & fuerit nulla de-
speratione rerum suarum, nullis domesticis uulneri-
bus coactus: induxerit eum L. Saturnini familiari-
tas, ut amicitiam patriæ præponeret: iccirco ne opor-
tuit C. Rabirium desciscere a rep. non comparere in il-
la armata multitudine bonorum? consulum uoci, at-
que imperio non obedire? at qui uidemus hæc in rerum
natura tria fuisse, ut aut cum Saturnino esset, aut cum
bonis, aut lateret. latere, mortis erat instar turpissi-
mæ: cum Saturnino esse, furoris, & sceleris: uirtus,
& honestas, & pudor cum consulibus esse cogebat.
hoc tu igitur in crimen uocas, quod cum ijs fuerit C.
Rabirius, quos, amentissimus fuisset, si oppugnasset;
turpissimus, si reliquisset? At C. Decianus, de quo tu
sepe commemoras, quia, cum hominem omnibus in
signem notis turpitudinis Furium accusaret summo
studio bonorum omnium, queri est ausus in concione
de morte Saturnini, condemnatus est; at Sex. Titius,
quod habuit imaginem L. Saturnini domi suæ, con-
demnatus est. Statuerunt equites R. illo iudicio, im-
probum ciuem esse, & non retinendum in ciuitate,
qui hominis hostilem in modum seditiosi imagine aut
mortem

mortem
misericordi-
tandam
uidetur,
habes, in
istam habet
andisses, at
profecto i
atque exsu
in concione
eos scopula
namem, &
rum uide
laberis:
ria tua:
esses. qua
tem esse p
An non m
les uiros
quot ex p
pitis perien
capitalem
ulit: huic
reuli atas
trem huic
singularis
uitate, ill
Crassum,
præsidio f

mortem eius honestaret, aut desideria imperitorum
misericordia commoueret, aut suam significaret imi-
tandæ improbitatis uoluntatem. itaque mihi mirum
uidetur, unde hanc tu, Labiene, imaginem, quam
habes, inueneris. nam, Sex. Titio damnato, qui
istam habere auderet, inuentus est nemo. quod tu si
audisses, aut si per ætatem scire potuisses: nunquam
profecto istam imaginem, quæ domi posita pestem,
atque exsilium Sex. Titio attulisset, in Rostra, atque
in concionem attulisses; nec tuas unquam rationes ad
eos scopulos appulisses, ad quos Sex. Titij afflictam
nauem, & in quibus C. Deciani naufragium fortuna-
rum uideres. sed in his rebus omnibus imprudentia
laberis: causam enim suscepisti antiquiorem memo-
ria tua: quæ causa ante mortua est, quam tu natus
esses. qua in causâ tute profecto fuisses, si per æta-
tem esse potuisses; eam causam in iudicium uocas.
An non intelligis, primum, quos homines, & qua-
les uiros mortuos summi sceleris arguas; deinde,
quot ex ijs, qui uiuunt, eodem crimine in summum ca-
pitis periculum arcessas? nam si C. Rabirius fraudem
capitalem admisit, quod arma contra L. Saturninum
uulit: huic quidem affert aliquam deprecationem pe-
riculi ætas illa, qua tum fuit: Q. uero Catulum, pa-
trem huius, in quo summa sapientia, eximia uirtus,
singularis humanitas fuit; M. Scaurum, illa gra-
uitate, illo consilio, illa prudentia; duos Mucios, L.
Crassum, M. Antonium, qui tum extra urbem cum
præsidio fuit, quorum in hac ciuitate longe maxima

00 4 consilia,

O R A T I O

consilia, atque ingenia fuerunt; ceteros, pari dignitate præditos, custodes, gubernatoresq. reip. quemadmodum mortuos defendemus? quid de illis, honestissimis uiris, atque optimis ciuibus, equitibus R. dicemus, qui tum una cum senatu salutem reip. defenderunt? quid de tribunis ærarijs, ceterorumq. ordinum omnium hominibus, qui tum arma pro communi libertate ceperunt? sed quid ego de ijs omnibus, qui consulari imperio paruerunt, loquor? de ipsorum consulum fama quid futurum est? L. Flaccum, hominem cum semper in rep. tum in magistratibus gerendis, in sacerdotio, cærimonijsque, quibus præerat, diligentissimum, nefarij sceleris, ac paricidij mortuum condemnabimus? adiungemus ad hanc labem, ignominiamq. mortis etiam C. Marij nomen? C. Marium, quem uere patrem patriæ, parentem, inquam, uestræ libertatis, atque huiusce reip. possumus dicere, sceleris, ac paricidij nefarij mortuum condemnabimus? etenim si C. Rabirio, quod ijt ad arma, crucem T. Labienus in campo Martio defigendam putauit: quod tandem excogitabitur in eum supplicium, qui uocauit? ac si fides Saturnino data est, quod abs te sæpissime dicitur; non eam C. Rabirius, sed C. Marius dedit; idemq. uiolauit, si in fide non stetit. quæ fides, Labiene, qui potuit sine S. C. dari? adeo ne hospes huiusce urbis, adeo ne ignarus es disciplinæ, consuetudinisq. nostræ, ut hæc nescias? ut peregrinari in aliena ciuitate, non in tua magistratum gerere uideare? Quid iam ista C. Mario, inquit, nocere possunt, quoniam

niam sen
boribus C
gius, quod
mo de se,
innumerab
que obsidion
mortura
quisquam
uirtute uer
catur. itaq
norum mem
esse, tum
iusque an
si sempiter
dem &
tissimorum
mihi uiden
nem, &
illorum fam
patrijs fam
re. ac si pro
non minus
salute ceper
ta curricula
ria. quare
bimus: iust
mus. sed
sumus, ne
li putas op

niam sensu, & uita caret? Ita ne uero? tantis in la-
 boribus C. Marius, periculisq. uixisset, si nihil lon-
 gius, quàm uita termini postulabant, spe, atque ani-
 mo de se, & gloria sua cogitasset? at, credo, cum
 innumerabiles hostium copias in Italia fudisset, at-
 que obsidione reimp. liberasset, omnia sua secum una
 moritura arbitrabatur. non est ita, Quirites: neque
 quisquam nostrum in reip. periculis cum laude, ac
 uirtute uersatur, quin spe posteritatis, fructuq. du-
 catur. itaque cum multis alijs de causis uirorum bo-
 norum mentes diuinæ mihi, atque eternæ uidentur
 esse, tum maxime quòd optimi, & sapientissimi cu-
 iusque animus ita præsenti in posterum, ut nihil, ni-
 si sempiternum, spectare uideatur. Quapropter equi-
 dem & C. Marrij, & ceterorum uirorum sapien-
 tissimorum, ac fortissimorum ciuium mentes, quæ
 mihi uidentur ex hominum uita ad deorum religio-
 nem, & sanctimoniam demigrasse, testor, me pro
 illorum fama, gloria, memoria non secus, ac pro
 patrijs fanis, atque delubris, propugnandum puta-
 re. ac si pro illorum laude mihi arma capienda essent;
 non minus strenue caperem, quàm illi pro communi
 salute ceperunt. etenim, Quirites, exiguum nobis ui-
 tæ curriculum natura circumscripsit, immensum glo-
 riæ. quare si eos, qui iam de uita decesserunt, orna-
 bimus: iustiore nobis mortis condicionem relinque-
 mus. sed si illos, Labiene, quos iam uidere non pos-
 sumus, negligis: ne his quidem, quos uides, consu-
 li putas, oportere? neminem esse dico ex ijs omnibus,
 qui

ORATIO

qui illo die Romæ fuerint , quem tu diem in iudicium
uocas , pubes q. tum fuerit , quin arma ceperit , quin
consules secutus sit. omnes ij, quorum tu ex ætate con
iecturam facere potes , quid tum fecerint , abs terei
capitis , C. Rabirij nomine , citantur . At occidit Sa
turninum Rabirius . Vtinam fecisset : non supplicium
deprecarer , sed præmium postularem . etenim si Sca
uæ , seruo Q. Crotonis , qui occidit L. Saturninum ,
libertas data est : quod equiti R. præmium dari par
fuiſſet ? & si C. Marius , quod fistulas , quibus aqua
suppeditabatur Iouis Optimi Maximi templis , ac se
dibus , præcidi imperarat ; quod in cliuo Capitolino
improborum ciuium. *

Desunt non pauca .

IN L. CATILINAM, IN SENATV, ORATIO IX.

QVOVSQVE tandem abutere, Catilina,
patientia nostra? quàm diu nos etiam fu
ror iste tuus eludet? quem ad finem sese
effrænata iactabit audacia? nihil ne te no
æturnum præsidium Palatij , nihil urbis uigiliæ , ni
hil timor populi , nihil consensus bonorum omnium,
nihil hic munitissimus habendi senatus locus , nihil
horum

horum ora, uultusq. mouerunt? patere tua consilia non sentis? constrictam iam omnium horum conscientia teneri coniurationem tuam non uides? quid proxima, quid superiore nocte egeris, ubi fueris, quos conuocaueris, quid consilij ceperis, quem nostrum ignorare arbitraris? O tempora, o mores. senatus hæc intelligit, consul uidet: hic tamen uiuit: uiuit? immo uero etiam in senatum uenit: fit publici consilij particeps: notat, & designat oculis ad eadem unumquemque nostrum. nos autem uiri fortes satisfacere reip. uidemur, si istius furorem, ac tela uitemus. Ad mortem te, Catilina, duci iussu consulis iam pridem oportebat, in te conferri pestem istam, quam tu in nos omnes iam diu machinaris. an uero uir amplissimus P. Scipio, pontifex maximus, Ti. Gracchum, mediocriter labefactantem statum reip. priuatus interfecit: Catilinam, orbem terræ, cæde, atque incendijs uastare cupientem, nos consules perferemus? nam illa nimis antiqua prætereo, quod Q. Seruilius Ahala Sp. Melium, nouis rebus studentem, manu sua interfecit. fuit, fuit ista quondam in hac rep. uirtus, ut uiri fortes acrioribus supplicijs ciuem perniciosum, quàm acerbissimum hostem, coercerent. Habemus S. C. in te, Catilina, uehemens, & graue: non deest reip. consilium, neque auctoritas huius ordinis: nos, nos, dico aperte, consules desumus. decreuit quondam senatus, ut L. Opi-
mius consul uideret, ne quid resp. detrimenti caperet: nox nulla intercessit: interfectus est propter
quasdam

O R A T I O

quasdam seditionum suspensiones C. Gracchus, claris-
 simo patre natus, auis, maioribus: occisus cum li-
 beris M. Fuluius consularis. simili S. C. C. Mario,
 & L. Valerio cos. permissa est resp. num unum diem
 postea L. Saturninum tribunum pl. & C. Seruilius
 praetorem pœna remorata est? at uero nos uicesimum
 iam diem patimur hebescere aciem horum auctorita-
 tis. habemus enim eiusmodi S. C. uerum inclusum in
 tabulis, tanquam in uagina reconditum; quo ex
 S. C. confestim interfectum te esse, Catilina, con-
 uenit. uiuis, & uiuis non ad deponendam, sed ad
 confirmandam audaciam. Cupio P. C. me esse clem-
 mentem, cupio in tantis reip. periculis non dissolu-
 tum uideri: sed iam me ipsum inertia, nequitiaq.
 condemnno. castra sunt in Italia contra remp. in Etru-
 riæ faucibus collocata: crescit in dies singulos hosti-
 um numerus: eorum autem imperatorem castrorum,
 ducemq. hostium intra mœnia, atque adeo in senatu
 uidetis, intestinam aliquam quotidie perniciem reip.
 molientem. si te iam, Catilina, comprehendi, si in-
 terfici iussero: credo, erit uerendum mihi, ne non
 hoc potius omnes boni serius a me, quàm quisquam
 crudelius factum esse dicat. uerum ego hoc, quod
 iam pridem factum esse oportuit, certa de causa non
 dum adducor ut faciam. tum denique interficiam te,
 cum iam nemo tam improbus, tam perditus, tam
 tui similis inueniri poterit, qui id non iure factum es-
 se fateatur. quàm diu quisquam erit, qui te defende-
 re audeat, uiues, & uiues ita, ut nunc uiuis, mul-
 tis

IN L. CATILINAM. III

*tis meis & firmis præsidijs obsessus, ne commouere
 te contra remp. possis: multorum te etiam oculi, &
 aures non sentientem, sicut adhuc fecerunt, specula-
 buntur, atque custodient. etenim quid est, Catilina,
 quod iam amplius exspectes, si neque nox tenebris
 obscurare cætus nefarios, nec priuata domus parie-
 tibus continere uocem coniurationis tuæ potest? si il-
 lustrantur, si erumpunt omnia? muta iam istam men-
 tem, mihi crede: obliuiscere cædis, atque incendio-
 rum: teneris undique: luce sunt clariora nobis tua
 consilia omnia: quæ etiam mecum licet recognoscas.
 Meministi ne, me ante diem XII. kal. Nou. dice-
 re in senatu, certo die fore in armis, qui dies futu-
 rus esset ante diem VIII. kal. Nou. C. Manlium,
 audaciæ satellitem atque administrum tuæ? num me
 fefellit, Catilina, non modo res tanta, tam atrox,
 tam incredibilis, uerum, id quod multo magis est
 admirandum, dies? dixi ego idem in senatu, cædem
 te optimatum contulisse in ante diem V. kal. Nou.
 tum cum multi principes ciuitatis Roma, non tam sui
 conseruandi, quàm tuorum consiliorum reprimen-
 dorum caussa, profugerunt. num infitiri potes, te
 illo ipso die, meis præsidijs, mea diligentia circum-
 clusum, commouere te contra remp. non potuisse?
 cum tu, discessu ceterorum, nostra tamen, qui re-
 mansissemus, cæde contentum te esse dicebas. Quid,
 cum, te Præneste kal. ipsis Nou. occupaturum no-
 èturno impetu esse confideres? sensisti ne illam colo-
 niam meo iussu, meis præsidijs, custodijs, uigilijs es-
 se*

ORATIO

se munitam? nihil agis, nihil moliris, nihil cogitas, quod ego non modo audiam, sed etiam uideam, planeq. sentiam. recognosce tandem mecum noctem illam superiorem: iam intelliges multo me uigilare acrius ad salutem, quam te ad perniciem reip. Dico te priori nocte uenisse inter falcarios, (non agam obscurare) in M. Læcæ domum, conuenisse eodem complures eiusdem amentiae, scelerisq. socios. num negare audes? quid taces? conuincam, si negas. uideo enim esse hic in senatu quosdam, qui tecum una fuere. O dii immortales, ubinam gentium sumus? quam remp. habemus? in qua urbe uiuimus? hic, hic sunt, nostro in numero P. C. in hoc orbis terræ sanctissimo grauissimoq. consilio, qui de meo, nostrumq. omnium interitu, qui de huius urbis, atque adeo orbis terrarum exitio cogitent. hosce ego uideo consul, & de rep. sententiam rogo; & quos ferro trucidari oportebat, eos non dum uoce uulnero. Fuiisti igitur apud Læcam ea nocte Catilina: distribuisti partes Italiae: statuisti, quod quenque proficisci placeret: delegisti, quos Romæ relinqueres, quos tecum educeres: descripsisti urbis partes ad incendia: confirmasti, te ipsum iam esse exiturum: dixisti, paullulum tibi esse etiam tum moræ, quod ego uiuerem. reperti sunt duo equites R. qui te ista cura liberarent, & sese illa ipsa nocte paullo ante lucem me in meo lectulo interfecturos pollicerentur. hæc ego omnia, uix dum etiam cætu uestro dimisso, comperi: domum meam maioribus præsijs muniui, atque firmaui: exclusi

eos,

eos, quos tu mane ad me salutatum miseris, cum il-
 li ipsi uenissent, quos ego iam multis uiris ad me uen-
 turos id temporis esse prædixeram. quæ cum ita sint,
 Catilina; perge, quò cæpisti; egredere aliquando ex
 urbe: patent portæ, proficiscere: nimium diu te im-
 peratorem illa tua Manliana castra desiderant: educ
 tecum etiam omnes tuos; si minus, quamplurimos:
 purga urbem. magno me metu liberabis, dummo-
 do inter me atque te murus intersit. nobiscum uersari
 iam diutius non potes: non feram, non patiar, non
 sinam. magna dijs immortalibus habenda gratia est,
 atque huic ipsi Ioui Statori, antiquissimo custodi hu-
 ius urbis, quòd hanc tam tetricam, tam horribilem,
 tamq. infestam reip. pestem toties iam effugimus.
 non est sæpius in uno homine salus summa periclitan-
 da reip. Quàm diu mihi, consuli designato, Catilina,
 insidiatus es, non publico me præsidio, sed priuata
 diligentia defendi. cum proximis comitijs consulari-
 bus me consulem in campo, & competitores tuos in-
 terficere uoluisti; compressi tuos nefarios conatus a-
 micorum præsidio, & copijs, nullo tumultu publi-
 ce concitato. denique, quotiescunque me petisti, per
 me tibi obstiti. quanquam uidebam. perniciem me-
 am cum magna calamitate reip. esse coniunctam.
 nunc iam aperte remp. uniuersam petis: templa deo-
 rum immortalium, tecta urbis, uitam omnium ciui-
 um, Italiam denique totam ad exitium, & uastita-
 tem uocas. quare, quoniam id, quod primum, at-
 que huius imperij, disciplinæq. maiorum proprium
 est,

O R A T I O

est, facere non audeo, faciam id, quod est ad seueritatem lenius, ad communem salutem utilius. nam si te interfici iussero, residebit in rep. reliqua coniuratorum manus: sin tu, quod te iam dudum hortor, exieris; exhaurietur ex urbe tuorum comitum magna, & perniciofa sentina reip. Quid est, Catilina? num dubitas id me imperante facere, quod iam tua sponte faciebas? exire ex urbe consul hostem iubet: interrogas me, num in exsilium? non iubeo: sed, si me consulis, suadeo. quid enim, Catilina, est, quod te iam in hac urbe delectare possit, in qua nemo est, extra istam coniurationem perditorum hominum, qui te non metuat; nemo, qui te non oderit? quæ nota domesticæ turpitudinis non iniusta uitæ tuæ est? quod priuatarum rerum dedecus non hæret infamiæ? quæ libido ab oculis, quod facinus a manibus unquam tuis, quod flagitium a toto corpore absuit? cui tu adolescentulo, quem corruptelarum illecebris irretisses, non aut ad audaciam ferrum, aut ad libidinem facem prætulisti? quid uero nuper? cum morte superioris uxoris nouis nuptijs domum uacuam fecisses, non ne etiam alio incredibili scelere hoc scelus cumulasti? quod ego prætermitto, & facile patior sile ri, ne in hac ciuitate tanti facinoris immanitas aut extitisse, aut non uindicta esse uideatur. prætermitto ruinas fortunarum tuarum, quas omnes impendere tibi proximis idibus senties. ad illa uenio, quæ non ad priuatam ignominiam uitiorum tuorum, non ad domesticam tuam difficultatem, ac turpitudinem,

I
nem, sec
strum mit
ius uitæ lu
cundus, cu
te pridie k
Comitio cu
ciuitatis im
ri, ac furo
rem tuum,
laomitto:
ta postea co
ties consule
tiones, ita
parua qua
effugi? ni
mibi later
ac uelle de
ta est sica
aliquo, &
potes: qua
denota sit
in corpore
sic enim iam
uidear, quo
la debetur
ex hac tant
cessarijs sal
contigit ne
sis grauiss

nem, sed ad summam reip. atque ad omnium nostrum uitam, salutemq. pertinent. Potest ne tibi huius uitæ lux, Catilina, aut huius cæli spiritus esse iucundus, cum scias horum esse neminem, qui nesciat te pridie kal. Ian. Lepido, & Tullo cos. stetisse in Comitio cum telo? manum, consulum & principum ciuitatis interficiendorum causa, parauisse? scelerari, ac furori tuo non mentem aliquam, aut timorem tuum, sed fortunam reip. obstitisse? ac iam illa omitto: neque enim sunt aut obscura, aut non multa postea commissa. Quoties tu me designatum, quoties consulem interficere uoluisti? quot ego tuas petitiones, ita coniectas, ut uitari posse non uiderentur, parua quadam declinatione, & ut aiunt, corpore effugi? nihil agis, nihil sequeris, nihil moliris, quod mihi latere ualeat in tempore: neque tamen conari, ac uelle desistis. quoties tibi iam, quoties iam extorta est sica ista de manibus? quoties uero excidit casu aliquo, & elapsa est? tamen ea carere diuitius non potes: quæ quidem quibus abs te initiata sacris, ac deuota sit, nescio, quod eam necesse putas consulis in corpore defigere. nunc uero quæ tua est ista uita? sic enim iam tecum loquar, non ut odio permotus esse uidear, quo debeo; sed ut misericordia, quæ tibi nulla debetur. uenisti paullo ante in senatum: quis te ex hac tanta frequentia, tot ex tuis amicis, ac necessarijs salutauit? si hoc post hominum memoriam contigit nemini, uocis expectas contumeliam, cum sis grauissimo iudicio taciturnitatis oppressus? quid,

pp quod

O R A T I O I.

quòd aduentu tuo ista subsellia uacua facta sunt? quid, quòd omnes consulares, qui tibi persæpe ad eadem constituti fuerunt, simul atque assedisti, partem istam subselliorum nudam, atque inanem reliquerunt? quo tandem animo hoc tibi ferendum putas? serui mehercle mei si me isto pacto metuerent, ut te metuunt omnes ciues tui; domum meam relinquendam putarem: tu tibi urbem non arbitraris? & si me meis ciuibus iniuria suspectum tam grauter, atque offensum uiderem; carere me aspectu ciuium, quàm infestis oculis omnium conspici, mallet: tu cum conscientia scelerum tuorum agnoscas odium omnium iustum, & iam diu tibi debitum, dubitas, quorum mentes, sensusq. uulneras, eorum aspectum præsentiamq. uitare? si te parentes timerent, atque odissent tui, neque eos ulla ratione placare posses: ut opinor, ab eorum oculis aliquò concederes: nunc te patria, quæ communis est omnium nostrum parens, odit, ac metuit, & iam diu te nihil iudicat nisi de patricidio suo cogitare. huius tu neque auctoritatem uerere, neque iudicium sequere, neque uim pertimesces? quæ tecum Catilina sic agit, & quodam modo tacita loquitur. Nullum iam tot annos facinus extitit, nisi per te, nullum flagitium sine te: tibi uni multorum ciuium neces, tibi uexatio, direptioq. sociorum impunita fuit, ac libera: tu non solum ad negligendas leges, & quæstiones, uerum etiam ad evertendas, perfringendasq. ualuisti. superiora illa, quam ferenda non fuerunt, tamen, ut potui, tuli:

nunc

nunc uero, me totam esse in metu propter te unum;
 quidquid increpuerit, Catilinam timeri; nullū uideri
 contra me consilium iniri posse, quod a tuo scelere ab-
 horreat; non est ferendum. quammoħrem discede, at
 que hunc mihi timorem eripe; si uerus, ne opprimar;
 sin falsus, ut tandem aliquando timere desinam. Hæc
 si tecum, ut dixi, patria loquatur, non ne impetra-
 re debeat, etiam si uim adhibere non possit? Quid,
 quod tu te ipse in custodiam dediisti? quid, quod ui-
 tandæ suspicionis caussa apud M. Lepidum te ha-
 bitare uelle dixisti? a quo non receptus, etiam ad
 me uenire ausus es, atque, ut domi meæ te asser-
 uarem, rogasti. cum a me quoque id responsum tu-
 lisses, me nullo modo posse iisdem parietibus tuto esse
 tecum, qui magno in periculo essem, quod iisdem mœ-
 nibus contineremur: ad Q. Metellum prætorem ue-
 nisti: a quo repudiatus, ad sodalem tuum, uirum
 optimum, M. Marcellum demigrasti: quem tu uide
 licet & ad custodiendum te diligentissimum, & ad su-
 spicandum sagacissimum, & ad uindicandum fortissi-
 mum fore putasti. Sed quàm longe uidetur a carcere,
 atque a uinculis abesse debere, qui se ipsum iam di-
 gnū custodia iudicauerit? Quæ cum ita sint, Catili-
 na; dubitas, si hic morari æquo animo non potes, abi-
 re in aliquas terras, & uitam istam, multis suppli-
 cijs iustis, debitisq. ereptam, fugæ, solitudiniq. man-
 dare? Refer, inquis, ad senatum. id enim postulas: et,
 si hic ordo placere decreuerit, te ire in exsilium, abtē-
 peraturum te esse dicis. Non referam id, quod abhor-

O R A T I O . I .

ret a meis moribus : & tamen faciam , ut intelligas ,
 quid hi de te sentiant . egredere ex urbe Catilina : libe-
 ra remp . metu : in exsilium , si hanc uocem exspectas ,
 proficiscere . quid est , Catilina ? ecquid attendis , ec-
 quid animaduertis horum silentium ? patiuntur , ta-
 cent : quid exspectas auctoritatem loquentium , quo-
 rum uoluntatem tacitorum perspicis ? at si hoc idem
 huic adolescenti optimo , P . Sextio , si fortissimo ui-
 ro , M . Marcello dixissem , iam mihi consuli hoc ip-
 so in templo iure optimo senatus uim , & manus in-
 tulisset : de te autem , Catilina , cum quiescunt , pro-
 bant ; cum patiuntur , decernunt ; cum tacent , cla-
 mant ; neque hi solum , quorum tibi auctoritas est ui-
 delicet cara , uita uilissima , sed etiam illi equites R .
 honestissimi , atque optimi uiri , ceteriq . fortissimi ci-
 ues , qui circumstant senatum , quorum tu et frequen-
 tiam uidere , & studia perspicere , & uoces paullo an-
 te exaudire potuisti . quorum ego uix abs te iam diu
 manus ac tela contineo , eosdem facile adducam , ut te
 hæc , quæ iam pridem uastare studes , relinquentem us-
 que ad portas prosequantur . quanquam quid loquor ?
 te ut ulla res frangat ? tu ut unquam te corrigas ? tu
 ut ullam fugam meditare ? tu ullum ut exsilium cogi-
 tes ? utinam tibi istam mentem dii immortales darét .
 tametsi uideo , si mea uoce perterritus ire in exsilium
 animum induxeris , quanta tempestas inuidiæ nobis ,
 si minus in præsens tempus , recenti memoria scelerum
 tuorum , at in posteritatem impendeat . sed est tanti ;
 dummodo ista tua priuata sit calamitas , & a reip . pe-
 riculis

riculis
ut legum
concedas
is es, ut te
culo, aut r
sape iam di
pradicas,
exsilium. u
uix molem
fulis, susti
ria manus
manu; con
ues; secer
impio lat
inuitatus
te inuitem
ad forum
pactam, &
quo etiam
tuis omib
futuram, &
constitutio
tius carere
scens soleb
impiam ad
quando, q
ta ac furio
dolorem, &
hanc te an

riculis seiungatur . sed tu ut uitijis tuis commouere ,
 ut legum pœnas pertimescas , ut temporibus reip.
 concedas ; non est postulandum . neque enim , Catilina ,
 is es , ut te aut pudor a turpitudine , aut metus a peri-
 culo , aut ratio a furore reuocarit . quamobrem , ut
 sæpe iam dixi , proficiscere : ac , si mihi , inimico , ut
 prædicas , tuo , constare uis inuidiam ; recta perge in
 exsilium . uix feram sermones hominum , si id feceris :
 uix molem istius inuidiæ , si in exsilium ieris iussu con-
 sulis , sustinebo . sin autem seruire meæ laudi & glo-
 riæ mauis ; egredere cum importuna sceleratorum
 manu ; conser te ad Manlium ; concita perditos ci-
 ues ; secerne te a bonis ; infer patriæ bellum ; exulta
 impio latrocinio : ut a me non eiectus ad alienos , sed
 inuitatus ad tuos isse uidearis . quanquam quid ego
 te inuitem , a quo iam sciam esse præmissos , qui tibi
 ad forum Aurelium præstolarentur armati ? sciam
 pactam , & constitutam esse cum Manlio diem ? a
 quo etiam Aquilam illam argenteam , quam tibi ac
 tuis omnibus perniciosam esse confido & funestam
 futuram , cui domi tuæ sacrarium scelerum tuorum
 constitutum fuit , sciam esse præmissam ? tu ut illa diu-
 tius carere possis ? quam uenerari ad cædem profici-
 scens solebas : a cuius altaribus sæpe istam dextram
 impiam ad necem ciuium transtulisti . ibis tandem ali-
 quando , quò te iam pridem tua ista cupiditas effræna-
 ta ac furiosa rapiebat . neque enim tibi hæc res affert
 dolorem , sed quandam incredibilem uoluptatem . ad
 hanc te amentiam natura peperit , uoluntas exercu-

O R A T I O I.

fortuna seruauit . nunquam tu non modo otium , sed
 ne bellum quidem , nisi nefarium , concupisti : naetus
 es ex perditis , atque ab omni non modo fortuna , uerū
 etiam spe derelictis conflata improborum manum .
 hic tu qua lætitia perfruere , quibus gaudijs exulta-
 bis , quanta in uoluptate bacchabere , cum in tanto nu-
 mero tuorum neque audies uirum bonum quenquam ,
 neque uidebis ? ad huius uitæ studium meditati sunt
 illi , qui feruntur , labores tui ; iacere humi non modo
 ad obsidendum stuprum , uerum etiam ad facinus obe-
 undum ; uigilare non solum ad insidiandum somno
 maritorum , uerum etiam bonis otiosorum . habes , u-
 bi ostentes illam præclaram tuam patientiam famis ,
 frigoris , inopiæ rerum omnium , quibus te breui tem-
 pore confectum esse senties . tantum profeci tum , cum
 te a consulatu repuli , ut exsul potius tentare , quàm cō-
 sul uexare remp . posses , atque ut id , quod esset a te sce-
 lerate susceptum , latrocinium potius , quàm bellum ,
 nominaretur . Nunc ut a me , P . C . quandam prope
 iustam patriæ querimoniam detester , ac deprecer ,
 percipite , quæso , diligenter quæ dicam , & ea penitus
 animis uestris mentibusq . mandate . etenim si mecum
 patria , quæ mihi uita mea multo est carior , si cun-
 cta Italia , si omnis resp . loquatur : M . Tulli , quid a-
 gis ? tu ne eum , quem esse hostem comperisti , quem du-
 cem belli futurum uides , quem exspectari imperato-
 rem in castra hostium sentis , auctorem sceleris , prin-
 cipem coniurationis , euocatorem seruorum , & ciui-
 um perditorum , exire patieris , ut abs te non emis-
 sus

I
 sus ex urbe
 ne hunc in
 summo sup
 impedit te
 uati in hac
 an leges , q
 nunquam in
 um iura tem
 præclaram
 minem per
 iorum , tam
 nes honore
 aut alicui
 negligis .
 mentius
 inertia ,
 uasabitur
 uan te non
 rum ? His
 hominum ,
 debo . Eg
 Catilinam
 tori isti ad
 uiri , & c
 & Flacci
 modo se m
 uerendat
 cida ciuit
 redandati

sus ex urbe, sed immissus in urbem esse uideatur? non
 ne hunc in uincula duci, non ad mortem rapi, non
 summo supplicio maētari imperabis? quid tandem
 impedit te? mos ne maiorum? at persæpe etiam pri-
 uati in hac rep. perniciosos ciues morte multarunt.
 an leges, quæ de ciuium R. supplicio rogatæ sunt? at
 nunquam in hac urbe ij, qui a rep. defecerunt, ciui-
 um iura tenuerunt. an inuidiam posteritatis times?
 præclaram uero populo R. refers gratiam, qui te, ho-
 minem per te cognitum, nulla commendatione ma-
 iorum, tam mature ad summum imperium per om-
 nes honorum gradus extulit, si, propter inuidiam,
 aut alicuius periculi metum, salutem ciuium tuorum
 negligis. sed si quis est inuidiæ metus, non est uehe-
 mentius seueritatis, ac fortitudinis inuidia, quàm
 inertiae, ac nequitiae pertimescenda. an, cum bello
 vastabitur Italia, uexabuntur urbes, tecta ardebunt,
 tum te non existimas inuidiæ incendio conflagratu-
 rum? His ego sanctissimis reip. uocibus, & eorum
 hominum, qui idem sentiunt, mentibus pauca respon-
 debo. Ego, si hoc optimum factu iudicarem, P. C.
 Catilinam morte multari, unius usuram horæ gladia-
 tori isti ad uiuendum non dedissem. etenim si summi
 uiri, & clarissimi ciues Saturnini, & Gracchorum,
 & Flacci, & superiorum complurium sanguine non
 modo se non contaminarunt, sed etiam honestarunt:
 uerendum certe mihi non erat, ne quid, hoc pari-
 cida ciuium interfecto, inuidiæ mihi in posteritatem
 redundaret. quòd si ea maxime impenderet; tamen

O R A T I O I.

hoc animo semper fui, ut inuidiam uirtute partam,
gloriam, non inuidiam putarem. quanquam non nul-
li sunt in hoc ordine, qui aut ea, quæ imminēt, non
uideant; aut ea, quæ uident, dissimulent: qui spem Ca-
tilinæ mollibus sententijs aluerunt, coniurationemq̃.
nascentem non credendo corroborauerunt: quorum
auctoritatem secuti multi non solum improbi, uerum
etiam imperiti, si in hunc animaduertissem, crudeli-
ter, & regie factum esse dicerent. nunc intelligo, si
iste, quò intendit, in Manliana castra peruenerit, ne-
minem tam stultum fore, qui non uideat coniuratio-
nem esse factam; neminem tam improbum, qui non
fateatur. hoc autem uno interfecto, intelligo hanc
reip. pestem paullisper reprimi, nō in perpetuum com-
primi posse. quòd si se eiecerit, secumq̃. suos eduxe-
rit, et eodē ceteros undique collectos naufragos aggre-
gauerit: extinguetur, atque delebitur non modo hæc
tam adulta reip. pestis, uerum etiam stirps, ac semen
malorum hominum. etenim diu iam, P. C. in his pe-
riculis coniurationis, insidijsq̃. uersamur: sed nescio
quo pacto omnium scelerum, ac ueteris furoris, & au-
dacie maturitas in nostri consulatus tempus erupit.
quòd si ex tanto latrocinio iste unus tolletur; uidebi-
mur fortasse ad breue quoddam tempus cura, & me-
tu esse releuati; periculum autem residebit, & erit
inclusum penitus in uenis, atque in uisceribus reip.
ut sæpe homines ægri, morbo graui, cum æstu fe-
briq̃. iactantur, si aquam gelidam biberint, primo
releuari uidentur, deinde multo grauius uehemen-
tiusq̃.

tiusq. affligantur : sic hic morbus, qui est in republi-
ca, releuatus istius pœna uehementius uiuis reliquis
ingrauescet. Quare, P. C. secedant improbi; secer-
nant se a bonis; unum in locum congregentur; muro
denique, id quod sæpe iam dixi, secernantur a nobis;
desinant insidiari domi suæ consuli, circumstare tri-
bunal prætoris urbani, obsidere cum gladijs curiam,
malleolos, & faces ad incendendam urbem compara-
re: sit denique inscriptum in fronte uniuscuiusque ci-
uis, quid de rep. sentiat. Polliceor hoc uobis, P. C.:
tantam in nobis consulibus fore diligentiam, tantam
in uobis auctoritatem, tantam in equitibus R. uirtu-
tem, tantam in omnibus bonis consensionem, ut Ca-
tilinæ profectione omnia pat. esacta, illustrata, op-
pressa, uindicata esse uideatis. Hisce omnibus, Cati-
lina, cum reip. salute, & cum tua peste, ac pernicie,
cumq. eorum exitio, qui se tecum omni scelere, parici-
dioq. iunxerunt, proficiscere ad impium bellum, ac
nefarium. Tum tu, Iuppiter, qui ijsdem, quibus hæc
urbs, auspicijs a Romulo es constitutus, quem Stato-
rem huius urbis, atque imperij uere nominamus,
hunc, & huius socios a tuis aris, ceterisq. templis, a
tectis urbis, ac mœnibus, a uita, fortunisq. ciuium
omnium arcebis; & omnes inimicos bonorum, ho-
stes patriæ, latrones Italiæ, scelerum fœdere inter se,
ac nefaria societate coniunctos, æternis supplicijs ui-
uos, mortuosq. mactabis.

IN L. CATILINAM,
AD QUIRITES.
ORATIO XX.

TANDEM aliquando, Quirites, L. Catilinam, firentem audacia, scelus anhelantem, pestem patriæ nefarie molientem, uobis, atque huic urbi ferrum, flammamq. minitantem, ex urbe uel eiecimus, uel emisimus, uel ipsum egredientem urbe persecuti sumus. abiit, excessit, euasit, erupit. nulla iam perniciēs a monstro illo, atque prodigio mœnibus ipsis intra mœnia comparabitur. atque hunc quidem unum belli domestici ducem sine controuersia uicimus. non iam inter latera nostra sica illa uersabitur: non in campo, non in foro, non in curia, non denique intra domesticos parietes pertimescemus. loco ille motus est, cum est ex urbe depulsus: palam iam cum hoste, nullo impediēte, bellum iustum geremus. sine dubio perdidimus hominem, magnificeq. uicimus, cum illum ex occultis insidijs in apertum latrocinium coniecimus. quod uero non cruetum mucronem, ut uoluit, extulit; quod uiuis nobis egressus est; quod ei ferrum de manibus extorsimus; quod incolumes ciues, quod stantem urbem reliquit; quanto tandem illum mœrore afflictum esse; & profligatum putatis? iacet ille nunc prostratus, Quirites, & se percussus, atque abiectum esse sentit, & retorquet oculos profecto sæpe ad hanc urbem, quam ex suis faucibus ereptam esse luget. quæ quidem

quidem letari mihi uidetur, quòd tantam pestem euo-
muerit, forasq. proiecerit. at si quis est talis, quales
esse omnes oportebat, qui in hoc ipso, in quo exsultat,
& triumphat oratio mea, me uehementer accuset,
quòd tam capitale[m] hostem non comprehenderim po-
tius, quàm emiserim: non est ista mea culpa, Quiri-
tes, sed temporum. interfectum esse L. Catilinam,
& grauissimo supplicio affectum iam pridem oportebat;
idq. a me & mos maiorum, & huius imperij se-
ueritas, & resp. postulabat: sed quàm multos fuisse
putatis, qui, quæ ego deferrem, non crederent? quàm
multos, qui propter stultitiam non putarent? quàm
multos, qui etiam defenderent? quàm multos, qui pro-
pter improbitatem fauerent? ac si, sublato illo, de-
pelli a uobis omne periculum iudicaret; iam pridem
ego L. Catilinam non modo inuidiæ meæ, uerum etiã
uitæ periculo sustulissim. sed cum uiderem, ne uobis
quidem omnibus re etiam probata, si illum, ut erat
meritus, morte multassim, fore, ut eius socios inui-
dia oppressus prosequi non possem; rem huc deduxi, ut
tum palam pugnare possetis, cum hostem aperte uide-
retis. quem quidem ego hostem, Quirites, quàm ue-
hementer foris esse timendum putem, licet hinc intel-
ligatis, quòd illud etiam moleste fero, quòd ex urbe
parum comitatus exierit. utinam ille omnes secum
suas copias eduxisset. Tongilium mihi eduxit, quem
amare in prætexta cœperat; Publicium, & Muna-
tium, quorum æs alienum contractum in popinam
nullum reip. motum asferre poterat: reliquit, quos ui-
ros,

ros, quanto alieno ære, quàm ualentes, quàm nobiles, uos uidetis. itaque ego illum exercitum, & Gallicanis legionibus, & hoc delectu, quem in agro Piceno, & Gallico Q. Metellus habuit, & his copijs, quæ a nobis quotidie comparantur, magnopere contemno, collectum ex senibus desperatis, ex agresti luxuria, ex rusticis decoctoribus, ex ijs, qui uadimonia deferere, quàm illum exercitum, maluerunt: quibus ego non modo si aciem exercitus nostri, uerum etiam si edictum prætoris ostendero, concident. hos, quos uideo uolitare in foro, quos stare ad curiâ, quos etiam in senatum uenire, qui nitent unguentis, qui fulgent purpura, mallem secum suos milites eduxisset: qui si hic permanent, mementote non tam exercitum illum esse nobis, quàm hos, qui exercitum deseruerunt, pertimescendos. atque etiam hoc magis sunt timendi, quòd, quid cogitent, me scire sentiunt, neque tamen permouentur. uideo, cui Apulia sit attributa, qui habeat Etruriam, qui agrum Picenum, qui Gallicum, qui sibi has urbanas insidias cædis, atque incendiorum depoposcerit. omnia superioris noctis consilia ad me perlatâ esse sentiunt: patefeci in senatu hesterno die: Catilina ipse pertimuit, profugit: hi quid expectant? nã illi uehementer errant, si illam meam pristinam lenitatem perpetuam sperât futuram. quod expectaui, iam sum assêcutus, ut uos omnes factam esse aperte coniurationem contra remp. uideretis. nisi uero si quis est, qui Catilinæ similes cum Catilina sentire non putet. non est iam lenitati locus: seueritatem

res

IN
res ipsa flag
ant, profici
nam miseru
uia profectio
sequuntur.
tinam huius
exhausto, re
quid enim m
test, quod n
cus, quis gl
ricida, quis
scriptor, q
mulier inf
ptus, quis
na non san
hosce anno
non per ill
mine iuuen
lios ipse am
sime seruati
parentum
uando pol
ex urbe, m
perditorum
m. sed na
alieno fuit
dus adscit
li ratione
torio pat

res ipsa flagitat . unum etiam nunc concedam : ex-
 ant , proficiscantur , ne patiantur desiderio sui Catili-
 nam miserum tabescere : demonstrabo iter : Aurelia
 uia profectus est : si accelerare uolēt , ad uesperam con-
 sequentur . O fortunatam remp . siquidem hanc sen-
 tinam huius urbis eiecerit . uno mehercule Catilina
 exhausto , releuata mihi , & recreata resp . uidetur .
 quid enim mali , aut sceleris fingi , aut excogitari po-
 test , quod non ille conceperit ? quis tota Italia uenefi-
 cus , quis gladiator , quis latro , quis sicarius , quis pa-
 ricida , quis testamentorum subiecto , quis circum-
 scriptor , quis ganeo , quis nepos , quis adulter , quæ
 mulier infamis , quis corruptor iuuentutis , quis corru-
 ptus , quis perditus inueniri potest , qui se cum Catili-
 na non familiarissime uixisse fateatur ? quæ cædes per
 hosce annos sine illo facta est ? quod nefarium stuprum
 non per illum ? iam uero quæ tanta in ullo unquam ho-
 mine iuuentutis illecebra fuit , quanta in illo ? qui a-
 lios ipse amabat turpissime , aliorum amoris flagitiosis-
 sime seruebat : alijs fructum libidinum , alijs mortē
 parentum non modo impellendo , uerum etiam adiu-
 uando pollicebatur . nunc uero quàm subito non solum
 ex urbe , uerum etiam ex agris ingentem numerum
 perditorum hominum collegerat ? nemo non modo Ro-
 mæ , sed nec ullo in angulo totius Italiæ , oppressus ære
 alieno fuit , quem non ad hoc incredibile sceleris fa-
 ctus adsciuerit . atque ut eius diuersa studia in dissimi-
 li ratione perspicere possitis ; nemo est in ludo gladi-
 torio paullo ad facinus audacior , qui se non intimum
 Catilinæ

*Catilinæ esse fateatur; nemo in scena leuior, & ne-
 quior, qui se non eiusdem prope sodalem fuisse comme-
 moret. atque idem tamen, stuprorum, & scelerum e-
 xercitatione assuefactus, frigore, & fame, & siti,
 ac uigilijs perferendis, fortis ab istis prædicabatur,
 cum industriæ subsidia, atque instrumenta uirtutis in
 libidine, audaciâq. consumeret. hunc uero si sui fue-
 rint comites secuti, si ex urbe exierint, desperatorum
 hominum flagitiosi greges: o nos beatos, o remp. for-
 tunatam, o præclaram laudem consulatus mei, non
 enim iam sunt mediocres hominum libidines, non hu-
 manæ audaciæ, ac tolerandæ: nihil cogitant, nisi cæ-
 dem, nisi incendia, nisi rapinas: patrimonia sua pro-
 fuderunt, fortunas suas abligurrierunt: res eos iam
 pridem, fides deficere nuper cæpit: eadem tamen illa,
 quæ erat in abundantia, libido permanet. quòd si in ui-
 no, & alea comessationes solum, & scorta quæreret;
 essent illi quidem desperandi, sed tamen essent ferendi:
 hoc uero quis ferre possit, inertes homines fortissimis
 uiris insidiari, stultissimos prudentissimis, ebrios so-
 brijs, dormientes uigilantibus? qui mihi accubantes
 in conuiujs, complexi mulieres impudicas, uino lan-
 guidi, confecti cibo, sertis redimiti, unguentis obli-
 debilitati stupris, eruētant sermonibus suis cædem bo-
 norum, atque urbis incendia. quibus ego confido im-
 pendere fatum aliquod, & pœnas iam diu improbi-
 tati, nequitiae, sceleri, libidini debitas aut instare iam
 plane, aut certe iam appropinquare. quos si meus
 consulatus, quoniam sanare non potest, sustulerit: non
 breue*

breue nescio quod tempus, sed multa sæcula propa-
 rit reip. nulla est enim natio, quam pertimescamus;
 nullus rex, qui bellum populo R. inferre possit: om-
 nia sunt externa, unius uirtute, terra, mariq. paca-
 ta: domesticum bellum manet: intus insidiæ sunt: in-
 tus inclusum periculum est: intus est hostis: cum lu-
 xuria nobis, cum amentia, cum scelere certadum est.
 huic ego me bello ducem profiteor, Quirites: suscipio
 inimicitias hominum perditorum. quæ sanari pote-
 runt, quacunque ratione sanabo: quæ resecanda erūt,
 non patiar ad perniciem ciuitatis manare. proinde
 aut exeant, aut quiescant, aut, si & in urbe, & in ea
 dem mente permanent, ea, quæ merentur, expectēt.
 At etiam sunt, Quirites, qui dicant a me in exsilium
 eiectum esse Catilinam. quod ego si uerbo assequi pos-
 sem, istos ipsos eijcerem, qui hæc loquuntur. homo
 enim uidelicet timidus, & permodestus uocem con-
 sulis ferre non potuit: simul atque ire in exsilium ius-
 sus est, paruit, quieuit. Hesterno die, cum domi meæ
 pæne interfectus essem, senatum in ædem Iouis Stato-
 ris uocaui, rem omnem ad patres conscriptos detuli.
 quò cum Catilina uenisset, quis eum senator appella-
 uit? quis salutauit? quis denique ita adspexit ut per-
 ditum ciuem, ac non potius ut importunissimum ho-
 stem? quinetiam principes eius ordinis partem illam
 subselliorum, ad quam ille accesserat, nudam, atque
 inanem reliquerunt. hic ego uehemens ille consul,
 qui uerbo ciues in exsilium eijcio, quæsiui a Catilina,
 an nocturno cōuentu apud M. Lacam fuisset, nec ne.

cum

O R A T I O I I .

cum ille , homo audacissimus , conscientia conuictus primo reticuiisset ; patefeci cetera : quid ea nocte egisset , quid in proximam constituisset , quemadmodum esset ei ratio totius belli descripta , edocui . cum hæsitareret , cum cunctaretur , quæsiui , quid dubitaret proficisci eò , quò iam pridem pararat , cum arma , cum secures , cum fasces , cum tubas , cum signa militaria , cum Aquilam illam argenteam , cui ille etiam sacrum scelerum domi suæ fecerat , scirem esse præmissam . in exsilium eiciebam , quem iam ingressum in bellum esse uidebam ? etenim , credo , iste centurio , qui in agro Fesulano castra posuit , bellum populo R. suo nomine indixit ; & illa castra nunc non Catilinam duces expectant ; & ille , eiectus in exsilium , se Massiliam , ut aiunt , non in hæc castra conferet . O conditionem miseram non modo administrandæ , uerum etiam conseruandæ reip. nunc si L. Catilina , consilijs , laboribus , periculis meis circumclusus , ac debilitatus , subito pertimuerit , sententiam mutauerit , deseruerit suos , consilium belli faciundi abiecerit , ex hoc cursu sceleris , et belli iter ad fugam , atque in exsilium conuerterit : non ille a me spoliatus armis audaciæ , non obstupescens , ac perterritus mea diligentia , non de spe , conatuq. depulsus , sed indemnatus , innocens in exsilium eiectus a consule ui , & minis esse dicetur : & erunt , qui illum , si hoc fecerit , non improbum , sed miserum , me non diligentissimum consulem , sed crudelissimum tyrannum existimari uelint . Est mihi tanti , Quirites , huius inuidiæ falsæ , atque iniquæ tempestatem

tempestat
bilis belli
sane eiecti
mibi credit
mort alibus
causa , ut L
que in arm
dies : mu
dionem alio
quod eiecer
profectus
tus esset
nam Mass
tur , quare
cors , qui
ses ire ma
git , nunqu
se interfici
cum ei mihi
tionemq. a
tus est : op
ramur . Se
de eo hoste
quia , quoc
meo : de i
qui nobiscu
si ulla mo
sare , &
rin non po

tempestatem subire, dummodo a uobis huius horribilis belli, ac nefarii periculum depellatur. dicatur sane eiectus esse a me, dummodo eat in exsilium: sed, mihi credite, non est iturus. nunquam ego a dijs immortalibus optabo, Quirites, inuidiæ meæ leuandæ causâ, ut L. Catilinam ducere exercitum hostium, atque in armis uolitare audiat: sed triduo tamen audietis: multoq. magis illud timeo, ne mihi sit inuidiosum aliquando, quod illum emissem potius, quam quod eiecerim. sed cum sint homines, qui illum, cum profectus sit, eiectum esse dicant: ijdem, si interfectus esset, quid dicerent? quanquam isti, qui Catilinam Massiliam ire dictitant, non tam hoc queruntur, quam uerentur. nemo est istorum tam misericors, qui illum non ad Manlium, quam ad Masfilien- ses ire malit. ille autem si mehercules hoc, quod agit, nunquam ante cogitasset, tamen latrocinantem se interfici mallet, quam exsulem uiuere. nunc uero, cum ei nihil adhuc præter ipsius uoluntatem, cogitationemq. acciderit, nisi quod uiuis nobis Roma profectus est: optemus potius, ut eat in exsilium, quam queramur. Sed cur tam diu de uno hoste loquimur; & de eo hoste, qui iam fatetur se esse hostem; & quem, quia, quod semper uolui, murus interest, non timco; de ijs, qui dissimulant, qui Romæ remanent, qui nobiscum sunt, nihil dicimus? quos quidem ego, si ullo modo fieri posset, non tam ulcisci studeo, quam sanare, & ipsos placare reip. neque, id quare fieri non possit, si me audire uoluerint, intelligo. ex-

q q ponam

ponam enim uobis , Quirites , ex quibus generibus hominum ista copia comparentur : deinde singulis medicinam consilij , atque orationis meae , si quam poterō , afferam . Vnum genus est eorum , qui magno in aere alieno maiores etiam possessiones habent ; quarum amore adducti dissolui nullo modo possunt . horum hominum species est honestissima : sunt enim locupletes : uoluntas uero , & causa impudentissima . tu agris , tu aedificijs , tu argento , tu familia , tu rebus omnibus ornatus & copiosus sis , & dubites aliquid de possessione detrachere , ac fidem acquirere ? quid enim exspectas ? bellū ? quid ? ergo in uastatione omnium tuas possessiones sacrosanctas futuras putas ? an tabulas novas ? errant , qui istas a Catilina exspectant : meo beneficio tabulae nouae proferentur , uerum auctionariae . neque enim isti , qui possessiones habent , alia ratione ulla salui esse possunt . quod si maturius facere uoluissent , neque , id quod stultissimum est , certare cum usuris fructibus praediorum : locupletioribus ijs , & melioribus ciuibz uteremur . sed hosce homines minime puto pertimescendos : quod aut deduci de sententia possunt ; aut , si permanebunt , magis mihi uidentur uota facturū contra remp . quam arma laturi . Alterum genus est eorum , qui quamquam premuntur aere alieno , dominationem tamen exspectant , rerum potiri uolunt , honores , quos quie ta rep . desperant , perturbata consequi se posse arbitrantur . quibus hoc praecipendum uidetur , unum scilicet & idem , quod ceteris omnibus , ut desperent se

se id, quo
nium, me
inde mag
cordiam, n
rea copias
inuito pop
bi contra t
se laturos
rore cupi
guine ciui
concupier
reges sper
si adepti f
cedi sit m
tum, sed
nere iste
sunt omne
ego inuier
rum uiro
se in sperat
solentius q
ti, dum p
apparatis
runt, ut
excitand
tenues, et
narum ue
rites, in
pono. se

se id, quod conantur, consequi posse: primum omnium, me ipsum uigilare, adesse, providere reip. de inde magnos animos esse in bonis uiris, magnam concordiam, maximam multitudinem, magnas præterea copias militum: deos denique immortales huic inuito populo, clarissimo imperio, pulcherrimæ urbi contra tantam uim sceleris præsentis auxilium esse laturos. quod si iam sint id, quod cum summo furore cupiunt, adepti: num illi in cinere urbis, & sanguine ciuium, quæ mente conscelerata, ac nefaria concupierunt, se consules, aut dictatores, aut etiam reges sperant futuros? non uident se cupere id, quod si adepti fuerint, fugituo alicui, aut gladiatori concedi sit necesse? Tertium genus est ætate iam effectum, sed tamen exercitatione robustum: quo ex genere iste est Manlius, cui nunc Catilina successit. hi sunt omnes ex ijs coloniis, quas Sylla constituit: quas ego uniuersas ciuium esse optimorum, & fortissimorum uirorum sentio: sed tamen hi sunt coloni, qui se insperatis, repentinisq. pecunijs sumptuosius, insolentiusq. iactarunt: hi dum ædificant tanquam beati, dum prædijs lectis, familijs magnis, conuiujs apparatus delectantur, in tantum æs alienum inciderunt, ut, si salui esse uelint, Sylla sit ijs ab inferis excitandus, qui etiam non nullos agrestes, homines tenues, atque egentes, in eandem illam spem rapinarum ueterum impuluerunt. quos ego utrosque, Quirites, in eodem genere prædatorum, direptorumq. pono. sed eos hoc moneo: desinant furere, & pro-

qq 2 scriptio-

O R A T I O I I .

*scriptiones, & dictaturas cogitare . tantus enim il-
 lorum temporum dolor inustus est ciuitati , ut iam
 ista non modo homines , sed ne pecudes quidem mihi
 passuræ esse uideantur . Quartum genus est sane ua-
 rium , & mistum , & turbulentum : qui iam pri-
 dem premuntur : qui nunquam emergent : qui par-
 tim inertia , partim male gerendo negotio , partim
 etiam sumptibus in uetere ære alieno uacillant : qui
 uadimonijs , iudicijs , proscriptionibus bonorum de-
 fatigati , permulti & ex urbe , & ex agris se in il-
 la castra conferre dicuntur . hosce ego non tam mili-
 tes acres , quàm inficiatores lentos esse arbitror . qui
 homines primum , si stare non possunt , corruant , sed
 ita , ut non modo ciuitas , sed ne uicini quidem proxi-
 mi sentiant . nam illud non intelligo , quamobrem , si
 uiuere honeste non possunt , perire turpiter uelint ;
 aut cur , minore dolore perituros se cum multis , quàm
 si soli pereant , arbitrentur . Quintum genus est pa-
 ricidarum , sicariorum , denique omnium facinoso-
 rum : quos ego a Catilina non reuoco . nam neque di-
 uelli ab eo possunt ; & pereant sane in latrocinio , quo-
 niam sunt ita multi , ut eos carcer capere non possit .
 Postremum autem genus est non solum numero , ue-
 rum etiam genere ipso , atque uita , quod proprium
 est Catilinæ , de eius delectu , immo uero de com-
 plexu eius , ac sinu , quos pexo capillo nitidos , aut im-
 berbes , aut bene barbatos uidetis , manicatis , &
 talaribus tunicis , uelis amictos , non togis : quo-
 rum omnis industria uitæ , & uigilandi labor in an-
 telucanis*

telucanis
 aleatore
 diciq. uer
 non solum
 saltare, se
 na didicer
 si Catilin
 Catilinari
 feri uolunt
 fra ductu
 terunt, h
 Et illi
 perferent
 ros putan
 runt . o
 hanc sit
 pratorian
 tam pr. ec
 strosq. ex
 Et, & si
 ponite: de
 ac debilit
 bur educio
 cipiorum
 neque uer
 fra cum
 conferre
 nos suppe
 pko, ur

telucanis cenis expromitur. in his gregibus omnes
aleatores, omnes adulteri, omnes impuri, impu-
diciq. uersantur. hi pueri tam lepidi, ac delicati,
non solum amare, & amari, neque cantare, &
saltare, sed etiam sicas uibrare, & spargere uene-
na didicerunt: qui nisi exeunt, nisi pereunt; etiam
si Catilina perierit, scitote hoc in rep. seminarium
Catilinarium futurum. ueruntamen quid sibi isti mi-
feri uolunt? num suas secum mulierculas sunt in ca-
stra ducturi? quemadmodum autem illis carere po-
terunt, his praesertim iam noctibus? quo autem pa-
cto illi Apenninum, atque illas pruinas, ac niues
perferent? nisi iccirco se facilius hiemem toleratu-
ros putant, quod in conuiujs nudi saltare didice-
runt. o bellum magnopere pertimescendum, cum
hanc sit habiturus Catilina scortatorum cohortem
praetoriam. Instruite nunc, Quirites, contra has
tam praeclaras Catilinae copias uestra praesidia, ue-
strosq. exercitus: & primum gladiatori illi confe-
cto, & saucio consules, imperatoresq. uestros op-
ponite: deinde contra illam naufragorum eiectam,
ac debilitatam manum florem totius Italiae, ac ro-
bur educite: iam uero urbes coloniarum, ac muni-
cipiorum respondebunt Catilinae tumulis siluestribus.
neque uero ceteras copias, ornamenta, praesidia ue-
stra cum illius latronis inopia, atque egestate debeo
conferre. sed si, omissis his rebus omnibus, quibus
nos suppetitamus, eget ille, senatu, equitibus R. po-
pulo, urbe, aerario, uectigalibus, cuncta Italia,

O R A T I O I I .

prouincijs omnibus , exteris nationibus , si , inquam ,
his rebus omissis , ipsas causas , quæ inter se confi-
gunt , contendere uelimus : ex eo ipso , quàm ualde
illi iaceant , intelligere possumus , ex hac enim par-
te pudor pugnat , illinc petulantia ; hinc pudicitia , il-
linc stuprum ; hinc fides , illinc fraudatio ; hinc pietas ,
illinc scelus ; hinc constantia , illinc furor ; hinc hone-
stas , illinc turpitudine ; hinc continentia , illinc libido ;
hinc denique æquitas , temperantia , fortitudo , pru-
dentia , uirtutes omnes certant cum iniquitate , cum
luxuria , cum ignauia , cum temeritate , cum uitijs
omnibus : postremo copiae cum egestate , bona ratio
cum perdita , mens sana cum amentia , bona denique
spes cum omnium rerum desperatione confligit . in hu-
iusmodi certamine , ac prælio non ne etiam si homi-
num studia deficiant , dii ipsi immortales cogent ab
his præclarissimis uirtutibus tot , et tanta uitia supe-
rari ? Quæ cum ita sint , Quirites ; uos , quemadmo-
dum iam ante , uestra tecta custodijs , uigilijsq. de-
fendite ; mihi , ut urbi sine uestro motu , ac sine ullo tu-
multu satis esset præsidij , cōsultum , ac prouisum est .
coloni omnes , municipesq. uestri , certiores a me facti
de hac nocturna excursionē Catilinæ , facile urbes su-
as , finesq. defendēt : gladiatores , quam sibi ille maxi-
mam manum , & certissimam fore putauit , quanquā
meliore animo sunt , quàm pars patriciorum , potesta-
te tamen in uestra cōtinebuntur : Q. Metellus , quem
ego , prospiciens hoc , in agrum Gallicanū , Riconumq.
præmisi , aut opprimet hominem , aut omnes eius mo-
tus ,

tus , con-
constitue
referentia
urbe rem
tem omni
quanquam
monitos ex
sua soluta
latabat , e
sum obliu
esse consue
his esse m
insidiatio
sunt : qu
modo sa
tra patric
sules nig
tem senat
cem nefar
nostri esse
Quirites
summa r
mesticiam
& maxi
sedetur .
si ullo mo
quam in
si uis m
culum m

tus, conatusq. prohibebit: reliquis autem de rebus constituendis, maturandis, agendis iam ad senatum referemus, quem uocari uidetis. Nunc illos, qui in urbe remanserunt, atque adeo qui contra urbis salutem omniumq. uestri in urbe a Catilina relictī sunt, quanquam sunt hostes, tamen, quia nati sunt ciues, monitos etiam atque etiam uolo. mea lenitas adhuc si cui solutior uisa est, hoc exspectauit, ut id, quod latebat, erumperet. quod reliquum est, iam non possum obliuisci, meam hanc esse patriam, me horum esse consulem; mihi aut cum his uiuendum, aut pro his esse moriendum. nullus est portæ custos, nullus insidiator uiae: si qui exire uolunt, consulere sibi possunt: qui uero in urbe se commouerit, cuius ego non modo factum, sed inceptum ullum, conatum ue contra patriam deprehendero, sentiet in hac urbe esse consules uigilantes, esse egregios magistratus, esse fortem senatum, esse arma, esse carcerem, quem uindictam nefariorum ac manifestorum scelerum maiores nostri esse uoluerunt. atque hæc omnia sic agentur, Quirites, ut res maxima minimo motu, pericula summa nullo tumultu, bellum intestinum, ac domesticum, post hominum memoriam crudelissimum, & maximum, me uno togato duce, & imperatore sedetur. quod ego sic administrabo, Quirites, ut, si ullo modo fieri poterit, ne improbus quidem quisquam in hac urbe pœnam sui sceleris sufferat. sed si uis manifestæ audaciæ, si impendens patriæ periculum me necessario de hac animi lenitate deduxerint:

ORATIO II.

runt : illud profecto perficiam, quod in tanto, & tam insidioso bello uix optandum uidetur, ut neque bonus quisquam intereat, paucorumq. poena uos omnes salui esse possitis. quæ quidem ego neque mea prudentia, neque humanis consilijs fretus polliceor uobis, Quirites, sed multis, & non dubijs deorum immortalium significationibus : quibus ego ducibus in hanc spem, sententiamq. sum ingressus : qui iam non procul, ut quondam solebant, ab extero hoste, atque longinquo, sed hic præsentes suo numine, atque auxilio sua templa, atque urbis teëta defendunt : quos uos, Quirites, precari, uenerari, atque implorare debetis, ut quam urbem pulcherrimam, florentissimam, potentissimamq. esse uoluerunt, hanc, omnibus hostium copijs terra, mariq. superatis, a perditissimorum ciuium nefario scelere defendant.

IN L. CATILINAM,
AD QVIRITES.
ORATIO XXI.

R E M P. Quirites, uitamq. omnium uestrum, bona, fortunas, coniuges, liberosq. uestros, atque hoc domicilium clarissimi imperij, fortunatissimam pulcherrimamq. urbem, hodierno die, deorum immortalium summo erga uos amore, laboribus, consilijs, periculis meis, ex flamma, atque ferro, ac pæne ex faucibus

faucibus fati ereptam, & uobis conseruatam, ac re-
 stitutam uidetis. & si non minus nobis iucundi, at-
 que illustres sunt ij dies, quibus conseruamur, quàm
 illi, quibus nascimur; quòd salutis certa letitia est,
 nascendi incerta condicio; & quòd sine sensu nasci-
 mur, cum uoluptate conseruamur: profecto, quoniam
 illum, qui hanc urbem condidit, ad deos immortales
 beneuolentia, famaq. sustulimus; esse apud uos, po-
 sterosq. uestros in honore debebit is, qui eandem hanc
 urbem conditam, amplificatamq. seruauit. nam toti
 urbi, templis, delubris, tectis omnibus ac mœnibus
 subiectos prope iam ignes circumdatosq. restinxi-
 mus; ijdemq. gladios in remp. districtos retudimus;
 mucronesq. eorum a iugulis uestris reiecimus. quæ
 quoniam in senatu illustrata, patefacta, còperta sunt
 per me: uobis iam exponam breuiter, Quirites: ut,
 & quanta, & quàm manifesta, & qua ratione inue-
 stigata, & comprehensa sint, uos, qui & ignoratis,
 & expectatis, scire possitis. Principio, ut Catilina
 paucis ante diebus erupit ex urbe, cum sceleris sui so-
 cios, & huiusce nefarij belli acerrimos duces Romæ
 reliquisset; semper uigilauit, & prouidi, Quirites, quæ
 admodum in tantis, & tam absconditis insidijs salui
 esse possemus. nam tum, cum ex urbe Catilinam ej-
 ciebam, (non enim iam uereor huius uerbi inuidiam,
 cum illa magis sit timenda, quòd uiuus egressus est)
 sed tum, cum illum exterminari uolebam; aut reli-
 quam còiuratorum manum simul exituram, aut eos,
 qui remansissent, infirmos sine illo ac debiles fore pu-
 tabam.

O R A T I O I I I .

*tabam . atque ego , ut uidi , quos maximo furore , et
 scelere esse inflammatos sciebam , eos esse nobiscum ,
 & Romæ remansisse ; in eo omnes dies noctesq̃ . con-
 sumpsi , ut , quid agerent , quid molirentur , sentirem ,
 ac uiderem : ut , quoniam auribus uestris , propter in-
 credibilem magnitudinem sceleris , minorem fidem fa-
 ceret oratio mea , rem ita comprehenderem , ut tum
 demum animis salutis uestre provideretis , cum oculis
 maleficium ipsum uideretis . itaque ut comperi lega-
 tos Allobrogum , belli transalpini , & tumultus Gal-
 lici excitandi causa , a P . Lentulo esse sollicitatos ,
 eosq̃ . in Galliam ad suos ciues , eodem itinere cum lit-
 teris , mandatisq̃ . ad Catilinam esse missos , comitemq̃ .
 ijs adiunctum Vulturcium , atque huic datas esse ad Ca-
 tilinam litteras : facultatem mihi oblatam putavi , ut ,
 quod erat difficillimum , quodq̃ . ego semper optabam
 a dijs immortalibus , tota res non solum a me , sed e-
 tiam a senatu , & a uobis manifeste deprehendere-
 tur . itaque hesternuo die L . Flaccum , & C . Ponti-
 nium , prætores , fortissimos , atque amatissimos reip̃ .
 uiros , ad me uocaui : rem omnem exposui : quid fieri
 placeret , ostendi . illi autem , qui omnia de rep̃ . præ-
 clara atque egregia sentirent , sine recusatione , ac si-
 ne ulla mora negotium susceperunt ; & , cum ad uespe-
 rasceret , occulte ad pontem Muluium peruenerunt ;
 atque ibi in proximis uillis ita bipartiti fuerunt , ut
 Tiberis inter eos & pons interesset . eodem autem &
 ipsi sine cuiusquam suspicionem multos fortes uiros edu-
 xerunt : & ego de præfectura Reatina complures de
 lectos*

*lectos ad
 præsidio,
 uigilia ex
 tu legati
 turcius : f
 dij , & a no
 rabatur a
 Flacci pug
 quacunqu
 toribus tr
 diluiscer
 lerum im
 nium stat
 deinde it
 thegus :
 in litteris
 te uigila
 tis uiris ,
 nerant , li
 referrem
 re a me t
 negavi m
 ad consili
 nim , Qui
 reperta m
 tis reip̃ .
 mescenda
 flis , coeg
 gum , C .*

lectos adolescentes, quorum opera utor assidue in reip.
 praesidio, cum gladijs miseram. interim, tertia fere
 uigilia exacta, cum iam pontem cum magno comita-
 tu legati Allobrogum ingredi inciperent, unaq. Vul-
 turcius: fit in eos impetus: educuntur & ab illis gla-
 dij, & a nostris. res erat praetoribus nota solis, igno-
 rabatur a ceteris. tum interuentu Pontinij, atque
 Flacci pugna, quae erat commissa, sedatur: litterae,
 quaecunque erant in eo comitatu, integris signis, prae-
 toribus traduntur: ipsi comprehensi ad me, cum iam
 dilucesceret, deducuntur. atque horum omnium sce-
 lerum improbissimum machinatorem Cimbrum Gabi-
 nium statim ad me, nihil dum suspicantem, uocaui:
 deinde item accersitur L. Statilius, & post eum Ce-
 thegus: tardissime autem Lentulus uenit, credo, quod
 in litteris dandis praeter consuetudinem proxima no-
 cte uigilarat. cum summis ac clarissimis huius ciuita-
 tis uiris, qui, audita re, frequentes ad me mane conue-
 nerant, litteras a me prius aperiri, quam ad senatum
 referrem, placeret; ne, si nihil esset inuentum, teme-
 re a me tantus tumultus iniectus ciuitati uideretur:
 negaui me esse facturum, ut de periculo publico non
 ad consilium publicum rem integram deferrem. ete-
 nim, Quirites, etiam si ea, quae erant ad me delata,
 reperta non essent; tamen ego non arbitrabar in tan-
 tis reip. periculis esse mihi nimiam diligentiam perti-
 mescendam. Senatum frequentem celeriter, ut uidi-
 stis, coegi: atque interea statim, admonitu Allobro-
 gum, C. Sulpicium, praetorem, fortem uirum, misi,
 qui

O R A T I O I I I .

qui ex ædibus Cethegi, si quid telorum esset, efferret. ex quibus ille maximum sicarum numerum, & gladiorum extulit. introduxit Vulturcium sine Gallis: fidem ei publicam iussu senatus dedi: hortatus sum, ut ea, quæ sciret, sine timore indicaret: tum ille, cum uix se ex magno timore recepisset, dixit, a P. Lentulo se habere ad Catilinam mandata, & litteras, ut seruorum præsidio uteretur, & ad urbem quamprimum cum exercitu accederet: id autem eo consilio, ut, cum urbem omnibus ex partibus, quemadmodum descriptum, distributumque erat, incendiissent, cædemque infinitam ciuium fecissent, præsto esset ille, qui & fugientes exciperet, & se cum his urbanis ducibus coniungeret. Introducti autem Galli, iusiurandum sibi, & litteras a P. Lentulo, Cethego, Statilio ad suam gentem datas esse dixerunt, atque ita sibi ab his, & a L. Cassio esse præscriptum, ut equitatum in Italiam quamprimum mitterent, pedestres sibi copias non de futuras: Lentulum autem sibi confirmasse, ex libris sibyllinis, haruspicumque responsis se esse tertium illum Cornelium, ad quem regnum huius urbis, atque imperium peruenire esset necesse: Cinnam ante se, & Syllam fuisse: eundemque dixisse, fatalem hunc esse annum ad interitum huius urbis, atque imperij, qui esset decimus annus post uirginum absolutionem, post Capitolij autem incensionem uigesimus. Hanc autem Cethego cum ceteris controuersiam fuisse dixerunt, quod Lentulo, & ceteris Saturnalibus cædem fieri, atque urbem incendi placeret, Cethego nimium id longum

I
gum uid
las profe
primum
linum inc
nu Allob
legatis co
li faceret
thegus, q
scis, qua
dixisset q
fion fuisse
Etus, con
ductus e
suam. re
confessus
fui, cog
signum n
uit uice
to scelere
dem rati
tera. si q
tem. atq
quanto, t
xit: qua
obrem de
qui cum
quem ad
nihil ne
bito ille

gum uideretur. Ac, ne longum sit, Quirites, tabel-
 las proferri iussimus, quæ a quoque dicebantur datæ.
 primum ostendimus Cethego: signum cognouit. nos
 linum incidimus, legimus. erat scriptum ipsius ma-
 nu Allobrogum senatui, & populo, sese, quæ eorum
 legatis confirmasset, esse facturum: orare, ut item il-
 li facerent, quæ sibi legati eorum recepissent. tum Ce-
 thegus, qui paullo ante aliquid tamen de gladijs, ac
 sicis, quæ apud ipsum erant deprehensæ, respondisset,
 dixissetq. se semper honorum ferramentorum studio-
 sum fuisse, recitatis litteris, debilitatus, atque abie-
 ctus, conscientia conuictus repente conticuit. Intro-
 ductus est Statilius: cognouit & signum, & manum
 suam. recitatæ sunt tabellæ in eandem fere sententiâ:
 confessus est. Tum ostendi tabellas Lentulo, & quæ
 suæ, cognosceret ne signum: annuit. est uero, inquâ,
 signum notum, imago aui tui, clarissimi uiri, qui ama-
 uit unice patriam, & ciues suos; quæ quidem te a tan-
 to scelere etiam muta reuocare debuit. Leguntur ea-
 dem ratione ad senatum Allobrogum populumq. lit-
 teræ. si quid de his rebus dicere uellet, feci potesta-
 tem. atque ille quidem primo negauit: post autem ali-
 quanto, toto iam indicio exposito, atque edito, surre-
 xit: quæsiuit a Gallis, quid sibi esset cum ijs, quam-
 obrem domum suam uenissent; itemq. a Vulturcio.
 qui cum illi breuiter constanterq. respondissent, per
 quem ad eum, quotiesq. uenissent; quæsiissentq. ab eo,
 nihil ne secum esset de libris sibyllinis locutus: tum su-
 bito ille scelere demens, quanta uis conscientia esset,
 ostendit:

O R A T I O I I I .

ostendit : nam cum id posset infitiri, repente præter opinionem omnium confessus est . ita eum non modo ingenium illud, & dicendi exercitatio, qua semper ualuit, sed etiam, propter uim sceleris manifesti, atque deprehensi, impudentia, qua superabat omnes, improbitasq. defecit . Vulturcius uero subito proferri litteras, atque aperiri iubet, quas sibi a Lentulo ad Catilinam datas esse dicebat : atque ibi uehementissime perturbatus Lentulus, tamen signum, & manum suam cognouit . erant autem scriptæ sine nomine, sed ita. QVI SIM, EX EO, QVEM AD TE MISI, COGNOSCES. CVRA, VT VIR SIS: ET COGITA, QVEM IN LOCVM SIS PROGRESSVS: ET VIDE, QVID IAM TIBI SIT NECESSE: CVRA, VT OMNIVM TIBI AVXILIA ADIVNGAS, ETIAM INFIMORVM. Gabinius deinde introductus, cum primo impudenter respondere cœpisset, ad extremum nihil ex ijs, quæ Galli insimulabant, negavit . Ac mihi quidem, Quirites, cum illa certissima sunt uisa argumenta, atque indicia sceleris, tabellæ, signa, manus, denique uniuscuiusque confessio : tum multo illa certiora, color, oculi, uultus, taciturnitas . sic enim obstupuerant, sic terram intuebantur, sic furtim non nunquam inter se aspiciebant, ut non iam ab alijs indicari, sed ipsi a se uiderentur . Indicijs expositis, atque editis, Quirites, senatum consului, de summa reip. quid fieri placeret . dictæ sunt a principibus acerrimæ ac fortissimæ sententiæ, quas

quas sen
niam non
bis, Quir
num mil
nirtute, c
maximis
nius, præ
essem, me
ti, colleg
coniuratio
silijs rem
lus, cum
deretur;
binius, q
derentur
qui sibi p
rat; in M
puliam eff
qui est ex
in Q. Ma
per erat
P. Vmbro
Gallos ad
ealenitat
uratione
suum non
conservat
retur. at
singulari

quas senatus sine ulla uarietate est consecutus. & quoniam non dum est perscriptum S. C. ex memoria uobis, Quirites, quid senatus censuerit, exponam. Primum mihi gratiæ uerbis amplissimis aguntur, quod uirtute, consilio, providentia mea resp. periculis sit maximis liberata: deinde L. Flaccus, & C. Pontinius, prætores, quod eorum opera forti fideiq. usus essem, merito ac iure laudantur: atque etiam uiro forti, collegæ meo laus impertitur, quod eos, qui huius coniurationis participes fuissent, a suis & reip. consilijs remouisset. atque ita censuerunt, ut P. Lentulus, cum se prætura abdicasset, tum in custodiam traderetur; itemq. ut C. Cethegus, L. Statilius, P. Gabinius, qui omnes præsentibus erant, in custodiam traderentur: atque idem hoc decretum est in L. Cassium, qui sibi procurationem incendendæ urbis depoposcerat; in M. Ceparium, cui ad sollicitandos pastores Apuliam esse attributam erat indicatum; in P. Furiū, qui est ex ijs colonis, quos Fesulas L. Sylla deduxit; in Q. Magium Chilonem, qui una cum hoc Furio semper erat in hac Allobrogum sollicitatione uersatus; in P. Umbrenum, libertinum hominem, a quò primum Gallos ad Gabinium perductos esse constabat. atque ea lenitate senatus est usus, Quirites, ut ex tanta coniuratione, tantaq. ui ac multitudine domesticorum hostium nouem hominum perditissimorum pœna rep. conseruata, reliquorum mentes sanari posse arbitretur. atque etiam supplicatio dijs immortalibus pro singulari eorum merito, meo nomine decreta est, Quirites:

O R A T I O I I I .

rites : quod mihi primum post hanc urbem conditá to-
gato contigit : & ijs decreta uerbis , quòd urbem in-
cendijs , cede ciues , Italiam bello liberaſſem . quæ ſup-
plicatio , ſi cum ceteris cõferatur , Quirites , hoc inter-
ſit , quòd ceteræ bene geſta , hæc una conſeruata rep.
conſtituta eſt . atque illud , quod faciendum primum
fuit , factum , atque tranſactum eſt . nam P . Lentu-
lus , quanquam , patefactus indicijs , & confeſſionibus
ſuis , iudicio ſenatus non modo prætoris ius , uerum
etiam ciuis amiſerat , tamen magiſtratu ſe abdicauit ;
ut , quæ religio C . Mario , clariſſimo uiro , non fuerat ,
quo minus C . Glauciam , de quo nihil nominatim erat
decretum , prætorem occideret , ea nos religione in pri-
uato P . Lentulo puniendo liberaremur . Nunc , quo-
niam , Quirites , ſcleratiffimi periculoſiſſimiq . belli
nefarios duces captos iam , & comprehenſos tenetis ;
exiſtimare debetis , omnes Catilinæ copias , omnes
ſpes , opesq . his depulſis urbis periculis , concidiſſe .
quem quidem ego cum ex urbe pellebam , hoc provide-
bam animo , Quirites , remoto Catilina , nec mihi eſſe
P . Lentuli ſomnum , nec L . Caſſii adipem , nec C . Ce-
thegi furioſam temeritatem pertimeſcendam . ille e-
rat unus timendus ex his omnibus , ſed tam diu , dum
mœnibus urbis continebatur : omnia norat : omnium
aditus tenebat : appellare , tentare , ſolicitare pote-
rat , audebat : erat ei conſilium ad facinus aptum : con-
ſilio autem neque lingua , neque manus deerat : iam
ad certas res conficiendas certos homines delectos , ac
deſcriptos habebat : neque uero , cum aliquid manda-
uerat ,

uerat , co-
ſe obiret
tim , ſam
acrem , ta-
tam in ſcel-
gentem ni-
mum com-
res) non
bus ueſtris
ſituiſſet ;
denunciaſſ
ra ſua , te-
rentur . qu-
in priuato
tum , quod
uenta , at-
ad hanc de-
bus eius co-
uiſſime dic-
que nos un-
periculis r
liberaſſem
ame admi-
que conſili-
cum conue-
buiſſent co-
ſe : tum ut
auxilio
poſſemus .

uerat, confectum putabat; nihil erat, quod non ipse obiret, occurreret, uigilaret, laboraret: frigus, sitim, famem fere poterat. hunc ego hominem tam acrem, tam paratum, tam audacem, tam callidum, tam in scelere uigilantem, tam in perditis rebus diligentem nisi ex domesticis insidijs in castrense latrocinium compulsem; (dicam id, quod sentio, Quirites) non facile hanc tantam molem mali a ceruicibus uestris depulsem. non ille uobis Saturnalia constituisset; neque tanto ante exitij, ac fati diem reip. denunciasset; neque commisisset, ut signum, ut litteræ suæ, testes denique manifesti sceleris deprehenderentur. quæ nunc illo absente sic gesta sunt, ut nullum in priuata domo furtum unquã sit tam palam inuentum, quàm hæc tanta in rep. coniuratio manifesto inuenta, atque deprehensa est. quod si Catilina in urbe ad hanc diem remansisset: quanquã, quoad fuit, omnibus eius consilijs occurrere, atque obstiteri; tamen, ut leuissime dicam, dimicandum uobis cum illo fuisset; neque nos unquam, dum ille in urbe hostis fuisset, tantis periculis rep. tanta pace, tanto otio, tanto silentio, liberassemus. quãquam hæc omnia, Quirites, ita sunt a me administrata, ut deorum immortalium nutu, atque consilio & gesta, & prouisa esse uideantur. id quod cum coniectura consequi possumus, quod uix uidetur humani consilij tantarum rerum gubernatio esse potuisse: tum uero ita præsentibus his temporibus opem & auxilium nobis tulerunt, ut eos pæne oculis uidere possemus. nam ut illa omittam, uisas nocturno tempo

rr re

O R A T I O I I I .

re ab occidente faces , ardoremq. cæli , ut fulminum
iactus , ut terræ motus , ceteraq. quæ tam multa no-
bis consulibus facta sunt , ut hæc , quæ nunc sunt , ca-
nere dii immortales uiderentur : hoc certe , Quirites ,
quod sum dicturus , neque prætermittendum , neque
relinquendum est . nam profecto memoria tenetis ,
Cotta , & Torquato cos . complures in Capitolio tur-
res de cælo esse percussas , cum & simulacra deorum
immortalium depulsa sunt , & statua ueterum homi-
num deiectæ , et legum æra liquefacta . tactus est etiam
ille , qui hanc urbem condidit , Romulus ; quem inau-
ratum in Capitolio , paruum , atque lactentem , uberi-
bus lupinis inbiantem , fuisse meministis . quo quidem
tēpore , cum haruspices ex tota Etruria conuenissent ,
cædes , atque incendia , & legum interitum , & bel-
lum ciuile ac domesticum , & totius urbis ac imperij
occasum appropinquare dixerunt , nisi dii immorta-
les , omni ratione placati , suo numine prope fata ipsa
flexissent . itaque illorum responsis tunc & ludi decem
per dies facti sunt ; neque res ulla , quæ ad placandum
deos pertineret , prætermissa est : iidemq. iusserunt si-
mulacrum Iouis facere maius , & in excelsō colloca-
re , & , contra atque ante fuerat , ad orientem con-
uertere : ac se sperare dixerunt , si illud signum , quod
uidetis , solis ortum , & forum curiamq. conspiceret ,
fore , ut ea consilia , quæ clam essent inita contra salu-
tem urbis , atque imperij , illustrarentur , ut a sena-
tu , populoq. R. perspicui possent . atque illud ita col-
locandum consules illi statuerunt : sed tanta fuit ope-
ris

ris tardis
que a nob
quis pote
præcep
que uide
mortalium
nim cum e
tumq. rei
propter m
lia uideba
bus , uerum
ne ita pr
tum esse
rum meo
Concordi
retur : qu
so , omnia
tem omnia
fuis . quo et
qui non sol
deorum te
rios ignes
cam , nimen
ille Iuppiter
ille hanc ur
ego immo
luntatem
ni . Tam ne
tulo , ceter

ris tarditas, ut neque a superioribus consulibus, neque a nobis ante hodiernum diem collocaretur. Hic quis potest esse, Quirites, tam auersus a uero, tam præceps, tam mente captus, qui neget hæc omnia, quæ uidemus, præcipueq. hanc urbem deorum immortalium nutu, atque potestate administrari? etenim cum esset ita responsum, cædes, incendia, interitumq. reip. comparari, & ea per ciues: quæ tum propter magnitudinem scelerum non nullis incredibilia uidebantur, ea non modo cogitata a nefarijs ciuibus, uerum etiam suscepta esse sensistis. Illud uero nonne ita præsens est, ut nutu Iouis Optimi Maximi factum esse uideatur? ut, cum hodierno die mane per forum meo iussu & coniurati, & eorum indices in adæ Concordiæ ducerentur, eo ipso tempore signum statueretur: quo collocato, atque ad uos, senatumq. conuerso, omnia & senatus, & uos, quæ erant contra salutem omnium cogitata, illustrata, & patefacta uidistis. quo etiam maiore sunt isti odio supplicioq. digni, qui non solum uestris domicilijs, atque tectis, sed etiã deorum templis, atque delubris sunt funestos ac nefarios ignes inferre conati. quibus ego si me restitisse dicam, nimium mihi sumam, & non sim ferendus: ille, ille Iuppiter restitit: ille Capitolium, ille hæc templa, ille hanc urbem, ille uos omnes saluos esse uoluit. dijs ego immortalibus ducibus hanc mentem, Quirites, uoluntatemq. suscepi, atque ad hæc tanta indicia perueni. Iam uero illa Allobrogum sollicitatio, iam a Lentulo, ceterisq. domesticis hostibus tanta res tam de-

O R A T I O I I I .

*menter credita & ignotis, & barbaris, cōmissæq. litteræ nunquam essent profecto, nisi a dijs immortalibus huic tantæ audaciæ cōsiliū esset ereptum. Quid uero, ut homines Galli, ex ciuitate male pacata, quæ gens una restat, quæ populo R. bellū facere & posse, & non nolle uideatur, spem imperij, et rerum amplissimarum, ultro sibi a patricijs hominibus oblatam, negligerent, uestramq. salutem suis opibus antepone-
rent; id non ne diuinitus factum esse putatis? præsertim qui nos nō pugnando, sed tacendo superare potuerunt. Quamobrem, Quirites, quoniam ad omnia puluina supplicatio decreta est; celebratote illos dies cum coniugibus, ac liberis uestris. nam multi sæpe honores dijs immortalibus iusti habiti sunt, ac debiti, sed profecto iustiores nunquam. erepti enim ex crudelissimo ac miserrimo interitu, et erepti sine cæde, sine sanguine, sine exercitu, sine dimicatione, togati me uno togato duce et imperatore uicistis. etenim recordamini, Quirites, omnes ciuiles dissensiones, neque solum eas, quas audistis, sed & has, quas uosmet ipsi meministis, et uidistis. L. Sylla P. Sulpiciū oppressit: C. Mariū, custodem huius urbis, multosq. fortes uiros partim eiecit ex ciuitate, partim interemit. Cn. Octauius cōsul armis ex urbe collegam suum expulit. omnis hic locus acruis corporum, & ciuium sanguine redundauit. superauit postea Cinna cum Mario. tum uero, clarissimis uiris interfectis, lumina ciuitatis extincta sunt. ultus est huius uictoriæ crudelitatem postea Sylla, ne dici quidem opus est, quanta diminutio-*

ne

ne ciuium, et quanta calamitate reip. dissensit M. Lepidus a clarissimo, & fortissimo uiro, Q. Catulo: attulit non tam ipsius interitus reip. luctum, quàm ceterorum. atque illæ dissensiones erant huiusmodi, Quirites, quæ non ad delendam, sed ad commutandam remp. pertinerent. non illi nullam esse remp. sed in ea, quæ esset, se esse principes, neque hanc urbem conflagrare, sed se in hac urbe florere uoluerunt. atque illæ tamen omnes dissensiones, quarum nulla exitium reip. quæsiuit, eiusmodi fuerunt, ut non reconciliatione cordiæ, sed internecione ciuium dijudicata sint. in hoc autem uno post hominum memoriam maximo, crudelissimoq. bello, quale bellum nulla unquam barbara cum sua gente gesit, quo in bello lex hæc fuit a Lentulo, Catilina, Cassio, Cethego constituta, ut omnes, qui salua urbe salui esse possent, in hostium numero ducerentur, ita me gesi, Quirites, ut omnes salui conseruaremini. & cum hostes uestri tantum ciuium superfuturum putassent, quantum infinitæ cædi restitisset; tantum autem urbis, quantum flamma obire non potuisset; & urbem, et ciues integros incolumesq. seruauit. Quibus pro tantis rebus, Quirites, nullum ego a uobis præmium uirtutis, nullum insigne honoris, nullum monumentum laudis postulo, præterquam huius diei memoriam sempiternam. in animis ego uestris omnes triumphos meos, omnia ornamenta honoris, monumenta gloriæ, laudis insignia condi, & collocari uolo. nihil me mutum potest delectare, nihil tacitum, nihil denique huiusmodi, quod etiam minus di-

ORATIO III.

gni assequi possint. memoria uestra, Quirites, nostræ res alentur, sermonibus crescent, litterarum monumentis inueterascent, et corroborabuntur: eandemq. diem intelligo, quam spero æternam fore, & ad salutem urbis, & ad memoriam consulatus mei propagatam; unoq. tempore in hac rep. duos ciues extitisse, quorum alter fines uestri imperij non terræ, sed cæli regionibus terminaret, alter eiusdem imperij domicilium, sedesq. seruaret. sed quoniam earum rerum, quas ego gessi, non est eadem fortuna, atque cōdicio, quæ illorum, qui externa bella gesserunt; quòd mihi uiuendum est cum illis, quos uici, ac subegi; illi hostes aut interfectos, aut oppressos reliquerunt: uestrum est, Quirites, si ceteris sua recte facta profunt, mihi mea ne quando obsint, providere. mentes enim hominum audacissimorum sceleratæ, ac nefariæ ne uobis nocere possent, ego prouidi; ne mihi noceant, uestrum est providere. quanquam, Quirites, mihi quidem ipsi nihil iam ab istis noceri potest. magnum enim est in uobis præsidium, quod mihi in perpetuum comparatum est; magna in rep. dignitas, quæ me semper tacita defendet; magna uis est conscientiæ; quam qui negligent, cum me uiolare uolent, se ipsi indicabunt. est etiam in nobis is animus, Quirites, ut non modo nullius audaciæ cedamus; sed etiam omnes improbos ultro semper laceßamus. quòd si omnis impetus domesticorum hostium, depulsus a uobis, se in me unum conuerterit: uobis erit prouidendum, Quirites, qua condicione posthac eos esse uelitis, qui se pro salute uestra

uestra ob
hi quiden
possit acq
neque in g
quidem m
to, Quiri
tueat, at q
uanda rep
gloriam. c
rm sempe
casu gesta
iam nox e
ius urbis
et ea, quæ
aque, a
fendite.
perpetua

IN

V

culo esse
tam dolo
os immo

uestra obtulerint inuidiæ, periculisq. omnibus: mihi quidem ipsi, quid est, quod iam ad uitæ fructum possit acquiri? præsertim cum neque in honore uestro, neque in gloria uirtutis quidquam uideam altius, quod quidem mihi libeat ascendere. illud perficiam profecto, Quirites, ut ea, quæ gessi in consulatu, priuatus tuear, atque ornem: ut, si qua est inuidia in conseruanda rep. suscepta, lædat inuidos, mihi ualeat ad gloriam. denique ita me in rep. tractabo, ut meminerim semper quæ gesserim, curemq. ut ea uirtute, non casu gesta esse uideantur. Vos, Quirites, quoniam iam nox est, ueneramini illum Iouem, custodem huius urbis, ac uestrum, atque in uestra tecta discedite, et ea, quanquam iam periculum est depulsum, tamen æque, ac priori nocte fecistis, custodijs, uigilijsq. defendite. id ne uobis diutius faciundum sit, atque ut in perpetua pace esse possitis, providebo.

IN L. CATILINAM,

IN SENATU.

ORATIO XXII.

V IDEO, P. C. in me omnium uestrum ora, atque oculos esse conuersos: uideo uos non solum de uestro, ac reip. uerum etiam, si id depulsum sit, de meo periculo esse sollicitos. est mihi iucunda in malis, & grata in dolore uestra erga me uoluntas: sed eam per deos immortales, quæso deponite; atque obliti salutis

rr 4 meæ,

O R A T I O I I I I .

meæ, de uobis, ac de liberis uestris cogitate. mihi quidem si hæc condicio consulatus data est; ut omnes acerbitates, omnes dolores, cruciatusq. perferrem; feram non solum fortiter, sed etiam libenter, dummodo meis laboribus uobis, populoq. R. dignitas, salusq. pariat. ego sum ille consul, P. C. cui non forum, in quo omnis æquitas continetur; non campus, consularibus auspicijs consecratus; non curia, summum auxilium omnium gentium; non domus, commune perfugium; non lectus, ad quietem datus; non denique hæc sedes honoris, sella curulis, unquam uacua mortis periculo, atque insidijs fuit. ego multa tamen, multa pertuli, multa concessi, multa meo quodam dolore in uestro timore sanavi. nunc si hunc exitum consulatus mei dii immortales esse uoluerint, ut uos P. C. populumq. R. ex cæde misera, coniuges, liberosq. uestros, uirginesq. Vestales ex acerbissima uexatione, templa, atque delubra, hanc pulcherriam patriam omnium nostrum ex fœdissima flamma, totam Italiam ex bello, & uastitate eriperem: quacunque mihi uni proponetur fortuna, subeatur. etenim si P. Lentulus suum nomen inductus a uatibus fatale ad perniciem reip. fore putauit: cur ego non leter meum consulatum ad salutem reip. prope fatalem extitisse? quare, P. C. consulite uobis, prospicite patriæ, conseruate uos; coniuges, liberos, fortunasq. uestras; populi R. nomen, salutemq. defendite; mihi parcere, ac de me cogitare desinite. nam primum de beo sperare omnes deos, qui huic urbi præsident, pro
eo

eo mihi, ac mereor, relatuos gratiam esse: deinde, si quid obtigerit, æquo animo, paratoq. moriar. neque enim turpis mors forti uiro potest accidere, neque imatura consulari, nec misera sapienti. nec tamen ego sum ille ferreus, qui fratris carissimi atque amantissimi presentis merore non mouear, horumq. omnium lacrymis, a quibus me circumfessum uidetis. neque meam mentem non domum saepe reuocat exanimata uxor, abiecta metu filia, & paruulus filius, quem mihi uidetur amplecti resp. tanquam obsidem consulatus mei; neque ille, qui expectans huius exitum diei astat in conspectu meo, gener. moueor his rebus omnibus, sed in eam partem, ut salui sint uobiscum omnes, etiam si uis aliqua me oppresserit, potius, quam ut illi, & nos una reip. peste pereamus. quare, P. C. incumbite ad reip. salutem, circumspicite omnes procellas, quæ impendent, nisi prouidetis. non Ti. Gracchus, qui iterum tribunus pl. fieri uoluit; nõ C. Gracchus, qui agrarios concitare conatus est; non L. Saturninus, qui C. Memmium occidit, in discrimen aliquod, atque in uestre seueritatis iudicium adducitur: sed tenentur ij, qui ad urbis incendium, ad uestrum omnium cadem, ad Catilinam accipiendum Romæ restituerunt: tenentur litteræ, signa, manus, denique uniuscuiusque confessio: sollicitantur Allobroges: seruitia excitantur: Catilina accersitur: id est initum consilium, ut, interfectis omnibus, nemo ne ad deplorandum quidem populi R. nomen, atque ad lamentandum tanti imperij calamitatem relinquatur. hæc omnia

O R A T I O IIII.

nia indices detulerunt, rei confessi sunt, uos multis iā
indicijs iudicauistis: primum, quod mihi gratias egi-
stis singularibus uerbis, & mea uirtute, atque dili-
gentia perditorum hominum patefactam esse coniura-
tionem decreuistis: deinde, quod P. Lentulum, ut se
abdicaret prætura, coegistis: tum, quod eum, & ce-
teros, de quibus iudicauistis, in custodiam dandos cen-
suis: maximeque, quod meo nomine supplicatio-
nem decreuistis; qui honos togato habitus ante me est
nemini: postremo, hesterno die prætoria legatis Allo-
brogum, Titoque Vulturio dedistis amplissima. quæ
sunt omnia eiusmodi, ut ij, qui in custodiam nomina-
tim dati sunt, sine ulla dubitatione a uobis damnati es-
se uideantur. sed ego institui referre ad uos, P. C. tan-
quam integrum, & de facto, quid iudicetis; & de
pœna, quid censeatis. illa prædicam, quæ sunt consi-
lis. Ego magnum in rep. uersari furorem, & noua
quædam misceri et concitari mala, iam pridem uide-
bam: sed hanc tantam, tam exitiosam haberi coniu-
rationem a ciuibus, nunquam putavi. nunc, quidquid
est, quocunque uestre mentes inclinant, atque senten-
tiæ, statuendum uobis ante noctem est. quantum fa-
cinus ad uos delatum sit, uidetis. huic si paucos puta-
tis affines esse, uehementer erratis. latius opinione
disseminatum est hoc malum: manauit non solum per
Italiam, uerum etiam transcendit alpes, & obscure
serpens multas iam provincias occupauit. id opprimi
sustentando ac prolatando nullo pacto potest. qua-
cunque ratione placet, celeriter uobis uindicandum
est.

est. Video duas adhuc esse sententias, unam D. Silani, qui censet eos, qui hæc delere conati sunt, morte esse multandos; alteram C. Cæsaris, qui mortis pœnam remouet, ceterorum suppliciorum omnes acerbitates amplectitur. uterque & pro sua dignitate, & pro rerum magnitudine in summa seueritate uersatur. alter eos, qui nos omnes, qui populum R. uita priuare conati sunt, qui delere imperium, qui populi R. nomen extinguere, punctum temporis frui uita, & hoc communi spiritu non putat oportere: atque hoc genus pœnæ sæpe in improbos ciues in hac rep. esse usurpatum recordatur. alter intelligit, mortem a dijs immortalibus non esse supplicij causa constitutam, sed aut necessitatem naturæ, aut laborum, ac miseriarum quietem esse: itaque eam sapientes nunquam inuiti, fortes etiam sæpe libenter appetiuerunt: uincula uero, & ea sempiterna, certe ad singularem pœnam nefarij sceleris inuenta sunt. municipijs disper tiri iubet. habere uidetur ista res iniquitatem, si imperare uelis; difficultatem, si rogare. decernatur tamen, si placet: ego enim suscipiam, & ut spero, reperi am, qui id, quod salutis omnium causa statueritis, non putet esse suæ dignitatis recusare. adiungit grauem pœnam municipibus, si quis eorum uincula ruperit: horribiles custodias circumdat: et digna scelere hominum perditorum sancit, ne quis eorum pœnam, quos condemnat, aut per senatum, aut per populum leuare possit: eripit etiam spem, quæ sola hominem in miserijs consulari solet: bona præterea pu blicari

O R A T I O I I I I .

blicari iubet : uitam solam relinquit nefarijs hominibus : quam si eripuisset , multas uno dolore animi , ac corporis , & omnes scelerum pœnas ademisset . itaque , ut aliqua in uita formido improbis esset posita , apud inferos eiusmodi quædam illi antiqui supplicia impijs constituta esse uoluerunt ; quòd uidelicet intelligebant , his remotis , non esse mortem ipsam pertimescendam . Nunc , P. C. ego mea uideo quid intersit . si eritis secuti sententiam C. Cæsaris ; quoniam hanc is in rep. uiam , quæ popularis habetur , secutus est : fortasse minus erunt , hoc monitore , & auctore , huiusce sententiæ mihi populares impetus pertimescendi . sin illam alteram secuti eritis ; nescio , an amplius mihi negotij contrahatur : sed tamen meorum periculorum rationes utilitas reip. uincat . habemus enim a C. Cæsare , sicut ipsius dignitas , & maiorum eius amplitudo postulabat , sententiam tanquam obsidem perpetuæ in rep. uoluntatis : intellectum est , quid interest inter leuitatem concionatorum , & animum uere popularem , saluti populi consulentem . uideo , de istis , qui se populares haberi uolunt , abesse non neminem ; ne de capite uidelidet ciuium R. sententiam ferat . is & nudius tertius in custodiam ciues R. dedit ; & supplicationem mihi decreuit ; & indices hesterno die maximis præmijs affecit . iam hoc nemini dubium est , qui reo custodiam , quæsitore gratulationem , indici præmium decreuit , quid de tota re , & caussa iudicabit . at uero C. Cæsar intelligit , legem Semproniam esse de ciuibus R. constitutam ; qui autem reip. sit hostis ,

stis , eam
latorem
pendisse .
prodigum
tio huius
rit , appell
mus , atque
ris tenebr
ram , ne q
perniciem
etiam pub
ciatus , &
quatur .
mihi com
iucundum
ritis , fac
ne defen
fuisse . qu
ris inma
sensu indo
frui liceat
non atro
rior ?)
ricordia
orbis ter
bito uno
patriam
uersaturo
in uestra

stis, eum ciuem esse nullo modo posse; denique ipsum
 latorem legis Sempronie iussu populi pœnas reip. de-
 pendisse. idem etiam ipsum largitorem Lentulum, et
 prodigum non putat, cum de pernicië reip. & exi-
 tio huius urbis tam acerbe, tamq̃. crudeliter cogita-
 rit, appellari posse popularem. itaque homo mitissi-
 mus, atque lenissimus non dubitat P. Lentulum ater-
 nis tenebris, uinculisq̃. mandare: & sancit in poste-
 rum, ne quis huius supplicio leuando se iactare, & in
 perniciem reip. posthac popularis esse possit. adiungit
 etiam publicationem bonorum; ut omnes animi cru-
 ciatus, & corporis etiam egestas ac mendicitas conse-
 quatur. Quamobrem siue hoc statueritis, dederitis
 mihi comitem ad concionem populo R. carum, atque
 iucundum: siue illam Silani sententiam sequi malue-
 ritis, facile me, atque uos a crudelitatis uituperatio-
 ne defendetis, atque obtinebo eam multo leuiorem
 fuisse. quanquam, P. C. quæ potest esse in tanti scele-
 ris immanitate puniēda crudelitas? ego enim de meo
 sensu iudico. nam, ita mihi salua rep. uobiscum per-
 frui liceat, ut ego, quod in hac caussa uehemētior sum,
 non atrocitate animi moueor, (quis enim est me mi-
 tior?) sed singulari quadam humanitate, & mise-
 ricordia. uideor enim mihi hanc urbem uidere, lucem
 orbis terrarum, atque arcem omnium gentium, su-
 bito uno incendio concidentem: cerno animo sepultam
 patriam, miseros, atque insepultos acervos ciuium:
 uersatur mihi ante oculos aspectus Cethegi & furor
 in uestra cæde bacchantis. cum uero mihi proposui re-
 gnantem

O R A T I O IIII.

gnantem Lentulum, sicut ipse se ex factis sperasse confessus est, purpuratum esse hunc Gabinium, cum exercitu uenisse Catilinam, tum lamentationem matrum-familias, tum fugam uirginum, atque puerorum, ac uexationem uirginum Vestalium; perhorresco; &, quia mihi uehementer hæc uidentur misera, atque miseranda, iccirco in eos, qui ea perficere uoluerunt, me seuerum, uehementemq. præbeo. etenim quæro, si quis paterfamilias, liberis suis a seruo interfectis, uxore occisa, incensa domo, supplicium de seruis quam acerbissimum sumpserit; utrum is clemens, ac misericors, an inhumanus, & crudelissimus esse uideatur? mihi uero importunus, ac ferreus, qui non dolorem suum & cruciatum dolore nocentis, & cruciatu lenierit. sic nos in ijs hominibus, qui nos, qui coniuges, qui liberos nostros trucidare uoluerunt, qui singulas uniuscuiusque nostrum domos, et hoc uniuersum reip. domicilium delere conati sunt, qui id, egerunt, ut gentem Allobrogum in uestigijs huius urbis, atque in cinere deflagrati imperij collocarent; si uehementissimi fuerimus, misericordes habebimur; sin remissiores esse uoluerimus, summæ nobis crudelitatis in patriæ ciuiumq. perniciæ fama subeunda est. nisi uero cuipiam L. Cæsar, uir fortissimus, & amantissimus reip. crudelior nudius tertius est uisus, cum sororis suæ, feminae lectissimæ, uirum præsentem, & audientem uita priuandum esse dixit, cuius aui iussu consularem interfectum, filiumq. eius impuberem, legatum a patre missum, in carcere necatum esse dixit. quorum quod simile

I
simile fuit
lium? Lar
& partim
us auius L
est perfect
de summa
da fundam
rant, Cat
Cethego, C
inflammam
ripiendam
scelere tã
tuisse uide
remissio
seueritat
bissimos
dio P. C.
ces, quæ p
ri uidentur
statueritis
parata, C
ra, atque
R. ad sum
nes fortior
omnium
plenum
templi. C
uena sola
præter e

simile fuit factum? quod initum delendæ reip. consi-
 lium? largitionis uoluntas tum in rep. uersata est,
 & partium quædam contentio. atque illo tempore hu-
 ius auus Lentuli, clarissimus uir, armatus Gracchum
 est persecutus, & graue tum uulnus accepit, ne quid
 de summa dignitate reip. minueretur: hic ad euerten-
 da fundamenta reip. Gallos accersuit, seruitia conci-
 tavit, Catilinam euocauit, attribuit nos trucidandos
 Cethego, ceteros ciues interficiendos Gabinio, urbem
 inflammandam Cassio, totam Italiam uastandam, di-
 ripiendamq. Catilinæ. Vereamini, censeo, ne in hoc
 scelere tã immuni ac nefario nimis aliquid seuerè sta-
 tuisse uideamini: cum multo magis sit uerendum, ne
 remissione pænæ crudeles magis in patriam, quàm ne
 seueritate animaduersionis nimis uehementes in acer-
 bissimos hostes fuisse uideamur. Sed ea, quæ exau-
 dio P. C. dissimulare non possum. iactantur enim uo-
 ces, quæ perueniunt ad aures meas, eorum, qui uere-
 ri uidentur, ut habeam satis præsidij ad ea, quæ uos
 statueritis hodierno die, transigenda. omnia prouisa,
 parata, & constituta sunt, P. C. cum mea summa cu-
 ra, atque diligentia, tum multo etiam maiore populi
 R. ad summum imperium retinendum, & ad commu-
 nes fortunas conseruandas uoluntate. omnes adsunt
 omnium ordinum homines, omnium denique ætatû:
 plenum est forum, pleni omnes aditus huius loci, ac
 templi. caussa enim est post urbem conditam hæc in-
 uenta sola, in qua omnes sentirent unum atque idem,
 præter eos, qui cum sibi uiderent esse pereundum, cum
 omnibus

O R A T I O I I I I .

omnibus potius, quàm soli perire uoluerunt. hosce ego homines excipio, & secerno libenter: neque enim in improborum ciuium, sed in acerbissimorum hostium numero habendos puto. ceteri uero, dii immortales, qua frequentia, quo studio, qua uirtute ad communem dignitatem, salutemq. consentiunt? quid ego hic equites R. commemorem? qui uobis ita summa ordinis consilijq. concedunt, ut uobiscum de amore reip. certent: quos ex multorum annorum dissensione ad huius ordinis societatem, concordiamq. reuocatos, hodiernus dies uobiscum, atque hæc caussa coniungit: quam coniunctionem si in consulatu confirmam meo, perpetuam in rep. tenuerimus; confirmo uobis, nullum posthac malum ciuile ac domesticum ad ullam reip. partem esse uenturum. Pari studio defendendæ reip. conuenisse uideo tribunos ærarios, fortissimos uiros, scribas item uniuersos: quos cum casu hic dies ad ærarium frequentasset, uideo ab expectatione fortis ad communem salutem esse conuersos. omnis ingenuorum adest multitudo, etiam tenuissimorum. quis est enim, cui non hæc templa, adpectus urbis, possessio libertatis, lux denique hæc ipsa, & hoc commune patriæ solum cum sit carum, tum uero dulce, atque incundum? Operæpretium est, P. C. libertinorum hominum studia cognoscere: qui sua uirtute fortunam ciuitatis consecuti, hanc uere suam patriam esse iudicant: quam quidam hinc nati, & summo nati loco, non patriam suam, sed urbem hostium esse iudicauerunt. sed quid ego huiusce ordinis homines

nes

nes commemorem? quos priuatæ fortunæ, quos com-
 munis resp. quos denique libertas, ea, quæ dulcissi-
 ma est, ad salutem patriæ defendendam excitauit.
 seruus est nemo, qui modo tolerabili condicione sit ser-
 uitutis, qui non audaciam ciuium perditorum per-
 horrescat, qui non obstare cupiat, qui non tantum,
 quantum audet, & quantum potest, conferat ad
 communem salutis uoluntatem. Quare si quem ue-
 strum forte commouet hoc, quod auditum est, leno-
 nem quendam Lentuli concursare circum tabernas,
 pretio sperantem sollicitari posse animos egentium, at-
 que imperitorum: est id quidem cæptum, atque ten-
 tatum; sed nulli sunt inuenti tam aut fortuna mise-
 ri, aut uoluntate perdit, qui non ipsum illum sellæ,
 atque operis, & quæstus quotidiani locum, qui non
 cubile, ac lectulum suum, qui denique non cursum
 hunc otiosum uitæ suæ saluum esse uelint. multo ue-
 ro maxima pars eorum, qui in tabernis sunt, immo
 uero (id enim potius est dicendum) genus hoc uni-
 uersum amantiſſimum est otij. etenim omne eorum
 instrumentum, omnis opera, ac quæstus frequentia
 ciuium sustinetur, alitur otio: quorum si quæstus, oc-
 clusis tabernis, minui solet; quid tandem, incensis,
 futurum est? Quæ cum ita sint, P.C. uobis populi R.
 præsidia non desunt: uos, ne populo R. deesse uidea-
 mini, prouidete. habetis consulem ex plurimis pe-
 riculis, & insidijs, atque ex media morte non ad
 uitam suam, sed ad salutem uestram reſeruatam.
 omnes ordines ad conseruandam remp. mente, uo-
 luntate,

O R A T I O I I I I .

iūntate , studio , uirtute , uoce consentiunt . obseſſa fa-
cibus , & telis impię coniurationis , uobis ſupplex
manus tendit patria communis : uobis ſe , uobis ui-
tam omnium ciuium , uobis arcem , & Capitolium ,
uobis aras , penates , uobis illum ignem Veſtę
perpetuum , ac ſempiternum , uobis omnia templa
deorum , atque delubra , uobis muros , atque urbis
teſta commendat . præterea de ueſtra uita , de con-
iugum ueſtrarum , ac liberorum anima , de fortunis
omnium , de ſedibus , de focis ueſtris hodierno die uo-
bis iudicandum eſt . habetis ducem memorem ueſtri ,
oblitum ſui : quę non ſemper facultas datur . habe-
tis omnes ordines , omnes homines , uniuerſum po-
pulum R . id quod in ciuili cauſſa hodierno die pri-
mum uidemus , unum atque idem ſentientem . cogi-
tate , quantis laboribus fundatum imperium , quan-
ta uirtute ſtabilitam libertatem , quanta deorum be-
nignitate auętas , exaggeratasq . fortunas una uox
pene deleſcit . id ne unquam poſthac non modo con-
fici , ſed ne cogitari quidem poſſit , uobis hodierno
die prouidendum eſt . Atque hæc , non ut uos , qui
mihi ſtudio pene præcurritis , excitarem , locutus
ſum ; ſed ut mea uox , quę debet eſſe in rep . princeps ,
officio ſuncta conſulari uideretur . nunc , ante quàm
ad ſententiam redeo , de me pauca dicam . Ego , quan-
ta manus eſt coniuratorum , quam uidetis eſſe per-
magnam , tantam me inimicorum multitudinem ſu-
ſcepiffe uideo : ſed eam eſſe iudico turpem , & infir-
mam , contemptam , & abiectam . quòd ſi aliquan-
do

do alio
plus na
tamen
quam, P
forſaſſe
tam laud
ſtaſſis ,
negeſta
decreuiſſ
que uirt
Italia de
de Afric
ſimas ,
beatur
rex pote
honeſta
liam ob
natur om
uirtutes
terminis
des aliqu
refacere
curare ,
res reuer
melior e
ſtes alie
neſcio ſe
nium ,
mel eſſe

do alicuius furore, & scelere concitata manus ista plus ualuerit, quàm uestra, ac reip. dignitas: me tamen meorum factorum, atque consiliorum nunquam, P.C. pænitebit. etenim mors, quam illi mihi fortasse minitantur, omnibus est parata: uitæ tantam laudem, quanta uos me uestris decretis honestastis, nemo est assecutus. ceteris enim semper bene gestæ, mihi uni conseruata reip. gratulationem decreuistis. sit Scipio clarus ille, cuius consilio, atque uirtute Hannibal in Africam redire, atque ex Italia decedere coactus est: ornetur alter eximia laude Africanus, qui duas urbes huic imperio infestissimas, Carthaginem, Numantiamq. deleuit: habeatur uir egregius L. Paullus ille, cuius currum rex potentissimus quondam, & nobilissimus Perses honestauit: sit in æterna gloria Marius, qui bis Italiam obsidione, & metu seruitutis liberauit: antepo-
natur omnibus Pompeius, cuius res gestæ, atque uirtutes iisdem, quibus solis cursus, regionibus, ac terminis continentur. erit profecto inter horum laudes aliquid loci nostræ gloriæ. nisi forte maius est patrefacere nobis prouincias, quò exire possimus; quàm curare, ut etiam illi, qui absint, habeant quò uictores reuertantur. quanquam est in uno loco condicio melior externæ uictoriæ, quàm domesticæ: quòd hostes alienigenæ aut oppressi seruiunt, aut recepti beneficio se obligatos putant; qui autem ex numero ciuium, dementia aliqua deprauati, hostes patriæ semel esse cœperunt, eos, cum a perniciæ reip. repule-

ss 2 ris,

O R A T I O I I I I .

ris, neque ui coercere, neque beneficio placare possis. quare mihi cum perditis ciuibus aeternum bellum susceptum esse uideo: quod ego uestro bonorumq. omniũ auxilio, memoriaq. tantorum periculorum, quæ non modo in hoc populo, qui seruatus est, sed etiam in omnium gentium sermonibus, ac mentibus semper hærebit, a me, atque a meis facile propulsari posse confido. neque ulla profecto tanta uis reperietur, quæ coniunctionem uestram equitumq. R. & tantam conspirationem bonorum omnium perfringere, & labefactare possit. Quæ cum ita sint, P. C. pro imperio, pro exercitu, pro prouincia, quam neglexi; pro triumpho, ceterisq. laudis insignibus, quæ sunt a me propter urbis, uestræq. salutis custodiam repudiata; pro clientelis, hospitijsq. prouincialibus, quæ tamen urbanis opibus non minore labore tueor, quàm comparo; pro his igitur omnibus rebus, & pro meis in uos singularibus studijs, proq. hac, quam conspicitis, ad conseruandam remp. diligentia nihil aliud a uobis, nisi huius temporis, totiusq. mei consulatus memoriam, postulo: quæ dum erit uestris mentibus infixa, firmissimo me muro septum esse arbitror. quòd si meam spem uis improborum fefellerit, atque superauerit: commendo uobis paruum meum filium: cui profecto satis erit præsidij non solum ad salutem, uerum etiam ad dignitatem, si eius, qui hæc omnia suo solus periculo conseruauerit, illum esse filium memineritis. Quapropter de summa salute uestra populiq. R. P. C. de uestris coniugibus, ac liberis,

liberis
totius
te, de
genter,
sulem,
ea, quæ
se ipsum

P

Q

ut ea re
R. bene
iisdem de
latum uo
tes, atque
gisq. co
tranquil
si illa sol
spicijs co
nem, quæ
precatu
ulatus

liberis , de aris , ac focis , de fanis , ac templis , de
totius urbis tectis , ac sedibus , de imperio , de liberta
te , de salute Italiae , deq. uniuersa rep. decernite dili
genter , ut instituistis , ac fortiter . habetis enim con
sulem , qui & parere uestris decretis non dubitet ; &
ea , quæ statueritis , quoad uiuet , defendere , & per
se ipsum præstare possit.

PRO L. MURÆNA.

ORATIO XXIII.

Q VÆ precatus sum a dijs immortali
bus iudices , more institutoq. maiorum ,
illo die , quo auspicato comitijs centuria
tis L. Murænam consulem renunciaui ;
ut ea res mihi , magistratuiq. meo , populo plebiq.
R. bene atque feliciter eueniret : eadem precor ab
ijsdem dijs immortalibus ob eiusdem hominis consu
latum una cum salute obtinendum ; & ut uestre men
tes , atque sententiæ cum populi R. uoluntate , suffra
gijsq. consentiant ; eaq. res uobis , populoq. R. pacē ,
tranquillitatem , otium , concordiamq. afferat. quod
si illa sollempnis comitiorum precatio , consularibus au
spicijs consecrata , tantam habet in se uim , & religio
nem , quantam reip. dignitas postulat : idem ego sum
precatus , ut ijs quoque hominibus , quibus hic con
u latus me rogante datus esset , ea res fauste , felici

ss 3 ter,

ter, prospereq. eueniret. quæ cum ita sint, iudices;
 & cum omnis deorum immortalium potestas aut
 translata sit ad uos, aut certe communicata uobiscū:
 idem consul cum uestre fidei commendat, qui antea
 dijs immortalibus commendauit, ut eiusdem homi-
 nis uoce & declaratus consul, & defensus, benefici-
 um populi R. cum uestra atque omnium ciuium salu-
 te tueatur. & quoniam in hoc officio studium meæ
 defensionis ab accusatoribus, atque etiam ipsa susce-
 ptio causæ reprehensa est; ante quàm pro L. Muræ-
 na dicere instituo, pro me ipso pauca dicam: non quo
 mihi potior hoc quidem in tempore sit officij mei,
 quàm huiusce salutis defensio; sed ut, meo factō uo-
 bis probato, maiore auctoritate ab huius honore, sa-
 ma, fortunisq. omnibus inimicorum impetus propul-
 sare possim. & primum M. Catoni, uitam ad cer-
 tam rationis normam dirigenti, & diligentissime
 perpendenti momenta officiorum omnium, de officio
 meo respondebo. Negat fuisse rectum Cato, me &
 consulem, & legis ambitus latorem, & tam seue-
 re gesto consulatu, causam L. Muræne attingere.
 cuius reprehensio me uehementer mouet, non solum
 ut uobis, iudices, quibus maxime debeo, uerum
 etiam ut ipsi Catoni, grauissimo, atque integerri-
 mo uiro, rationem facti mei probem. A quo tandē,
 M. Cato, est æquius consulem defendi, quàm a consu-
 le? quis mihi in rep. potest, aut debet esse coniunctior,
 quàm is, cui resp. a me una traditur sustinenda, ma-
 gnis meis laboribus & periculis sustentata? quòd
 si

si in ijs
 culum i
 profecto
 potissim
 benefici
 si, ut non
 buic caus
 re affecto
 tas non
 quàm sa
 iam in po
 no studio
 donum,
 ueamus
 mus, in
 tet, pro
 tem, in
 esse sube
 uidere q
 rum sit
 munis in
 esse. qu
 hominis
 comman
 quod leg
 quam no
 riculis
 gitione
 esse defe

si in ijs rebus repetendis, quæ manicipij sunt, is periculum iudicij præstare debet, qui se nexu obligauit: profecto etiam rectius in iudicio consulis designati is potissimum consul, qui consulem declarauit, auctor beneficij populi R. defensorq. periculi esse debebit. ac si, ut non nullis in ciuitatibus fieri solet, patronus huius causæ publice constitueretur; is potissime honore affecto defensor daretur, qui eodem honore præditus non minus afferret ad dicendum auctoritatis, quàm facultatis. quòd si e portu soluentibus ij, qui iam in portum ex alto inuehuntur, præcipere summo studio solent & tempestatum rationem, & prædonum, & locorum; quòd natura affert, ut eis faueamus, qui eadem pericula, quibus nos persunctorum sumus, ingrediantur: quo tandem animo me esse oportet, prope iam ex magna iactatione terram uidentem, in hunc, cui uideo maximas reip. tempestates esse subeundas? quare si est boni consulis, non solum uidere quid agatur, uerum etiam providere quid futurum sit: ostendam alio loco, quantum salutis communis intersit, duos consules in rep. kalendis Ian. esse. quod si ita est; non tam me officium debuit ad hominis amici fortunas, quàm resp. consulem ad communem salutem defendendam uocare. Nam quòd legem de ambitu tuli, certe ita tuli, ut eam, quam mihi met ipsi iam pridem tulerim de ciuium periculis defendendis, non abrogarem. etenim si largitionem factam esse confiterer, idq. recte factum esse defenderem: facerem improbe, etiam si alius

ss 4 legem

O R A T I O I I I I .

legem tulisset. cum uero nihil commissum contra legem esse defendam: quid est, quod meam defensionem latio legis impediatur? Negat esse eiusdem seueritatis, Catilinam, exitium reip. intra mania molientem, uerbis, & pæne imperio urbe expulisse, & nunc pro L. Muræna dicere. Ego autem has partes lenitatis, & misericordiæ, quas me natura ipsa docuit, serper legi libenter: illam uero grauitatis seueritatisque personam non appetiui, sed ab rep. mihi impositam sustinui, sicut huius imperij dignitas in summo periculo ciuium postulabat. quod si tum, cum resp. uim, & seueritatem desiderabat, uici naturam, & tam uehemens fui, quàm cogebar, non quàm uolebam: nunc, cū omnes me causæ ad misericordiā, atque ad humanitatem uocent, quanto tādē studio debeo naturæ meæ, consuetudiniq. seruire? ac de officio defensionis meæ, ac de ratione accusationis tuæ fortasse etiam alia in parte orationis dicendum nobis erit. Sed me, iudices, non minus, hominis sapientissimi, atque ornatissimi, Ser. Sulpicii conquestio, quàm Catonis accusatio commouebat: qui grauissime & acerbissime ferre dixit, me familiaritatis necessitudinisque oblitum, causam L. Muræne contra se defendere. huic ego, iudices, satisfacere cupio, uosque adhibere arbitros. nam cū graue est, uere accusari in amicitia: tū etiam, si falso accuseris, non est negligendum. Ego, Ser. Sulpici, me in petitione tua tibi omnia studia, atque officia pro nostra necessitudine & debuisse confiteor, & præstitisse arbitror. nihil tibi consulatum petenti a me defuit,

defuit,
a consu
ra ratio
bi contra
fulare a
bil debere
fulatum,
tas, adiut
do non lau
cis nostris
damus. N
tus, & m
ne a Ser.
dem in ho
non esset
quem ad
bia crude
et popul
riculi rep
est integ
subleuan
tanta pro
na; labor
ponere, e
cet desme
la superb
scipitur:
boris de
coriam m

defuit, quod esset aut ab amico, aut a gratioso, aut a consule postulandum. abiit illud tempus: mutata ratio est: sic existimo, sic mihi persuadeo, me tibi contra honorem L. Murænae, quantum tu a me postulare ausus sis, tantum debuisse; contra salutem, nihil debere. neque enim, si tibi tum, cum peteres consulatum, affui, iccirco nunc, cum Murænam ipsum petas, adiutor eodem pacto esse debeo. atque hoc non modo non laudari, sed ne concedi quidem potest, ut, amicis nostris accusantibus, non etiam alienissimos defendamus. Mihi autem cum Muræna, iudices, & uetus, & magna amicitia est: quæ in capitis dimicatione a Ser. Sulpicio non iccirco obruetur, quod ab eodem in honoris contentione superata est. quæ si causa non esset; tamē uel dignitas hominis, uel honoris eius, quem adeptus est, amplitudo summam mihi superbie crudelitatisq. famā inuississet, si hominis & suis, & populi R. ornamentis amplissimi causam tanti periculi repudiasset. neque enim iam mihi licet, neque est integrum, ut meum laborem hominum periculis subleuandis non impertiam. nam cum præmia mihi tanta pro hac industria sint data, quanta antea nemini; labores, per quos ea ceperis, cum adeptus sis, deponere, esset hominis & astuti, & ingrati. quod si licet desinere, si te auctore possum; si nulla inertia, nulla superbie turpitudine, nulla inhumanitatis culpa suscipitur: ego uero libenter desino. sin autem fuga laboris desidiam, repudiatio supplicum superbiam, amicorum neglectio improbitatem coarguit: nimirum

hæc

O R A T I O

hac causa est eiusmodi, quam nec industrius, quam
nec misericors, nec officiosus deserere possit. atque hu-
iusce rei coniecturam de tuo ipsius studio, Serui, facil-
lime ceperis. nam si tibi necesse putas etiam aduersa-
rijs amicorum tuorum de iure consulentibus responde-
re; & si turpe existimas, te aduocato illum ipsum,
quem contra ueneris, causa cadere: noli tam esse in-
iustus, ut, cum tui fontes uel inimicis tuis pateant, no-
stros riuulos etiam amicis putes clausos esse oportere.
etenim si me tua familiaritas ab hac causa remo-
uisset; & si hoc idem Q. Hortensio, M. Crasso, cla-
rissimis uiris, si item ceteris, a quibus intelligo tuam
gratiam magni aestimari, accidisset: in ea ciuitate
consul designatus defensorem non haberet, in qua ne-
mini unquam infimo maiores nostri patronum deesse
uoluerunt. ego uero, iudices, ipse me existimarem
nefarium, si amico; crudelem, si misero; superbum,
si consuli defuissem. quare, quod dandum est amici-
tiae, large dabitur a me, ut tecum agam Serui, non se-
cus, ac si meus esses frater, qui mihi est carissimus: isto
in loco quod tribuendum est officio, fidei, religioni, id
ita moderabor, ut meminerim me contra amici stu-
dium pro amici periculo dicere. Intelligo, iudices,
tres totius accusationis partes fuisse, & earum unam
in reprehensione uitae, alteram in contentione digni-
tatis, tertiam in criminibus ambitus esse uersitam.
atque harum trium partium prima illa, quae grauissi-
ma esse debebat, ita fuit infirma, & lenis, ut illos lex
magis quaedam accusatoria, quam uera maledicendi
facultas

facultas
Obiecta
& luxur
grata. qui
ruijset; au
a parente
quis trium
leant, hui
rare fugien
ne simul ca
& fuit in
adument
tioni in ui
xuria qu
Asia con
non Asia
laus fami
mini const
ant ex A
ruijse nero
non modo
tis; patre
nem stup
fuisse, fel
in hysce re
tarorem
est, si uer
so, male
ritate, n

facultas de uita L. Murænæ dicere aliquid coegerit.
 Obiecta est enim Asia: quæ ab hoc non ad uoluptatem,
 & luxuriam expetita est, sed in militari labore pera-
 grata. qui si adolescens patre suo imperatore non me-
 ruisse; aut hostem, aut patris imperium timuisse, aut
 a parente repudiatus uideretur. an, cum sedere in e-
 quis triumphantium prætextati potissimum filij so-
 leant, huic donis militaribus patris triumphum deco-
 rare fugiendum fuit, ut, rebus communiter gestis, pæ-
 ne simul cum patre triumpharet? hic uero, iudices,
 & fuit in Asia, & uiro fortissimo parenti suo magno
 adiumento in periculis, solatio in laboribus, gratula-
 tioni in uictoria fuit. & si habet Asia suspicionem lu-
 xuriæ quandam; non Asiam nunquam uidisse, sed in
 Asia continentur uixisse, laudandum est. quamobrem
 non Asiæ nomen obijciendum Murænæ fuit, ex qua
 laus familiæ, memoria generi, honos, & gloria no-
 mini constituta est; sed aliquod aut in Asia susceptum,
 aut ex Asia deportatum flagitium, ac dedecus. me-
 ruisse uero stipendia in eo bello, quod tum populus R.
 non modo maximum, sed etiam solum gerebat, uirtu-
 tis; patre imperatore libentissime meruisse, pietatis;
 nem stipendiorum patris uictoriam, ac triumphum
 fuisse, felicitatis fuit. maledicto quidem iccirco nihil
 in hisce rebus loci est, quod omnia laus occupauit. Sal-
 tatore appellat L. Murænā Cato. maledictum
 est, si uere obijcitur, uehementis accusatoris; sin fal-
 so, maledici conuiciatoris. quare, cum ista sis aucto-
 ritate, non debes M. Cato arripere maledictum ex
 triuio,

ORATIO

triuio, aut ex scurrarum aliquo conuicio, neque temere consulem populi R. saltatorem uocare; sed conspice re, quibus prater ea uitijs affectum esse necesse sit eū, cui uere istud obijci possit. nemo enim fere saltat sobrius, nisi forte insanit, neque in solitudine, neque in conuiuio moderato, atque honesto. tempestiui conuiuij, amœni loci, multarum deliciarum comes est extrema, saltatio. tu mihi arripis id, quod necesse est omnium uitiorum esse postremum: relinquis illa, quibus remotis hoc uitium omnino esse non potest. nulum turpe conuiuium, non amor, non comessatio, non libido, non sumptus ostenditur: & cum ea non reperiuntur, quæ uoluptatis nomen habent, quæq. uitiosa sunt; in quo ipsam luxuriam reperire non potes, in eo te umbram luxuriæ reperturum putas? nihil igitur in uitam L. Muræna dici potest? nihil, inquam, omnino, iudices. sic a me consul designatus defenditur, ut eius nulla fraus, nulla auaritia, nulla perfidia, nulla crudelitas, nullum petulans dictum in uitam proferatur. Bene habet. iacta sunt fundamenta defensionis: non dum enim nostris laudibus, quibus utar postea, sed prope inimicorum confessione uirum bonum, atque integrum hominem defendimus. quo constituto, facilius est mihi aditum ad contentionem dignitatis, quæ pars altera fuit accusationis. Summam uideo esse in te, Ser. Sulpici, dignitatem generis, integritatis, industriæ, ceterorumq. ornamentorum omnium, quibus fretum ad consulatus petitionem aggredi par est. paria cognosco esse ista in L. Muræna, atque

que ita paria, ut neque ipse dignitate uinci potuerit,
neque te dignitate superarit. Contempsisti L. Muræ-
næ genus, extulisti tuum. quo loco si tibi hoc sumis, ni-
si qui patricius sit, neminem bono esse genere natum:
facis, ut rursus plebs in Auentinum se uocanda esse
uideatur. sin autem sunt amplæ & honestæ familiæ
plebeie: & proauus L. Murænæ, & auus prætores
fuerunt, & pater, cum amplissime atque honestissime
ex prætura triumphasset, hoc faciliorem huic gradum
consulatus adipiscendi reliquit, quod is iam patri de-
bitus, a filio petebatur. tua uero nobilitas, Ser. Sul-
pici, tametsi summa est, tamen hominibus litteratis,
& historicis est notior, populo uero & suffragatori-
bus obscurior. pater enim fuit equestri loco, auus nul-
la illustri laude celebratus: itaque non ex sermone ho-
minum recenti, sed ex annalium uetustate eruenda
est memori nobilitatis tuæ. quare ego te semper in no-
strum numerum aggregare soleo, quod uirtute, indu-
striaq. perfecisti, ut, cum equitis R. esses filius, sum-
ma tamen amplitudine dignus putarere. nec mihi un-
quam minus in Q. Pompeio, nouo homine, & fortis-
simo uiro, uirtutis esse uisum est, quàm in homine no-
bilissimo M. Aemilio. etenim eiusdem animi, atque
ingenij est, posteris, quod Pompeius fecit, amplitudi-
nem nominis, quam non acceperit, tradere, & ut
Scaurus, memoriam, prope intermortuam, generis
sui, uirtute renouare. quanquam ego iam putabam,
iudices, multis uiris fortibus ne ignobilitas obijcere-
tur generis, meo labore esse perfectum, qui non modo

Curijs,

Curijs, Catonibus, Pompeijs, antiquis illis fortissi-
 mis uiris, nouis hominibus, sed his recentibus Ma-
 rijs, & Didijs, & Cælijs commemorandis iacebant.
 cum ego uero tanto interuallo claustra ista nobilitatis
 refregissem, ut aditus ad consulatum posthac, sicut
 apud maiores nostros fuit, non magis nobilitati, quàm
 uirtuti, pateret: non arbitrabar, cum ex familia ue-
 tere, & illustri consul designatus ab equitis R. filio
 consule defenderetur, de generis nouitate accusatores
 esse dicturos. etenim mihi ipsi accidit, ut cum duobus
 patricijs, altero improbissimo, atque audacissimo, al-
 tero modestissimo, atque optimo uiro, peterem: supe-
 rari tamè dignitate Catilinam, gratia Galbam. quòd
 si id crimen homini nouo esse deberet: profecto mihi
 neque inimici, neque inuidi defuissent. omittamus igi-
 tur de genere dicere, cuius est magna in utroque digni-
 tas: uideamus cetera. Quæsturam una petijt, & sum
 ego factus prior. Non est respondendum ad omnia.
 neque enim quenquam uestrum fugit, cum multi pa-
 res dignitate fiant, unus autem primum solus possit
 obtinere, non eundem esse ordinem dignitatis, & re-
 nunciationis; propterea quòd renunciatio gradus ha-
 beat, dignitas autem sit persæpe eadem omnium. sed
 quæstura utriusque propemodum pari momento for-
 tis fuit. habuit hic lege Titia prouinciam tacitâ, &
 quietam: tu illam, cui, cum quæstores sortiuntur,
 etiam acclamari solet, Hostiensem, non tam gratio-
 sam, & illustrem, quàm negotiosam, & molestam.
 consedit utriusque nomen in quæstura: nullum enim uo-

bis

bis fors campum dedit, in quo excurrere uirtus, cognosciq. posset. reliqui temporis spatium in contentionem uocatur, ab utroque dissimillima ratione tractatum. Seruius hic nobiscum hanc urbanam militiam respondendi, scribendi, cauendi, plenam sollicitudinis, ac stomachi, secutus est: ius ciuile didicit: multum uigilauit: laborauit: præsto multis fuit: multorum stultitiam perpeffus est: arrogantiam pertulit: difficultatem exorbuit: uixit ad aliorum arbitrium, non ad suum. magna laus, & grata hominibus, unum hominem elaborare in ea scientia, quæ sit multis profutura. Quid Muræna interea? fortissimo, & sapientissimo uiro, summo imperatori, legatus L. Lucullo fuit. qua in legatione duxit exercitum: signa contulit: manum conseruit: magnas copias hostium fudit: urbes partim ui, partim obsidione cepit: Asiam istam refertam, & eandem delicatam sic obiit, ut in ea neque auaritiæ, neque luxuriæ uestigium reliquerit: maximo in bello sic est uersatus, ut hic multas res & magnas sine imperatore gesserit, nullam sine hoc imperator. atque hæc, quanquam præsentem L. Lucullo loquar, tamen, ne ab ipso propter periculum nostrum concessam uideamur habere licentiam fingendi, publicis litteris testata sunt omnia: quibus L. Lucullus tantum laudis impertit, quantum neque ambitiosus imperator, neque inuidus tribuere alteri in communicaanda gloria debuit. Summa in utroque est honestas, summa dignitas. quam ego, si mihi per Seruium liceat, pari, atque eadem in laude ponam: sed non licet

O R A T I O

cet : agit rem militarem : insecatur totam hanc le-
 gationem : assiduitatis, & operarum harum quoti-
 dianarum putat esse consulatum . Apud exercitum
 mihi fueris, inquit, tot annos : forum non attigeris :
 absueris tam diu, & , cum longo interuallo ueneris,
 cum ijs, qui in foro habitant, de dignitate conten-
 das ? Primum, ista nostra assiduitas, Serui, nescis,
 quantum interdum afferat hominibus fastidij, quan-
 tum satietatis . mihi quidem uehementer expedit, po-
 sitam in oculis esse gratiam : sed tamen ego mei satie-
 tatem magno meo labore superavi : & tu idem fortas-
 se : ueruntamen utrique nostrum desiderium nihil ob-
 fuisse . sed ut, hoc omisso, ad studiorum, atque artium
 contentionem reuertamur : qui potest dubitari, quin
 ad consulatum adipiscendum multo plus afferat digni-
 tatis rei militaris, quam iuris ciuilis gloria ? uigilas
 tu de nocte, ut tuis consultoribus respondeas : ille, ut,
 quò intendit, mature cum exercitu perueniat . te gal-
 lorum, illum bucinarum cantus exuscitat . tu actio-
 nem instituis ; ille aciem instruit . tu caues, ne tui con-
 sultores, ille, ne urbes aut castra capiantur . ille te-
 net, & scit, ut hostium copia ; tu, ut aquae pluuiæ ar-
 ceantur . ille exercitatus est in propagandis finibus,
 tu in regendis . ac nimirum (dicendum est enim, quod
 sentio) rei militaris uirtus præstat ceteris omnibus :
 hæc nomen populo R. hæc huic urbi eternam gloriam
 peperit : hæc orbem terrarum parere huic imperio
 coegit . omnes urbanae res, omnia hæc nostra præclara
 studia, hæc forensis laus, & industria latent in
tutela

tutela ac præsidio belicæ virtutis. simul atque incre-
 puit suspicio tumultus, artes illico nostræ conticescunt.
 Et quoniam mihi uideris istam scientiam iuris tan-
 quam siliolam osculari tuam; non patiar te in tanto
 errore uersari, ut istud nescio quid, quod tantopere
 didicisti, præclarum aliquid esse arbitrere. alijs ego
 te uirtutibus, continentia, grauitatis, iustitiæ, fi-
 dei, ceteris omnibus, consulatu, & omni honore
 semper dignissimum iudicauimus: quod quidem ius ciui-
 le didicisti, non dicam, operam perdidisti, sed illud
 dicam, nullam esse in illa disciplina munitam ad con-
 sulatum uiam. omnes enim artes, quæ nobis populi
 studia conciliant, & admirabilem dignitatem,
 & pergratam utilitatem debent habere. summa di-
 gnitas est in ijs, qui militari laude antecellunt; om-
 nia enim, quæ sunt in imperio, & in statu ciuitatis,
 ab ijs defendi, & firmari putantur: summa etiam
 utilitas; siquidem eorum consilio, & periculo cum
 rep. tum etiam nostris rebus perfrui possumus. gra-
 uis etiam illa est, & plena dignitatis dicendi facul-
 tas, quæ sæpe ualuit in consule deligendo, posse con-
 silio, atque oratione & senatus, & populi, & eo-
 rum, qui res iudicant, mentes permonere. quæri-
 tur consul, qui dicendo non nunquam comprimat tri-
 bunicios furores, qui concitatum populum flebat,
 qui largitioni resistat. non mirum, si ob hanc fa-
 cultatem homines sæpe etiam non nobiles consula-
 tum consecuti sunt; præsertim cum hæc eadem res
 plurimas gratias, firmissimas amicitias, maxi-

t t m

O R A T I O

ma studia pariat . quorum in isto uestro artificio, Sul-
 pici, nihil est. primum, dignitas in tam tenui scientia
 quæ potest esse? res enim sunt parvæ, prope in singulis
 litteris, atque interpunctionibus uerborum occupa-
 tæ. deinde, etiam si quid apud maiores nostros fuit in
 isto studio admirationis, id, enunciatis uestris myste-
 rijs, totum est contemptum, & abiectum. posset agi
 lege, nec ne, pauci quondam sciebant: fastos enim uul-
 go non habebant: erant in magna potentia, qui consu-
 lebantur: a quibus etiam dies, tanquam a Chaldeis,
 petebantur. inuentus est scriba quidam Cn. Flavius,
 qui cornicum oculos confixerit: & singulis diebus edi-
 scendos fastos populo proposuerit, & ab ipsis cautis
 iurisconsultis eorum sapientiam compilarit. itaque
 irati illi, quod sunt ueriti, ne, dierum ratione prouul-
 gata, & cognita, sine sua opera lege posset agi, notas
 quasdam composuerunt, ut omnibus in rebus ipsi inte-
 ressent. cum hoc fieri bellissime posset; fundus Sabinus
 meus est, immo meus, deinde iudicium: noluerunt.
 fundus, inquit, qui est in agro, qui Sabinus uocatur. sa-
 tis uerbose. cedo, quid postea? ego eum ex iure meum
 esse aio. quid tum? inde ego te ex iure manu confertum
 uoco. quid huic tam loquaciter litigioso responderet
 ille, unde petebatur, non habebat. transit idem iuris-
 consultus tibicinis Latini modo: unde tu me, inquit,
 ex iure manu confertum uocasti, inde ibi ego te reuo-
 co. prætor interea ne pulchrum se ac beatum puta-
 ret, atque aliquid ipse sua sponte loqueretur, ei quoque
 carmen compositum est, cum ceteris rebus absurdum,

tum

tum uero nullo usu. Vtrisque superstitibus præsenti-
bus istam uia dico: inite uiam. præsto aderat sapiens
ille, qui inire uiam doceret. redite uiam: eodem duce
redibant. hæc iam tum apud illos barbatos ridicula,
credo, uidebantur, homines, cum recte atque in loco
constitissent, iuberi abire, ut, unde abissent, eodem sta-
tim redirent. ijsdem ineptijs fucata sunt illa omnia,
Quando te in iure conspicio; & hæc, Sed an ne tu di-
cis, qui caussa uindicaueris? quæ dum erant occulta,
necessario ab eis, qui ea tenebant, petebantur: postea
uero peruulgata, atque in manibus iactata, & excus-
sa: inanissima prudentiæ reperta sunt, fraudis autem
& stultitiæ plenissima. nam cum permulta præclare
legibus essent constituta, ea iureconsultorum ingenijs
pleraque corrupta, ac deprauata sunt. mulieres om-
nes propter infirmitatem consilij maiores in tutorum
potestate esse uoluerunt: hi inuenerunt genera tuto-
rum, quæ potestate mulierum contineretur. sacra in-
terire illi noluerunt: horum ingenio senes ad coemptio-
nes faciendas interimendorum sacrorum caussa re-
perti sunt. in omni denique iure civili æquitatem reli-
querunt, uerba ipsa tenuerunt: ut, quia in alicuius li-
bris exempli caussa id nomen inuenerant, putarunt
omnes mulieres, quæ coemptionem facerent, Caias
uocari. Iam illud mihi quidẽ mirum uideri solet, tot
homines, tam ingeniosos, per tot annos etiam nunc
statuere non potuisse, utrum diem tertium, an perendi-
num; iudicem, an arbitrum; rem, an litem dici oport-
teret. itaque, ut dixi, dignitas in ista scientia consila

tt 2 ris

ORATIO

ris nunquam fuit, quæ tota ex rebus fictis commenticijsq. costaret; gratia uero multo etiam minus. quod enim omnibus patet, & æque promptum est mihi, et aduersario meo, id esse gratum nullo pacto potest. itaque non modo beneficii collocandi spem, sed etiam illud, quod aliquando fuit, Licet considerare, iam perdidistis. sapiens existimari nemo potest in ea prudentia, quæ neque extra Romam usquam, neque Romæ, rebus prolatis, quidquam ualet. peritus ideo haberi nemo potest, quod in eo, quod sciunt omnes, nullo modo possunt inter se uiscrepare. difficilis autem res ideo non putatur, quod & per paucis, & minime obscuris litteris continetur. itaque si mihi, homini uehementer occupato, stomachum moueritis; triduo me iuriconsultum esse profitebor. etenim, quæ de scripto aguntur, scripta sunt omnia: neque tamen quidquam tam anguste scriptum est, quo ego non possim, quæ de re agitur, addere. quæ cōsuluntur autem, minimo periculo respondentur. si id, quod oportet, responderis; idem uideare respondisse, quod Seruius: sin aliter; etiam controuersum ius nosse, et tractare uideare. quapropter non solum illa gloria militaris uestris formulis, atque cōitionibus anteponenda est: uerum etiam dicendi consuetudo longe, et multum ista uestra exercitationi ad honorem antecellet. itaque mihi uidetur plerique initio multo hoc ualuisse: post, cum id assequi non potuissent, istuc potissimum sunt delapsi. ut aiunt in Græcis artificibus, eos auleas esse, qui citharædi fieri non potuerint: sic non nullos uidemus, qui oratores enadere

non

non pot
dicendi
etiam gr
is, qui d
sa, at que
defect
fatis: ror
nihil de
aut fuer
nes in am
altera o
retinente
men uir
pudor, t
intellig
non de i
bis studi
quis mor
ait ingem
promulg
illa uest
illa dom
RES: S
sus in di
RIDVS
totum i
TYM,
PETV
castris,

non potuerunt, eos ad iuris studiū deuenire. magnus
dicendi labor, magna res, magna dignitas, summa
etiam gratia. etenim a nobis salubritas quædam, ab
iis, qui dicunt, salus ipsa petitur. deinde uestra respon-
sa, atque decreta & euertuntur sæpe dicendo, et sine
defectione oratoris firma esse non possunt. in qua re si
satis profecissem, parcius de eius laude dicerem: nunc
nihil de me dico, sed de iis, qui in dicendo magni sunt,
aut fuerunt. Dux sunt artes, quæ possunt locare homi-
nes in amplissimo gradu dignitatis, una imperatoris,
altera oratoris boni. ab hoc enim pacis ornamenta
retinentur: ab illo belli pericula repelluntur. ceteræ ta-
men uirtutes ipse per se multum ualēt, iustitia, fides,
pudor, temperantia: quibus te, Serui, excellere omnes
intelligunt: sed nunc de studiis ad honorem dispositis,
non de insita cuiusque uirtute, disputo. omnia ista no-
bis studia de manibus excutiuntur, simul atque ali-
quis motus nouus bellicum canere cœpit. etenim, ut
ait ingeniosus poeta, & auctor ualde bonus, praeliis
promulgatis, TOLLITVR E MEDIO nō solum
ista uestra uerbosa simulatio prudentiæ, sed etiam ipsa
illa dominatrix rerum SAPIENTIA: VIGERITVR
RES: SPERNITVR ORATOR non solum odio-
sus in dicendo, ac loquax, uerū etiam BONVS: HOR-
RIDVS MILES AMATVR: uestrum uero studiū
totum iacet. NON EX IURE MANV CONSER-
TVM, SED MAGE FERRO, inquit, REM RE-
PETVNT. quod si ita est, cedat opinor, Sulpici, forū
castris, otium militiæ, stylus gladio, umbra soli: sit deni-

O R A T I O

que in ciuitate ea prima res, propter quam ipsa est ciuitas omnium princeps. Verum hæc Cato nimium nos nostris uerbis magna facere demonstrat, et oblitos esse bellum illud omne Mithridaticum cum mulierculis esse gestum. quod ego longe secus existimo, iudices; de quo pauca disseram: neque enim causa in hoc continetur. Nam si omnia bella, quæ cum Græcis gessimus, contemnenda sunt: derideatur de rege Pyrrho triumphus M'. Curij, de Philippo T. Flaminij, de Aetolis M. Fuluij, de rege Perse L. Paulli, de Pseudophilippo Q. Metelli, de Corinthijs L. Mummiij. sin hæc bella grauissima, uictoriae quoque eorum bellorum gratissima fuerunt: cur Asiaticæ nationes, atque ille a te hostis contemnitur? atqui ex ueterum rerum monumentis uel maximum bellum populum R. cum Antiocho gessisse uideo: cuius belli uictor L. Scipio, parta cum P. fratre gloria, quam laudem ille, Africa oppressa, cognomine ipso præ se ferebat, eandem hic sibi ex Asiæ nomine assumpsit. quo quidem in bello uirtus enituit egregia M. Catonis, proauitui. quod ille, cum esset, ut ego mihi statuo, talis, qualem te esse uideo, nunquam cum Scipione esset profectus, si cum mulierculis bellandum esse arbitraretur. neque uero cum P. Africano senatus egisset, ut legatus patri proficisceretur, cum ipse paullo ante, Hannibale ex Italia expulso, ex Africa eiecto, Carthagine oppressa, maximis periculis remp. liberauisset, nisi illud graue bellum, & uehemens putaretur. atqui si diligenter, quid Mithridates potuerit, & quid effecerit, & qui uir fuerit, confide-

confide
R. bellu
quem L.
gna exci
cam, cu
misi: que
vigilanti
non oppre
pis ad con
ipse opib
Ponto, S
aret. ad
ut alter
niam tue
lamit of
riam; L.
maius b
consilio, c
tus belli ad
urbem sibi
qua effra
fecta ab L
riam socie
diuturnit
pugnam
accerrimo
que anim
parua dir
lia: pr. co

consideraris, omnibus regibus, quibuscum populus
 R. bellum gessit, hunc regem nimirum antepones.
 quem L. Sylla maximo, & fortissimo exercitu, pu-
 gna excitatum, non rudis imperator, ut aliud nihil di-
 cam, cū bello inuectum totam in Asiam cum pace di-
 misit: quem L. Muraena, pater huiusce, uehementissime
 vigilantissimeq. uexatū, repressum magna ex parte,
 non oppressum reliquit: qui rex, sibi aliquot annis sum-
 ptis ad confirmandas rationes, & copias belli, tantū
 ipse opibus conatuq. inualuit, ut se Oceanum cum
 Ponto, Sertorij copias cum suis coniuncturum pu-
 taret. ad quod bellum duobus consulibus ita misis,
 ut alter Mithridatem persequeretur, alter Bithy-
 niam tueretur; alterius res & terra, & mari ca-
 lamitosa, uehementer & opes regis, & nomen auxe-
 runt; L. Luculli uero res tantæ extiterunt, ut neque
 maius bellum commemorari possit, neque maiore
 consilio, & uirtute gestum. nam cum totius impe-
 tus belli ad Cyzicenorum mœnia constitisset; eamq.
 urbem sibi Mithridates Asiae ianuā fore putauisset;
 qua effracta, & reuulsa, tota pateret prouincia: per-
 fecta ab Lucullo hæc sunt omnia, ut urbs fidelissimo-
 rum sociorum defenderetur, ut omnes copiae regis
 diuturnitate obsidionis consumerentur. quid, illam
 pugnam naualem ad Tenedum, cum contento cursu,
 accerrimis ducibus, hostium clasfis Italiam spe, at-
 que animis inflata peteret, mediocri certamine, &
 parua dimicatione commissam arbitraris? mitto præ-
 lia: prætereo oppugnationes oppidorum: expulsus

regno tandem aliquando, tantum tamen consilio,
 atque auctoritate ualuit, ut se, rege Armeniorum
 adiuncto, nouis opibus, copijsq. renouarit. Ac si
 mihi nunc de rebus gestis esset nostri exercitus impe-
 ratorisq. dicendum, plurima & maximæ prælia com-
 memorare possem: sed non id agimus, hoc dico: si bel-
 lum hoc, si hic hostis, si ille rex contemnendus fuisset;
 neque tanta cura senatus, & populus R. suscipien-
 dum putasset, neque tot annos gessisset, neque tanta
 gloria L. Luculli; neque uero eius belli conficiendi cu-
 ram tanto Statio populus R. ad Cn. Pompeium de-
 tulisset: cuius ex omnibus pugnis, quæ sunt innume-
 rabiles, uel acerrima mihi uidetur illa, quæ cum re-
 ge commissæ est, & summa contentione pugnata. quæ
 ex pugna cum se ille eripuisset, & Bosphorum confu-
 gisset, quod exercitus adire non posset; etiam in extre-
 ma fortuna, & fuga nomen tamen retinuit regium.
 itaque ipse Pompeius, regno possesso, ex omnibus oris
 ac notis sedibus hoste pulso, tamen tantum in unius
 anima posuit, ut, cum omnia, quæ ille tenuerat, adie-
 rat, sperarat; uictoria possideret, tamen non antè,
 quam illum uita expulit, bellum confectum iudica-
 rit. Nunc tu hostem, Cato, contemnis? quo cum per
 tot annos, tot prælijs, tot imperatores bella gesserint:
 cuius expulsi, & eiekti uita tanti æstimata est, ut,
 morte eius nunciata, tum denique bellum confectum
 arbitraremur. Hoc igitur in bello L. Murænam
 legatum fortissimi animi, summi consilij, maximi
 laboris cognitum esse, defendimus, & hanc eius
 ope-

operam
 quam h
 habuisse
 citius est
 grapha,
 noris cui
 beat? qu
 tantas, t
 m, quæ
 ratio com
 reposita
 parua ne
 etiam si
 uues; ut
 admiret
 tius uulg
 fallacius
 pum, sim
 Herennio
 lum, hui
 tem, a C
 uissimam
 Q. Maxi
 est, sed n
 esset, int
 aliquo c
 ex certa
 tur: sic
 intelliga

operam non minus ad consulatum adipiscendum, quam hanc nostram forensam industriam, dignitatis habuisse. At enim in praeturae petitione prior renunciatus est Seruius. Pergitis ne uos, tanquam ex syngrapha, agere cum populo, ut quem locum semel honoris cupiam dederit, eundem reliquis honoribus debeat? quod enim fretum, quem Euripum tot motus, tantas, tam uarias habere putatis agitationes fluctuum, quantas perturbationes, & quantis aestus habet ratio comitiorum? dies intermissis uisus, aut nox interposita saepe perturbat uia, & totam opinionem parua non nunquam commutat aura rumoris. saepe etiam sine ulla aperta causa sit aliud, atque existimamus; ut non nunquam ita factum esse etiam populus admiretur; quasi uero non ipse fecerit. nihil est incertius uulgo, nihil obscurius uoluntate hominum, nihil fallacius ratione tota comitiorum. quis L. Philippum, summo ingenio, opera, gratia, nobilitate, a M. Herennio superari posse arbitratus est? quis Q. Catulum, humanitate, sapientia, integritate antecellentem, a Cn. M. nilio? quis M. Scaurum, hominem grauissimum, ciuem egregium, fortissimum senatorem, a Q. Maximo? non modo horum nihil ita fore putatum est, sed ne cum esset factum quidem, quare ita factum esset, intelligi potuit. nam ut tempestates saepe certo aliquo caeli signo commouentur, saepe improviso, nulla ex certa ratione, obscura aliqua ex causa excitantur: sic in hac comitiorum tempestate populari saepe intelligas, quo signo commota sit; saepe ita obscura est,

O R A T I O

est, ut casu excitata esse uideatur. sed tamen si est red-
denda ratio, duæ res uehementer in prætura desidera-
tæ sunt, quæ ambæ in consulatu tum Murænæ profue-
runt; una, expectatio muneris, quæ & rumore non
nullo, & studijs, sermonibusq. competitorum creue-
rat; altera, quod ij, quos in prouincia, ac legatione
omnis & liberalitatis, & uirtutis suæ testes habue-
rat, non dum decesserant. horum utrunque ei fortuna
ad consulatus petitionem reseruauit. nam & L. Lu-
culli exercitus, qui ad triumphum conuenerat, idem
comitijs L. Murænæ præsto fuit; & munus amplissi-
mum, quod petitio præturæ desiderabat, prætura re-
stituit. num tibi hæc parua uidentur adiumenta, &
subsidia consulatus? uoluntas militum: quæ cum per
se ualet multitudine, tum apud suos gratia; tum uero
in consule declarando multum etiam apud uniuersum
populum R. auctoritatis habet suffragatio militaris.
imperatores enim comitijs consularibus, non uerbo-
rum interpretes deliguntur. quare grauis est illa ora-
tio: me saucium recreauit: me præda donauit: hoc
duce castra cepimus, signa contulimus: nunquam iste
plus militi laboris imposuit, quàm sibi sumpsit: ipse
cum fortis, tum etiam felix. hoc quanti putas esse ad
famam hominum, ac uoluntatem? etenim si tanta il-
lis comitijs religio est, ut adhuc semper omen ualue-
rit prærogatiuum: quid mirum est, in hoc felicitatis
famam, sermonemq. ualuisse? sed si hæc leuiora du-
cis, quæ sunt grauissima; & hanc urbanam suffraga-
tionem militari anteponis: noli ludorum huius ele-
gantiam,

gantiam, & scenæ magnificentiam ualde contemne-
re, quæ huic admodum profuerunt. nam quid ego di-
cam populum, ac uulgus imperitorum ludis magno-
pere delectari? minus est mirandum. quanquam huic
causæ id satis est. sunt enim populi, ac multitudinis
comitia. quare si populo ludorum magnificentia uolu-
ptatis est; non est mirandum, eam L. Murænæ apud
populum profuisse. sed si nosmet ipsi, qui & ab dele-
ctatione omni negotijs impedimur, & in ipsa occupa-
tione delectationes alias multas habere possumus, lu-
dis tamen oblectamur, & ducimur: quid tu admire-
re de multitudine indocta? L. Otho, uir fortis, meus
necessarius, equestri ordini restituit non solum digni-
tatem, sed etiam uoluptatem. itaque lex hæc, quæ ad
ludos pertinet, est omnium gratissima, quod honestis-
simo ordini cum splendore fructus quoque iucundita-
tis est restitutus. quare delectant homines, mihi cre-
de, ludi, etiam illos qui dissimulant, non solum eos,
qui fatentur: quod ego in mea petitione sensi: nam
nos quoque habuimus scenam competitricem. quod si
ego, qui trinos ludos ædilis feceram, tamen Antonij
ludis commouebamur: tibi, qui casu nullos feceras, nihil
huius istam ipsam, quam irrides, argenteam, scenam
aduersatam putas? sed hæc sane sint paria omnia: sit
par forensis opera militari: sit par militari suffraga-
tio urbana: sit idem, magnificentissimos, & nullos
unquam fecisse ludos: quid? in ipsa prætura nihil ne
existimas inter tuam & istius sortem interfuisse? hu-
ius sors ea fuit, quam omnes tui necessarii tibi optaba-
mus,

O R A T I O

mus, iuris dicendi, in qua gloriam conciliat magnitudo negotij, gratiam æquitatis largitio: qua in sorte sapiens prætor, qualis hic fuit, offensionem citat æqualitate decernendi, benevolentiam adiungit lenitate audiendi. egregia, & ad consolatium apta provincia, in qua laus clementiæ, integritatis, facilitatis, ad extremum in laudem voluptate concluditur. Quid tua fors? tristis, atrox, quæstus, periculatus, ex altera parte lacrymantis, & si patris, ex altera plena catenarum, atque indolentis. cogendi iudices, inuiti, retinendi contra voluntatem, semper damnatus, ordo totus alienus: Syllæ gratificatio reprehensa: multi viri fortes, & prope pars civitatis offensa est: lites severe æstimate: cui placet, obliuiscitur: cui dolet, meminit. postremo tu in provinciam in eam voluisti, non possum id in te reprehendere, quod in te ipso & prætor, & consul proavi: sed tamen L. Muræna provincia multas bonas gratias cum optima existimatione attulit, habuit proficiscens delectum in Umbria: dedit ei facultatem reip. liberalitatis: qua usus, multas sibi tribus, quæ municipijs Umbriae conficiuntur, adiunxit. ipse autem in Gallia, ut nostri homines desperatas iam pecunias exigere, æquitate, diligentiaq. perfecit. Tu interea Romæ scilicet amicis præsto fuisti. fateor. sed tamen illud cogita, non nullorum amicorum studia nimui solere in eos, a quibus provincias contemni intelligant. Et quoniam ostendi iudices parem dignitatem ad consulatus petitionem, disparem fortunam provincialium negotiorum in Muræna, atque

que in Sulpicio fuisse : dicam iā apertius, in quo meus
 necessarius fuerit inferior Seruius; & ea dicam uobis
 audientibus, amisso iam tempore, quo ipsi soli, re in-
 tegra, saepe dixi. Petere consulatum nescire te, Ser-
 ui, persape dixi: & in ijs rebus ipsis, quas te magno,
 & forti animo & agere, & dicere uidebam, tibi so-
 litus sum dicere, magis te fortem senatorem mihi ui-
 deri, quā sapientem candidatum. primum accusan-
 di terrores, & minæ, quibus tu quouidie uti solebas,
 sunt fortis uiri; sed & populi opinionem a spe adipi-
 scendi auertunt, & amicorum studia debilitant. ne-
 scio quo pacto semper hoc fit, neque in uno, aut alte-
 ro animaduersum est, sed iam in pluribus; simul atque
 candidatus accusationem meditari uisus est, ut hono-
 rem desperasse uideatur. quid ergo? acceptam iniu-
 riam persequi non placet? immo uehementer placet:
 sed aliud tempus est petendi, aliud persequendi. peti-
 torem ego, præsertim consulatus, magna spe, magno
 animo, magnis copijs & in forum, et in campum de-
 duci uolo: non placet mihi inquisitio candidati, præ-
 nuncia repulse; non testium potius, quā suffragato-
 rum comparatio; non minæ magis, quā blanditiæ;
 non declamatio potius, quā saluatio: præsertim cū
 iam hoc nouo more omnes fere domos omnium concur-
 sent, & ex uultu candidatorum coniecturam faciāt,
 quantum quisque animi, & facultatis habere uidea-
 tur. uides ne tu illum tristem, demissum? iacet, diffi-
 dit, abiecit hastas. serpit hic rumor. scis tu illum ac-
 cusionem cogitare? inquirere in competitores? te-
 ste.

O R A T I O

stes quærere? alium faciam; quoniam sibi hic ipse desperat. eiusmodi candidatorum amici intimi debilitantur; studia deponunt: aut testatam rem abijciunt; aut suam operam, & gratiam iudicio, & accusationi reseruant. accedit eodem, ut etiam ipse candidatus totum animum, atque omnem curam, operam, diligentiamq. suam in petitione non possit ponere. adiungitur enim accusationis cogitatio, non parua res, sed nimirum omnium maxima. magnum est enim te comparare ea, quibus possis hominem e ciuitate, praesertim non inopem, neque infirmum, exturbare, qui & per se, & per suos, & uero etiam per alienos defendatur: omnes enim ad pericula propulsanda concurrimus; & qui non aperte inimici sumus, etiam alienissimis in capitis periculis amicissimorum officia, & studia praestamus. quare ego expertus & petendi, & defendendi, & accusandi molestiam, sic intellexi, in petendo studium esse acerrimum, in defendendo officium, in accusando laborem. itaque sic statuo, fieri nullo modo posse, ut idem accusationem, & petitionem consulatus diligenter adornet, atque instruat: unum sustinere pauci possunt, utrumque nemo. tu, cum de curriculo petitionis deflexisses, animumq. ad accusandum transfulisses, existimasti te utrique negotio satisfacere posse? uehementer errasti. quis enim dies fuit, postea quam in istam accusandi denunciationem ingressus es, quem tu non totum in ista ratione consumpseris? Legem ambitus flagitasti, quæ tibi non deerat:

erat : erat enim seuerissime scripta Calpurnia : gestus
est mos & uoluntati, & dignitati tuæ : sed tota illa
lex accusationem tuam, si haberes nocentem reum,
fortasse armasset : petitioni uero refragata est. Pœna
grauior in plebem tua uoce efflagitata est : commoti
animi tenuiorum . exsilium in nostrum ordinem : con-
cessit senatus postulationi tuæ, sed non libenter durio-
rem fortunæ communi condicionem te auctore consti-
tuit . morbi excusationi pœna addita est : uoluntas of-
fensa multorum, quibus aut contra ualetudinis com-
modum laborandum est, aut incommodo morbi etiam
ceteri uitæ fructus relinquendi . quid ergo ? hæc quis
tulit ? is, qui auctoritati senatus, uoluntati tuæ pa-
ruit : denique is tulit, cui minime proderant . illa, quæ
mea summa uoluntate senatus frequens repudiavit,
mediocriter aduersata tibi esse existimas ? Confusio-
nem suffragiorum flagitasti, prorogationem legis Ma-
niliæ, æquationem gratiæ, dignitatis, suffragiorum.
grauiter homines honesti, atque in suis ciuitatibus,
& municipijs gratiosi tulerunt, a tali uiro esse pu-
gnatum, ut omnes & dignitatis, & gratiæ gradus
tollerentur . Idem editicios iudices esse uoluisti, ut o-
dia occulta ciuium, quæ tacitis nunc discordijs conti-
nentur, in fortunas optimi cuiusque erumperent . Hæc
omnia tibi accusandi uiam muniebāt, adipiscendi ob-
sepiebant . Atque ex omnibus illa plaga est iniecta
petitioni tuæ non tacente me maxima : de quæ ab ho-
mine ingeniosissimo & copiosissimo Hortensio multa
grauissime dicta sunt : quo etiam mihi durior locus
est

O R A T I O

est dicendi datus : ut, cum ante me & ille dixisset, & uir summa dignitate, & diligentia, & facultate dicendi, M. Crassus, ego in extremo non partem aliquam agerem causæ, sed de tota re dicerem, quod mihi uideretur. itaque in iisdem rebus fere uersor, & quod possum iudices, occurro uestre sapientiæ. Sed tamen, Serui, quam te securim putas inicituræ petitioni tuæ, cum tu populum R. in eum metum adduxisti, ut pertimesceret, ne consul Catilina fieret, dum tu accusationem comparares, deposita atque abiecta petitione? etenim te inquirere ualebant tristem ipsum: multos amicos, observationes, testificationes, seductiones testium, secessionem subscriptorum animaduvertebant: quibus rebus certe ipsi candidatorum uultus obscuriores uideri solent. Catilinam interea alacrem, atque letum, stipatum choro iuuentutis, uallatum indicibus, atque sicarijs, inflatum cum spe militum, tum collega mei, quemadmodum dicebat ipse, promissis, circumfluente colonorum Aretinorum, & Fesulanorum exercitu. quam turbam dissimilimo ex genere distinguebant homines percussi Syllani temporis calamitate. uultus erat ipsius plenus furoris, oculi sceleris, sermo arrogantie, sic, ut ei iam exploratus, & domi conditus consulatus uideretur. Murænam contemnebat: Sulpicium accusatorem suum numerabat, non competitorem: ei uim denunciabat: reip. minabatur. quibus rebus qui timor bonis omnibus iniectus sit, quantaq. desperatio reip. si ille factus esset, nolite a me commoneri uelle, uosmet ipsi uobiscum

cum recordamini . meministis enim , cum illius nefarij gladiatoris uoces . percubissent , quas habuisse in concione domestica dicebatur ; cum miserorum fidelem defensorem negasset inueniri posse , nisi eum , qui ipse miser esset ; integrorum , & fortunatorum promissis saucios , & miseros credere non oportere ; quare qui consumpta replere , erepta recuperare uellent , spectarent , quid ipse deberet , quid possideret , quid auderet ; minime timidum , & ualde calamitosum esse oportere eum , qui esset futurus dux , & signifer calamitosorum : tum igitur , his rebus auditis , meministis fieri S. C. referente me , ne postero die comitia haberentur , ut de his rebus in senatu agere possemus . itaque postridie frequenti senatu Catilinam excitauit , atque eum de ijs rebus iussi , si quid uellet , quæ ad me allatæ essent , dicere . atque ille , ut semper fuit apertissimus , non se purgauit , sed indicauit , atque innuit . tum enim dixit , duo corpora esse reipublicæ , unum debile infirmo capite , alterum firmum sine capite : huic , cum ita de se meritum esset , caput se uiuum non defuturum . congemuit senatus frequens , neque tamen satis seuerè pro rei indignitate decreuit . nam partim ideo fortes in decernendo non erant , quia nihil timebant ; partim , quia timebant . tum erupit e senatu triumphans gaudio , quem omnino uiuum illinc exire non oportuerat , præsertim cum idem ille in eodem ordine paucis diebus ante Catoni , fortissimo uiro , iudicium minitanti , ac denuncianti , respondisset , si quod esset in suas fortunas incendium excitatum ,

uu id

O R A T I O

id se non aqua, sed ruina restinēturum. His tum rebus commotus, & quòd homines iam tum coniuratos cum gladijs in campum deduci a Catilina sciebam, descendi in campum cum firmissimo præsidio fortissimorum uirorum, & cum illa lata insigni q. lorica, non quæ me tegeret, (etenim sciebam Catilinam non latus, aut uentrem, sed caput, & collum solere petere) uerum ut omnes boni animaduertent, & cum in metu & periculo consulem uiderent, id quod est factum, ad opem præsidiumq. meum concurrerent. Itaque cum te, Serui, remissiozem in petendo putarent, Catilinam & spe, & cupiditate inflammatum uiderent, omnes, qui illam ab rep. pestem depellere cupiebant, ad Murænam se statim contulerunt. magna est autem comitijs consularibus repentina uoluntatum inclinatio, præsertim cum incubuit ad uirum bonum, & multis alijs adiumentis petitionis ornatum. qui cum honestissimo patre, atque maioribus, modestissima adolescentia, clarissima legatione, prætura probata in iure, grata in munere, ornata in prouincia, petisset diligenter, & ita petisset, ut neque minanti cederet, neque cuiquam minaretur: huic, mirandum est, magno adiumento Catilinæ subitam spem consulatus adipiscendi fuisse? Nunc mihi tertius ille locus est orationis de ambitus criminibus, perpurgatus ab ijs, qui ante me dixerunt, a me, quoniam ita Muræna uoluit, retractandus. quo in loco Postumio, familiari meo, ornatissimo uiro, de diuisorum indicijs, & de deprehensis pecunijs;

cunij;
de equi
tute ex
responde
mouerit
Nam co
rijs, & e
natos eo
bitionis,
tum uero
periculis
neque co
que hui
dum ex
rum in
uenit in
ab ipso p
non e la
citur, qu
sumum e
inimicit
di ad in
Sulpiciu
sed bono
amicus d
necessar
tulit, fin
sat Ser
omnes

cunij; adolescenti ingenioso, & bono, Ser. Sulpicio, de equitum centurijs; M. Catoni, homini in omni uirtute excellenti, de ipsius accusatione, de S. C. de rep. respondebo. sed pauca, quæ meum animum repente mouerunt, prius de L. Muræna fortuna conquerar. Nam cum sæpe antea, iudices, & ex aliorum miserijs, & ex meis curis, laboribusq. quotidianis fortunatos eos homines iudicarem, qui remoti a studijs ambitionis, otium, ac tranquillitatem uitæ secuti sunt: tum uero in his L. Muræna tantis, tamq. improuisis periculis ita sum animo affectus, ut non queam satis neque communem omnium nostrum condicionem, neque huius euentum, fortunamq. miserari: qui primum dum ex honoribus continuis familiæ, maiorumq. suorum unum ascendere gradum dignitatis conatus est, uenit in periculum, ne & ea, quæ relicta, & hæc, quæ ab ipso parta sunt, amittat: deinde propter studium nouæ laudis etiam in ueteris fortunæ discrimen adducitur. quæ cum sunt graua, iudices, tum illud acerbissimum est, quod habet eos accusatores, non qui odio inimicitarum ad accusandum, sed qui studio accusandi ad inimicitias descenderent. nam, ut omittam Ser. Sulpicium, quem intelligo non iniuria L. Muræna, sed honoris contentione permotum; accusat paternus amicus Cn. Postumius, uetus, ut ait ipse, uicinus, ac necessarius, qui necessitudinis causas complures protulit, simultatis nullam commemorare potuit; accusat Ser. Sulpicius, sodalis filij, cuius ingenio paterni omnes necessarij munitiores esse debebant; accusat

ORATIO

M. Cato; qui, quanquam a Muræna nulla re unquam alienus fuit, tamen ea condicione nobis erat in hac ciuitate natus, ut eius opes, & ingenium præsidio multis etiam alienissimis, uix cuiquam inimicus esse deberet. Respondebo igitur Postumio primum: qui nescio quo pacto mihi uidetur prætorius candidatus in consularem, quasi desultorius in quadrigarum curriculum, incurrere. cuius competitores si nihil deliquerunt; dignitati eorum concessit, cum petere destitit: sin autem eorum aliquis largitus est; expetendus amicus est, qui alienam potius iniuriam, quam suam persequatur.

Ea omnia, quæ & Postumio, & Ser. Sulpicio adulescenti responsa sunt, desiderantur.

Venio nunc ad M. Catonem; quod est firmamentum, ac robur totius accusationis: qui tamen ita grauis est accusator, & uehemens, ut multo magis eius aucto ritatem, quam criminationem pertimescam. in quo ego accusatore, iudices, primum illud deprecabor, ne quid L. Murænae dignitas illius, ne quid expectatio tribunatus, ne quid totius uitæ splendor, & grauitas noceat; denique ne ea soli huic obsint bo-

na

na M.
desse p
terrore
am q. d
summa
tas, au
li R. quo
natu dica
tatem p
pientissi
ita quon
rij, uiri
(nam t
tissimo
benti a
in hac d
populus
sterum p
sator in
rem aliq
miam g
tium, ad
sorium;
dientur
suum a
iudicasse
dicionem
iudicium
uolare d

na M. Catonis , quæ ille adeptus est , ut multis prodesse posset . bis consul fuerat P. Africanus , & duos terrores huius imperij , Carthaginem , Numantiamq. deleuerat , cum accusauit L. Cottam . erat in eo summa eloquentia , summa fides , summa integritas , auctoritas tanta , quanta in ipso imperio populi R. quod illius opera tenebatur . sæpe hoc maiores nati dicere audiui , hanc accusatoris eximiam dignitatem plurimum L. Cottæ profuisse . noluerunt sapientissimi homines , qui tum rem illam iudicabant , ita quenquam cadere in iudicio , ut nimis aduersarij uiribus abiectus uideretur . Quid ? Ser. Galbam (nam traditum memoriæ est) non ne proauo tuo , fortissimo , atque florentissimo uiro , M. Catoni , incumbenti ad eius perniciem , populus R. eripuit ? semper in hac ciuitate nimis magnis accusatorum opibus & populus uniuersus , & sapientes , ac multum in posterum prospicientes iudices restiterunt . nolo , accusator in iudicium potentiam afferat , non uim maiorem aliquam , non auctoritatem excellentem , non nimiam gratiam : ualeant hæc omnia ad salutem innocentium , ad opem impotentum , ad auxilium calamitosorum ; in periculo uero , & in pernicië ciuium repudiantur . nam si quis hoc forte dicet , Catonem descensurum ad accusandum non fuisse , nisi prius de causa iudicasset : iniquam legem , iudices , & miseram conditionem instituet periculis hominum , si existimabit iudicium accusatoris in reum pro aliquo præiudicio ualere oportere . ego tuum consilium , Cato , propter

uu 3 singu-

O R A T I O

singulare animi mei de tua uirtute iudicium, uituperare non audeo, non nulla in re forsitan conformare, & leuiter emendare possim. non multa peccas, inquit ille fortissimo uiro senior magister: sed, si peccas, te regere possum. at ego te uerissime dixerim peccare nihil, neque ulla in re te esse huiusmodi, ut corrigendus potius, quam leuiter inflectendus esse uideare. finxit enim te ipsa natura ad honestatem, grauitatem, temperantiam, magnitudinem animi, iustitiam, ad omnes denique uirtutes magnum hominem, & excelsum. accessit his tot doctrina non moderata, nec mitis, sed, ut mihi uidetur, paullo asperior, & durior, quam aut ueritas, aut natura patiatur. & quoniam non est nobis hæc oratio habenda aut cum imperita multitudine, aut in aliquo conuentu agrestium; audacius paullo de studijs humanitatis, quæ & mihi, & uobis nota, & iudicanda sunt, disputabo. In M. Catone, iudices, hæc bona, quæ uidemus, diuina, & egregia, ipsius scitote esse propria: quæ non nunquam requirimus, ea sunt omnia non a natura, sed a magistro. fuit enim quidam, summo ingenio uir, Zeno, cuius inuentorium æmuli Stoici nominantur. huius sententiæ sunt, & præcepta eiusmodi; sapientem gratia nunquam moueri, nunquam cuiusquam delicto ignoscere, neminem misericordem esse, nisi stultum & leuem; uiri non esse, neque exorari, neque placari; solos sapientes esse, si distortissimi sint, formosos; si mendicissimi, diuites; si seruitutem seruiant, reges: nos autem, qui sapien-
tes

tes non
denique
delictum
eum, quæ
quam eni
hil opinat
tentiam
M. Cato
putat, ne
ita uiuen
habeat
feri, &
ris, si quæ
tur aliq
nefarium
omnia p
& statu
piens m
putat. h
tum me
dixisti
poris ca
cio falle
scelus;
tebor ex
sum ing
stri, in
homine
re aliq

tes non sumus, fugitivos, exsules, hostes, insanos
denique esse dicunt; omnia peccata esse paria; omne
delictum scelus esse nefarium; nec minus delinquere
eum, qui gallum gallinaceum, cum opus non fuerit,
quàm eum, qui patrem suffocauerit; sapientem ni-
hil opinari, nullius rei pœnitere, nulla in re falli, sen-
tentiam mutare nunquam. hac homo ingeniosissimus
M. Cato, auctoribus eruditissimis inductus, arri-
puit, neque disputandi causa, ut magna pars, sed
ita uiuendi. Petunt aliquid publicani: caue quidquã
habeat momenti gratia. supplices aliqui ueniunt mi-
seri, & calamitosi: sceleratus, & nefarius fue-
ris, si quidquam misericordia adductus feceris. fate-
tur aliquis se peccasse, & eius delicti ueniam petit:
nefarium est facinus ignoscere. at leue delictum est:
omnia peccata sunt paria. dixisti quippiam: fixum,
& statutum est. non re ductus es, sed opinione: sa-
piens nihil opinatur. errasti aliqua in re: male dici
putat. hac ex disciplina nobis illa sunt. dixi in sena-
tu me nomen consularis candidati delaturum. iratus
dixisti: nunquam, inquit, sapiens irascitur. at tem-
poris causa: improbi, inquit, hominis est menda-
cio fallere; mutare sententiam, turpe est; exorari,
scelus; misereri, flagitium. nostri autem illi, (sa-
tebor enim, Cato, me quoque in adolescentia, diffi-
sum ingenio meo, quæsisse adiumenta doctrinæ) no-
stri, inquam, illi a Platone, & Aristotele, moderati
homines, & temperati, aiunt, apud sapientem uale-
re aliquando gratiam; uiri boni esse, misereri; distin-

ORATIO

Et genera esse delictorum, & dispares pœnas; esse apud hominem constantem ignoscendi locum; ipsum sapientem sæpe aliquid opinari, quod nesciat; irasci non nunquam, exorari eundem, & placari; quod dixerit, interdū, si ita rectius sit, mutare; de sententia decedere aliquando; omnes uirtutes mediocritate quadam esse moderatas. hos ad magistros si qua te fortuna, Cato, cum ista natura detulisset; non tu quidem uir melior esses, nec fortior, nec temperantior, nec iustior, (neque enim esse potes) sed paullo ad lenitatem propensior: non accusares, nullis adductus inimicijs, nulla laceffitus iniuria, pudētissimum hominem, summa dignitate, atque honestate præditum: putares, cum in eiusdem anni custodia te atque L. Muræ nam fortuna posuisset, aliquo te cum hoc reip. uinculo esse coniunctum: quod atrociter in senatu dixisti, aut non dixisses, aut seposuisses, aut mitiorem in partem interpretarere. ac te ipsum, quantum ego opinione auguror, nunc & animi quodam impetu concitatum, & ui naturæ atque ingenij elatum, & recentibus præceptorum studijs flagrantem iam usus flectet, dies leniet, ætas mitigabit. etenim isti ipsi mihi uidentur uestri præceptores, & uirtutis magistri, fines officiorum paullo longius, quàm natura uellet; protulisse, ut, cum ad ultimum animo contendissemus, ibi tamen, ubi oporteret, consisteremus. nihil ignoueris: immo aliquid, non omnia. nihil gratiæ causâ feceris: immo resistito gratiæ, cum officium, & fides postulabit. misericordia commo-
tus

tas ne
men est
neto: en
iuscemo
idem, qu
pene diu
quancum
aperior ro
simus. qu
dem ex sta
sum de L.
sed te dom
stimas Ca
moderat
tis? de c
diceret, a
imitand
tum dom
magis, qu
strum per
bi proposi
lius comit
ritatiq. a
que nunc
Quare ut
causâ non
ritatem,
tem debe
sis: quid

tus ne sis: etiam, in dissoluenda seueritate: sed tamen est laus aliqua humanitatis. in sententia permanto: enim uero, nisi sententia alia uicerit melior. huiusmodi Scipio ille fuit, quem non pœnitebat facere idem, quod tu; habere eruditissimum hominem, & pœne diuinum domi: cuius oratione, & prœceptis, quanquam erant eadem ista, quæ te delectant, tamen asperior non est factus, sed, ut accepi a senibus, lenissimus. quis uero C. Lælio comior? quis iucundior, eodem ex studio isto? quis illo grauior? sapientior? possum de L. Philippo, de C. Gallo dicere hæc eadem: sed te domum iam deducam tuam. quenquam ne existimas Catone, proauo tuo, commodiorem, comiorē, moderatiorem fuisse ad omnem rationem humanitatis? de cuius præstanti uirtute cum uere grauiorēq. diceres, domesticum te habere dixisti exemplum ad imitandum. est illud quidem exemplum tibi propositum domi: sed tamen naturæ similitudo illius ad te magis, qui ab illo ortus es, quàm ad unumquemque nostrum peruenire potuit: ad imitandum uero tam mihi propositum exemplar illud est, quàm tibi. sed si illius comitatem, & facilitatem tuæ grauitati, seueritatiq. asperseris; non ista quidem erunt meliora, quæ nunc sunt optima, sed certe condita iucundius. Quare ut ad id, quod institui reuertar, tolle mihi e causa nomen Catonis: remoue, ac prætermitte auctoritatem, quæ in iudicijs aut nihil ualere, aut ad salutem debet ualere: congregere mecum criminibus ipsis: quid accusas, Cato? quid affers in iudicium? quid arguis?

arguis? ambitum accusas: non defendo. me reprehendis, quod idem defendam, quod lege punierim: puniui ambitum, non innocentiam: ambitum uero ipsum uel tecum accusabo, si uoles. Dixisti, S.C. me referente esse factum; si mercede corrupti obuiam candidatis issent, si conducti sectarentur, si, gladiatoribus, uulgo locus tributus, & item prandia si uulgo essent data, contra legem Calpurniam factum uideri. ergo ita senatus iudicat, contra legem facta haec uideri, si facta sint: decernit quod nihil opus est, dum candidatis morem gerit. nam, factum sit necne, uehementer quaeritur: si factum sit, quin contra legem sit, dubitare nemo potest. est igitur ridiculum, quod est dubium, id relinquere incertum; quod nemini dubium potest esse, id iudicare. atque id decernitur omnibus postulantibus candidatis: ut ex S.C. neque cuius intersit, neque contra quem sit, intelligi possit. quare doce, a L. Muræna illa esse commissā: tum egomet tibi contra legem commissā esse concedam. Multi obuiam prodierunt de provincia decedenti, consulatum petenti: solet fieri. eccui autem non proditur reuerenti? quæ fuit ista multitudo? primum, si tibi istam rationem non possim reddere; quid habet admirationis, tali uiro, aduenienti, candidato consulari obuiam prodisse multos? quod nisi esset factum, magis mirandum uideretur. Quid, si etiam illud addam, quod a consuetudine non abhorret, rogatos esse multos? num aut criminosum sit, aut mirandum, quia in ciuitate rogati infimorum hominum filios prope de nocte ex ultima

tima sepe
esse graui
Martium
Quid, si
ro multi b
stri ordinis
que nemini
totatio d
ser Postum
nenit? qui
ro clientes
li, qui ad t
frequentia
tati ullius
at sectaba
crimen: h
opus est,
quid opus
nues unum
di, aut refe
ritionibus
feri potest
quibus R
totos dies
terdum ac
nestamur
nuorum,
dutas, q
solet. no

tima sæpe urbe deductum uenire soleamus, in ea non esse grauatōs homines prodire hora tertia in campū Martium, præsertim talis uiri nomine rogatos? Quid, si omnes societates uenerunt? quarum ex numero multi hic sedent iudices. quid, si multi homines nostri ordinis, honestissimi? quid, si illa officiosissima, quæ neminem patitur non honeste in urbem introire, tota natio candidatorum? si denique ipse accusator noster Postumius obuiam cum bene magna caterua sua uenit? quid habet ista multitudo admirationis? omitto clientes, uicinos, tribules, exercitum totum Luculli, qui ad triumphum per eos dies uenerat: hoc dico, frequentiam in isto officio gratuitam non modo dignitati ullius unquam, sed ne uoluntati quidem defuisse. at sectabantur multi: doce, mercede; concedam esse crimen: hoc quidem remoto, quid reprehendis? quid opus est, inquit, sectatoribus? a me tu id quæris? quid opus sit eo, quo semper usi sumus? homines: tennes unum habent in nostrum ordinem aut promerendi, aut referendi beneficij locum, hanc in nostris petitionibus operam, atque affectationem. neque enim fieri potest, neque postulandum est a nobis, aut ab equitibus R. ut suos necessarios candidatos sectentur totos dies: a quibus si domus nostra celebratur, si interdum ad forum deducimur, si uno basilicæ spatio honestamur, diligenter obseruari uidemur, & coli. tenuiorum, & non occupatorum amicorū est ista assiduitas, quorum copia bonis, & beneficiis deesse non solet. noli igitur eripere hunc inferiori generi hominum

num fructum officij, Cato: sine eos, qui omnia a nobis sperant, habere ipsos quoque aliquid, quod nobis tribuere possint. si nihil erit prater ipsorum suffragium, tenue est, si, ut suffragentur: nihil ualent gratia: ipsi denique, ut solent loqui, non dicere pro nobis, non spondere, non uocare domum suam possunt: atque hæc a nobis petunt omnia; neque ulla re alia, quæ a nobis consequuntur, nisi opera sua compensari putant posse. itaque & legi Fabiæ, quæ est de numero sedtatorum, & S. C. quod est L. Cæsare consule factum, restiterunt. nulla est enim pœna, quæ possit obseruantiam tenuiorum ab hoc uetere instituto officiorum excludere. At spectacula sunt tributim data, & ad prandium uulgo uocati. Et si hoc factum a Muræna omnino, iudices, non est, ab eius amicis autem more & modo factum est: tamen admonitus re ipsa recordor quantum hæc quæstiones in senatu habitæ punctorum nobis, Serui, detraxerint. quod enim tempus fuit, aut nostra, aut patrum nostrorum memoria, quo hæc siue ambitio est, siue liberalitas, non fuerit, ut locus & in Circo, & in foro daretur amicis, & tribulibus? hæc homines tenuiores primum ne dum qui ea suis tribulibus uetere instituto assequebantur *

Desint non nulla.

præfetur
se: quia
tas taber
nia sedtatorum
mina a m
ui, conie
tus auctor
obuiam p
conuince
doce. m
dium inu
uulgo?
loco ad
uir futu
esse &
tempus
mini: ne
cessaria,
& illa p
sunt offic
nia cand
Stoice,
cibo: ne
dandis c
nam per
quippe
mam a
uendis
adhiber

præfectum fabrum semel locum tribulibus suis dedisse : quid statuent in uiros primarios , qui in Circo totas tabernas tribulium causa comparabunt ? hæc omnia sectatorum , spectaculorum , prandiorum item crimina a multitudine in tuam nimiam diligentiam , Serui , coniecta sunt : in quibus tamen Muræna ab senatus auctoritate defenditur . quid enim ? senatus num , obuiam prodire , crimen putat ? non , sed mercede : conuince . num sectari multos ? non , sed , conductos : doce . num locum ad spectandum dare , aut ad prandium inuitare ? minime , sed uulgo , passim . quid est uulgo ? uniuersos . non igitur , si L. Natta , summo loco adolescens , qui & quo animo iam sit , & qualis uir futurus sit , uidemus , in equitum centurijs uoluit esse & ad hoc officium necessitudinis , & ad reliquum tempus gratiosus , id erit eius uitrice fraudi , aut crimini : nec , si uirgo Vestalis , huius propinqua , & necessaria , locum suum gladiatorium concessit huic , non & illa pie fecit , et hic a culpa est remotus . omnia hæc sunt officia necessariorum , commoda tenuiorum , munia candidatorum . At enim agit mecum austere , & Stoice , Cato : negat uerum esse allici beneuolentiam cibo : negat iudicium hominum in magistratibus mandandis corrumpi uoluptatibus oportere . ergo , ad cænam petitionis causa si quis uocat , condemnatur . quippe , inquit : tu mihi summum imperium , summam auctoritatem , tu gubernacula reip. petas fouendis hominum sensibus , & deliniendis animis , & adhibendis uoluptatibus ? utrum lenocinium , inquit .

O R A T I O

quit, a grege. delicatæ iuuentutis, an orbis terrarum imperium a populo R. petebas? Horribilis oratio: sed eam usus, uita, mores, ciuitas ipsa respuit. neque tamen Lacedæmonij, auctores istius uitæ, atque orationis, qui quotidianis epulis in robore accumbunt, neque uero Cretes, quorum nemo gustauit unquam cubans, melius, quàm Romani homines, qui tempora uoluptatis, laborisq. dispertiunt, resp. suas retinuerunt: quorum alteri uno aduentu nostri exercitus deleti sunt; alteri, nostri imperij præsidio, disciplinam suam, legesq. conseruant. Quare noli, Cato, maiorum instituta, quæ res ipsa publica, quæ diuturnitas imperij comprobant, nimium seuera oratione reprehendere. Fuit eodem ex studio uir eruditus apud patres nostros, & honestus homo, & nobilis, Q. Tubero. is, cum epulum Q. Maximus Africani, patrui sui, nomine populo R. daret, rogatus est a Maximo, ut triclinium sterneret, cum esset Tubero eiusdem Africani sororis filius. atque ille, homo eruditissimus, ac Stoicus, strauit pelliculis hædinis lectulos Punicanos, & exposuit uasa Samia: quasi uero esset Diogenes Cynicus mortuus, & non diuini hominis Africani mors honestaretur: quæ cū supremo eius die Maximus laudaret, gratias egit dijs immortalibus, quòd ille uir in hac rep. potissimum natus esset: necesse enim fuisse, ibi esse terrarum imperium, ubi ille esset. huius in morte celebranda grauitè tulit populus R. hanc peruersam sapientiam Tuberonis: itaque homo integerrimus, ciuis optimus, cum esset L. Paulli nepos, P. Africani,

ut

ut dixi, sororis filius, his hœdinis pelliculis prætura
deiectus est. odit populus R. priuatam luxuriam, pu
blicam magnificentia diligit: non amat profusas epu
las, sordes & inhumanitatē multo minus: distinguit
rationem officiorum, ac temporum, uicissitudinem la
boris, ac uoluptatis. Nam quod ais nulla re allici ho
minum mentes oportere ad magistratum mandandū,
nisi dignitate: hoc tu ipse, in quo summa est dignitas,
nō seruās. cur enim quenquā, ut studeat tibi, ut te adiu
uet, rogās? rogās tu me, ut mihi præsis, ut cōmittam
ego me tibi? quid tandem? istuc me rogari oportet abs
te, an te potius a me, ut pro mea salute laborem, peri
culumq. suscipias? quid, quod habes nomenclatorem?
in eo quidem fallis, & decipis. nam si nomine appella
ri abs te ciues tuos honestū est; turpe est eos notiores
esse seruo tuo, quā tibi: sin etiam noris; tamen per
monitorem appellandi sunt? cur non ante petis, quā
insurrat? aut quid, cum admoneris, tamen, quasi
tute noris, ita salutas? quid, postea quā es designa
tus, multos salutas negligentius? hæc omnia ad ratio
nem ciuitatis si dirigas, recta sunt; sin perpendere
ad disciplinæ præcepta uelis, reperiantur prauissima.
quare nec plebi R. eripiendi fructus isti sunt ludorum,
gladiatorum, conuiuiorum, quæ omnia maiores no
stri cōparauerunt: nec candidatis ista benignitas adi
menda est, quæ liberalitatem magis significat, quā
largitionem. At enim te ad accusandū resp. adduxit.
Credo, Cato, te isto animo, atque ea opinione uenisse:
sed tu imprudentia laberis: ego, quod facio, iudices,

cum

cum amicitia dignitatisq. L. Muræna gratia facio,
tum me pacis, otij, concordie, libertatis, salutis, ui-
tæ denique omnium uestrum caussa facere clamo, at-
que obtestor. Audite, audite consulem, iudices: nihil
dicam arrogantius: tantum dicam, totos dies, atque
noctes de rep. cogitantem. usque eò L. Catilina rep.
despexit, atque contempsit, ut ea copia, quam secum
eduxit, se hanc ciuitatem oppressurum arbitraretur? la-
tius patet illius sceleris contagio, quàm quisquam pu-
tat: ad plures pertinet: intus, intus, inquam, est equus
Troianus, a quo nunquam, me cōsule, dormientes op-
primemini. Queris a me, quid ego Catilinam metuā?
nihil; & curavi, ne quis metueret: sed copias illius,
quas hic uideo, dico esse metuendas: nec tam timen-
dus est nunc exercitus L. Catilinæ, quàm isti, qui il-
lum exercitum deseruisse dicuntur: non enim deserue-
runt, sed ab illo in speculis, atque insidijs relictī, in ca-
pite, atque in ceruicibus nostris restiterunt. hi & in-
tegrum consulem, & bonum imperatorem, & natu-
ra, & fortuna cum reip. salute coniunctum, deijci de
urbis præsidio, & de custodia ciuitatis uestris senten-
tijs deturbari uolunt. quorum ego ferrum, & auda-
ciam reieci in campo, debilitari in foro, compressi
etiam domi mea sepe, iudices; his uos si alterum con-
sulem tradideritis, plus multo erūt uestris sententijs,
quàm suis gladijs consecuti. magni interest, iudices,
id quod ego multis repugnantibus egi, atque perfeci,
esse kal. Ian. in rep. duos consules. nolite arbitrari, me
diocribus consilijs, aut usitatis uitijs, aut lege impro-
ba,

ba, aut p
quod ma
consilia,
rum, non
nes, inq
patria su
quotidie co
ri refesto.
meus cons
mea dilig
pio traden
dendam.
aliud, no
spicis tem
cione int
ge tui: c
nes boni
nem uocan
tata sunt i
Cn. Pison
tis esse, in
rumpunt
dies, que
mucronib
diuino con
meo nom
præsidio o
te quoque
mini crea

ba, aut pernicioſa largitione, auditum aliquando ali-
quod malum reip. quæri. inita ſunt in hac ciuitate
conſilia, iudices, urbis delendæ, ciuium trucidando-
rum, nominis R. extinguendi. atque hæc ciues, ci-
ues, inquam (ſi eos hoc nomine appellari fas eſt) de
patria ſua & cogitant, & cogitauerunt. horum ego
quotidie conſilijs occurro, audaciam debilito, ſcele-
ri reſiſto. ſed uos moneo, iudices: in exitu eſt iam
meus conſulatus: nolite mihi ſubtrahere uicarium
meæ diligentia: nolite adimere eum, cui remp. cu-
pio tradere incolumem ab his tantis periculis defen-
dendam. atque ad hæc mala, iudices, quid accedat
aliud, non uidetis? te, te appello, Cato: non ne pro-
ſpicias tempeſtatem anni tui? iam enim heſterna con-
cione inſonuit uox pernicioſa designati tribuni colle-
gæ tui: contra quem multum tua mens, multum om-
nes boni prouiderunt, qui te ad tribunatus petiti-
onem uocauerunt. omnia, quæ per hoc triennium agi-
tata ſunt iam ab eo tempore, quo a L. Catilina, &
Cn. Piſone initum conſilium ſenatus interficiendi ſci-
tis eſſe, in hos dies, in hos menſes, in hoc tempus e-
rumpunt. qui locus eſt, iudices, quod tempus, qui
dies, quæ nox, cum ego non ex iſtorum inſidijs ac-
mucronibus non ſolum meo, ſed multo etiam magis
diuino conſilio eripiar, atque euolem? neque iſti me
meo nomine interfici, ſed uigilantem conſulē de reip.
præſidio dimouere uolunt. nec minus uellent, Cato,
te quoque aliqua ratione, ſi poſſent, tollere: id quod,
mihi crede, & agunt, & moluntur. uident, quan-

x x tum

O R A T I O

tum in te sit animi, quantum ingenij, quantum auctoritatis, quantum reip. praesidij. sed cum consulari auctoritate, & auxilio spoliata uim tribuniciam uiderint; tum se facilius inermem, & debilitatum te oppressuros arbitrantur. nam, ne sufficiatur consul, non timent: uident in tuorum potestate collegarum fore: sperant sibi Silanum, clarum uirum, sine collega, te sine consule, remp. sine praesidio obijci posse. his tantis in rebus, tantisq. in periculis, est tuum, M. Cato, qui non mihi, non tibi, sed patriae natus es, uidere quid agatur, retinere adiutorem, defensorem, socium in rep. consulem non cupidum, consulem, quod maxime tempus hoc postulat, fortuna constitutum ad amplexandum otium, scientia ad bellum gerendum, animo, & usu ad quod uelis negotium. quanquam huiusce rei potestas omnis in uobis sita est, iudices: totam remp. uos in hac causa tenetis, uos gubernatis. si L. Catilina cum suo consilio nefariorum hominum, quos secum eduxit, hac de re posset iudicare, condemnaret L. Murænam: si interficere posset, occideret. petunt enim rationes illius, ut orbe tur auxilio resp. ut minuatur contra suum furorem imperatorum copia, ut maior facultas tribunis pl. detur, depulso aduersario, seditionis ac discordiae concitanda. idem ne igitur delecti amplissimis ex ordinibus honestissimi atque sapientissimi uiri iudicabunt, quod ille importunissimus gladiator, hostis reip. iudicaret? mihi credite, iudices, in hac causa non solum de L. Muræna, uerum etiam de uestra salute sententiam

tiam fe
est iam,
non solum
sed etiam
enim non
ssimum u
les, sine g
in illo sac
hostis est
mus, h
opprimat
toribus
turit, e
tandem
annum
sul, & i
do colleg

na Catil
banos re
in curia
tus, in
ferum
parant

tiam feretis . in discrimen extremum uenimus : nihil est iam , unde nos reficiamus , aut ubi lapsi resistamus . non solum minuenda non sunt auxilia , quæ habemus ; sed etiam noua , si fieri possit , comparanda . hostis est enim non apud Anienem , quod bello Punico grauissimum uisum est , sed in urbe , in foro , (dii immortales , sine gemitu hoc dici non potest) non nemo etiam in illo sacrario reip. in ipsa , inquam , curia non nemo hostis est . dii faxint , ut meus collega , uir fortissimus , hoc Catilinæ nefarium latrocinium armatus opprimat : ego togatus , uobis bonisq. omnibus adiutoribus , hoc , quod conceptum resp. periculum parit , consilio discutiam , & comprimam . sed quid tandem fiet , si hæc elapsa de manibus nostris in eum annum , qui consequitur , redundarint ? unus erit consul , & is non in administrando bello , sed in sufficiendo collega occupatus . hunc iam qui impedituri sint ,

Desunt non nulla.

illa pestis immanis , importuna Catilinæ prorumpet : quæ minatur , in agros suburbanos repente aduolabit : uersabitur in castris furor , in curia timor , in foro coniuratio , in campo exercitus , in agris uastitas : omni autem in sede , ac loco ferrum , flammamq. metuemus : quæ iam diu comparantur : eadem ista omnia , si ornata suis præsijs

xx 2 erit

ORATIO

erit resp. facile & magistratum consilijs, & priuatorum diligentia opprimuntur. Quæ cum ita sint, iudices, primum reip. causa, qua nulla res cuiquam potior debet esse, uos pro mea summa, & uobis cognita in remp. diligentia moneo, pro auctoritate consulari hortor, pro magnitudine periculi obtestor, ut otio, ut paci, ut saluti, ut uitæ uestræ, & ceterorum ciuium cōsulatis: deinde ego fidem uestram, uel defensoris, et amici officio adductus, oro, atque obsecro, iudices, ut ne hominis miseri, et cum corporis morbo, tum animi dolore confecti, L. Muræna recentem gratulationem noua lamentatione obruat. modo maximo beneficio populi R. ornatus, fortunatus uidebatur, quod primus in familiam ueterem, primus in municipium antiquissimum consulatum attulisset: nunc idem squalore sordidus, confectus morbo, lacrymis, ac merore perditus, uester est supplex, iudices, uestram fidem obtestatur, misericordiam implorat, uestram potestatem, ac uestras opes intuetur. nolite, per deos immortales, iudices hac eum re, qua se honestiorem fore putauit, etiam ceteris ante partis honestatibus, atque omni dignitate, fortunaque priuare. atque ita uos Muræna, iudices, orat, atque obsecrat: si iniuste neminem læsit; si nullius aures, uoluntatem ue uiolauit; si nemini, ut leuissime dicam, odio nec domi, nec militiæ fuit; sit apud uos modestiæ locus; sit demissis hominibus perfugium; sit auxilium pudori. misericordiam spoliatio consulatus magnam habere debet, iudices: una enim eripiuntur cum consulatu omnia. inuidiam ue-

ro his temporibus habere consulatus ipse nullam potest. obicitur enim concionibus seditiosorum, insidijs coniuratorum, telis Catilinæ: ad omne denique periculum, atque ad omnem inuidiam solus opponitur. quare, quid inuidendum Murænæ, aut cuiquam nostrum sit in hoc præclaro consulatu, non uideo, iudices: quæ uero miseranda sunt, ea & mihi ante oculos uersantur, & uos uidere, & perspicere potestis. Si, quod Iuppiter omen auertat, hunc uestris sententijs affligeritis, quò se miser uertet? domumne? ut eam imaginem clarissimi uiri parentis sui, quam paucis ante diebus laureatam in sua gratulatione conspexit, eandem deformatam ignominia, lugentemq. uideat? an ad matrem? quæ misera modo consulem osculata filium suum, nunc cruciatur, & sollicita est, ne eundem paullo post spoliatum omni dignitate conspiciat. sed quid ego matrem, aut domum appello? quem noua pœna legis & domo, & parente, & omnium suorum consuetudine, conspectuq. priuat. ibit igitur in exsilium miser? quò? ad orientis ne partes, in quibus annos multos legatus fuit, & exercitus duxit, & res maximas gessit? at habet magnum dolorem, unde cum honore decesseris, eodem cum ignominia reuerti. an se in contrariam partem terrarum abdet? ut Gallia transalpina, quem nuper summo cum imperio libentissime uiderit, eundem lugentem, mærentem, exsulem uideat? in ea porro prouincia quo animo C. Murænam fratrem suum adspiciet? qui huius dolor? qui illius

O R A T I O

maior erit? quæ utriusque lamentatio? quanta autem perturbatio fortunæ, atque sermonis? quod, quibus in locis, paucis ante diebus, factum esse consulem Muranum nuncij, litteræq. celebrassent, & unde hospites, atque amici gratulatum Romam concurrerint, repente eò accedat ipse nuncius suæ calamitatis. Quæ si acerba, si misera, si luctuosa sunt, si alienissima mansuetudine, & misericordia uestra, iudices; conseruate populi R. beneficium, reddite reip. consulem date hoc ipsum pudori, date patri mortuo, date generi, & familiæ, date etiam Lanuuium, municipio honestissimo, quod in hac causa frequens, maestumq. uidistis: nolite a sacris patrijs Iunonis sospitæ, cui omnes consules facere necesse est, domesticum, & suum consulem potissimum auellere. quem ego uobis, si quid habet aut momenti commendatio, aut auctoritatis confirmatio mea, consul consulem, iudices, ita commendo, ut cupidissimum otij, studiosissimum bonorum, acerrimum contra seditionem, fortissimum in bello, inimicissimum huic coniurationi, quæ nunc remp. labefactat, futurum esse promittam, & spondeam.

PRO L. FLACCO,
ORATIO XXIIII.

CUM in maximis periculis huius urbis,
atque imperij, grauissimo, atque acer-
bissimo reip. casu, socio, atque adiutore
consiliorum, periculorumq. meorum L.
Flacco cædem a uobis, coniugibus, liberis uestris,
uastitatem a templis, delubris, urbe, Italia depel-
lebam, sperabam, iudices, honorum potius L. Flac-
ci me adiutorem futurum, quàm miseriarum depre-
catorem. quod enim esset præmium dignitatis, quod
populus R. cum huius maioribus semper detulisset,
huic denegaret? cum L. Flaccus ueterem Valeriæ
gentis in liberanda patria laudem prope quingentesi-
mo anno reip. retulisset. sed si forte aliquando aut be-
nesicij huius obtreçtator, aut uirtutis hostis, aut lau-
dis inuidus extitisset; existimabam L. Flacco multi-
tudinis potius imperitæ; nullo tamen cum periculo,
quàm sapientissimorum & lectissimorum uirorum
iudicium esse subeundum. etenim quibus auctori-
bus, & defensoribus omnium tum salus esset non ci-
uium solum, uerum etiam gentium defensa, ac re-
tenta, neminem unquam putauì per eos ipsos pe-
riculum huius fortunis, atque insidias creaturum. quòd
si esset aliquando futurum; ut aliquis de L. Flacci
perniciæ cogitaret: nunquam tamen existimaui, iu-
dices, D. Lælium, optimi uiri filium, optima ip-
sum spe præditum, summæ dignitatis, eam susceptu

xx 4 rum

O R A T I O

rum accusationem, quæ sceleratorum ciuium potius odio, & furori, quàm ipsius uirtuti, atque instituta adolescentiæ conueniret. etenim cum a clarissimis iuris iustissimas inimicitias sæpe cum bene meritis ciuibus depositas esse uidissem, non sum arbitratus quenquam amicum reip. postea quàm L. Flacci amor in patriam perspectus esset, nouas huic inimicitias, nulla accepta iniuria, denunciaturum. sed quoniam, iudices, multanos & in nostris rebus, & in rep. fefellerunt: ferimus ea, quæ sunt ferenda: tantum a uobis petimus, ut omnia reip. subsidia, totum statum ciuitatis, omnem memoriam temporum prætorum, salutem præsentium, spem reliquorum in uestra potestate, in uestris sententijs, in hoc uno iudicio positam esse, & defixam putetis. si unquam resp. consilium, grauitatem, sapientiam, prouidentiam iudicum implorauit, hoc tempore, hoc, inquam, tempore implorat. non estis de Lydorū, aut Mysorum, aut Phrygum, qui huc compulsi concitatiq. uenerunt, sed de uestra rep. iudicaturi, de ciuitatis statu, de communi salute, de spe bonorum omnium, si qua reliqua est etiam nunc, quæ fortium ciuium mentes, cogitationesq. sustentet. omnia alia perfugia bonorum, præsidia innocentum, subsidia reip. consilia, auxilia, iura ceciderunt. quem enim alium appellem? quem obtester? quem implorem? senatum ne? at is ipse auxilium petit a uobis, & confirmationem auctoritatis suæ uestre potestati permissam esse sentit. an equites R. ? iudicabitis principes eius ordinis quinquagin

ta,

ta, quid
is quide
bis. qu
nos, in
litem ne
nuerim
mus. nif
gatur, ci
uidetis.
inferent
Catilina
penam
confidat
uit? soc
quid au
etent?
nium m
boni, du
conserua

tandem
in Cilici
quastor
bellum
summo

ta, quid cum omnibus senseritis . an populum R. ? at
is quidem omnem suam de bonis potestatem tradit vo
bis . quamobrem nisi hoc loco, nisi apud uos , nisi per
uos, iudices, non auctoritatem, quæ amissa est, sed sa
lutem nostram, quæ spe exigua extremaq. pendet, te
nuerimus : nihil est præterea, quò confugere possi
mus . nisi forte, quæ res hoc iudicio tentetur, quid a
gatur, cui causæ fundamenta iaciantur, iudices non
uidetis . damnatus est is, qui Catilinam, signa patriæ
inferentem, interemit . quid est causæ, cur non is, qui
Catilinam ex urbe repulit, pertimescat ? rapitur ad
pœnam, qui indicia communis exitij cepit : cur sibi
confidat is, qui ea proferenda, & patefacienda cura
uit ? socij consiliorum, ministri, comitesq. uexantur :
quid auctores, quid duces, quid principes sibi exspe
ctent ? atque utinam inimici nostri, ac bonorum om
nium mecum potius contendant, utrum tamen omnes
boni, duces nostri, an comites fuerint ad communem
conseruandam salutem *

Deest aliquid .

Hunc igitur uirum, Læli, quibus
tandem rebus oppugnas ? fuit P. Seruilio imperatore
in Cilicia tribunus mil. ea res filetur . fuit M. Pisoni
quæstor in Hispania : uox de quæstura nulla missa est.
bellum Cretense ex magna parte gessit, atque una cum
summo imperatore sustinuit : muta est huius temporis
accusatio.

ORATIO

accusatio. praturæ iurisdicção, res uaria, & multiplex ad suspiciones, & simultates, non attingitur: at uero in summo et periculossimo reip. tempore etiam ubi inimicis laudatur. At a testibus læditur. Ante quàm dico, a quibus, qua spe, qua re concitatis, qua leuitate, qua egestate, qua perfidia, qua audacia præditis, dicam de genere uniuerso, & de condicione omnium nostrum. Per deos immortales, iudices, uos, quo modo is, qui anno ante Romæ ius dixerat, anno post in Asia ius dixerit, a testibus quæretis ignotis, ipsi coniectura nihil iudicabitis? in tam uaria iurisdictione tam multa decreta, tot hominum gratiosorum læsæ uoluntates: quæ est unquam iacta non suspicio, quæ tamen solet esse falsa, sed iracundiæ uox, aut doloris? & is est reus auaritiæ, qui in uberrima re turpe compendium, in maledicentissima ciuitate, in suspiciosissimo negotio maledictum omne, non modo crimen, effugit. prætereo illa, quæ prætereûda non sunt; nullum huius in priuatis rebus factum, auarum, nullam in re pecuniaria contentionem, nullam in re familiaris sordem posse proferri. quibus igitur testibus ego hosce possum refutare, nisi uobis? Tmolites ille uicanus, homo non modo nobis, sed ne inter suos quidem notus, uos docebit qualis sit L. Flaccus? quem uos modestissimum adolescentem, prouinciæ maximæ sanctissimum uirum, nostri exercitus fortissimum militem, diligentissimum ducem, temperatissimum legatum, quæstoremquæ cognouerunt: quem uos præsentēs constantissimum senatorem, iustissimum prætorē,

ac

ac amari
uos alijs
dicitis? at
mune, Cr
me fidem
minibus a
rens fuit,
cum plus e
tiboni, do
non sunt;
uarijs de
co de toto
multarum
leporem
que etiam
monior
coluit; te
tas, quod
testimoni
norum pu
qui Græce
soleat, se
dentia dic
nunquam
fatori plu
quemadmo
admodum
M. Luer
pi iudici

ac amantissimum reip. ciuem iudicastis. de quibus
uos alijs testes esse debetis, de ijs ipsi alios testes au-
dietetis? at quos testes? primum dicam, id quod est com-
mune, Græcos: non quo nationi huic ego unus maxi-
me fidem derogem: nam si quis unquam de nostris ho-
minibus a genere isto, studio ac uoluntate non abhor-
rens fuit, me & esse arbitror, & magis etiam tum,
cum plus erat otij, fuisse: sed sunt in illo numero mul-
ti boni, docti, prudentes, qui ad hoc iudicium deducti
non sunt; multi imprudentes, illitterati, leues, quos
uarijs de caussis uideo concitatos. ueruntamen hoc di-
co de toto genere Græcorum. tribuo illis litteras: do-
multarum artium disciplinam: non adimo sermonis
leporem, ingeniorum acumen, dicendi copiam: deni-
que etiam, si qua sibi alia sumunt, non repugno: testi-
moniorum religionem, & fidem nunquam ista natio
coluit; totiusq. huiusce rei quæ sit uis, quæ auctori-
tas, quod pondus, ignorant. unde illud est, Da mihi
testimonium mutuum? num Gallorum, num Hispa-
norum putatur? totum istud Græcorum est: ut, etiam
qui Græce nesciunt, hoc quibus uerbis a Græcis dici
soleat, sciant. itaque uidete, quo uult u, qua confi-
dentia dicant: tum intelligetis, qua reli gione dicant.
nunquam nobis ad rogatum respondent, semper accu-
satori plus quàm ad rogatum: nunquam laborant,
quemadmodum probent, quod dicunt, sed quemad-
modum se explicent dicendo. Iratus Flacco dixit
M. Lurco, quòd, ut ipse aiebat, libertus erat eius tur-
pi iudicio condemnatus: nihil dixit, quod læderet
eum,

ORATIO

*cum, cum cuperet : impediēbat enim religio : tamen id, quod dixit, quanto cum pudore, quo tremore, & pallore dixit? Quā promptus homo P. Septimius? quā iratus de iudicio, & de uillico? tamen hæsita-
 bat; tamen eius iracundiæ religio non nunquam re-
 pugnat. Inimicus M. Cælius, quod cum in re ma-
 nifesta putasset nefas esse publicanum iudicare contra
 publicanum, sublatus erat e numero recuperatorum:
 tamen tenuit se, neque attulit in iudicium quidquam
 ad lædendum, nisi uoluntatem. hi si Græci fuissent;
 ac nisi nostri mores ac disciplina plus ualerent, quā
 dolor, ac simulas : omnes se spoliatos, uexatos, for-
 tunis euersos esse dixissent. Græcus testis cum ea uo-
 luntate processit, ut lædat, non iurisiurandi, sed læ-
 dendi uerba meditatatur. uinci, refelli, coargui, putat
 esse turpissimum : ad id se parat, nihil curat aliud :
 itaque non optimus quisque, nec grauissimus, sed im-
 pudentissimus, loquacissimusq. deligitur. uos autem
 in priuatis minimarum rerum iudicijs. testem diligen-
 ter expenditis : etiam si formam hominis, si nomen,
 si tribum nostis, mores tamen exquirendos putatis.
 qui autem dicit testimonium ex nostris hominibus, ut
 se ipse sustentat, ut omnia uerba moderatur, ut timet,
 ne quid cupide, ne quid iracunde, ne quid plus minus
 ue, quā sit necesse, dicat. num illos idem putatis?
 quibus iurandum, iocus est; testimonium, ludus;
 existimatio uestra, tenebræ; laus, merces, gratia,
 gratulatio proposita est omnis in impudenti menda-
 cio. sed non dilatabo orationem meam : etenim pos-
 set*

set esse in
 nij: dice
 dam: de
 cusatore
 ni genere
 bus fore m
 flammatio
 sationem a
 mitatuna
 iactura?
 quam ut
 reor, ne
 caussa,
 aut inu
 relinque
 ipsi audi
 niam, a
 rum inu
 quistion
 um omi
 torio iur
 sumus;
 butis pat
 Pompei
 contend
 rio, ut l
 auctori
 conficie
 minibi

set esse infinita, si mihi libeat totius gentis in testimo-
 nijs dicendis explicare uanitatem. sed propius acce-
 dam: de his nostris testibus dicam. Vehementem ac-
 cusatorem naſti ſumus, iudices, & inimicum in om-
 ni genere odioſum, ac moleſtum; quem ſpero his re-
 bus fore magno uſui & amicis, & reip. ſed certe in- *
 flammatuſ incredibili cupiditate hanc cauſſam accu-
 ſationemq. ſuſcepit. qui comitatuſ in inquirendo? co-
 mitatuſ dico? immo uero quantuſ exercituſ? quæ
 iactura? qui ſumptuſ? quanta largitio? quæ quan-
 quam utilia ſunt cauſſæ, timide tamen dico, quòd ue-
 reor, ne Læliuſ ex his rebus, quas ſibi ſuſcepit gloriæ
 cauſſa, putet aliquid oratione mea ſermonis in ſeſe,
 aut inuidiæ eſſe quæſituſ. itaque hanc partem totam
 relinquam: tantuſ a uobis petam iudices, ut, ſi quid
 ipſi audiſtis communi fama, atque ſermone de ui, de
 manu, de armis, de copijs, memineritis, quarum re-
 rum inuidia, lege hac recenti, ac noua, certuſ eſt in-
 quiſitioni comituſ numeruſ conſtitutuſ. Sed ut hanc
 uim omittam, quanta illa ſunt? quæ quoniam accuſa-
 torio iure, & more ſunt facta, reprehendere non poſ-
 ſumus; queri tamen cogimur: primum, quòd, diſtri-
 butis partibus, ſermo eſt tota Aſia diſſipatuſ, Cn.
 Pompeiuſ, quòd L. Flacco eſt uehementer inimicuſ,
 contendiffe a D. Lælio, paterno amico, ac perneceſſa-
 rio, ut hunc hoc iudicio arceſſeret, omnemq. ei ſuam
 auctoritatem, gratiam, copias, opes ad hoc negotiuſ
 conficienduſ detuliſſe. id hoc ueriſimiliuſ Græciſ ho-
 minibuſ uidebatur, quòd paullo ante in eadem prouin-
 cia

cia familiarem Lælium Flacco uiderant. Pompeij au-
tem auctoritas cum apud omnes tanta est, quanta esse
debet, tum excellit in ista prouincia, quam nuper &
prædonum, & regum bello liberauit. Adiunxit illa,
ut eos, qui domo exire nolebant, testimonij denuncia-
tione terreret; qui domi stare non poterant, largo &
liberali uiatico commoueret. sic adolescens ingenij
plenus locupletes metu, tenues præmio, stultos erro-
re permouit: sic sunt expressa ista præclara, quæ reci-
tantur, psephismata, non sententijs, neque auctori-
tibus declarata, nec iureiurando constricta, sed porri-
genda manu, profundendoq. clamore multitudinis
concitata. O morem præclarum, disciplinamque,
quam a maioribus accepimus, si quidem teneremus,
sed nescio quo pacto iam de manibus elabatur. nullam
illi nostri sapientissimi, & sanctissimi uiri uim concio-
nis esse uoluerunt. quæ scisceret plebs, aut quæ popu-
lus iuberet, summotâ concione, distributis partibus
tributim, & centuriatim, descriptis ordinibus, classi-
bus, ætatibus, auditis auctoribus, re multos dies pro-
mulgata, & cognita, iuberi, uetariq. uoluerunt.
Græcorum autem totæ resp. sedentis concionis teme-
ritate administrantur. itaque ut hanc Græciam, quæ
iam diu suis consilijs perculsa et afflictâ est, omittam:
illa uetus, quæ quondam opibus, imperio, gloria flo-
ruit, hoc uno malo concidit, libertate immoderata,
ac licentia concionum. cum in theatro imperiti homi-
nes; rerum omnium rudes, ignariq. confederant,
tum bella inutilia suscipiebant; tum seditiosos homi-
nes

nes reip-
mitate ei-
le non so-
nitebant,
putatis in-
nostras co-
que pertu-
putatis?
ras, qui i-
ta Lælio
Gracos
est. por-
testimon-
gitione
multitu-
bat, se
runt. he-
lia publi-
citata co-
est mihi
ne hæc te-
sto loco
comitatu-
cionem:
uerfent
tes, &
ta etiam
rios, at-
gotij co-

nes reip. præficiant; tum optime meritos ciues e ciuitate eijciebant. quòd si hæc Athenis tum, cum illæ non solum in Græcia, sed prope cunctis gentibus enitebant, accidere sunt solita: quam moderationem putatis in Phrygia, aut in Mysia concionum fuisse? nostras conciones illarum nationum homines plerumque perturbant: quid, cum soli sunt ipsi, tandem fieri putatis? cæsus est uirgis Cymæus ille Athenagoras, qui in fame frumentum exportare erat ausus: data Lælio concio est: processit ille, & Græcus apud Græcos non de culpa sua dixit, sed de pœna questus est. porrexerunt manus: psephisma natum est. hoc testimonium est? nuper epulati, paullo ante omni largitione saturati Pergameni, quod Mithridates, qui multitudinem illam non auctoritate, sed sagina tenebat, se uelle dixit, id sutores; & zonarij conclamarunt. hoc testimonium est ciuitatis? ego testes a Sicilia publice duxi: uerum erant ea testimonia non concitæ concionis, sed iurati senatus. quare iam non est mihi contentio cum teste: uobis uidendum est, sint ne hæc testimonia putanda. adolescens bonus, honesto loco natus, disertus, cum maximo ornatissimoq. comitatu uenit in oppidum Græcorum: postulat concionem: locupletes homines, & graues, ne sibi aduersentur, testimonij denunciatione deterret: egen-tes, & leues spe legationis, & uiatico publico, priuata etiam benignitate prolektat: opifices, & tabernarios, atque illam omnem faciem ciuitatum quid est negotij concitare? in eum præsertim, qui nuper summo

cum

ORATIO

cum imperio fuerit, summo autem in amore esse propter nomen ipsum imperij non potuerit. mirandum uero est, homines eos, quibus odio sunt nostræ secures, nomen acerbitati, scriptura, decumæ, portorium mortui, libenter arripere facultatem lædendi, quæcunque detur. mementote igitur, cum audietis psephismata, non audire uos testimonia, audire temeritatem uulgi, audire uocem leuissimi cuiusque, audire strepitum imperitorum, audire concionem concitatam leuissimæ nationis. itaque perscrutamini penitus naturam, rationemque criminum: iam nihil præter spem, nihil præter terrorem, ac minas reperietis.

Deesse uidentur non nulla.

In ærario nihil habent ciuitates, nihil in uectigalibus. duæ rationes conficiendæ pecuniæ, aut uersura, aut tributo. nec tabulæ creditoris proferuntur: nec tributi confectio ulla recitatur. quàm uero facile falsas rationes inferre, & in tabulas, quodcunque commodum est, referre soleant, ex Cn. Pompeij litteris ad Hypæsum, & Hypsæi ad Pompeium missis, quæso, cognoscite. LITTERAE POMPEII, ET HYPsÆI. Satis ne uobis coarguere his auctoribus dissolutam Græcorum consuetudinem, licentiamque impudentem uidemur?

demur? nisi forte, qui Cn. Pompeium, qui præsente,
qui nullo impellente fallebant, eos urgente Lælio in
absentem, & in L. Flaccum aut timidos fuisse, aut re-
ligiosos putamus. sed fuerint incorruptæ litteræ do-
mi: nunc uero quam habere auctoritatem, aut quam
fidem possunt? triduo lex ad prætorem deferri, iudicium
signis obsignari iubet: trigesimo die uix deferuntur.
ne corrumpi tabulæ facile possint, iccirco lex obsigna-
tas in publico poni uoluit: at obsignantur corruptæ.
quid refert igitur, tanto post ad iudices deferantur,
an omnino non deferantur? quid, si testium studium
cum accusatore sociatum est? tamē ne isti testes habe-
buntur? ubi est igitur illa expectatio, quæ uersari in
iudicijs solet? nam antea, cum dixerat accusator acri-
ter, & uehementer, cumq. defensor suppliciter, demis-
seq. responderat; tertius ille erat expectatus locus te-
stium; qui aut sine ullo studio dicebant, aut cum dis-
simulatione aliqua cupiditatis. hoc uero quid est? u-
na sedent, ex accusatorum subsellijs surgunt, non
dissimulant, non uerentur. de subsellijs queror? una
ex domo prodeunt: si uerbo titubauerint. quò reuer-
tantur, non habebunt. an quisquam esse testis potest,
quem accusator sine cura interroget; nec metuat, ne
sibi aliquid, quod ipse nolit, respondeat? ubi est igitur
illa laus oratoris, quæ uel in accusatore antea,
uel in patrono spectari solebat? bene testem interro-
gavit: callide accessit: reprehendit: quò uoluit, ad-
duxit: conuicit, & elinguem reddidit. Quid tu istum
roges, Læli, qui, prius quàm hoc, Te rogo, dixeris,

yy plura

O R A T I O

plura etiam effundet , quàm tu ei domi ante præscri-
 pseris? Quid ego autem defensor rogem? nam aut ora-
 tio testium refelli solet , aut uita lædi . qua disputatio-
 ne orationem refellam eius , qui dicit , Dedimus , ni-
 hil amplius ? in hominem dicendum est igitur , cum
 oratio argumentationem non habet . quid dicam in
 ignotum ? quærendum est ergo , & deplorandum , id
 quod iam dudum facio , de omni accusationis iniqui-
 tate , primum de communi genere testium : dicit enim
 natio minime in testimonijs dicendis religiosa . pro-
 pius accedo : nego esse ista testimonia , quæ tu ipse
 psephismata appellas , sed & fremitum egentium , &
 motum quendam temerarium Græculæ concionis . in-
 trabo etiam magis . qui gesfit , non adest : qui nume-
 rasse dicitur , non est deductus : priuata litteræ nullæ
 proferuntur , publicæ retentæ sunt in accusatorum po-
 testate : summa est in testibus : hi uiuunt cum inimi-
 cis , adsunt cum aduersarijs , habitant cum accusatori-
 bus . utrum hic tandem , disceptationem , & cognitio-
 nem ueritatis , an innocentie labem aliquam , aut
 ruinam fore putatis ? multa enim sunt eiusmodi , iudi-
 ces , ut , etiam si in homine ipso , de quo agitur , negli-
 genda sint , tamen in imitatione , atque in exemplo
 pertimescenda uideantur . si quem infimo loco natum ,
 nullo splendore uitæ , nulla commendatione famæ , de-
 fenderem : tamen ciuis ciuem a ciuibus communis hu-
 manitatis iure , ac misericordia deprecarer ; ne igno-
 tis testibus , ne incitatis , ne accusatoris confessoribus ,
 conuiuis , contubernalibus , ne hominibus leuitate
 Græcis ,

Græcis ,
 strum de
 reliquis
 res agat
 est , prim
 regibus e
 qua usque
 gestarum
 perenni
 non degra
 rere in g
 libertat
 go reo
 timesca
 commu
 non mo
 & obte
 oculis ,
 gione tes
 re expre
 cundia ,
 iam uni
 ad singu
 Classis n
 runtur .
 hoc crim
 rare ; at
 in eo ,
 cuius n

Græcis, crudelitate barbaris ciuem, ac supplicem uestrum dederetis; ne periculosam imitationem exempli reliquis in posterum proderetis. sed cum L. Flacci res agatur, cuius ex familia qui primus consul factus est, primus in hac ciuitate consul fuit; cuius uirtute regibus exterminatis, libertas in rep. constituta est; quæ usque ad hoc tempus honoribus, imperijs, rerum gestarum gloria continuata permansit; cumq. ab hac perenni, contestataq. uirtute maiorum non modo non degnerarit L. Flaccus, sed, id quod maxime florere in generis sui gloria uiderat, laudem patriæ in libertatem uindicandæ prætor adamauerit: in hoc ego reo ne quod perniciosum exemplum prodatur, per timeſcam? in quo, etiam si quid errasset, omnes boni conuiuendum esse arbitrarentur: quod quidem ego non modo non postulo, sed contra, iudices, uos oro, & obtestor, ut totam causam quam maxime intentis oculis, ut aiunt, acerrime contemplemini. nihil religionē testatum, nihil ueritate fundatum, nihil dolore expressum; contraq. omnia corrupta libidine, iracundia, studio, pretio, periurio reperientur. etenim, iam uniuerſa istorum cognita cupiditate, accedam ad singulas querelas, criminationesq. Græcorum. Classis nomine pecuniam ciuitatibus imperatam queruntur. quod nos factum, iudices, confitemur: sed si hoc crimen est; aut in eo est, quod non licuerit imperare; aut in eo, quod non opus fuerit nauibus; aut in eo, quod nulla hoc prætorē classis nauigarit. licuisse ut intelligas, cognosce quid me consule senatus

O R A T I O

tus decreuerit, cum quidem nihil a superioribus continuorum annorum decretis decesserit. SENATVS CONSVLTVM. proximum est ergo, ut, opus fuerit classe, nec ne, quæramus. utrum igitur, hoc Græci statuent, aut ullæ exteræ nationes, an uestri prætores, uestri duces, uestri imperatores? equidem existimo, in eiusmodi regione, atque prouincia, quæ mari cincta, portibus distincta, insulis circumdata esset, non solum præsidij, sed etiam ornandi imperij causa nauigandum fuisse. hæc enim ratio, ac magnitudo animorum in maioribus nostris fuit, ut, cum in priuatis rebus, suisque sumptibus minimo contenti, tenuissimo eultu uiuerent, in imperio, atque in publica dignitate omnia ad gloriam splendoremque reuocarent. queritur enim in re domestica continentiae laus, in publica dignitatis. Quod si etiam præsidij causa classem habuit: quis erit tam iniquus, qui reprehendat? nulli erant prædones: quid? nullos fore, quis præstare poterat? Minuis, inquit, gloriam Pompeij. Immo tu auges molestiam. ille enim classes prædonum, urbes, portus, receptacula sustulit; pacem maritimam summa uirtute, atque incredibili celeritate confecit: illud uero neque suscepit, neque suscipere debuit, ut, si qua uspiam nauicula prædonum apparuisset, accusandus uideretur. itaque ipse in Asia, cum omnia iam bella terra marique confecisset, classem tamen iisdem istis ciuitatibus imperauit. quod si tum statuit opus esse, cum ipsius præsentis nomine tuta omnia, & pacata esse poterant: quid,

cum

cum ille
& facit
Pompeij
mus, ut
tempore
bat, nos
ter & qu
no? non
bus, pec
tempore
enim gla
qui tum
tum est
se om
Cilicia
hil auc
stram;
tantur
urbes m
quod si
men h
enim, q
se. quid
huius e
tum leg
quo tu
apreda
remigi
occisus

cum ille decessisset, Flacco existimatis statuendum,
 & faciendum fuisse? Quid nos hic? non ne, ipso
 Pompeio auctore, Silano, & Muræna cos. decreui-
 mus, ut classis in Italia nauigaret? non ne eo ipso
 tempore, cum L. Flaccus in Asia remiges impera-
 bat, nos hic in mare superum & inferum sestertium
 ter & quadragies erogabamus? quid postremo an-
 no? non ne, M. Curio, & P. Sextilio quæstori-
 bus, pecunia in classem est erogata? quid? hoc omni
 tempore equites in ora maritima non fuerunt? illa est
 enim gloria diuina Pompeij; primum prædones eos,
 qui tum, cum illi bellum maritimum gerendum da-
 tum est, toto mari dispersi uagabantur, redactos es-
 se omnes in potestatem; deinde, Syriam esse nostram,
 Ciliciam teneri, Cyprum per Ptolemæum regem ni-
 hil audere; præterea, Cretam Metelli uirtute esse no-
 stram; nihil esse, unde profisciscantur, nihil quod reuer-
 tantur; omnes sinus, promontoria, litora, insulas,
 urbes maritimas claustris imperij nostri contineri.
 quod si Flacco prætore nemo in mari prædo fuisset, ta-
 men huius diligentia reprehendenda non esset. iccirco
 enim, quod hic classem habuisset, existimarem nõ fuis-
 se. quid, si L. Oppij, L. Agrij, C. Cestij, equitum R.
 huius etiam clarissimi uiri Cn. Domitij, qui in Asia
 tum legatus fuit, testimonio doceo, eo ipso tempore,
 quo tu ipse negas classem habendam fuisse, complures
 a prædonibus esse captos? tamen Flacci consilium in
 remigibus imperandis reprehendetur? quid, si etiam
 occisus est a piratis Adramitenus, homo nobilis, cu-

O R A T I O

ius est fere nobis omnibus nomen auditum; Athinas pugil Olympionices? hoc est apud Græcos (quoniam de eorum grauitate dicimus) prope maius, & gloriosius, quàm Romæ triumphasse. At neminem cepisti. Quàm multi oræ maritimæ clarissimi uiri præfuerunt, qui, cum prædonem nullum cepissent, mare tamen tutum præstiterunt? casus est enim in capiendo, locus, euentus, occasio: defendendi facilis est cautio, non solum latibulis occultorum locorum, sed etiam tempestatum moderatione, & conuersione. Reliquum est, ut quærat, utrum ista classis cursu, & remis, an sumptu tantum, & litteris nauigarit. num id igitur negari potest, cuius rei cuncta testis est Asia, bipertito classem distributam fuisse, ut una pars supra Ephesum, altera infra Ephesum nauigaret? hac classe M. Crassus, uir amplissimus, ab Hemo in Asiam, his nauibus Flaccus ex Asia in Macedoniam nauigauit. in quo igitur prætoris est diligentia requirenda? in numero nauium, & in descriptione æquabili sumptus? dimidium eius, quo Pompeius erat usus, imperauit: num potuit parcius? descripsit autem pecuniam ad Pompeij rationem, quæ fuit accommodata L. Syllæ descriptioni: qui cum omnes Asiæ ciuitates pro portione in prouincias descripsisset, illam rationem in imperando sumptu & Pompeius, & Flaccus secutus est: neque est adhuc tamen ea summa completa. non refert uero. quid lucretur? cum enim genus imperatæ pecuniæ suscipit, id, quod tu crimen esse uis, confitetur. qui igitur probari potest, in ea pecunia

pecunia non referenda crimen sibi ipsum facere, in qua crimen esset nullum, si referret? At enim negas fratrem meum, qui L. Flacco successerit, pecuniam ullam in remiges imperasse. Equidem Q. fratris mei laude delector, sed alijs magis grauioribus, atque maioribus. aliud quiddam statuit, aliud uidit. existimauit, quocunque tempore auditum quid esset de praedonibus, quam uellet subito, se classem comparaturum. denique hoc primus frater meus in Asia fecit, ut hoc sumptu remigum ciuitates leuaret: crimen autem tum uideri solet, cum aliquis sumptus instituit eos, qui antea non erant instituti, non cum successor aliquid immutat de institutis priorum. Flaccus, quid alij postea facturi essent, scire non poterat; quid fecissent, uidebat. sed quoniam de communi totius Asiae crimine dictum est; aggrediar iam ad singulas ciuitates: ex quibus sit sane nobis prima ciuitas Aemonensis. Citat praeco uoce maxima legatos Aemonenses. procedit unus Asclepiades. prodeant ceteri. etiam ne praekonem mentiri coegisti? est enim, credo, is uir iste, ut ciuitatis nomen sua auctoritate sustineat, damnatus turpissimis iudicijs domi, notatus literis publicis: cuius de probris, adulterijs, ac stupris extant Aemonensium litterae: quas ego non solum propter longitudinem, sed etiam propter turpissimam obsequitatem uerborum praetereundas puto. Dixit publice datum drachmarum CCVI. dixit tantum: nihil ostendit, nihil protulit: sed adiunxit id, quod certum, quoniam erat domesticum, docere debuit; se

yy 4 priua-

O R A T I O

privatim drachmas CCV dedisse: quantū sibi ablatum homo impudentissimos dicit, tantum nunquam est ausus, ut haberet, optare. ab A. Sextilio dicit se dedisse, & a suis fratribus. potuit dare Sextilius: nam fratres quidem consortes sunt mendicitatis. audiamus igitur Sextilium: fratres denique ipsi prodeant: quā uolent impudenter, mentiantur, &, quod nunquam habuerunt, dedisse se dicant: tamen aliquid fortasse coram producti dicent, in quo reprehendantur. Non deduxi, inquit, Sextilium. Cedo tabulas: non deportavi. fratres saltem exhibe: non denunciaui. quod ergo unus Asclepiades, fortuna egens, uita turpis, existimatione damnatus, impudentia, atque audacia fretus, sine tabulis, sine auctore legerit, id nos quasi crimen, aut testimonium pertimescamus? Idem laudationem, quam nos ab Aemonensibus Flacco datam proferebamus, falsam esse dicebat. cuius quidem laudationis iactura exoptanda nobis fuit. nam ut signum publicum inspexit praeclarus iste auctor suae ciuitatis; solere suos ciues, ceterosq. Gracos ex tempore, quod opus sit, obsignare dixit. tu uero tibi habeto istam laudationem. nec enim Aemonensium testimonio Flacci uita, & dignitas nititur. das enim mihi, quod haec causa maxime postulat, nullam grauitatem, nullam constantiam, nullum firmum in Graecis hominibus consilium, nullam denique esse testimonij fidem. nisi uero haftenus ista formula testimonij, atque orationis tuae describi, ac distingui potest, ut Flacco absenti aliquil ciuiates

uitates tribuisse dicantur, Lælio præsentî, per se agentî, uî legis, iure accusationis, opibus præterea suis terrentî, ac minanti, nihil temporis causa scripsisse, aut obsignasse uideantur. equidem in minimis rebus sæpe res magnas uidi, iudices, deprehendi, ac teneri, ut in hoc Asclepiade. hæc, quæ est a nobis prolata, laudatio obsignata erat creta illa Asiatica, quæ fere est omnibus nota nobis: qua utuntur omnes non modo in publicis, sed etiam in priuatis litteris, quas quotidie uidemus mitti a publicanis sæpe unicuique nostrum. neque enim testis ipse, signo inspecto, falsum nos proferre dixit, sed leuitatem totius Asiæ protulit; de qua nos & libenter, & facile concedimus. nostra igitur laudatio, quam ille temporis causa nobis datam dicit, datam quidem confitetur, consignata creta est: in illo autem testimonio, quod accusatori dicitur datum, ceram esse uidemus. Hic ego, iudices, si uos Aemonensium decretis, si ceterorum Phrygum litteris permoueri putarem; uociferarer, & quantum maxime possem, contenderem; testarer publicanos; excitarem negotiatores; uestram etiam conscientiam implorarem; ceram deprehensa, considerem totius testimonij fictam audaciam manifesto comprehensam, atque oppressam teneri. nunc uero non insultabo uehementius; nec uolitabo in hoc insolentius; neque in istum nugatorem, tanquam in aliquem testem, inuehar; neque in toto Aemonensium testimonio, siue hic confictum est, ut apparet, siue missum domo est, ut dicitur, commouebor. etenim quibus ego istam laudationem

ORATIO

dationem remittam, quoniam sunt, ut Asclepiades dicit, leues, horum testimonium non pertimescam. Venio nunc ad Dorylensium testimonium; qui produci tabulas se publicas ad speluncas perdidisse dixerunt. o pastores nescio quos cupidos litterarum, siquidem nihil istis præter litteras abstulerunt. sed aliud esse causæ suspicamur, ne forte isti parum uersuti esse uideantur. pœna est, ut opinor, Dorylæ grauior, quàm apud alios, falsarum, & corruptarum litterarum. si ueras protulissent, criminis nihil erat: si falsas, erat pœna. belissimum putarunt dicere, amissas. quiescant igitur, & me hoc in lucro ponere, atque aliud agere patiantur. non sinunt. supplet enim ille nescio qui, & priuatim dicit se dedisse. hoc uero ferri nullo modo potest. qui de tabulis publicis recitat, ijs, quæ in accusatoris potestate fuerunt, non debet habere auctoritatem. sed tamen iudicium fieri uidetur, cum tabulæ illæ ipsæ, cuiusquemodi sunt, proferuntur. cum uero is, quem nemo uestrum uidit unquam, nemo, qui mortalis esset, audiuit, tantum dicit, Dedi: dubitabitis, iudices, quin ab hoc ignotissimo Phryge nobilissimum ciuem uindicetis? atque huic eidem nuper tres equites R. honesti, & graues, cum in causâ liberali eum, qui asserebatur, cognatum suum esse diceret, non crediderunt. qui hoc euenit, ut, qui locuples testis doloris, & sanguinis sui non fuerit, idem sit grauis auctor iniuriæ publicæ? Atque hic Dorylensis nuper cum efferretur magna frequentia, confesûq. uestro, mortis illius inuidiam in Flaccum Lælius conferebat.

rebat . Facis iniuste, Leli, si putas nostro periculo uiuere tuos contubernales, praesertim quod tua negligentia factum arbitremur . homini enim Phrygi, qui arborem fici nunquam uidisset, fiscinam ficorum obieciisti : cuius mors te ex aliqua parte releuauit : edacem enim hospitem amisisti : Flacco uero quid profuit ? qui ualuit tam diu, dum huc prodiret : mortuus est aculeo iam dimisso, ac dicto testimonio . at istud columen actionis tuae Mithridates, postea quam biduum retentus testis a nobis, effudit, quae uoluit, omnia, reprehensus, conuictus, fractusque discessit : ambulat cum lorica : metuit homo doctus, & sapiens, ne L. Flaccus nunc se scelere alliget, cum iam testem illum effugere non possit : ut, qui ante dictum testimonium sibi temperarit, cum tamen aliquid assequi posset ; is nunc id agat, ut ad falsum auaritiae testimonium uerum maleficij crimen adiungat . Sed de hoc teste, totoque Mithridatico differuit subtiliter, & copiose Q. Hortensius ; nos, ut instituimus, ad reliqua pergamus . Caput est omnium Graecorum concitandorum, qui cum accusatoribus sedet, Heraclides ille Temnites, homo ineptus, & loquax, sed, ut sibi uidetur, ita doctus, ut etiam magistrum aliorum se esse dicat ; & qui ita sit ambitiosus, ut omnes uos, nosque, quotidie persalutet, Temni usque ad illam aetatem in senatum uenire non potuit : & qui se artem dicendi traditurum etiam ceteris profiteatur, ipse omnibus turpissimis iudicijs conuictus est . Pari felicitate una legatus uenit Nico medes : qui neque in senatum ulla condicione perueni

re

O R A T I O

re potuit, & furti, & pro socio damnatus est. Nam princeps legationis Lysanias adeptus est ordinem senatorium; sed cum remp. nimium amplecteretur, peculatus damnatus, & bona, & senatorium nomen amisit. Hi tres etiam ærarij nostri tabulas falsas esse uoluerunt: nam seruos nouem se professi sunt habere, cum omnino sine comite uenissent. Decreto scribendo primum uideo affuisse Lysaniam: cuius fratris bona, quod populo non soluebat, prætor Flacco publice uenerunt. Præterea Philippus est Lysaniæ gener, & Hermobius: cuius frater Poles item pecuniæ publicæ est condemnatus. dicunt se Flacco, & ijs, qui simul essent, drachmarum xv dedisse. cum ciuitate mihi res est acerrima, & conscientissima litterarum: in qua nummus moueri nullus potest sine quinque prætoribus, tribus quæstoribus, quattuor mensarijs, qui apud illos a populo creantur. ex hoc tanto numero deductus est nemo: & cum illam pecuniam nominatim Flacco datam referant, maiorem aliam, cum huic iisdem darent, in ædem sacram reficiendam se perscripsisse dicunt. quod minime conuenit. nam aut omnia occulte referenda fuerunt, aut aperte omnia. cum perscribunt nominatim Flacco, nihil timent, nihil uentur: cum operi publico referunt, iisdem homines subito eundem, quem contempserant, pertimescunt. si prætor dedit, ut est scriptum; a quæstore numerauit; quæstor a mensa publica; mensa aut ex uectigali, aut ex tributo. nunquam erit istud simile criminis, nisi mihi totam rationem omni & personarum genere,

&

& litterarum explicaris. Vel quod est in eodem decreto scriptum, homines clarissimos ciuitatis, amplissimos usos honoribus, hoc præatore circumuentos, cur hi neque in iudicio adsunt, neque in decreto nominantur? non enim credo significari isto loco illum, qui se erigit, Heraclidem. utrum enim in clarissimis est ciuibus is, quem iudicatum hic duxit Hermippus? qui hanc ipsam legationem, quam habet, non accepit a suis ciuibus, sed usque Tmolo petiuit: cui nullus honos in sua ciuitate habitus est unquam. res autem ea, quæ tenuissimis committebatur, huic una in uita commissa sola est. custos T. Aufidio præatore frumento publico est positus: pro quo cum a P. Varinio præatore pecuniâ accepisset, cælauit suos ciues, ultroq. ijs sumptum intulit. quod postea quàm Temni litteris a P. Varinio missis cognitū, atque patefactum est; cumq. eadem de re Cn. Lentulus, qui censor fuit, Temnitarum patronus litteras misisset: Heraclidem istum Temni nemo postea uidit. atque ut eius impudentiam perspicere possitis, caussam ipsam, quæ leuissimi hominis animum in Flaccum incitauit, quæso cognoscite. Fundum Cymæum Romæ mercatus est de pupillo Meculonio, cum uerbis se locupletem faceret, haberet nihil, præter illam impudentiam, quam uidetis: pecuniam sumpsit mutuam a Sex. Schola, iudice hoc nostro, primario uiro, qui & rem agnoscit, neque hominem ignorat: qui tamen credidit P. Fuluij Nerati, lectissimi hominis, fidei. is, cum solueret, sumpsit a C. & M. Fuffiis, equitibus R. primarijs uiris. hic hercule

O R A T I O

hercule cornici oculum, ut dicitur. nam hunc Hermippum, hominem eruditum, ciuem suum, cui debebat esse notissimus, percussit: eius enim fide sumpsit a Fusiis. securus Hermippus Temnum proficiscitur, cum iste se pecuniam, quam huius fide sumpserat, a discipulis suis diceret Fusiis persoluturum: habebat enim rhetor iste adolescētes quosdam locupletes, quos dimidio redderet stultiores, quā acceperat, ubi nihil possent discere nisi ignorantiam litterarum: neminem quidem adeo insatuare potuit, ut ei nummum ullum crederet: itaque cum Roma clam esset profectus, multosq. minutis mutationibus fraudauisset, in Asiam uenit, Hermippoq. percontanti de nomine Fusiano, respondet se omnem pecuniam Fusiis persoluisse. interim, neque ita longo interuallo, libertus a Fusiis cum litteris ad Hermippum uenit: pecunia petitur ab Hermippo: Hermippus ab Heraclide petit: ipse tamen Fusiis satisfacit absentibus, et fidem suam liberat: hunc aestuantem, & tergiuersantem iudicio ille persequitur: a recuperatoribus caussa cognoscitur. Nolite existimare, iudices, non unam & eandem omnibus in locis esse fraudatorum, & infitiatorum impudentiam: fecit eadem omnia, quae nostri debitores solent: negauit sese omnino uersuram ullam fecisse Romae: Fusiorum se affirmauit nunquam omnino nomen audisse: Hermippum uero ipsum pudentissimum, atque optimum uirum, ueterem amicum, atque hospitem meum, splendidissimum, atque ornatissimum ciuitatis suae, probris omnibus maledictisq. mal edictis

uexauit . sed cum se homo uolubilis quadam præci-
 piti celeritate dicendi in illa oratione iactaret , repen-
 te , testimonijs Fusiorum nominibusq. recitatis , ho-
 mo audacissimus pertimuit , loquacissimus obmu-
 tuit : itaque recuperatores contra istum rem minime
 dubiam prima actione iudicauerunt . cum iudicatum
 non faceret , additus Hermippo , & ab hoc ductus est .
 Habetis & honestatem hominis , & auctoritatem te-
 stimonij , & causam omnem simultatis . Atque is ab
 Hermippo missus , cum ei pauca mancipia uendidisset ,
 Romam se contulit : deinde in Asiam redijt , cum
 iam frater meus Flacco successisset : ad quem adijt ,
 causamq. ita detulit , recuperatores , ui Flacci co-
 actos , & metu , falsum inuitos iudicauisse . frater meus
 pro sua æquitate , prudentiaq. decreuit , ut , si iudica-
 tum negaret , in duplum iret ; si metu coactos diceret ,
 haberet eosdem recuperatores . recusauit , & , quasi
 nihil esset actum , nihil iudicatum , ab Hermippo ibi-
 dem mancipia , quæ ipse ei uendiderat , petere cœpit .
 M. Gratidius legatus , ad quem est aditum , actionem
 se daturum negauit : re iudicata stari ostendit placere .
 iterum iste , cui nullus esset usquam consistendi locus ,
 Romam se retulit : persequitur Hermippus , qui nun-
 quam istius impudentiæ cessit : petit Heraclides a C.
 Plotio senatore , uiro primario , qui legatus in Asia
 fuerat , mancipia quædam , quæ se , cum iudicatum es-
 set , per uim uendidisse dicebat . Q. Naso , uir orna-
 tissimus , qui prætor fuerat , iudex sumitur . qui cum
 sententiam secundum Plotium se dicturum ostende-
 ret ,

O R A T I O

ret, ab eo iudice abiret; & quod iudicium lege non erat, causam totam reliquit. Satis ne uobis iudices, uideor ad singulos testes accedere; neque, ut primo con-
 flitueram, tantummodo cum uniuerso genere con-
 fligere? Venio ad Lysaniam eiusdem ciuitatis, peculia-
 rem tuum, Deciane, testem. quem tu cum ephorum
 Temni cognosses, quia tum te nudus delectarat, sem-
 per nudum esse uoluisti. abduxisti Temno Apolloni-
 dem: pecuniam adolescentulo grandi fenore, fiducia
 tamen accepta, occupauisti: hanc fiduciam commis-
 sam tibi tenes hodie, ac possides. eum tu testem spe re-
 cuperandi fundi paterni uenire ad testimonium dicen-
 dum coegisti: qui quoniam testimonium dixit, quid-
 * nam sit dicturus, exspecto. noui genus hominum, no-
 ui consuetudinem, noui libidinem: itaque etsi teneo,
 quid sit dicere paratus, nihil tamen contra disputabo
 prius, quam dixerit. totum enim conuertet, atque
 alia finget. quamobrem & ille seruet, quod parauit:
 & ego me ad id, quod attulerit, integrum conserua-
 bo. Venio nunc ad eam ciuitatem, in quam ego mul-
 ta, & magna studia, & officia contuli, & quam meus
 frater in primis colit, atque diligit. quae si ciuitas per
 uiros bonos, grauesque homines querelas ad nos detu-
 lisset; paullo commouerer magis: nunc uero quid pu-
 tem? Trallianos Maendrio causam commisisse, ho-
 mini egenti sordido, sine honore, sine existimatione,
 sine censu? ubi erant illi Pythodorus, & Lepison? ce-
 teri homines apud nos noti, inter suos nobiles? ubi il-
 la magnifica, & gloriosa ostentatio ciuitatis? non ne
 esset

esset puditum, si hanc causam agerem seuerē, non modo legatum, sed Trallianum omnino dici Mæandrium? huic illi legato, huic publico testi, patronum suum iam inde a patre, atque maioribus, L. Flaccum mactandum ciuitatis testimonio tradidissent? non est ita, iudices, non est profecto. uidi ego in quodam iudicio nuper Philodorum testem Trallianum, uidi Parrhasium, uidi Archidemum, cum quidem idem hic mihi Mæandrius quasi ministrator aderat, subiiciens, quid in suos ciues, ciuitatemq̃, si uellem, dicerem: nihil enim illo homine leuius, nihil egentius, nihil iniquius. quare si hunc habent auctorem Tralliani doloris sui, si hunc custodem litterarum, si hunc testem iniuriæ, si hunc actorem querelarum; remittant spiritus; comprimant animos suos; sedent arrogantiam; fateantur in Mæandrij persona esse expressam faciem ciuitatis: sin istum semper illi ipsi domi preterendum esse, & conculcandum putauerunt; desinant putare auctoritatem esse in eo testimonio, cuius auctor inuentus est nemo. sed exponam, quid in re sit, ut, quamobrem ista ciuitas neque seuerē Flaccum oppugnarit, neque benigne defenderit, scire possitis. Erat ei Castriciano nomine irata, de quo toto respondit Hortensius: inuita soluerat Castricio pecuniam iam diu debitam: hinc totum odium, hinc omnis offensio. quod cum uenisset Lælius ad iratos, & illud Castricianum uulnus dicendo refrenauisset; siluerunt principes, neque in illa concione assuerunt, neque ipsius decreti ac testimonij auctores esse uoluerunt. usque eò

ζζ orba

O R A T I O

orba fuit ab optimatibus illa concio, ut princeps principum esset Meandrius: cuius lingua, quasi flabello seditionis, illa tum est egentium concio uentilata. itaque ciuitatis prudentis, ut ego semper existimaui, & grauis, ut ipsi existimari uolunt, iustum dolorem, querelasq. cognoscite. Quae pecunia fuerit apud se Flacci patris nomine collata a ciuitatibus, hanc a se esse ablatam queruntur. Alio loco queram, quid licuerit Flacco: nunc tantum a Trallianis requiro, quam pecuniam a se ablatam queruntur, suam ne dicant, sibi a ciuitatibus collatam in usum suum. cupio audire. non, inquit, hoc dicimus. quid igitur? delatam ad nos, creditam nobis L. Flacci patris nomine ad eius dies festos, atque ludos. quid tum? hac te, inquit, capere non licuit. iam id uidero: sed primum illud te nebo. queritur grauis, locuples, ornata ciuitas, quod non retinet alienum: spoliata se dicit, quod id non habet, quod eius non fuit. quid hoc impudentius dici aut fingi potest? delectum est oppidum, quo in oppido uno pecunia a tota Asia ad honores L. Flacci poneretur. hac pecunia ab honoribus translata in questum, & fenerationem, recuperata est multis post annis. quae ciuitati facta est iniuria? At moleste fert ciuitas. Credo: amissum est enim praeter spem, quod erat spe deuoratum lucrum. At queritur. Impudenter facit: non enim omnia, quae dolemus, eadem iure queri possumus. At accusat uerbis grauissimis. Non ciuitas, sed imperiti homines, a Meandrio concitati. quo loco etiam nunc atque etiam facite ut recorde-

recordemini, quæ sit temeritas multitudinis, quæ le-
 uitas propria Græcorum, quid in concione seditiosa
 ualeat oratio. hic, in hac grauissima & moderatissi-
 ma ciuitate, cum est forum plenum iudiciorum, ple-
 num magistratum, plenum optimorum uirorum,
 & ciuium; cum speculatur atque obsidet Rostra uin-
 dex temeritatis, & moderatrix officij curia; tamen
 quantos fluctus excitari concionum uidetis? quid uos
 fieri censetis Trallibus? an id, quod Pergami? nisi
 forte hæc ciuitates existimari uolunt, facilius una se
 epistola Mithridatis moueri impelliq. potuisse, ut a-
 micitiam populi R. fidem suam, iura omnia officij, hu-
 manitatisq. uiolarent, quàm ut filium testimonio læ-
 derent, cuius patrem armis pellendum a suis mœni-
 bus censuissent. quare nolite mihi ista nomina ciuita-
 tum nobilium opponere. quos enim hostes hæc fami-
 lia contempsit, nunquam eosdem testes pertimescet.
 uobis autem est confitendum, si consilijs principum
 uestre ciuitates reguntur, non multitudinis teme-
 ritate, sed optimatum consilio bellum ab istis ciuita-
 tibus cum populo R. esse susceptum. sin ille tum mo-
 tus est temeritate imperitorum excitatus: patiamini
 me delicta uulgi a publica causa separare. At e-
 nim istam pecuniam huic capere non licuit. Vtrum
 multis, patri Flacco licuisse, nec ne? si licuit, sicu-
 ti certe licuit; ad eius honores collatam, ex qui-
 bus ipse nihil capiebat, patris pecuniam recte ab-
 stulit filius. si non licuit; tamen, illo mortuo, non mo-
 do filius, sed qui uis heres rectissime potuit auferre.

O R A T I O

actum quidem Tralliani, cum ipsi graui fenore istam pecuniam multos annos occupauissent, a Flacco tamen omnia, quæ uoluerunt, impetrauerunt: neque tam fuerunt impudentes, ut id, quod Lælius dixit, dicere auderent, hanc eis pecuniam abstulisse Mithridatem. quis enim erat, qui non sciret in ornan- dis studiosiorem Mithridatem, quàm in spoliandis Trallianis fuisse? quæ quidem a me si, ut dicenda sunt, dicerentur; grauius agerem, iudices, quàm adhuc egi, quantam Asiaticis testibus fidem habere uos conueniret: reuocarem animos uestros ad Mithridatici belli memoriam, ad illam uniuerforum ciuium R. per tot urbes uno puncto temporis miseram crudelemq. cædem; prætores nostros deditos, legatos in uincula coniectos, nominis prope Romani memoriam cum uestigio imperij non modo ex ædibus Græcorum, uerum etiam ex litteris esse deletam. Mithridatem demum, illum patrem, illum conseruatorem Asiæ, illum Euhyum, Dionysium, Bacchum, Liberum nominabant. unum atque idem erat tempus, cum L. Flacco consuli portas tota Asia claudebat, Cappadocem autem illum non modo recipiebat suis urbibus, uerum etiam ultro uocabat. liceat hæc nobis, si obliuisci non possumus, at tacere: liceat mihi potius de leuitate Græcorum queri, quàm de crudelitate. auctoritatem isti habeant apud eos, quos esse omnino noluerunt: nam, quoscun- que potuerunt togatos, interemerunt; nomen ciuium R. quantum in ipsis fuit, sustulerunt. in hac i-

gitur

gitur urbe se iactent, quam oderunt, apud eos, quos inuiti uident; in ea rep. ad quam opprimendam non animus eis, sed uires defuerunt: adspiciant hunc florem legatorum, laudatorumq. Flacci ex uera, atque integra Græcia: tum se ipsi expendant: tum cum his se comparent: tum, si audebunt, dignitati horum opponant suam. adsunt Athenienses, unde humanitas, doctrina, religio, fruges, iura, leges ortæ, atque in omnes terras distributæ putantur: de quorum urbis positione, propter pulchritudinem, etiam inter deos certamen fuisse proditum est: quæ uetustate ea est, ut ipsa ex sese suos ciues genuisse dicatur, & eorum eadem terra parens, altrix, patria dicatur; auctoritate autem tanta est, ut iam fractum prope, ac debilitatum Græciæ nomen huius urbis laude nitatur. adsunt Lacedæmonij: cuius ciuitatis spectata, ac nobilitata uirtus non solum natura corroborata, uerum etiam disciplina putatur: qui soli toto orbe terrarum septingentos iam annos amplius unis moribus, & nunquam mutatis legibus uiuunt. adsunt ex Achaia cuncta multi legati, Bæotia, Thessalia: quibus locis nuper legatus L. Flaccus, imperatore Metello, præfuit. neque uero te Massilia prætereo, quæ L. Flaccum militem quæstoremque cognosti: cuius ego ciuitatis disciplinam, atque grauitatem non solum Græciæ, sed haud scio an cunctis gentibus antepondam iure dicam. quæ, tam procul a Græcorum omnium regionibus, disciplinis, linguaque diuisa, cum in ultimis terris, cuncta Gallorum gentibus, barbariæ

O R A T I O

fluctibus alluatur, sic optimatum consilio gubernatur, ut omnes eius instituta laudare facilius possint, quàm emulari. hisce utitur laudatoribus Flaccus, his innocentiae testibus; ut Græcorum cupiditati Græcorum auxilio resistamus. quanquam quis ignorat, qui modo unquam mediocriter res istas scire curauit, quin tria Græcorum genera sint uere? quorum uni sunt Athenienses, quæ gens Ionum habebatur: Aeoles alteri, Dores tertij nominabantur. atque hæc cuncta Græcia, quæ gloria, quæ doctrina, quæ plurimis artibus, quæ etiam imperio & bellica laude floruit, paruum quendam locum, ut scitis, Europæ tenet, semperque tenuit: Asiæ maritimam oram, bello superatam, cinxit urbibus, non ut munitam colonijs illam augeret, sed ut obsessam teneret. quamobrem, quæso a uobis, Asiatici testes; ut, cum uere recordari uoletis, quantum auctoritatis in iudiciũ afferatis, uosmet ipsi describatis Asiam; nec, quid alienigenæ de uobis loqui soleant, sed quid uosmet ipsi de genere uestro statuatis, meminere. nanque, ut opinor, Asia uestra constat ex Phrygia, Mysia, Caria, Lydia. utrum igitur nostrum est, an uestrum hoc uetus prouerbum, Phrygem plagis fieri solere meliorem? quid de tota Caria? non ne hoc uestra uoce uulgatum est, si quid cum periculo experiri uelis, in Caria id potissimum esse faciendum? quid porro in Græco sermone tam tritum, atque celebratum est, quàm, si quis despiciatui ducitur; ut Mysorum ultimus esse dicatur? nam quid ego dicam de Lydia? quis unquam

unquam Græcus comædiam scripsit, in qua seruus primarum partium non Lydus esset? quamobrem quæ uobis fit iniuria, si statuimus uestro nobis iudicio standum esse de uobis? equidem mihi iam satis superq. dixisse uideor de Asiatico genere testium: sed tamen uestrum est, iudices, omnia, quæ dici possunt in hominum leuitatem, inconstantiam, cupiditatem, etiam si a me minus dicuntur, uestris animis, & cogitatione comprehendere. Sequitur auri illa inuidia Iudaici. hoc nimirum est illud, quod non longe a gradibus Aurelijs hæc caussa dicitur, ob hoc crimen hic locus abs te, Læli, atque illa turba quæsita est. scis, quanta sit manus, quanta concordia, quantum ualeat in concionibus. sic summissa uoce agam, tantum ut iudices audiant. neque enim desunt, qui istos in me, atque optimum quenque incitent: quos ego, quod id facilius faciant, non adiuuabo. cum aurum Iudeorum nomine quotannis ex Italia, & ex omnibus uestris provincijs Hierosolymâ exportari soleret, Flaccus sanxit edicto, ne ex Asia exportari liceret. quis est, iudices, qui non hoc uere laudare possit? exportari aurum non oportere, cum saepe antea senatus, tum me consule grauissime iudicauit. huic autem barbaræ superstitioni resistere, seueritatis; multitudinem Iudeorum flagrantem non nunquam in concionibus pro rep. contemnere, grauitatis summæ fuit. At Cn. Pompeius, captis Hierosolymis, uictor ex illo fano nihil attigit. In primis hoc, ut multa alia, sapienter. in tam suspiciosa, ac maledica ciuitate lo-

O R A T I O

cum sermoni obtrectatorum non reliquit. non enim credo religionem & Iudæorum, & hostium impedimento præstantissimo imperatori, sed pudorem fuisse. ubi ergo crimen est? quoniam quidem furtum nusquā reprehendis, edictum probas, iudicatum fateris, quæsitum, & probatum palam non negas, actum esse per viros primarios res ipsa declarat. Apameæ manifeste comprehensum, ante pedes prætoris in foro expensum est auri pondo centum paullo minus per Sex. Cesium, equitem R. castissimum hominem, atque integerrimum: Laodiceæ uiginti pondo paullo amplius per hunc ipsum L. Peducæum, iudicem nostrum: Adrymeti per Cn. Domitium legatum. Pergami nō multum auri ratio constat: aurū in ærario est: furtum non reprehenditur: inuidia quæritur, a iudicibus oratio auertitur, uox in coronam turbamq. effunditur. sua cuique ciuitati religio, Læli, est, nostra nobis. stantibus Hierosolymis, pacatisq. Iudæis, tamen istorum religio sacrorum a splendore huius imperij, grauitate nominis nostri, maiorum institutis abhorrebat: nunc uero hoc magis, quod illa gens, quid de imperio nostro sentiret, ostendit armis; quā cara dijs immortalibus esset, docuit, quod est uieta, quod elocata, quod seruata. quamobrem, quoniam, quod crimen esse uoluisti, id totum uides in laudem esse conuersum, ueniamus iam ad ciuium R. querelas: ex quibus sit sane prima Deciani. Quid tibi tandem, Deciane, iniuriæ factum est? negotiaris in libera ciuitate. primum patere me esse curiosum: quousque negotiari?

tiabere? præsertim cum sis isto loco natus. annos iam triginta in foro uersaris, sed tamen Pergameno. longo interuallo, si quando tibi peregrinari commodum est, Romam uenis: affers faciem nouam, nomen uetus, purpuram Tyriam. in qua tibi inuideo, quod unis uestimentis tam diu lautus es. uerum esto, negotiari libet: cur non Pergami, Smyrnæ, Trallibus? ubi & multi ciues R. sunt, & ius a nostro magistratu dicitur. otium te delectat: lites, turba, prætor odio est: Græcorum libertate gaudes. cur ergo unus tu Apollonidenses, amantissimos populi R. fidelissimos socios, miseriore habes, quam aut Mithridates, aut etiam pater tuus habuit unquam? cur his per te frui libertate sua, cur denique esse liberis non licet? homines sunt tota ex Asia frugalissimi, sanctissimi, a Græcorum luxuria & leuitate remotissimi, patresfamilias suo contenti, aratores, rusticani: agros habent & natura perbonos, & diligentia culturaq. meliores. in hisce agris tu prædia habere uoluisti. omnino mallet, & magis erat tuum, si iam te crassi agri delectabant, hic alicubi in Crustumino, aut in Capenati parauisses: uerum esto: Catonis est dictum, pedibus compensari pecuniam. longe omnino a Tiberi ad Caicum; quo in loco etiam Agamemnon cum exercitu errasset, nisi ducem Telephum inuenisset. sed concedo id quoque: placuit oppidum: regio delectauit: emissæ. Amyntas est, genere, honore, existimatione, pecunia princeps illius ciuitatis: huius socrum, mulierem imbecilli consilij, satis locupletem, pellexit Decianus

cianus ad sese: & cum illa, quid ageretur, nesciret, in possessione prædiorum eius familiam suam collocavit: uxorem abduxit ab Amynta prægnantem; quæ peperit apud Decianum filiam; hodieq. apud Decianum est & uxor Amyntæ, & filia. Num quid harum rerum a me fingitur, Deciane? sciunt hæc omnes nobiles, sciunt boni uiri, sciunt denique nostri homines, sciunt mediocres negotiatores. exurge Amynta: repete a Deciano non pecuniam, non prædia: socrum denique sibi habeat, restituat uxorem, reddat misero patri filiam: nam membra, quæ debilitavit lapidibus, fustibus, ferro; manus, quas contudit; digitos, quos confregit; nervos, quos concidit, restituere non potest: filiam, filiam, inquam, ærumnoso patri, Deciane, redde. Hæc Flacco non probasse te miraris? cui, quæso, tandem probasti? emptiones falsas, prædiorum proscriptiones cum mulierculis aperta circumscriptio ne fecisti. tutor his rebus Græcorum legibus adscribendus fuit: Polemocratem scripsisti, mercenarium, & administrum consiliorum tuorum. adductus est in iudicium Polemocrates de dolo malo, & de fraudatione huius ipsius tutelæ nomine. qui concursus ex oppidis finitimis undique? qui dolor animorum? quæ querela? condemnatus est Polemocrates sententijs omnibus: irritæ uenditiones, irritæ proscriptiones. non restituis: defers ad Pergamenos, ut illi reciperent in suas litteras publicas præclaras proscriptiones, & emptiones tuas. repudiant, reiiciunt: at qui homines? Pergameni, laudatores tui. ita enim mihi gloriari uisus

sus es laudatione Pergamenorum, quasi honorem maiorum tuorum assecutus esses: & hoc te superiorem esse putabas, quàm Lælium, quòd te ciuitas Pergamena laudaret. num honestior est ciuitas Pergamena, quàm Smyrnæ? at ne ipsi quidem dicunt. uellem tantum habere otij, ut possem recitare psephisma Smyræorum, quod fecerunt in Castricium mortuum: primum, ut in oppidum introferretur; quod alijs non conceditur: deinde, ut ferrent ephebi: postremo, ut imponeretur aurea corona mortuo. hæc P. Scipioni, clarissimo uiro, cum esset Pergami mortuus, facta nò sunt. at Castricium, quibus uerbis dii immortales, decus patriæ, ornamentum populi Romani, florem iuuentutis appellant. quare, Deciane, si cupidus es gloriæ, alia ornàmèta cèseo quæras: Pergameni te deriserunt. quid? tu ludi te non intelligebas? cum tibi hæc uerba recitabant, clarissimum uirum, præstantissima sapientia, singulari ingenio; mihi crede, ludebant; cum uero coronam auream litteris imponebant, re uera non plus aurum tibi, quàm monedulæ, committebant; ne tum quidem hominum uenustatem, & facetias perspicere potuisti? isti igitur, isti Pergameni per-
scriptiones, quas tu afferebas, repudiauerunt. P. Orbis, homo & prudens, & innocens, contra te omnia decreuit. in P. Globulum, meum necessarium, fuisti gratiosior: utinam neque ipsum, neque me pæniteret. Flaccum incuria decreuissent ueridicas. adiungis causas inimicitiarum, quòd patri L. Flacci, ædilicuri, pater tuus, tribunus pl. diem dixerit. at
idstu

istud nec ipsi quidem patri Flacci ualde molestum esse debuit; praesertim cum ille, cui dies dicta est, praetor postea factus sit, & consul; ille, qui diem dixit, non potuerit priuatus in ciuitate consistere. sed si iustas inimicitias putabas; cur, cum tribunus militum Flaccus esset, in eius legione miles fuisti, cum tibi per leges militares effugere liceret iniquitatem tribuni? cur autem praetor te, inimicum paternum, in consiliu uocauit? quae quidem quam sancte solita sint obseruari, scitis omnes. nunc accusamur ab ijs, qui in consilio nobis fuerunt. Decreuit Flaccus. num aliud, atque oportuit? in liberos: num aliter, ac censuit senatus? in absentem decreuit: cum ibidem esses, cum prodire nolles. non est hoc in absentem reum. SENATVS CONSVLTVM, ET DECRETVM FLACCI. quid, si non decreuisset, sed edixisset, quis posset uere reprehendere? num etiam fratris mei litteras, plenissimas humanitatis, & aequitatis, reprehensurus? quas eadem mulieres a me datas apud Pataranos requisuit. Recita litteras Q. Ciceronis. Quid? haec Apollonidenses, occasione facta, ad Flaccum non detulerunt? apud Orbium acta non sunt? ad Globulum delata non sunt? ad senatum nostrum, me consule, non ne legati Apollonidenses omnia postulata de iniurijs unius Deciani detulerunt? ad haec, praedia etiam in censu dedicauisti: mitto, quod aliena; mitto, quod possessa per uim; mitto, quod conuicta ab Apollonidensibus; mitto, quod a Pergamenis repudiata; mitto etiam, quod a nostris magistratibus in integram restituta; mitto

mitto, quod nullo in iure, neque in re, neque possessione tua: illud quero, sint ne ista prædia censui censendo? habeant ius ciuile? sint, nec ne sint, mancipi? subsignari apud ærarium, apud censorem possint? in quatribus denique ista prædia censuisti? commisisti, si tempus aliquod grauius accidisset, ut ex iisdem prædijs, & Apolloniæ, & Romæ imperatum, esset tributum. uerum esto: gloriosus fuisti: uoluisti magnum agri modum censer, & eius agri, qui diuidi plebi Romanæ non potest. census es præterea numeratæ pecuniæ CXXX. eam opinor tibi numeratam non esse abs te. sed hæc omitto. census es mancipia Amyntæ: neque huic ullam in eo fecisti iniuriã: possidet enim ea mancipia Amyntas. ac primo quidem pertimuit, cum te audisset seruos suos esse censum: retulit ad iurisconsultos. constabat inter omnes, si aliena censendo Decianus sua facere posset, eum maxima habiturum esse.

Desunt non nulla.

Habetis causam inimicitiarum, qua causâ inflammatus Decianus ad Lælium detulerit hanc opimam accusationem. nam ita questus est Lælius, cum de perfidia

fidia Deciani diceret : Qui mihi auctor fuit , qui causam ad me detulit , quem ego sum secutus ; is a Flacco corruptus est , is me deseruit , ac prodidit . Siccine tu auctor tandem eum , cui tu in consilio fuisses , apud quem omnes gradus dignitatis tuæ retinuisses , prudentissimum hominem , nobilissima familia natum , optime de rep. meritum , in discrimen omnium fortunarum uocauiſti ? scilicet defendam Decianum , qui tibi in suspicionem nullo suo delicto uenit . non est , mihi crede , corruptus . quid enim fuit , quod ab eo redimeretur ? ut duceret iudicium ? cui sex horas omnino lex dedit . quantum tandem ex his horis detraberet , si tibi morem gerere uoluisset ? nimirum illud est , quod ipse suspicatur . inuidisti ingenio subscriptoris tui . quod ornabat facile locum , quem prehenderat , & acute testes interrogabat , aut circumueniebat , (fortasse fecisti , & tu & populi sermo ne exciperes) iccirco Decianum usque ad coronam applicuisti . sed ut hoc uerisimile est , ita haud uerisimile , Decianum a Flacco esse corruptum . Ita scitote , iudices , esse cetera : uel quod ait Lucceius , L . Flaccum sibi dare cupisse , ut a fide se abduceret , sestertium uicies . & eum tu accusas auaritiæ , quem dicis sestertium uicies uoluisse perdere ? nam quid emebat , cum te emebat ? ut ad se transires ? quam partem causæ tibi daremus ? an ut enunciares consilia Lælij ? qui testes ab eo prodirent ? quid ? nos non uidebamus habitare una ? quis hoc nescit ? tabulas in Lælij potestate fuisse , non dubium est . An , ne uehementer , ne copiose accusares ?

nunc

nunc facis suspicionem. ita enim dixisti, ut nescio quid abs te impetratum esse uideatur. At enim Androni Sextilio grauis iniuria facta est, & non serēda, quōd, cum esset uxor Valeria intestato mortua, sic egit eam rem Flaccus, quasi ad ipsum hereditas pertineret. in quo quid reprehendas, scire cupio: quōd falsum intenderit? qui doctus? ingenua, inquit, fuit. operitum iuris hominem. quid? ab ingenuis mulieribus hereditates lege non ueniunt? in manum, inquit, conuenierat. nunc audio: sed quæro, usu, an coemptione. usu non potuit: nihil enim potest de tutela legitima sine omnium tutorum auctoritate diminui. coemptione? omnibus ergo auctoribus: in quibus certe Flaccum fuisse non dices. Relinquitur illud, quod uociferari non destitit, non debuisse, cum prætor esset, suum negotium agere, aut mentionem facere hereditatis. Maximas audio tibi, L. Luculle, qui de L. Flacco sententiam laturus es, pro tua eximia liberalitate, maximisq. beneficijs in tuos, uenisse hereditates, cum Asiam prouinciam consulari imperio obtineres. si quis eas suas esse dixisset, concessisses? tu T. Vetti, si qua tibi in Africa uenerit hereditas, usu amittes; an tuum, nulla auaritia, salua dignitate, retinebis? At istius hereditatis iam Globulo prætore Flacci nomine petita possessio est. non igitur impressio, non occasio, non uis, non tempus, non imperium, non secures ad iniuriam faciendam Flacci animum impulerunt. itaque eodem etiam M. Lurco, uir optimus, meus familiaris, conuertit aculeum testimonij sui: negauit, a
priuato

181 O R A T I O

priuato pecuniam in prouincia prætorem petere oportere. cur tandem M. Lurco non oportet? eripere, ex torquere, accipere contra leges non oportet: petere non oportere, nunquam ostendes, nisi docueris non licere. an legationes sumere liberas exigendi causa, sicut & tu ipse nuper, & multi uiri boni sæpe fecerunt, rectum est; quod ego non reprehendo, socios uideo queri: prætorem, si hereditatem in prouincia non reliquerit, non solum reprehendendum, uerum etiam condemnandum putas? Doti, inquit, Valeria pecuniam omnem suam dixerat. Nihil istorum explicari potest, nisi ostenderis, illam in tutela Flacci non fuisse. si fuit: quæcunque sine hoc auctore est dicta dos, nulla est. sed tamen Lurconem, quanquam pro sua dignitate moderatus est in testimonio dicendo religioni suæ, tamen iratum Flacco esse uidistis. neque enim occultauit causam iracundiæ suæ, neque reticendam putauit: questus est libertum suum a Flacco prætore esse damnatum. o condiciones miseras administrandarum prouinciarum: in quibus diligentia plena simultatum est, negligentia uituperationum; ubi seueritas periculosa est, liberalitas ingrata; sermo insidiosus, assentatio perniciofa; frons omnium familiaris multorum animus iratus; iracundiæ occultæ, blanditiæ apertæ: uenientes prætores expectant, presentibus inseruiunt, abeuntes deserunt. sed omittamus que relas; ne nostrum consilium in omittendis prouincijs laudare uideamur. Litteras misit de uillico P. Septimij, hominis ornati; qui uillicus cædem fecerat. Septimium

miū ardentem iracundia uidere potuistis. In Lurconis libertum iudicium ex edicto dedit. hostis est Lurco. quid igitur? hominum gratiosorum, splendorumq. libertis fuit Asia tradenda? an simulates nescio quas cum libertis uestris Flaccus exercuit? an uobis in uestris uestrorumq. causis seueritas odio est, eādem laudatis cum de nobis iudicatis? At iste Andro, spoliatus bonis, ut dicitis, ad dicendum testimonium non uenit. quid, si ueniat? decisionis arbiter C. Cæcilius fuit, quo splendore uir, qua fide, qua religione? obsignator C. Sextilius, Lurconis sororis filius, homo & pudens, & constans, et grauis. si uis erat, si fraus, si metus, si circumscriptio; quis pactiōem fieri, quis adesse istos coegit? quid, si ista omnis pecunia huic adolescentulo L. Flacco reddita est? si petita? si redacta? si per hunc Antiochum, paternum huius adolescentis libertum, seni illi Flacco probatissimum? uidemur ne non solum auaritiæ crimen effugere, sed etiam liberalitatis laudem assequi singularem? communem enim hereditatem, quæ æqualiter ad utrumque lege uenisset, concessit adolescenti propinquo suo, nihil ipse attigit de Valerianis bonis: quod statuerat facere, adductus huius pudore, & non amplissimis patrimonij copijs, id non solum fecit, sed etiam prolixè, cumulatèq. fecit. ex quo intelligi debet eum, contra leges pecunias non cepisse, qui tam fuerit in hereditate concedenda liberalis. At Falcidianum crimen ingens. talenta quinquaginta se Flacco dicit dedisse. Audiamus hominem: non adest. quo modo igitur dicit? epistolam

Aa mater

O R A T I O

mater eius profert, & alteram soror. scriptum ad se dicunt esse ab illo, tantam pecuniam Flacco datam. ergo is, qui si arram tenens iuraret, crederet nemo; per epistolam, quod uolet, iniuratus probabit? at qui uir? quàm non amicus suis ciuibus? qui patrimonium satis lautum, quod hic nobiscum conficere potuit, Græcorum conuiuijs maluit dissipare. quid attinuit relinquere hanc urbem? libertate tam præclara carere? adire periculum nauigandi? quasi bona commesse Romæ non liceret. nunc denique materculæ suæ festiuus filius, aniculæ minime suspiciosa, purgat se per epistolam, ut eam pecuniam, quam consecerat, non consumpsisse, sed Flacco dedisse uideatur. at fructus isti Trallianorum Globulo prætoris uenierant: Falcidius emerat HS DCCCC. si dat tantam pecuniam Flacco, nempe iccirco dat, ut rata sit emptio: emit igitur aliquid, quod certe multo pluris esset: dat de lucro, nihil detrahit de uiuo: minus igitur lucri facit. cur Albanum uenire iubet? cur matri præterea blanditur? cur epistolis & sororis, & matris imbecillitatem aucupatur? postremo cur non audimus ipsum? retinetur, credo, in prouincia. mater negat. uenisset, inquit, si esset denunciatum. tu certe coegisses, si ullum firmamentum in illo teste posuisses. sed hominem ab negotio abducere noluiſti: magnum erat ei certamen propositum, magna cum Græcis contentio: qui tamen, ut opinor, iacent uicti: nam iste unus totam Asiam magnitudine poculorum, bibendoq: superauit. sed tamen quis tibi, Læli, de epistolis istis

istis indicauit? mulieres negant se scire. quis? is ipse? igitur ille tibi, se ad matrem, & sororem scripsisse, narrauit? an etiam scripsit hortatu tuo? at uero M. Aebutium, constantissimum, & prudentissimum hominem, Falcidij affinem, nihil interrogas? nihil eius generum, pari fide præditum, C. Manlium? qui profecto de tanta pecunia, si esset data, nihil audisse non possent. his tu igitur epistolis, Deciane, recitatis, his mulierculis productis, illo absente auctore laudato, tantum te crimen probaturum putasti? præsertim cum ipse, non deducendo Falcidium, iudicium feceris, plus falsam epistolam habituram ponderis, quam ipsius præsentis fictam uocem, & simulatum dolorem. Sed quid ego de epistolis Falcidij, aut de Androne Sextilio, aut de Deciani censu tam diu disputo, postulo, de salute omnium nostrum, de fortunis ciuitatis, de summa reip. taceo? quam uos uniuersam in hoc iudicio uestris humeris, uestris, inquam, humeris, iudices, sustinetis. uidetis, in quo motu temporum, quanta in conuersione rerum, ac perturbatione uersamur. cum alia multa certi homines, tum hoc uel maxime moliuntur, ut uestre quoque mentes, uestra iudicia, uestra sententiæ optimo cuique infestissimæ, atque inimicissimæ reperiantur. graua iudicia pro reip. dignitate, multa de coniuratorum scelere fecistis. non putant satis conuersam remp. nisi in eandem impiorum pœnam optime meritos ciues detruserint. oppressus est C. Antonius. esto: habuit quandam ille infamiam suam: neque tamen ille ipse, pro meo iure

Aa 2 dico,

dico, uobis iudicibus damnatus esset; cuius damnationis sepulcrum L. Catilinæ floribus ornatum, hominum audacissimorum, ac domesticorum hostium conuentu epulisq. celebratum est. iusta Catilinæ facta sunt. nunc a Flacco Lentuli pænæ per uos expetuntur. quam potestis P. Lentulo, qui uos, in complexu liberorum coniugumq. uestrarum trucidatos, incendio patriæ sepelire conatus est, mactare uictimam gratiorem, quàm si L. Flacci sanguine illius nefariû in omnes nos odium saturaueritis? litemus igitur Lentulo; parentemus Cethego; reuocemus eiectos; nimia pietatis, & summi amoris in patriam uicissim nos pœnas, si ita dijs placet, sufferamus. nos iam ab iudicibus nominamur: in nos crimina finguntur: nobis pericula comparantur. quæ si per alios agerent; si denique per populi nomen ciuium imperitorum multitudinem concitassent: æquiore animo ferre possemus: illud uero ferri non potest, quòd per senatores, & per equites R. qui hæc omnia pro salute omnium communi consilio, una mente, atque uirtute gesserunt, harum rerum auctores, duces, principes spoliari omnibus fortunis, ac de ciuitate expelli posse arbitrantur. etenim populi R. perspiciunt mentem, & uoluntatem: omnibus rebus, quibus potest, populus R. significat, quid sentiat: nulla uarietas est inter homines opinionis, nulla uoluntatis, nulla sermonis. quare, si quis illuc me uocat, uenio: populum R. disceptatorem non modo non recuso, sed etiam depono. uis absit; ferrum, ac lapides remoueantur; operæ faceessant; seruitia

seruitia sileant : nemo erit tam iniustus , qui me audierit , sit modo liber , & ciuis , quin potius de præmijs meis , quàm de pœna , cogitandum putet . O dij immortales . quid hoc miseriùs ? nos , qui P. Lentulo ferrum & flammam de manibus extorsimus , imperitæ multitudinis iudicio confidimus , lectissimorum ciuium , & amplissimorum sententias pertimescimus .
 N. Aquillium patres nostri , multis auaritiæ criminibus , testimonijsq. conuictum , quia cum fugitiuis fortiter bellum gesserat , iudicio liberauerunt . consul ego nuper defendi C. Pisonem : qui quia consul fortis , constansq. fuerat , incolumis est reip. conseruatus . defendi item consul L. Murænam consulem designatum : nemo illorum iudicum , clarissimis uiris accusantibus , audiendum sibi de ambitu putauit ; cum , bellum iam gerente Catilina , omnes me auctore duos consules kalendis Ian. scirent esse oportere . innocens , & bonus uir , & omnibus rebus ornatus , bis hoc anno , me defendente , absolutus est A. Thermus . quanta reip. caussa letitia populi R. quanta gratulatio consecuta est ? semper graues , & sapientes iudices in rebus iudicandis , quid utilitas ciuitatis , quid communis salus , quid reip. tempora poscerent , cogitauerunt . Cum tabella uobis dabitur , iudices , non de Flacco dabitur solum , dabitur de ducibus auctorisq. conseruandæ ciuitatis , dabitur de ducibus , auctorisq. conseruandæ ciuitatis , dabitur de bonis omnibus , dabitur de uobismet ipsis , dabitur de liberis uestris , de uita , de patria , de salute com-

Aa 3 muni.

O R A T I O

muni . non iudicatis in hac caussa de exteris nationi-
 bus, non de socijs : de uobis, ac de uestra rep. indica-
 tis . quòd si prouinciarum uos ratio magis mouet, quàm
 uestra : ego uero non modo non recuso, sed etiam postu-
 lo, ut prouinciarum auctoritate moueamini . etenim
 opponemus Asiae prouinciæ primum magnam par-
 tem eiusdem prouinciæ, quæ pro huius periculis lega-
 tos, laudatoresq. misit ; deinde prouinciam Galliam,
 prouinciam Ciliciam, prouinciam Hispaniam, prouin-
 ciam Cretam . Græcis autem Lydis, & Phrygibus,
 & Mysis, obsistent Massilienses, Rhodij, Lacedæmo-
 nij, Athenienses, cuncta Achaia, Thessalia, Bæo-
 tia . Septimio, & Cælio testibus P . Seruilius, & Q .
 Metellus, huius pudoris, integritatisq. testes, repu-
 gnabunt . Asiaticæ iurisdictioni urbana iurisdictione re-
 spondebit . annui temporis criminationem omnis æ-
 tas L . Flacci, & perpetua uita defendet . & si pro-
 deesse L . Flacco, iudices, debet, quòd se tribunum mi-
 litum, quòd quæstorem, quòd legatum imperatoribus
 clarissimis, exercitibus ornatissimis, prouincijs gra-
 uissimis dignum suis maioribus præstitit : pro-
 fit, quòd hic, uobis uidentibus, in periculis communibus om-
 nium uestrum sua pericula cum meis coniunxit : pro-
 sint honestissimorum municipiorum, coloniarumq. lau-
 dationes : pro-
 fit etiam senatus, populiq. R . præclara
 & uera laudatio . Onox illa, quæ pæne æternas huic
 urbi tenebras attulisti, cum Galli ad bellum, Catilina
 ad urbem, coniurati ad ferrum, & flammam uoca-
 bantur ; cum ego te, Flacce, cælum, noctemq. conte-
 stans,

flans, flens flentem obtestabar; cum tuæ fidei optimæ
 & spectatissimæ salutem urbis & ciuium commenda-
 bum. tu, tu, Flacce, prætor communis exitij nuncios
 cepisti: tu inclusam in litteris reip. pestem deprehen-
 disti: tu periculorum indicia, tu salutis auxilia ad me,
 & ad senatum attulisti. quæ tibi tum gratiæ sunt a
 mea & quæ ab senatu? quæ a bonis omnibus? quis
 tili, quis C. Pontinio, fortissimo uiro, quenquam bo-
 num putaret unquam non salutem, uerum honorem ul-
 lum denegaturum? O non illæ Decembres, quæ me
 consule fuistis: quem ego diem uere natalem huius ur-
 bs, aut certe salutarem appellare possum. o nox illa,
 quam iste est dies consecutus, fausta huic urbi; mise-
 rum me, metuo ne funesta nobis. qui tum animus L.
 Flacci? (nihil dicam de me) qui amor in patriam?
 quæ uirtus? quæ grauitas extitit? sed quid ea comme-
 noro, quæ tum, cum agebantur, uno cōsensu omnium,
 una uoce populi R. uno orbis terræ testimonium in cæ-
 lum laudibus efferebantur? nunc uerbor, ne non modo
 non profint, uerum etiam aliquid obsint. etenim mul-
 to acriorem improborum interdum memoriam esse
 serio, quàm bonorum. ego te, si quid grauius accide-
 rit ego te, inquam, Flacce prodidero. mea dextra il-
 la, nea fides, mea promissa, cum te, si remp. conser-
 uarmus, omnium bonorum præsidio, quoad uiueres,
 non nodo munitum, sed etiam ornatum fore pollice-
 bar outaui, speraui, etiam si honos noster uobis uilior
 fuisset, salutem certe caram futuram. at L. Flaccum
 quidam, iudices, si, quod dii immortales omen auer-

Aa 4 tant,

tant, grauis iniuria afflixerit, nunquam tamen pro-
 spexisse uestræ salutis, consuluisse uobis, liberis, coniu-
 gibus, fortunis uestris pænitebit: semper ita sentiet,
 talem se animum et generis dignitati, et pietati suæ,
 et patriæ debuisse: uos ne pæniteat tali ciui nō pepr-
 cisse, per deos immortales, iudices, prouidete. quo-
 tus enim quisque est, qui hanc in rep. sectam sequa-
 tur? qui uobis, qui uestri similibus placere cupiat?
 qui optimi, atque amplissimi cuiusque hominis, atque
 ordinis auctoritatem magni putet? cum illam uiam sibi
 uideant expeditiorem ad honores, & ad omnia,
 quæ concupiuerunt. sed cetera sint eorum: sibi habeant
 potentiam, sibi honores, sibi ceterorum commodorum
 summas facultates: liceat ijs, qui hæc salua esse uo-
 luerunt, ipsis esse saluis. nolite, iudices, existimare
 eos, quibus integrum est, qui non dum ad honores ac-
 cesserunt, non expectare huius exitum iudicij. si L.
 Flacco tantus amor in bonos omnes, tantum in rep.
 studium calamitati fuerit; quem post hac tam amen-
 tem fore putatis, qui non illam uiam uitæ, quam ant
 præcipitem, & lubricam esse ducebat, huic planæ,
 & stabili, præponendam esse arbitretur? quod si te-
 lium ciuium uos, iudices, tædet, ostendite: mutabit
 sententiam, qui potuerint: constituent, quid agan,
 quibus integrum est: nos, qui iam progressi sumus,
 hunc exitum nostræ temeritatis feremus. sin hoc ai-
 mo quâ plurimos esse uultis; declarabitis hoc iudicio,
 quid sentiatis. huic, huic misero puero, uestro ac ibe-
 rorum uestrorum supplici, iudices, hoc iudicio uiuam-
 di

di praecepta dabit. cui si patrem conseruatis; qualis ipse debeat esse ciuis, praescribetis: sin eripitis, ostendetis bonae rationi, et constanti, & graui nullum a uobis fructum esse propositum: qui uos, quoniam est id aetatis, ut sensum iam percipere possit ex maerore patrio, auxiliu non dum patri ferre possit, orat, ne suu luctum patris lacrymis, patris maerorem suo fletu augeatis: qui etiam me intuetur, me uultu appellat, me am quodam modo flens fidem implorat, ac repetit ea, quam ego patri suo quodam pro salute patriae sponderim, dignitatem, miseremini familiae, iudices, miseremini fortissimi patris, miseremini filij: nomen clarissimum, & fortissimum, uel generis, uel uetustatis, uel hominis causa, reip. reseruate.

PRO P. SYLLA.

ORATIO XXV.

MAXIME uellem, iudices, ut P. Sylla & antea dignitatis suae splendorem obtinere, & post calamitatem acceptam modestiae fructum aliquem potuisset percipere. sed quoniam ita tulit casus infestus, ut amplissimo in honore cum communi ambitionis inuidia, tum singulari Autronij odio euerteretur; & in his pristinae fortunae reliquijs miseris, & afflictis, tamen haberet quosdam, quorum animos ne supplicio quidem suo satiare posset: quanquam ex huius incommodis magnam animo molestiam capio, tamen, in ceteris

ORATIO

ceteris malis, facile patior oblatum mihi tempus, in quo boni uiri lenitatem meam, misericordiamque, non tam omnibus quondam, nunc quasi intermissam agnoscerent; improbi, ac perditiciues, edomiti, atque uicti, præcipitante rep. uehementem me fuisse, atque fortem, conseruata mitem, ac misericordem faterentur. & quoniam L. Torquatus, meus familiaris, ac necessarius, iudices, existimauit, si nostram in accusatione sua necessitatem, familiaritatemque uiolasset, aliquid se de auctoritate meæ defensionis posse detrachere: cum huius periculi propulsatione coniungam defensionem officij mei. quo quidem genere non uterer orationis, iudices, hoc tempore, si mea solum interesset: multis enim mihi locis & data facultas, & sæpe dabitur de mea laude dicendi. sed ut ille, iudices, quantum de mea auctoritate diripuisset, tantum se de huius præsidij diminuturum sperauit: sic hoc ego sentio, si mei facti rationem uobis, constantiamque huius officij ac defensione probauero, causam quoque me P. Syllæ probaturum. Ac primum abs te illud, L. Torquate, quæro, cur mea ceteris clarissimis uiris, ac principibus ciuitatis in hoc officio, atque in hoc defensionis iure secernas. quid enim est, quamobrem abs te Q. Hortensii factum, clarissimi uiri, atque ornatissimi ciuis, non reprehendatur, reprehendatur meum? nam si initum est consilium a P. Sylla inflammandæ ciuitatis, huius extinguendi imperij, delendæ urbis; mihi maiorem hæc res dolorem, quam Q. Hortensio, mihi maior

ius

ius odium afferre debet? meum denique grauius esse iudicium, qui adiuuandus in his caussis, qui oppugnandus, qui defendendus, qui deferendus esse uideatur? ita, inquit: tu enim inuestigasti, tu patefecisti coniurationem. quod cum dicit, non attendit, eum, qui patefecerit, hoc curasse, ut id omnes uiderent, quod antea fuisset occultum. quare ista coniuratio si patefacta per me est, tam patet Hortensio, quam mihi. quem cum uideas, honore hoc, auctoritate, uirtute, consilio præditum, non dubitasse, quin innocentem P. Syllam defenderet; quæro, cur, qui aditus ad causam Hortensio patuerit, mihi interclusus esse debuerit. Quæro illud etiam, si me, qui defendo, reprehendendum putas esse; quid tandem existimes de his summis uiris, & clarissimis ciuibus, quorum studio & dignitate celebrari hoc iudicium, & ornari, causam defendi huius innocentis uides. non enim una est ratio defensionis ea, quæ posita est in oratione: omnes, qui adsunt, qui laborant, qui saluum uolunt, pro sua parte, atque auctoritate defendunt. an uero, in quibus subsellijs hæc ornamenta, ac lumina reip. uiderem, in his me appare re nollem, quorum ego opera illum in locum, atque in hanc celsissimam sedem dignitatis, atque honoris, multis meis ac magnis laboribus, & periculis ascendissem? Atque ut intelligas, Torquate, quem accuses; si te id offendit, quod ego, qui hoc genere quæstionis defenderim neminem, non desim P. Syllæ; recordare de ceteris, quos adesse huic uides: intelliges, & de hoc,

hoc, & de ceteris iudicium meum & horum par at-
que unum fuisse. quis nostrum adfuit Vargunteio?
nemo: ne hic quidem Q. Hortensius, præsertim qui il-
lum solus antea de ambitu defendisset: non enim iam
se ullo officio cum illo coniunctum arbitrabatur, cum
ille, tanto scelere commisso, omnium officiorum socie-
tatem diremisset. Quis nostrum Ser. Syllam, quis
P. Lentulum, quis M. Lacam, quis C. Cornelium
defendendum putauit? quis his horum adfuit? nemo.
quid ita? quia ceteris in causis etiam nocentes, uiri
boni, si necessarij sunt, non defendendos esse non pu-
tant: in hoc crimine non solum leuitatis est culpa, ue-
rum etiam quædam contagio sceleris, si defendas eum,
quem obstrictum esse patriæ suspicere. Quid Autro-
nio non ne sodales, non collegæ sui, non ueteres ami-
ci, quorum ille copia quondam abundarat, non hi om-
nes, qui sunt in rep. principes, defuerunt? immo etiã
testimonio plerique læserunt. statuerant tantum illud
esse maleficium, quod non modo non occultari per se,
sed etiam aperiri, illustrariq. deberet. Quamobrem
quid est, quod mirere, si cum ijsdem me in hac caus-
sa uides adesse, cum quibus in ceteris intelligis absuis-
se? nisi uero me unum uis ferum præter ceteros, me
asperum, me inhumanum existimari, me singulari
immanitate, & crudelitate præditum. hanc mihi tu
si propter res meas gestas imponis in omni uita mea
personam, Torquate; uehementer erras. me na-
tura misericordem, patriæ seuerum, crudelem nec
patriæ, nec natura esse uoluit. denique istam ipsam
pe rso-

personam uehementem, & acrem, quam mihi tum
tempus, & resp. imposuit, iam uoluntas, & natu-
ra ipsa detraxit. illa enim ad breue tempus seuerita-
tem postulauit, hac in omni uita misericordiam, le-
nitatemq. desiderat. quare nihil est, quod ex tanto
comitatu uirorum amplissimorum me unum abstra-
has. simplex officium, atque una est omnium bono-
rum caussa. nihil erit, quod admirare posthac, si
in ea parte, in qua hos animaduuerteris, me uide-
bis. nulla est enim in rep. caussa mea propria: tem-
pus agendi fuit magis mihi proprium, quam ceteris;
doloris uero, & timoris, & periculi fuit illa caus-
sa communis. neque enim princeps tunc ad salutem
esse potuissem, si esse alij comites noluissem. quare
necesse est, quod mihi consuli præcipuum fuit præter
alios, id iam priuato cum ceteris esse commune. ne-
que ego hoc partiendæ inuidiæ, sed communicandæ
laudis caussa loquor. oneris mei partem nemini imper-
tio, gloriæ bonis omnibus. In Autronium testimoniū
dixisti, inquit: Syllam defendis. Hoc totum eiusmo-
di est, iudices, ut, si ego sim inconstans, ac leuis, nec te
stimonio fidem tribui conuenerit, nec defensionis au-
thoritatem: sin est in me ratio reip. religio priuati of-
ficij, studium retinendæ uoluntatis bonorum; ni-
hil minus accusator debet dicere, quam a me defen-
di Syllam, testimonio læsum esse Autronium. ui-
deor enim non solum studium ad defendendas caus-
as, uerum opinionis aliquid, & auctoritatis af-
ferre: qua & moderate ego utar, iudices, & omnino

non

O R A T I O

non uterer, si ille me non coegisset. Duae coniurationes abs te, Torquate, constituuntur, una, quæ Lepido, & Tullo cos. patre tuo consule designato, facta esse dicitur; altera, quæ me consule. harum in utraque Syllam dicis fuisse. Patris tui, fortissimi uiri, atque optimi consulis, scis me consilijs non interfuisse: scis me, cum mihi summus tecum usus esset, tamen illorum expertem temporum, & sermonum fuisse: credo, quòd non dum penitus in rep. uersabar, quòd non dum ad propositum mihi finem honoris perueneram, quòd mea me ambitio, & forensis labor ab omni illa cogitatione abstrahebat. quis ergo intererat uestris consilijs? omnes hi, quos uides huic adesse, & in primis Q. Hortensius: qui cum propter honorem, ac dignitatem, atque animum eximium in rep. tum propter summam familiaritatem, summumq. amorem in patrem tuum, tum communibus, tum præcipuis patris tui periculis commouebatur. ergo istius coniurationis crimen defensum ab eo est, qui interfuit, qui cognouit, qui particeps & consilij uestri fuit, & timoris. cuius in hoc crimine propulsando cum esset copiosissima, atque ornatissima oratio; tamen non minus inerat auctoritatis in ea, quàm facultatis. illius igitur coniurationis, quæ facta contra uos, delata ad uos, a uobis prolata esse dicitur, ego testis esse non potui. non modo enim nihil comperi; sed uix ad aures meas istius suspicionis fama peruenit. qui uobiscum in consilio fuerunt, qui uobiscum illa cognorunt, quibus ipsis periculum tum conflare puta-

putabatur, qui Autronio non affuerunt, qui in illum
testimonia graua dixerunt, hunc defendunt, huic ad
sunt, in huius periculo declarant, se non crimine con-
iurationis, ne adessent ceteris, sed hominum malefi-
cio deterritos esse. mei consulatus autem tempus, &
crimen maxime coniurationis a me defendetur. at-
que inter nos partitio non est fortuito, iudices, nec te-
mere facta: sed cum uideremus eorum criminum nos
patronos adhiberi, quorum testes esse possemus; uter
que nostrum id sibi suscipiendum putauit, de quo ali-
quid scire ipse, atque existimare potuisset. & quonia
de criminibus superioris coniurationis Hortensium
diligenter audistis; de hac coniuratione, quæ me con-
sule facta est, hoc primum attendite. Multa, cum es-
sem consul, de summis reip. periculis audiui, multa
quæsiui, multa cognoui: nullus unquam de Sylla nun-
cius ad me, nullum indicium, nullæ litteræ peruene-
runt, nulla suspicio. multum hæc uox fortasse deberet
ualere eius hominis, qui consul insidias reip. consilio
inuestigasset, ueritate aperuisset, magnitudine animi
uindicasset, cum ipse nihil audisse de P. Sylla, nihil
suspdatum esse diceret: sed ego non dum utor hac uo-
ce ad hunc defendendum; ad purgandum me potius
utor, ut mirari Torquatus desinat, me, qui Autro-
nio abfuerim, Syllam defendere. quæ enim Autronij
fuit causa? quæ Syllæ est? ille ambitus iudicium tolle-
re, ac disturbare primum cōflato uoluit gladiatorum
ac fugitiuorum tumultu, deinde, id quod uidimus om-
nes, lapidatione, atque concursu: Sylla, si sibi suus
pudor,

O R A T I O

pudor, ac dignitas non prodesset, nullum auxilium re-
 quisiuit. ille damnatus ita se gerebat non solum con-
 silijs, & sermonibus, uerū etiam ad spectu, atque uul-
 tu, ut inimicus esse amplissimis ordinibus, infestus
 bonis omnibus, hostis patriæ uideretur: hic se ita fra-
 ctum illa calamitate, atque afflictum putauit, ut ni-
 hil sibi ex pristina dignitate superesse arbitraretur,
 nisi quod modestia retinuisset. hac uero in coniuratio-
 ne quid tam cūiunctum, quàm ille cum Catilina, cum
 Lentulo? quæ tanta societas ullis inter se rerum opti-
 marum, quanta ei cum illis sceleris, libidinis, auda-
 ciæ? quod flagitium Lentulus non cum Autronio con-
 cepit? quod sine eodem illo Catilina facinus admisit?
 cum interim Sylla cū eisdem ipsis non modo noctem,
 solitudinemq. non quæreret, sed ne mediocri quidem
 sermone, & congressu coniungeretur. illum Allobro-
 ges, maximarum rerum uerissimi indices, illum mul-
 torum litteræ, ac nuncij coarguerunt: Syllam interea
 nemo insimulauit, nemo nominauit. postremo, eiecto,
 siue emissio iam ex urbe Catilina, ille arma misit, cor-
 nua, tubas, falces, signa, legiones; ille relictus intus,
 expectatus foris, Lentuli pœna compressus, conuer-
 tit se aliquando ad timorem, nunquam ad sanitatem:
 hic contra ita quieuit, ut eo tempore omni Neapoli
 fuerit: ubi neque homines fuisse putantur huius affi-
 nes suspicionis; & locus est ipse non tam ad inflam-
 mandos calamitosorum animos, quàm ad consolan-
 dos accommodatus. Propter hanc igitur tantam dis-
 similitudinem hominum, atque causarum, dissimi-
 lem

lem me in utroque præbui. ueniebat enim ad me, & sepe ueniebat Autronius multis cum lacrymis supplex, ut se defenderem: & se meum condiscipulum in pueritia, familiarē in adolescentia, collegam in quaestura commemorabat fuisse: multa mea in se, non nulla etiam sua in me proferebat officia. quibus ego rebus, iudices, ita flectebar animo, atque frangebatur, ut etiam ex memoria, quas ipse mihi fecerat insidias, deponerem; ut iam immissum esse ab eo C. Corneliū, qui me in sedibus meis, in conspectu uxoris meae ac liberorum meorum trucidaret, obliuiscerer. quæ si de uno me cogitasset, qua mollitia sum animi, ac lenitate, nunquam mehercule illius lacrymis, ac precibus restitissem. sed cum mihi patriæ, cum uestrorum periculorum, cum huius urbis, cum illorum delubrorum, atque templorum, cum puerorum infantium, cum matronarum ac uirginum ueniebat in mentem, & cum illæ infestæ ac funestæ faces, uniuersumq. totius urbis incēdium, cū tela, cum cædes, cū ciuium cruor, cū cinis patriæ uersari ante oculos, atque animum memoria refricare cœperat; tum denique ei resistebam, neque solum illi hosti, ac paricidæ sed his etiam propinquis illius, Marcellis, patri, & filio, quorum alter apud me parentis grauitatē, alter filij suauitatem obtinebat: neque me arbitrabar sine summo scelere posse, quod maleficiū in alijs uindicassem, idem in illorum socio, cum scirem, defendere. atque idem neque P. Syllam supplicem ferre, neque eosdem Marcellos, neque huius M. Messallæ, homi-

B b nis

O R A T I O

nis necessarij, preces sustinere potui. neque enim est
 caussa aduersata naturæ: nec homo, nec res misericor
 diæ meæ repugnauit: nusquam nomen, nusquam uesti
 gium fuerat, nullum crimen, nullum indicium. su
 scepi caussam, Torquate, suscepi, & feci libenter,
 ut me, quem boni constantem semper, ut spero, exi
 stimassent, eundem ne improbi quidem crudelem dice
 rent. Hic ait se ille, iudices, regnum meum ferre
 non posse. Quod tandem, Torquate, regnum? con
 sulatus, credo, mei; in quo ego imperaui nihil, sed
 contra patribus conscriptis, & bonis omnibus par
 ui. quo in magistratu non institutum est a me, iudi
 ces, regnum, sed non permissum. Quem tum in tan
 to imperio, tanta potestate non dicis fuisse regem,
 nunc priuatum regnare dicis? quo tandem nomine?
 quod, in quos testimonia dixisti, inquit damnati sunt;
 quem defendis, sperat se absolutum iri. hic tibi ego
 de testimonijs meis hoc respondeo: si falsum dixerim,
 te in eos dixisse; si uerum, non esse hoc regnare, cum
 uerum iuratos dicas probare. de huius spe tantum di
 co, nullas a me opes P. Syllam, nullam potentiam,
 nihil denique, præter fidem defensionis, expectare.
 nisi tu, inquit, caussam recepisses, nunquam mihi
 restitisset, sed, indicta caussa, profugisset. si iam hoc
 tibi concedam, Q. Hortensium, tanta grauitate ho
 minem, si hos tales uiros non suo stare iudicio, sed
 meo; si hoc tibi dem, quod credi non potest, nisi ego
 huic adessem, hos affuturos non fuisse: uter tandem
 rex est, is ne, cui innocentes homines non resistunt;
 an

an is, qui calamitosos non deserit? At hic etiam, id quod tibi necesse minime fuit, facetus esse uoluisti, cū Tarquinium, & Numam, & me tertium peregrinum regem esse dixisti. Mitto iam de rege quærere: illud quæro, peregrinum cur me esse dixeris. nam si ita sum; non tam est admirandum, regem esse me, quia, ut tu uis, etiam peregrini reges Romæ fuerunt, quàm consulem Romæ fuisse peregrinum. Hoc dico, inquit, te esse ex municipio. Fateor, & addo etiam, ex eo municipio, unde iterum iam salus huic urbi imperioq. missa est. sed scire ex te peruelim, quā obrem, qui ex municipijs ueniant, peregrini tibi esse uideantur. nemo enim istuc M. illi Catoni senī, cū plurimos haberet inimicos, nemo T. Coruncanio, nemo Curioni, nemo huic ipsi nostro C. Mario, cum ei multi inuiderent, obiecit unquam. e quidem uehementer lator, eum esse me, in quem tu, cum cuperes, nullam cōtumeliam iacere potueris, quæ non ad maximam partem ciuium conueniret. sed tamen te a me pro magnis caussis nostræ necessitudinis monendum esse etiam atque etiam puto. non possunt omnes esse patricij; si uerum quæris, ne curant quidem: nec se æquales tui propter istam causam abs te anteiri putant. at si tibi nos peregrini uidemur, quorū iam & nomen, & honos inueterauit & huic urbi, & hominum famæ, ac sermonibus: quàm tibi illos competitores tuos peregrinos uideri necesse erit, qui iam ex tota Italia delecti tecum de honore, & de omni dignitate contendunt? quorum caue tu quenquam pere-

Bb 2 grinum

O R A T I O

grinum appelles; ne peregrinorum suffragijs obrua-
 re. qui si attulerint neruos, & industriam; mihi
 crede, excutient tibi istam uerborum iactationem,
 & te ex somno saepe excitabunt, nec patientur se abs-
 te, nisi uirtute uincentur, honore superari. ac si,
 iudices, ceteris patricijs me & uos peregrinos uide-
 ri oporteret; a Torquato tamen hoc uitium silere-
 tur. est enim ipse a materno genere municipalis,
 honestissimi ac nobilissimi generis, sed tamen Ascu-
 lani. aut igitur doceat Picentes solos non esse pere-
 grinos; aut gaudeat suo generi me meum non ante-
 ponere. Quare neque me peregrinum posthac dixe-
 ris, ne grauius refutare; neque regem, ne deridea-
 re nisi forte regium tibi uidetur, ita uiuere, ut non
 modo homini nemini, sed ne cupiditati quidem ulli
 seruias; contemnere omnes libidines; non auri, non
 argenti, non ceterarum rerum indigere; in senatu sen-
 tire libere; populi utilitati magis consulere, quam uo-
 luntati; nemini cedere; multis obsistere. si hoc putas
 esse regium; me regem confiteor esse. sin te potentia
 mea, si dominatio, si denique aliquod dictum arro-
 gans, aut superbum mouet: quin tu id potius profers,
 quam uerbi inuidiam, contumeliamq. maledicti?
 ego, tantis a me beneficijs in rep. positus, si nullum
 aliud mihi praemium a senatu populoq. R. nisi hone-
 stum otium postularem, quis non concederet? sibi ha-
 berent honores, sibi imperia, sibi prouincias, sibi triu-
 phos, sibi alia praeclare laudis insignia: mihi liceret
 eius urbis, quam conseruasssem, conspectu, tranquillo
 animo,

animo, & quieto, frui. quid, si hoc non postulo; si ille labor meus pristinus, si sollicitudo, si opera, si uigiliæ deseruiunt amicis, præsto sunt omnibus; si neque amici in foro requirunt studium meum, neque resp. in curia; si me non modo rerum gestarum uacatio, sed neque honoris, neque ætatis excusatio uindicat a labore; si uoluntas mea, si industria, si domus, si animus, si aures patet omnibus; si mihi ne ad ea quidem, quæ pro salute omnium gessi, recordanda, & cogitanda quidquam relinquitur temporis: tamen hoc regnum appellabitur? cuius uicarius qui uelit esse, inueniri nemo potest; longe abest regni suspicio. si quæris, qui sint Romæ regnum occupare conati; ut ne replicas annalium memoriam, ex domesticis imaginibus inuenies. res enim gestæ, credo, meæ me nimis extulerunt, ac mihi nescio quos spiritus attulerunt. quibus de rebus tam clavis, tam immortalibus, iudices, hoc possum dicere, me, qui e summis eripuerim periculis urbem hanc, & uitam omnium ciuium, satis adeptum fore, si ex hoc tanto in omnes mortales beneficio nulum in me periculum redūdauit. etenim in qua ciuitate res tantas gesserim, memini; & in qua urbe, intelligo. plenum forum est eorum hominum, quos ego a uestris ceruicibus depuli, iudices, a meis non remoueri. nisi uero paucos fuisse arbitramini, qui conari, aut sperare possent se tantum imperium posse delere. horum ego faces eripere de manibus, & gladios extorquere potui, sicut feci: uoluntates uero cōsceleratas, ac nefarias nec sanare potui, nec tollere. quare non sum nescius,

O R A T I O

sciis, quanto periculo uiuam in tanta multitudine improborum, cum mihi uni cum omnibus improbis æternum uideam bellum esse susceptum. quòd si illis meis præsijs forte inuides; & si ea tibi regia uidentur, quòd omnes boni omnium generum, atque ordinum suam salutem cum mea coniungunt: consolare te, quòd omnium mentes improborum mihi uni maxime sunt infensæ, & aduersæ. qui me non solum iccirco oderunt, quòd eorum conatus impios, & furorem conscleratum repressi; sed eo etiam magis, quòd nihil iam se simile me uiuo conari posse arbitrantur. at uero quid ego miror, si quid ab improbis de me improbe dicitur; cum L. Torquatus, primum ipse his fundamentis adolescentiæ iactis, ea spe proposita amplissimæ dignitatis, deinde L. Torquati, fortissimi consulis, constantissimi senatoris, semper optimi ciuis, filius, interdum effertur immoderatione uerborum? qui cum suppressa uoce de scelere P. Lentuli, de audacia coniuratorum omnium dixisset, tantummodo ut uos, qui ea probatis, exaudire possëtis; de supplicio P. Lentuli, de carcere magna & queribunda uoce dicebat. in quo primum illud erat absurdum, quòd cum ea, quæ leuiter dixerat, uobis probare uolebat, eos autem, qui circum iudicium stabant, audire nolebat; non intelligebat, ea, quæ clare diceret, ita illos audituros, quibus se uenditabat, ut uos quoque audiretis, qui id nõ probabatis. deinde alterum iam oratoris uitium, non uidere quid quæque causa postulet. nihil est enim tam alienum ab eo, qui alterum coniurationis,

tionis accuset, quàm uideri coniuratorum pœnam,
mortemq. lugere. quod cum is tribunus pl. facit, qui
unus uidetur ex illis ad lugendos coniuratos reli-
ctus: nec mirum est: difficile est enim tacere, cum do-
leas: te, si quid eiusmodi facis, non modo talem ado-
lescentem, sed in ea caussa, in qua te uindictam coniu-
rationis uelis esse, uehementer miror. Sed reprehen-
do tamen illud maxime, quòd isto ingenio, & pru-
dentia prœditus caussam reip. non tenes, qui arbitre
re plebi R. res eas non probari, quas me consule o-
mnes boni pro salute communi gesserunt. ecquem tu
horum, qui adsunt, quibus te contra ipsorum uolun-
tatem uenditabas, aut tam sceleratum statuis fuis-
se, ut hæc omnia perire uoluerit; aut tam miserum, ut
& se perire cuperet, & nihil haberet, quod saluum
esse uellet? an uero clarissimum uirum generis uestri,
ac nominis nemo reprehendit, qui filium suum uita
priauit, ut in ceteris firmaret imperium: tu remp. re-
prehendis, quæ domesticos hostes, ne ab ijs ipsa neca-
retur, necauit? itaque attende iam, Torquate, quàm
ego non defugiam auctoritatem consulatus mei. ma-
xima uoce, ut omnes exaudire possint, dico, semperq.
dicam. adestote omnes animis, qui adestis corpori-
bus; quorum ego frequentia, magnopere lator: eri-
gite mentes, auresq. uestras, & me de inuidiosis re-
bus, ut ille putat, dicentem attendite. Ego consul,
cum exercitus perditorum ciuium, clandestino sce-
lere conflatus, crudelissimum, & luctuosissimum
exitium patriæ comparasset; cum ad occasum inte-
ritumq.

O R A T I O

ritumq. reip. Catilina in castris, in his autem templis atque tectis dux Lentulus esset constitutus; meis consilijs, meis laboribus, mei capitis periculis, sine tumultu, sine delectu, sine armis, sine exercitu, quinque hominibus comprehensis, atque confosis, incensione urbem, internicione ciues, uastitate Italiã, interitu rēp. liberaui. ego uitam omnium ciuium, statum orbis terrarum, urbem hanc denique, sedem omnium nostrum, arcem regum ac nationum exterarum, lumen gentium, domicilium imperij, quinque hominum amentium ac perditorum pœna redemi. an me existimasti hæc iniuratum in iudicio nō esse dicturum, quæ iuratus in maxima concione dixissem? atque etiã illud addam, (ne qui forte incipiat improbus subito te amare, Torquate, et aliquid sperare de te) atque, ut idē omnes exaudiat, clarissima uoce dicã. Harum omniũ rerum, quas ego in consulatu pro salute communi suscepi, & gessi, L. ille Torquatus, cū esset meus contubernalis in consulatu, cum signifer esset iuuentutis, atque in prætura fuisset, auctor, adiutor, particeps extitit. cū princeps, cum auctor, cum signifer esset iuuentutis; parēs eius, homo amantissimus patriæ, maximi animi, summi consilij, singularis constantiæ, cum esset ager, tamen omnibus rebus illis interfuit; nunquam est a me digressus; studio, cōsilio, auctoritate unus adiuuit plurimum, cum infirmitatē corporis animi uirtute superaret. Vides ne, ut eripiam te ex improborum subita gratia, & reconciliem bonis omnibus? qui te & diligunt, et retinent, retinebuntq. semper, nec, si a me forte

te deficiueris, iccirco te a se, & a rep. & a tua dignitate deficere patientur. Sed iam redeo ad causam: atque hoc uos, iudices. testor mihi de memet ipso tam multa dicendi necessitas quaedam imposita est ab illo. nam si Torquatus Syllam solū accusasset; ego quoque hoc tēpore nihil aliud agerem, nisi eum, qui accusatus esset, defenderem: sed cum ille tota illa oratione in me esset inuectus; et cum initio, ut dixi, defensionē meam auctoritate spoliare uoluisset; etiā si dolor meus respondere non cogeret, tamen ipsa causa hanc a me orationem flagitasset. Allobrogibus nominatum Syllam esse dicis. quis negat? at uide, quemadmodum nominatus sit. L. Cassium dixerunt commemorasse, cum ceteris Autronium secum facere. Quaero, num Syllam dixerit Cassius: nunquam. sese aiunt quæsisse de Cassio, quid Sylla sentiret. uidete diligētiam Gallorum, qui uitam hominum naturamq. nō nossent, ac tantum audissent, eos, pari calamitate qui fuerant, esse in eadem uoluntate. quid tum? Cassius si respondisset idem sentire, & secum facere Syllam, tamen mihi non uideretur in hūc id criminofum esse debere. quid ita? quia qui barbaros homines ad bellum impelleret, non debebat minuere illorum suspicionem, & purgare eos, de quibus illi aliquid suspicarentur. non respondit tamen una facere Syllam: etenim esset absurdum, cum ceteros sua sponte nominasset, mentionem Syllæ facere nullam, nisi admonitum, & interrogatum. nisi forte uerisimile est, P. Syllæ nomen in memoria Cassio non fuisse. si nobilitas hominis, si afflicta fortuna, si reliquæ pri-
stinæ

O R A T I O

stinae dignitatis non tam illustres fuissent; tamen Autronij commemoratio memoriam Syllae retulisset: etiam, ut arbitror, cum auctoritates principum coniurationis ad incitandos animos Allobrogum colligeret Cassius, & cum sciret exterarum nationes maxime nobilitate moueri, non prius Autronium, quam Syllam, nominasset. Iam uero illud probari minime potest, Gallos, Autronio nominato, putasse propter calamitatis similitudinem sibi aliquid de Sylla esse quaerendum; Cassio, si hic esset in eodem scelere, ne cum appellasset quidem Autronium, huius in mentem uenire potuisse. sed tamen quid respondit de Sylla Cassius? se nescire certum. Non purgat, inquit. Dixi antea: ne si argueret quidem tum denique, cum esset interrogatus, mihi criminis uideretur. sed ego in iudicijs, & quaestionibus non hoc quaerendum arbitror, num purgetur aliquis, sed num arguatur. etenim cum negat se scire Cassius, utrum subleuat Syllam, an satis probat se nescire? subleuat apud Gallos: quid ita? ne indicent? quid? si periculum esse putasset, ne ulli unquam indicarent, de se ipso confessus esset? Nesciuit. Credo, iudices, calatum esse Cassium de Sylla uno: nam de ceteris certe sciebat, & ea domi eius pleraque conflata esse constabat. qui negare noluit esse in eo numero Syllam, quo plus spei Gallis daret; dicere autem falsum non ausus est; nescire dixit. atqui hoc perspicuum est, cum is, qui de omnibus scierit, de Sylla se scire negarit, eandem uim esse negationis huius, quam si extra coniurationem hunc esse se scire dixisset.

nam

nam cuius scientiam de omnibus constat fuisse, eius ignoratio de aliquo purgatio debet uideri. sed iam non quaero, purget ne Cassius Syllam: illud mihi tantum satis est, contra Syllam nihil esse in indicio. Exclusus hac criminatione Torquatus, rursus in me irruit, me accusat: ait me aliter, ac dictum est, in tabulas publicas retulisse. O dii immortales (uobis enim tribuam, quæ uestra sunt: nec uero possum meo tantum ingenio dare, ut tot res, tantas, tam uarias, tam repentinas, in illa turbulentissima tempestate reip. mea sponte dispexerim) uos profecto animum meum tum conseruandæ patriæ cupiditate incendistis: uos me ab omnibus ceteris cogitationibus ad unam salutem reip. contulistis: uos denique, in tantis tenebris erroris, & inscientiæ, clarissimum lumen prætulistis menti meæ. uidi ego hoc, iudices; nisi, recenti memoria senatus, auctoritatem huius indicij monumentis publicis testatus essem, fore ut aliquando non Torquatus, neque Torquati quispiam similis, (nam id me multum fefellit) sed ut aliquis patrimonio naufragus, inimicus otij, bonorum hostis, aliter indicata hæc esse diceret, quo facilius, uento aliquo in optimum quenque excitato, posset in malis reip. portum suorum malorum aliquem inuenire. itaque, introductis in senatum indicibus, constitui senatores, qui omnia indicum dicta, interrogata, responsa perscriberent: at quos uiros? non solum summa uirtute, & fide, cuius generis in senatu factas cultas maxima, sed etiam quos sciebam memoria, scientia, consuetudine & celeritate scribendi facillime,

O R A T I O

me, quæ dicerentur, persequi posse; C. Cosconium, qui tunc erat prætor, M. Messallam, qui tum præturam petebat; P. Nigidium, Ap. Claudium. credo esse neminem, qui his omnibus aut vere referendis, aut etiam scribendis putet ingenium defuisse. Quid deinde, quid feci? cum scirem ita indicium in tabulas publicas relatum, ut illæ tabulæ priuata tamen custodia more maiorum continerentur: non occultavi, non continui domi, sed describi ab omnibus statim librarijs, diuidi passim, & peruulgari, atque edi populo R. imperavi: diuisi toti Italiæ, diuisi in omnes provincias: eius indicij, e quo salus oblata esset omnibus, expertem esse neminem uolui. itaque dico locum in orbe terrarum esse nullum, quo in loco populi R. nomen sit, quin eodem perscriptum hoc indicium perueniret. in quo ego tam subito, & exiguo, & turbido tempore multa diuinitus, ita ut dixi, non mea sponte prouidi: primum, ne qui posset tantum aut de reip. aut de alicuius periculo meminisse, quantum uellet: deinde, ne cui liceret unquam reprehendere illud indicium, aut temere creditum criminari: postremo, ne quid iam a me, ne quid ex meis commentarijs quæreretur; ne aut obliuio mea, aut memoria uideretur nimia: ne denique aut negligentia turpis, aut diligentia crudelis putaretur. Sed tamen abs te, Torquate, quæro, cum indicatus tuus inimicus esset; & esset eius rei frequens senatus, & recens memoria testis; tibi, meo familiari, & contubernali, prius etiam edituri fuerint indicium scribæ mei, si uoluisses, quàm in codicem

cem

cem retulissent : cum uideres aliter fieri, cur tacuisti ?
 passus es ? non mecum, aut cum familiari meo questus
 es ? aut, quoniam tam facile inueheris in amicos, ira-
 cundius, aut uehementius expostulasti ? tu, cum tua
 uox nūquam sit audita ; cum, indicio lecto, descripto,
 diuulgato, quieueris, tacueris ; repente tantam rem
 enunciare audeas, & in eum locum te deducas, ut an-
 te, quā me commutati indicij coargueris, te sum-
 mæ negligentiae tuo iudicio cōiūctum esse fateare ? mi-
 hi cuiusquam salus tāti fuisset, ut meam negligerem ?
 per me ego ueritatem patefactam contaminarem ali-
 quo mendacio ? quenquam denique ego uiuarem, a
 quo & crudeles insidias in remp. factas, & in me po-
 tissimum consulem putarem ? quod si iam essem obli-
 tus seueritatis, & constantiae meae, tam ne amens e-
 ram, ut, cum litterae posteritatis caussa repertae sint,
 quae subsidio obliuioni esse possent, ego recentem puta-
 rem memoriam cuncti senatus commentario meo pos-
 se superari ? fero ego te, Torquate, iam dudum, fero,
 & non nunquam animum incitatum ad ulciscendam
 orationem tuam reuoco ipse, & reflecto : permitto ali-
 quid iracundiae tuae, do adolescentiae, cedo amicitiae,
 tribuo parenti : sed nisi aliquem modum uitae consti-
 tueris, coges oblitum me nostrae amicitiae habere ra-
 tionem meae dignitatis. nemo unquam me tenuissima
 suspitione perstrinxit, quem non praeuerterim. sed mi-
 hi hoc credas uelim : non ijs libentissime soleo respon-
 dere, quos mihi uideor facillime posse superare. tu,
 quoniam minime ignoras consuetudinem dicendi meae,
 noli

O R A T I O

noli hac noua lenitate abuti mea: noli aculeos orationis meae, qui reconditi sunt, excussos arbitrari: noli id putare omnino a me esse omissum, si quid est tibi remissum, atque concessum. cum illae ualent apud me excusationes iniuriae tuae, iratus animus tuus, aetas, amicitia nostra: tum non dum statuo te uirum satis habere, ut ego tecum luctari, & congregari debeam. quod si esses usu atque aetate robustior, essem idem, qui soleo, cum sum laceffitus: nunc tecum sic agam, tulisse ut potius iniuriam, quam retulisse gratiam uidear. Neque uero, quid mihi irascere, intelligere possum. si, quod eum defendo, quem tu accusas: cur tibi quoque ipse non succenseo, qui accuses eum, quem ego defendo? inimicum, inquis, accuso meum. Et amicum ego defendo meum. Non debes tamen quenquam in coniurationis quaestione defendere. Immo nemo magis eum, de quo nihil est suspicatus, quam is, qui de alijs multa cogitauit. Cur dixisti testimonium in alios? Quia coactus. Cur damnati sunt? Quia creditum est. Regnum est, dicere in quem uelis, ac defendere quem uelis. Immo seruitus est, non dicere in quem uelis, ac defendere quem uelis. ac si considerare caeperis, utrum magis mihi hoc necesse fuerit facere, an tibi; intelliges, honestius te inimicitiarum modum statuere potuisse, quam me humanitatis. an uero, cum honos agebatur amplissimus familiae uestrae, hoc est consulatus parentis tui, sapientissimus uir familiarissimis suis non succensuit pater tuus, cum Syllam & defenderent, & laudarent? intelligebat hanc nobis a maioribus

maioribus esse traditam disciplinam, ut nullius amicitia ad propulsanda pericula impediremur. & erat huic iudicio longe dissimilis illa contentio. tum, afflicto P. Sylla, consulatus uobis pariebatur, sicuti partus est: honoris erat certamen: ereptum repetere uos clamitabatis, ut uicti in campo, in foro uinceretis: tum qui contra uos pro huius salute pugnabant, amicissimi uestri, quibus non irascebamini, consulatum uobis eripiebant, honori uestro repugnabant; & tamen id inuiolata uestra amicitia, integro officio, ueteri exemplo, atque instituto optimi cuiusque faciebant. ego uero quibus ornamentis aduersor tuis? aut cui dignitati uestræ repugno? quid est, quod iam ab hoc expetas? honor ad patrem, insignia honoris ad te delata sunt. tu ornatus ærumnis uenis ad eum laceandum, quem interemisti: ego iacentem & spoliatum defendo, & protego. atque hic tu & reprehendis me, quia defendam, & irasceris: ego autem non modo tibi non irascor, sed ne reprehendo quidem factum tuum. te enim existimo tibi statuisse, quid faciendum putares, & satis idoneum officij iudicem posuisse. At accusat C. Cornelij filius; idemq. ualere debet, ac si pater indicaret. O patrem Cornelium sapientem, qui, quod præmij solet esse in iudicio, reliquerit; quod turpitudinis in confessione, id per accusationem filij suscepit. sed quid est tandem, quod indicat per istum puerum Cornelius? si est causa mihi ignota, cum Hortensio communicata; respondeat Hortensius. sin, ut ais, illum comitatum Autronij, & Catilinæ, cum in *

campo

O R A T I O

campo consularibus comitijs, quæ a me habita sunt,
 eadem facere uoluerunt: Autronium tum in campo
 uidimus. ecquid dixi uidisse nos? ego uidi: uos enim
 tum iudices nihil laborabatis, neque suspicabamini:
 ego tectus præsidio firmo amicorum, Catilinæ tum,
 & Autronij copias, & conatum repressi. num quis
 est igitur, qui tum dicat in campum adspirasse Syllā?
 atqui si tum se cum Catilina societate sceleris coniun-
 xerat, cur ab eo discedebat? cur cum Autronio non
 erat? cur in pari caussa non paria signa reperiuntur
 criminis? Sed quoniam Cornelius ipse etiam nunc de
 indicando dubitat, ut dicitis; informat ad hoc adum-
 bratum indicium filium: quid tandem de illa nocte di-
 cit, cum inter falcarios, ad M. Læcam, nocte ea, quæ
 consecuta est posterum diem nonarum Nou. me consu-
 le, Catilinæ denunciatione conuenit? quæ nox omniū
 temporum coniurationis acerrima fuit, atque acer-
 bissima. tum Catilinæ dies exeundi, tum ceteris ma-
 nendi condicio, tum descriptio totam per urbem cæ-
 dis, atque incendiorum constituta est: tunc tuus pa-
 ter, Corneli, id quod tandem aliquando confitetur,
 illam sibi officiosam prouinciam depoposcit, ut, cum
 prima luce consulem salutatum ueniret, intromissus
 meo more, & iure amicitie, me in meo lectulo
 trucidaret. hoc tempore, cum arderet acerrime con-
 iuratio; cum Catilina egrederetur ad exercitum;
 Lentulus in urbe relinqueretur; Cassius incendijs,
 Cethegus cædi præponeretur; Autronio, ut oc-
 cuparet Etruriam, perscriberetur; cum omnia ordi-
 narentur,

narentur, instituerentur, pararentur; ubi fuit Sylla,
Corneli? num Romæ? immo longe absfuit. num in ijs
legionibus, quò se Catilina referebat? multo etiã lon-
gius. num in agro Camerti, Piceno, Gallico, quas o-
ras maxime quasi morbus quidam illius furoris per-
uaserat? nihil uero minus: fuit enim, ut iam ante di-
xi, Neapoli: fuit in ea parte Italiæ, quæ maxime ea
suspensione caruit. Quid ergo indicat, aut quid affert
aut ipse Cornelius, aut uos, qui ab eo hæc mandata
defertis? gladiatores emptos esse, Fausti simulatione,
ad cædem, ac tumultum. ita prorsus: interpositi sunt
gladiatores, quos testamento patris uidemus deberi.
Arrepta est familia, quæ si esset prætermiffa, posset
alia familia Fausti munus præbere. utinam quidem
hæc ipsa non modo iniquorum inuidiæ, sed & æquo-
rum expectatationi satisfacere posset. Properatum
uehementer, cum longe tempus muneris abesset.
quasi uero tempus dandi muneris non ualde appro-
pinquaret. Nec opinante Fausto, cum is neque sci-
ret, neque uellet, familia est comparata. at litteræ
sunt Fausti, per quas ille precibus a P. Sylla petit, ut
emat gladiatores, & ut hos ipsos emat: neque so-
lum ad Syllam missæ, sed ad L. Cæsarem, Q. Pompe-
ium, C. Memmium, quorum de sententia tota res
gesta est. At præfuit familiæ Cornelius. iam si in cõ-
paranda familia suspensio est nulla; quòd præfuit, ni-
hil ad rem pertinet. sed tamen, munere seruili, obtu-
lit se ad ferramenta prospicienda, præfuit uero nun-
quam: eaq. res per Bellum Fausti libertum omni tẽ-

C c pore

O R A T I O

pore administrata est. At enim Cincius est ab hoc in
 ulteriorem Hispaniam missus, ut eam provinciam
 perturbaret. primum, Cincius, iudices, L. Iulio,
 C. Figulo cos. profectus est aliquanto ante furorem
 Catilinæ, & ante suspicionem huius coniurationis:
 deinde, est profectus non tum primum, sed cum in
 iisdem locis aliquanto ante eadem de causa aliquot
 annos fuisset: ac profectus est non modo ob causam,
 sed etiam necessariam causam, magna ratione cum
 Mauritaniæ rege contracta. tum autem, illo profe-
 cto, Sylla procurante eius rem, & gerente, pluri-
 mis & pulcherrimis P. Cincij prædijs nenditis, æs
 alienum eiusdem dissolutum est: ut quæ causa cete-
 ros ad facinus impulit, cupiditas retinendæ possessio-
 nis, ea Cincio non fuerit, prædijs diminutis. Iam
 uero illud quàm incredibile, quàm absurdum; qui
 Romæ cædem facere, qui hanc urbem inflammare
 uellet, eum familiarissimum suum dimittere abs se,
 & mandare in ultimas terras: utrum, quo facilius
 Romæ ea, quæ conabatur, efficeret, si in Hispania
 turbatum esset? at hæc ipsa per se sine ulla cõiunctio-
 ne agebantur. an in tantis rebus, tam nouis consilijs,
 tam periculosis, tam turbulentis hominem amantis-
 simum sui, familiarissimum, coniunctissimū officijs,
 usu, consuetudine, dimittendum esse arbitraretur? ue-
 risimile non est, ut, quem in secundis rebus, quem in
 otio secum semper habuisset, hunc in aduersis, & in
 eo tumultu, quem ipse comparabat, ab se dimitteret.
 Ipse autem Cincius (non enim mihi deserenda est caus
 sa

sa amici ueteris, atque hospitis) is homo est, aut ea familia, ac disciplina, ut hoc credi possit, eum bellum reip. facere uoluisse? ut cuius pater, cum ceteri deficerent finitimi, ac uicini, singulari extiterit in remp. nostram officio, & fide, is sibi nefarium bellum contra patriam suscipiendum putaret. cuius æs alienum uidemus, iudices, non libidine, sed negotij gerendi studio esse contractum: qui ita Romæ debuit, ut in provincijs, et in regnis maximæ ei pecuniæ deberentur: quas cum peteret, non commisit, ut sui procuratores quidquam oneris absente se sustineret: uenire omnes suas possessiones, & patrimonio se ornatissimo spoliari maluit, quàm ullam moram cuiquam fieri creditorum suorum. a quo quidem genere, iudices, ego nunquam timui, cum in illa reip. tempestate uersarer. illud erat genus hominum horribile, & pertimescendum, qui tanto amore suas possessiones amplexi tenebant, ut ab ijs membra diuelli citius, ac distrahi posse diceres. Cincius nunquam sibi cognationem cum prædijs esse existimauit suis: itaque se non modo ex suspicione tanti sceleris, uerum etiâ ex omni hominum sermone non armis, sed patrimonio suo uindicauit. Iam uero, quod subiicit, Pompeianos esse a Sylla impulsos, ut ad istam coniurationem, & ad hoc nefarium facinus accederent; id cuiusmodi sit, intelligere non possum. An tibi Pompeiani coniurasse uidentur? quis hoc unquam dixit? aut quæ fuit istius rei uel minima suspicio? Disiunxit, inquit, eos a colonis, ut hoc dissidio, ac dissensione facta, oppidum in sua

O R A T I O

potestate posset, & Pompeianos habere. Primum, omnis Pompeianorum, colonorumq. dissensio delata ad patronos est, cum iam inueterasset, ac multos annos esset exagitata: deinde, ita a patronis res cognita est, ut nulla in re a ceterorum sententijs Syllae dissenserit: postremo, coloni ipsi sic intelligunt, non Pompeianos a Sylla magis, quam sese esse defensos. atque hoc, iudices, ex hac frequentia colonorum, honestissimorum hominum, intelligere potestis: qui adsunt, laborant, hunc patronum, defensorem, custodem illius coloniae, si in omni fortuna, atque omni honore incolumem habere non potuerunt, in hoc tamen casu, quo afflicti iacet, per uos tutari, conseruareq. cupiunt. adsunt pari studio Pompeiani, qui ab illis etiam in crimen uocantur: qui ita de ambitione, & de suffragijs suis cum colonis dissenserunt, ut idem de communi salute sentirent. Ac ne haec quidem P. Syllae mihi uidetur silentio praetereunda esse uirtus, quod, cum ab hoc illa colonia deducta sit; & cum commoda colonorum a fortunis Pompeianorum populi R. fortuna diuiserit; ita carus utrisque est, atque incundus, ut non alteros dimouisse, sed utrosque constituisse uideatur. At enim et gladiatores, & omnis ista uis, rogationis Caeciliae causa, comparabantur. atque hoc loco in L. Caecilium, prudentissimum, atque ornatissimum uirum, uehementer inuectus est: cuius ego de uirtute, & constantia, iudices, tantum dico, talem hunc in ista rogatione, quam promulgauit non de tollenda, sed de leuanda calamitate fratris sui, fuisse, ut

consul-

consultum esse uoluerit fratri, tamen cum rep. pugna-
re noluerit; promulgarit impulsus amore fraterno,
destiterit fratris auctoritate deductus. atque in ea re
per L. Cæcilium Sylla accusatur, in qua re est uter-
que laudandus: primum Cæcilius, qui id promulga-
rit, in quo res iudicatas uidebatur uoluisse rescinde-
re, ut statueretur: Sylla recte reprehendit. Status e- *
nim rep. maxime iudicatis rebus continetur. neque
ego tantum fraterno amori dandum arbitror, ut quis
quam de salute suorum consulat, communem relin-
quat. nihil de iudicio ferebat: sed penam ambitus
eam ferebat, quæ fuerat nuper superioribus legibus
constituta: itaque hac rogatione non iudicum senten-
tiam, sed legis uitium corrigebat. nemo iudicium re-
prehendit, cum de pœna quæritur, sed legem. damna-
tio enim est iudicium, quæ manebat; pœna legis, quæ
leuabatur. noli igitur animos eorum ordinum, qui
præsunt iudicijs summa cum gravitate, & dignita-
te, alienare a causa. nemo labefactare iudicium est
conatus: nihil est eiusmodi promulgatum: semper
Cæcilius in calamitate fratris sui iudicum potestatem
perpetuandam, legis acerbiterat mitigandam puta-
uit. Sed quid ego de hoc plura desputem? dicerem
fortasse, & facile, & libenter dicerem: si paullo etiam
longius, quam finis quotidiani officij postulat, pietas
& fraternus amor L. Cæcilium protulisset; implo-
rare sensus uestros; uniuscuiusque indulgentiam in
suos testarer; peterem errato ueniam L. Cæciliij ex
intimis uestris cogitationibus, atque ex humanita-

O R A T I O

te communi. lex dies fuit proposita paucos, ferri co-
 pta nunquam: posita est in senatu, populum R. la-
 tuit: cum in Capitolium nos senatum conuocassemus,
 nihil est actum prius: & id mandato Syllæ Q. Me-
 tellus prætor se loqui dixit, Syllam illam rogatio-
 nem de se nolle ferri. ex illo tempore L. Cæcilius mul-
 ta de rep. egit: agrariæ legi, quæ tota a me repre-
 hensa, et abiecta est, intercessorem fore professus est:
 improbis largitionibus restitit, senatus auctorita-
 tem nunquam impediuit: ita se gessit in tribunatu,
 ut onere deposito domestici officij, nihil postea nisi de
 reip. commodis cogitarit. atque in ipsa rogatione,
 ne per uim quid ageretur, quis tamen uestrum Syl-
 lam, aut Cæcilium uerebatur? nonne omnis terror
 ille, omnis seditionis timor, atque opinio ex Autro-
 nij improbitate pendebat? eius uoces, eius minæ fere-
 bantur: eius adspectus, concursatio, stipatio, greges
 hominû perditorum metum nobis seditionesq. affere-
 bant. itaque P. Sylla, hoc importunissimo tum hono-
 ris, tum etiam calamitatis socio, atque comite, & se-
 cundas fortunas amittere coactus est, et in aduersis si-
 ne ullo remedio, atque alleuamento permanere. Hic
 tu epistolam meam sæpe recitas, quam ego ad Cn.
 Pompeium de meis rebus gestis, & de summa reip.
 misi: & ex ea crimen aliquod in P. Syllam quæris:
 & si furorem incredibilem biennio ante conceptum
 erupisse in meo consulatu scripsi, me hoc demonstra-
 se dicis, Syllam in illa fuisse superiore coniuratione.
 Scilicet is sum, qui existimem Cn. Pisonem, & Ca-
 tilinam,

tilinam, & Vargunteium, & Autronium nihil scelerate, nihil audacter ipsos per sese sine P. Sylla facere potuisse. de quo etiam si quis dubitasset antea, num id, quod tu arguis, cogitasset, interfecto patre tuo, consule, descendere kalendis Ian. cum lictoribus; sustulisti hanc suspicionem, cum dixisti hunc, ut Catilinam consulem efficeret, contra patrem tuum operas, & manum comparasse. quod si tibi ego confiteor; tu mi concedas necesse est, hunc, cum Catilinæ suffragaretur, nihil de suo consulatu, quem iudicio amiserat, per vim recuperando cogitavisse. neque enim istorum facinorum tantorum, tam atrocium crimen, iudices, P. Syllæ persona suscipit. iam enim faciam, criminibus omnibus fere dissolutis, contra atque in ceteris causis fieri solet, ut nunc denique de vita hominis, ac de moribus dicam. etenim de principio studuit animus occurrere magnitudini criminis, satisfacere expectationi hominum, de me aliquid, et de ipso, qui accusatus est, dicere: nunc iam reuocandi estis eò, quò vos ipsa causa, etiam tacente me, cogit animis. Omnibus in rebus, iudices, quæ grauiorres, maioresque sunt, quid quisque uoluerit, cogitarit, admiserit, non ex crimine, sed ex moribus eius; qui arguitur, est ponderandum. neque enim potest quisquam nostrum subito fingi, neque cuiusquam repente uita mutari, aut natura conuerti. circumspicite paullisper mentibus uestris, ut alia omittamus, hosce ipsos homines, qui huic affines sceleri fuerunt. Catilina contra remp. cõiurauit. cuius aures unquam hoc respue-

Cc 4 runt,

O R A T I O

runt, conatum esse hominem usque a pueritia non solum intemperantia, & scelere, sed etiam consuetudine, & studio, in omni flagitio, stupro, cæde uersatum? quis eum contra patriam pugnantem perisse miratur, quem semper omnes ad civile latrocinium natū putauerūt? Quis Lentuli societates cum indicibus, quis insaniam libidinum, quis peruersam, atque impiam religionem recordatur, qui illum aut nefarie, aut stulte cogitasse miretur? Quis de C. Cethego, atque eius in Hispaniam profectio, ac de uulnere Q. Metelli Pij cogitat, cui non ad illius pœnam carcer ædificatus esse uideatur? Omitto ceteros, ne sit infinitum: tantum a uobis peto, ut taciti de omnibus, quos coniurasse cognitū est, cogitetis: intelligetis unumquē que illorū prius a sua uita, quàm nostra suspicione, esse damnatum. Ipsum illum Autronium (quoniā eius nomen finitimum maxime est huius periculo, & crimini) non sua consuetudo, ac uita conuincit? semper audax, petulans, libidinosus. quem in stuprorum defensionibus non solum uerbis uti improbissimis solitū esse scimus, uerum etiam pugnīs, & calcibus; quem exturbare homines e possessionibus, cædem facere uicinorum, spoliare fana sociorum, ui conatum & armis disturbare iudicia, in bonis rebus omnes contemnere, in malis pugnare contra bonos, nō reip. cedere, non fortunæ ipsi succumbere: huius si causā non manifestissimis rebus teneretur, tamen eum mores ipsius, ac uita conuincerent. Agedum conferte nunc cum illius uita uitā P. Syllæ, uobis populoq̃ R. notissimam,

simam, iudices, & eam ante oculos uestros proponi-
 te. Ecquod huius factum, aut commissum, non dicam
 audacius, sed quod cuiquam paullo minus considera-
 tum uideretur? factum quæro? uerbum ecquod un-
 quam ex ore huius excidit, unde quisquam posset of-
 fendi? at uero, in illa graui L. Syllæ uictoria, turbu-
 lentaque, quis P. Sylla mitior? quàm multorum hic
 uitam est a L. Sylla deprecatus? quàm multi sunt sum-
 mi homines, & ornatissimi, & nostri & equestris
 ordinis, quorum pro salute se hic Syllæ obligauit?
 quos ego nominarem: neque enim ipsi nolunt, &
 huic animo gratissimo adsunt: sed quia maius est be-
 neficium, quàm posse debet ciuis ciui dare, ideo a uo-
 bis peto, ut, quod potuit, tempori tribuatis; quod fe-
 cit, ipsi. quid reliquam constantiam uitæ commemo-
 rem? dignitatem, liberalitatem, moderationem in
 priuatis rebus, splendorem in publicis? quæ ita a for-
 tuna deformata sunt, ut tamen a natura inchoata cõ-
 pareant. quæ domus? quæ celebratio quotidiana?
 quæ familiaris dignitas? quæ studia amicorum? quæ
 ex quoque ordine multitudo? hæc diu multum, &
 multo labore quæsitæ, una eripuit hora. accepit P.
 Sylla, iudices, uehemens uulnus, & mortiferum, ue-
 runtamen eiusmodi, quod uideretur eius uita, & na-
 tura accipere potuisse: honestatis, & dignitatis ha-
 buisse nimis magnam iudicatus est cupiditatem. quã
 si nemo alius habuit in consulatu petendo; cupidior
 iudicatus est hic fuisse, quàm ceteri. sin etiam in alijs
 non nullis fuit iste consulatus amor; fortuna in hoc
 fuit

O R A T I O

fuit fortasse grauior, quàm in ceteris. postea uero quis P. Syllam, nisi merentē, demissum, afflictūque, uidit? quis unquam est suspicatus hunc magis odio, quàm pudore, hominum adspēctum, lucemq. uitare? qui dum multa haberet inuitamenta urbis, & fori, propter summa studia amicorum, quæ tamen ei sola in malis restiterunt, absuit ab oculis uestris, & cum lege retineretur, ipse se exsilio pæne multauit. in hoc uos pudore iudicij, & in hac uita tanto sceleri locum fuisse creditis? adspicite ipsum; contuemini os; conferte crimen cum uita usque ad hoc tempus explicata: tum crimen recognoscite. Mitto remp. quæ fuit semper Syllæ carissima. hos ne amicos, tales uiros, tam cupidos sui, per quos res eius secundæ quondam erant ornatæ, nunc subleuantur aduersæ, crudelissime perire uoluit, ut cum Lentulo, & Catilina, & Cethego fœdissimam uitam, ac miserrimam, turpissima morte proposita, degeret? non, inquam, cadit in hos mores, non in hunc pudorem, non in hanc uitam, non in hunc hominem ista suspicio. noua quædam illa immanitas exorta est: incredibilis fuit, ac singularis furor: ex multis ab adolescentia collectis perditorum hominum uitis repente tanta ista importunitas inauditi sceleris exarsit. nolite, iudices, arbitrari hominum illum impetum, & conatum fuisse. neque enim ulla gens tam barbara, aut tam immanis unquam fuit, in qua non modo tot, sed unus tam crudelis hostis patriæ sit inuentus. belluæ quædam illæ ex portentis immanes, ac feræ, forma hominum

num induta extiterunt. perspicite etiam atque etiā,
iudices : nihil enim est, quod in hac caussa dici possit
uehementius . penitus introspicite Catilinæ, Autro-
nij, Cethegi, Lentuli, ceterorumq. mentes : quas uos
in his libidines, quæ flagitia, quas turpitudines, quan-
tas audacias, quàm incredibiles furores, quas notas
scelerum, quæ indicia paricidiorum, quantos acer-
uos facinorum reperietis ? ex magnis, & diuturnis,
et iam desperatis reip. morbis ista repente uis erupit,
ut, ea confecta, & eiecta, conualescere aliquando, &
sanari ciuitas possit . neque enim est quisquam, qui ar-
bitretur, illis inclusis in rep. pestibus, diutius hoc im-
perium stare potuisse. itaque eos non ad perficiendum
scelus, sed ad luendas reip. pœnas furia quædam inci-
tauerunt . In hunc igitur gregem uos nunc P. Syl-
lam, iudices, ex his, qui cum hoc uiuunt, atque uixe-
runt, honestissimorum hominum gregibus reijcietis ?
ex hoc hominum numero, ex hac familiari dignitate
in impiorum partem, atque in paricidarum cœtum
ac numerum transferetis ? ubi erit igitur illud fortis-
simum præsidium pudoris ? quo in loco nobis uita an-
te acta proderit ? quod ad tempus existimationis par-
tæ fructus reseruabitur, si in extremo discrimine, ac
dimicatione fortunæ deseruerit ? si non aderit ? si ni-
hil adiunabit ? quæstiones nobis seruorum, ac tormen-
ta accusator minitatur . in quibus quanquam nil pe-
riculi suspicamur ; tamen illa tormenta gubernat do-
lor, moderatur natura cuiusque tum animi, tum cor-
poris, regit quæsitior, flectit libido, corrumpit spes,
infirmat

O R A T I O

infirmat metus : ut in tot rerum angustijs nihil ueritati loci relinquatur . uita P . Syllæ torqueatur : ex ea quærat , num quæ occultetur libido , num quod lateat facinus , num quæ crudelitas , num quæ audacia : nihil erroris erit in causa , nec obscuritatis , iudices , si a uobis uitæ perpetuæ uox ea , quæ grauissima debet esse , audietur . nullum in hac causa testem timemus : nihil quenquam scire , nihil uidisse , nihil audisse arbitramur . sed tamen si nihil uos P . Syllæ fortuna mouet , iudices , uestra moueat : uestra enim , qui cum summa elegantia , atque integritate nixistis , hoc maxime interest , non ex libidine , aut similitate , aut leuitate testium , causas honestorum hominum ponderari , sed in magnis disquisitionibus , repetitisque periculis uitam uniuscuiusque esse testem . quam uos , iudices , nolite armis suis spoliare , atque nudatam obijcere inuidiæ , dedere suspicioni : munite communem arcem bonorum : obstruite perfugia improborum : ualeat ad pœnam , & ad salutem plurimum , quam solam uidetis ipsam ex ui sua , naturaque facillime perspicui , subito flecti , fingique non posse . Quid uero hæc auctoritas , (semper enim de ea dicendum est , quanquam a me timide , modiceque dicetur) quid , inquam , hæc auctoritas nostra , qui a ceteris coniurationis causis abstinuimus , P . Syllam defendimus , nihil hunc tandem inuabit ? graue , si appetimus aliquid : si , cum ceteri de nobis silent , non etiam nosmet ipsi tacemus , graue : sed si lædimur , si accusamur , si in inuidiam uocamur ; profecto conceditis , iudices ,

dices , ut me
ceat dignit
res : ut iam
inuidia , qu
Catilina , il
nulla erat co
aderant sup
eius pericul
tums , Torq
tilina fuit a
fortasse ame
post delat
indicauit
non affuit
sle : cogne
set : ignos
sin illa res
cens , debui
illa suspicio
Etus , admo
li , atque on
uit : quid e
affuerunt
hunc caus
runt . tant
nihil a se
portere
in temp
unoquoq

dices, ut nobis libertatem retinere liceat, si minus liceat dignitatem. Accusati sunt uno nomine consulares: ut iam uideatur honoris amplissimi nomen plus inuidiæ, quàm dignitatis afferre. Affuerunt, inquit, Catilinæ, illumq. laudarunt. Nulla tum patebat, nulla erat cognita coniuratio: defendebant amicum, aderant supplici: uitæ eius turpitudinem in summis eius periculis non insequabantur. quin etiam parens tuus, Torquate, consul reo de pecunijs repetundis Catilinæ fuit aduocatus, improbo hominì, at supplici; fortasse audaci, at aliquando amico. cui cum affuit post delatam ad eum primam illam coniurationem, indicauit se audisse aliquid, non credidisse. at idem non affuit alio in iudicio, cum adessent ceteri. si postea cognorat ipse aliquid, quod in consulatu ignorasset: ignoscendum est ijs, qui postea nihil audierunt. sin illa res prima ualuit: non, inueterata, quàm recens, debuit esse grauior. sed si tuus parens etiam in illa suspitione periculi sui, tamen, humanitate adductus, aduocationem hominis improbissimi sella curuli, atque ornamentis & suis, & consulatus honestauit: quid est, quamobrem consulares, qui Catilinæ affuerunt, reprehendantur? at idem ijs, qui ante hunc causam de coniuratione dixerunt, non affuerunt. tanto scelere adstrictis hominibus statuerunt nihil a se adiumenti, nihil opis, nihil auxilij ferri oportere. atque ut de eorum constantia, atque animo in remp. dicam, quorum tacita grauitas, & fides de unoquoque loquitur, neque cuiusquam ornamenti orationis

O R A T I O

tionis desiderat : potest quisquam dicere, unquam meliores, fortiores, constantiores consulares fuisse, quàm ijs temporibus & periculis, quibus pæne oppressa est resp. ? quis non de communi salute apertissime, quis non fortissime, quis non constantissime sensit ? neque ego præcipue de consularibus disputo : nam hæc hominum ornatissimorum, qui prætores fuerunt, & uniuersi senatus communis est laus : ut constet, post hominum memoriam nunquam in illo ordine plus uirtutis, plus amoris in remp. plus grauitatis fuisse. sed quia sunt descripti consulares ; de his tantum mihi dicendum putauit, quod satis esset, attestante memoria omnium, nemine esse ex illo honoris gradu, qui non omni studio, uirtute, auctoritate incubuerit ad remp. conseruandam. sed quid ? ego, qui Catilinam non laudaui, qui reo Catilinæ consul non affui, qui testimonium de coniuratione dixi in alios, adeo ne uobis alienus a sanitate, adeo oblitus constantiæ meæ, adeo immemor rerum a me gestarum esse uideor, ut, cum consul bellum gesserim cum coniuratis, nunc eorum ducem conseruare cupiam ? & in animū inducam, cuius nuper ferrum retulerim, flammamq. restinxerim, eiusdem nunc causam, uitamq. defendere ? si mediusfidijs, iudices, non me ipsa resp. meis laboribus, & periculis conseruata, ad grauitatem animi, & constantiam sua dignitate reuocaret ; tamen hoc natura est insitum, ut, quem timueris, qui cum de uita, fortunisq. contenderis, cuius ex insidijs euaseris, hunc semper oderis. sed cum agatur honos
meus

meus amplissimus, gloria rerum gestarum singularis, cum, quoties quisquam est in hoc scelere conuictus, toties renouetur memoria per me inuenta salutis: ego sim tam demens, ego committam, ut ea, quæ pro salute omnium gessi, casu magis, & felicitate a me, quàm uirtute, & consilio gesta esse uideantur? Quid ergo? hoc tibi sumis, dicet fortasse quispiam, ut, quia tu defenderis, innocens iudicetur? Ego uero, iudices, non modo nihil mihi assumo, in quo quispiam repugnet; sed etiam, si quid ab omnibus conceditur, id reddo, ac remitto. non in ea rep. uersor, non ijs temporibus caput meum obtuli pro patria periculis omnibus, non aut ita sunt extincti, quos uinci, aut ita grati, quos seruauit, ut eo mihi plus appetere coner, quàm quantum omnes inimici, inuidiq. patiantur. graue esse eum uideretur, qui inuestigarit coniurationem, qui patefecerit, qui oppresserit, cui senatus singularibus uerbis gratias egerit, cui uni togato supplicationem decreuerit, dicere in iudicio: Nō defenderem, si coniurasset. non dico id, quod graue est: dico illud, quod in his caussis coniurationis non auctoritati assumam, sed pudori meo: Ego ille coniurationis inuestigator, atque ultor, certe non defenderem Syllam, si coniurasse arbitrarer: ego, iudices, de tantis omnium periculis cum quærerem omnia, multa audirem, non crederem omnia, cauere omnia, dico hoc, quod initio dixi, nullius indicio, nullius suspicionem, nullis litteris de re P. Syllæ rem ullam ad me esse delatam. Quamobrem uos dii patrij, ac penates,

qui

O R A T I O

qui huic urbi, atque huic imperio præsidentis, qui hoc imperium, qui hanc libertatem, populumq. R. qui hæc tecta, atque templa, me consule, uestro numine, auxilioq. seruastis, testor, integro me animo, ac libero P. Syllæ causam defendere, nullum a me sciente facinus occultari, nullum scelus susceptum contra salutem omnium defendi, ac tegi. nihil de hoc consul comperi, nihil suspicatus sum, nihil audiui. itaque idem ego ille, qui uehemens in alios, qui inexorabilis in ceteros esse uisus sum, persolui patriæ, quod debui: reliqua iam a me meæ perpetuæ consuetudini, naturæq. debentur. tam sum misericors, iudices, quam uos; tam mitis, quam qui lenissimus. in quo uehemens fui uobiscum, nihil feci nisi coactus: reip. præcipitanti subueni: patriam demersam extuli: misericordia ciuium adducti tunc fuimus tam uehementes, quam necesse fuit. salus esset omnium amissa una nocte, nisi esset seueritas illa suscepta. sed ut ad scelera torum pœnam amore reip. sum adductus; sic ad salutem innocentium uoluntate deducor, nihil uideo esse in hoc P. Sylla, iudices, odio dignum, misericordia digna multa. neque enim nunc propulsandæ calamitatis suæ causa supplex ad uos, iudices, confugit, sed ne quæ generi, ac nomini suo nota nefariæ turpitudinis inuratur. nam ipse quidem, si erit uestro iudicio liberatus, quæ habet ornamenta, quæ solatia reliquæ uitæ, quibus lætari, & perfrui possit? domus erit, credo, exornata: aperientur maiorum imagines: ipse ornatum, ac uestitum recuperabit. omnia, iudi-

ces

ces, hæc amissa sunt: omnia generis, nominis, honoris insignia, atque ornamenta unius iudicij calamitate occiderunt. sed ne extinctor patriæ, ne proditor, ne hostis appelletur, ne hanc labem tanti generis in familia relinquat, id laborat, id metuit; cui honoris integros fructus non sit traditurus, ne æternam memoriam dedecoris relinquat. Hic uos orat, iudices, parvus, ut se aliquando, si non integra fortuna, at afflicta, patri suo gratulari sinatis. huic misero notiora sunt iudiciorum itinera, & fori, quàm disciplina rum. non iam de uita P. Syllæ, iudices, sed de sepultura contenditur. uita erepta est superiore iudicio: nunc, ne corpus eiiciatur, laboramus. quid enim est huic reliqui, quod eum in uita hac teneat? aut quid est, quamobrem hæc cuiquã uita uideatur? nuper is homo fuit in ciuitate P. Syllæ, ut nemo ei se neque honore, neque gratia, nec fortunis anteferebat. nunc spoliatus omni dignitate, quæ erepta sunt, non repetit: quod fortuna in malis reliqui fecit, ut eum parète, cū liberis, cū fratre, cum his necessarijs lugere suã calamitatẽ liceat, id sibi ne eripiatis, iudices, uos obtestatur. Te ipsum iã, Torquate, expletũ huius miserijs, pateat. etsi nihil aliud Syllæ nisi consulatum abstulissetis, tamen eo uos contentos esse oportebat. honoris enim contentio uos ad causam, non inimicitia dederunt. sed cum huic omnia cū honore detracta sint; cum in hac fortuna misera, ac luctuosissima destitutus sit: quid est, quod expetas amplius? lucis ne hæc usuram eripere uis, plenam lacrymarum, atque mæ-

Dd roris,

O R A T I O

roris, in qua cum maxime cruciatu, atque dolore retinetur? libenter reddiderit, adempta ignominia fœdissimi criminis, an nero inimicum ut expellas? cuius ex miseris, si esses crudelissimus, uidendo fructum caperes maiorem, quàm audiēdo. O miserum, & infelicem illum diem, quo consul omnibus centurijs P. Sylla renunciatus est: o falsam spem: o uolucram fortunam: o cecam cupiditatem: o præposteram gratulationem: quàm cito illa omnia ex lætitia, & uoluptate ad luctum, & lacrymas reciderunt: ut, qui paullo ante consul designatus fuisset, retineret repente nullum uestigiū pristinae dignitatis. quid enim erat mali, quod huic, spoliato honore, fama, fortunis, deesse uideretur? aut cui nouæ calamitatis locus ullus relictus esset? urget eadem fortuna, quæ cæpit: reperit nouum merorem: non patitur hominem calamitosum, uno modo afflictum, uno in luctu perire. Sed iam impediōr egomet, iudices, dolore animi, ne de huius miseria plura dicam. uestræ iam sunt partes, iudices: in uestra mansuetudine atque humanitate causam totam repono. uos &, reiectione interposita, nihil suspicantibus nobis, repentinè in nos iudices consediſtis, ab accusatoribus deleti ad spem acerbitatis, a fortuna nobis ad præſidiū innocentia constituti. ut ego, quid de me populus Rex existimaret, quia seuerus in improbos fueram, laboraui, &, quæ prima innocentis mihi defensio est oblata, suscepi: sic uos seueritatem iudiciorum, quæ per hos menses in homines audacissimos facta est, lenitate,

te, ac miſi
uobis ipſa
uirtutis,
ſimum, in
rit. in quo
in uos poſſu
quoniam in
miſericordi
mam repe

P F

S

reſtatio ad
plina proſi
tempus ab
mis hic
iure debet
reſpicere
memoria
hanc uide
ad ingreſ
ſe. quod
format

te, ac misericordia mitigate. hoc cum impetrare a uobis ipsa caussa debet: tum est uestri animi, atque uirtutis, declarare, non esse eos uos, ad quos potissimum, interposita reiectione, deuenire conuenierit. in quo ego, iudices, uos, quantum meus amor in uos postulat, tantum hortor, ut communi studio, quoniam in rep. coniuncti sumus, mansuetudine, & misericordia uestra falsam a nobis crudelitatis famam repellamus.

PRO A. LICINIO

ARCHIA PORTA.

ORATIO XXVI.

S I quid est in me ingenij, iudices, quod sentio quam sit exiguum; aut si qua exercitatio dicendi, in qua me non inficior mediocriter esse uersatum; aut si huiusce rei ratio aliqua, ab optimarum artium studijs, & disciplina profecta, a qua ego nullum cōfiteor ætatis meæ tempus abhorruisse: earum rerum omnium uel in primis hic A. Licinius fructum a me repetere prope suo iure debet. nam quoad longissime potest mens mea respicere spatium præteriti temporis, & pueritiæ memoriam recordari ultimam, inde usque repetens, hunc uideo mihi principem & ad suscipiendam, & ad ingrediendam rationem horum studiorum extitisse. quod si hæc uox huius hortatu, præceptisq. conformata, non nullis aliquando saluti fuit: a quo id ac

Dd 2 cepimus,

Q R A T I O

cepimus, quo ceteris opitulari, & alios seruare possemus, huic profecto ipsi, quantum est situm in nobis, & opem, & salutem ferre debemus. ac ne quis a nobis hoc ita dici forte miretur, quod alia quædam in hoc facultas sit ingenij, neque hæc dicendi ratio, aut disciplina: nec nos quidem huic cuncti studio penitus unquam dediti fuimus. etenim omnes artes, quæ ad humanitatem pertinent, habent quoddam commune uinculum, & quasi cognatione quadam inter se continentur. Sed ne cui uestrum mirum esse uideatur, me in quæstione legitima, & in iudicio publico, cum res agatur apud prætorem populi R. letissimum uirum, & apud seuerissimos iudices, tanto conuentu hominum, ac frequentia, hoc uti genere dicendi, quod non modo a consuetudine iudiciorum, uerum etiam a forensi sermone adhorreat: quæso a uobis, ut in hac causâ mihi detis hanc ueniam, accommodatam huic reo, uobis quemadmodum spero, non molestam, ut me, pro summo poeta atque eruditissimo homine dicentem, hoc concursu hominum litteratissimorum, hac uestra humanitate, hoc denique prætore exercente iudicium, patiamini de studiis humanitatis, ac litterarum paullo loqui liberius, & in eiusmodi persona, quæ propter otium, ac studium minime in iudicijs, periculisq. tractata est, uti prope nouo quodam, & inusitato genere dicendi, quod si mihi a uobis tribui, concediq. sentiam, perficiâ profecto, ut hunc A. Licinium non modo non segregandum, cum sit ciuis, a numero ciuium, uerum etiam, si

si non esset, putetis adsciscendum fuisse. Nam ut primum ex pueris excessit Archias, atque ab ijs artibus, quibus ætas puerilis ad humanitatem informari solet, se ad scribendi studium contulit: primum Antiochiæ (nam ibi natus est; loco nobili, & celebri quondam urbe, & copiosa, atque eruditissimis hominibus, liberalissimisq. studijs affluenti.) celeriter antecellere omnibus ingenij gloria contigit: post, in ceteris Asiæ partibus, cunctæq. Græciæ, sic eius aduentus celebrabatur, ut famam ingenij expectatio hominis, expectationem ipsius aduentus admiratioq. superaret. erat Italia tunc plena Græcarum artium, ac disciplinarum; studiaq. hæc & in Latio uehementius tum colebantur, quam nunc iisdem in oppidis; & hic Romæ propter tranquillitatem reip. non negligebantur: itaque hunc & Tarentini, & Rhegini, & Neapolitani ciuitate ceterisq. præmijs donarunt; & omnes, qui aliquid de ingenijs poterat iudicare, cognitione, atque hospitio dignum existimauerunt. hac tanta celebritate famæ, cum esset iam absentibus notus, Romam uenit Mario consule, & Catulo: nactus est primum consules eos, quorum alter res ad scribendum maximas, alter cures gestas, tum etiam studium, atque aures adhibere posset. statim Luculli, cum prætextatus etiam tum Archias esset, eum domum suam receperunt. sed enim hoc non solum ingenij, ac litterarum, uerum etiam naturæ, atque uirtutis fuit, ut domus, quæ huius adulescetiæ prima fuerit, eadem esset familiarissima senectuti.

Dd 3 erat

erat temporibus illis iucundus Q. Metello illi Numi
dico, & eius Pio filio: audiebatur a M. Aemilio: ui
uebat cum Q. Catulo & patre, & filio: a L. Crasso
colebatur: Lucullos uero, & Drusum, & Octauios,
& Catonem, & totam Hortensiorum domum deuin
etiam consuetudine cum teneret, afficiebatur summo
honore, quod eum non solum colebāt, qui aliquid per
cipere, aut audire studebant, uerum etiam si qui for
te simulabant. interim, satis longo interuallo, cum
esset cum L. Lucullo in Ciliciam profectus; & cum
ex ea prouincia cum eodem Lucullo decederet; uenit
Heracleam: quæ cum esset ciuitas æquissimo iure, ac
fædere, adscribi se in eam ciuitatem uoluit; idque,
cum ipse per se dignus putaretur, tum auctoritate, et
gratia Luculli ab Heracliensibus impetrauit. data
est ciuitas Silani lege, & Carbonis; si qui fæderatis
ciuitatibus adscripti fuissent; si tum, cum lex fereba
tur, in Italia domicilium habuissent; & si sexaginta
diebus apud prætorem essent professi. cum hic domici
lium Romæ multos iā annos haberet, professus est a
pud prætorem Q. Metellum, familiarissimum suum.
Si nihil aliud, nisi de ciuitate, ac lege, dicimus; nihil
dico amplius; causa dicta est. quid enim horum infir
mari, Gracche, potest? Heracleæ ne esse eum adscri
ptum negabis? adest uir summa auctoritate, & reli
gione, & fide, L. Lucullus; qui se non opinari, sed sci
re; non audiuisse, sed uidisse; non interfuisse, sed egisse
dicit. adsunt Heraclienses legati, nobilissimi homines;
qui huius iudicij causa cum mandatis, & cum publi

co testimonio uenerunt; qui hunc adscriptum Hera-
cliensem dicunt. Hic tu tabulas desideras Hera-
cliensium publicas, quas Italico bello, incenso tabula-
rio, interisse scimus omnes. Est ridiculum ad ea, quæ
habemus, nihil dicere, querere, quæ habere non pos-
sumus; & de hominum memoria tacere, litterarum
memoriâ flagitare; & cum habeas amplissimi uiri
religionem, integerrimi municipij iusiurandum, fi-
demque, ea, quæ deprauari nullo modo possunt, repu-
diare; tabulas, quas idem dicis solere corrumpi, desi-
derare. At domicilium Romæ non habuit, is, qui,
tot annis ante ciuitatem datam, sedem omnium re-
rû, ac fortunarum suarum Romæ collocauit. At nō
est professus. Immo uero ijs tabulis professus, quæ so-
læ ex illa professione, collegioq. prætorum obtinent
publicarum tabularum auctoritatem. nam cū Appij
tabulæ negligentius asseruatæ dicerentur; Gabinij,
quàm diu incolumis fuit, leuitas, post damnatio-
nem calamitas omnem tabularum fidem resignasset;
Metellus, homo sanctissimus, modestissimusq. omni-
um, tanta diligentia fuit, ut ad L. Lentulum præto-
rem, & ad iudices uenerit, & unius nominis litura
se commotum esse dixerit. His igitur tabulis nullam
lituram in nomen A. Licinij uidetis. quæ cū ita sint;
quid est, quod de eius ciuitate dubitetis? præsertim
cum alijs quoque in ciuitatibus fuerit adscriptus. ete-
nim cum mediocribus multis, & aut nulla, aut hu-
mili aliqua arte præditis gratuito ciuitatem in Græ-
cia homines impertiebantur; Rheginos credo, aut Lo-
creses,

crenses, aut Neapolitanos, aut Tarentinos, quod scenicis artificibus largiri solebant, id huic, summa ingenij prædito gloria, noluisse. quid? cum ceteri non modo post ciuitatem datam, sed etiam post legem Papiam aliquo modo in eorum municipiorum tabulas irrepperint: hic, qui nec utitur quidem illis, in quibus est scriptus, quod semper Heracliensem esse uoluit, reijcietur? Census nostros requiris. scilicet: est enim obscurum, proximis censoribus hunc cum clarissimo imperatore L. Lucullo apud exercitum fuisse, superioribus cum eodem quaestore fuisse in Asia, primis, Iulio & Crasso, nullam populi partem esse censam. sed quoniam census non ius ciuitatis confirmat, ac tantummodo indicat, eum, qui sit census, ita se iam tum gessisse pro ciue: ijs temporibus, quæ tu criminalis, ne ipsius quidem iudicio in ciuium R. iure esse uersatum, & testamentum sæpe fecit nostris legibus, & adiit hereditatis ciuium R. & in beneficijs ad ærarium delatus est a L. Lucullo prætore, & consule. quære argumēta, si qua potes: nunquam enim hic neque suo, neque amicorum iudicio reuincetur. Quæres a nobis, Gracche, cur tantopere hoc homine detemur? quia suppeditat nobis, ubi et animus ex hoc forensi strepitu reficiatur; & aures, conuicio defessæ, conquiescant. an tu existimas aut suppetere nobis posse, quod quotidie dicamus in tanta uarietate rerum, nisi animos nostros doctrina excolamus; aut ferre animos tantam posse contentionem, nisi eos doctrina eadem relaxemus? ego uera fateor me his studijs

dijs esse deditum. ceteros pudeat, si qui ita se litteris
 abdiderunt, ut nihil possint ex his neque ad commu-
 nem asferre fructū, neque in adspectum, lucemq. pro-
 ferre: me autem quid pudeat? qui tot annos ita uiuo,
 iudices, ut a nullius me unquā tempore, aut cōmodo,
 aut otium meum abstraxerit, aut uoluptas auocarit,
 aut denique somnus retardarit. quare quis tādē me
 reprehendat, aut quis mihi iure succenseat, si, quan-
 tum ceteris ad suas res obeundas, quantum ad festos
 dies ludorum celebrandos, quantum ad alias uolupta-
 tes, & ad ipsam requiem animi & corporis concedi-
 tur temporis, quantum alij tribuunt tempestiuis con-
 uuijs, quantum denique aleæ, quantum pilæ, tan-
 tum mihi egomet ad hæc studia recolenda sumpsero?
 atque adeo mihi concedendum est magis, quod ex his
 studijs hæc quoque crescit oratio, & facultas: quæ
 quantacunque in me est, nunquam amicorum pericu-
 lis defuit: quæ si cui leuior uidetur; illa quidem cer-
 te, quæ summa sunt, ex quo fonte hauriam, sentio.
 nam nisi multorum præceptis, multisq. litteris mihi
 ab adolescentia suasissim, nihil esse in uita magnope-
 re expetendum, nisi laudem, atque honestatem; in ea
 autem persequenda omnes cruciatus corporis, omnia
 pericula mortis, atque exsiliij parui esse ducenda: nun-
 quam me pro salute uestra in tot, ac tantas dimicatio-
 nes, atque in hos profligatorum hominum quotidia-
 nos impetus obiecissim. sed pleni omnes sunt libri,
 plenæ sapientum uoces, plena exemplorum uetustas:
 quæ iacerent in tenebris omnia, nisi litterarum lumē
 accen-

accenderet. quàm multas nobis imagines, non solum ad intuendum, uerum etiam ad imitandum, fortissimorum uirorum expressas scriptores & Græci, & Latini reliquerunt? quas ego mihi semper in admini-
stranda rep. proponens, animum, & mentem meam ipsa cogitatione hominum excellentium conforma-
bam. Quæret quispiam, quid? illi ipsi summi uiri, quorum uirtutes litteris proditæ sunt, ista ne doctri-
na, quam tu laudibus effers, eruditi fuerunt? diffi-
le est hoc de omnibus confirmare: sed tamen est cer-
tum, quid respondeam. ego multos homines excellen-
ti animo, ac uirtute fuisse, & sine doctrina, naturæ
ipsius habitu prope diuino, per se ipsos et moderatos,
& graues extitisse fateor: etiam illud adiungo, sæ-
pius ad laudem, atque uirtutem naturam sine doctri-
na, quàm sine natura ualuisse doctrinam. atque idem
ego contendo, cum ad naturam eximiam, atque illu-
stre accesserit ratio quædam, conformatioq. doctri-
næ, tum illud nescio quid præclarum, ac singulare so-
lere existere: ex hoc esse hunc numero, quem patres
nostri uiderunt, diuinum hominem, Africanum; ex
hoc C. Lælium, L. Furium, modestissimos homines,
& continentissimos; ex hoc fortissimum uirum, &
illis temporibus doctissimum, M. Catonem illum se-
nem: qui profecto si nihil ad percipiendâ, colendamq.
uirtutem litteris adiuuarentur, numquam se ad earû
studium contulissent. quod si non hic tantus fructus
ostenderetur; & si ex his studijs delectatio sola pete-
retur: tamen, ut opinor, hanc animi remissionem hu-
manissimam,

manissim
tera nequ
neque loco
Et utem ob
fugium, a
impediant
tur, rustica
que sensu n
deberemus
strum tam
re nuper
mortuus,
nustatem
ille corpo
nobis om
celeritate
hunc Arc
gnitate, q
diligenter
teram scri
rum uersu
dicere ex
dicere, con
ro accurat
ri, ut ad
Hunc ego
ne defend
bus, erua
dia & d

manissimam, ac liberalissimam iudicaretis. nam ceteræ neque temporum sunt, neque ætatum omnium, neque locorum: hæc studia adolescentiam alunt, senectutem oblectant; secundas res ornant, adversis perfugium, ac solatium præbent; delectant domi, non impediunt foris; pernoctant nobiscum, peregrinantur, rusticantur. quod si ipsi hæc neque attingere, neque sensu nostro gustare possemus; tamen ea mirari deberemus, etiam cum in alijs uideremus. Quis nostrum tam animo agresti, ac duro fuit, ut Roscij morte nuper non commoueretur? qui cum esset senex mortuus, tamen propter excellentem artem, ac uenustatem uidebatur omnino mori non debuisse. ergo ille corporis motu tantum amorem sibi conciliarat a nobis omnibus: nos animorum incredibiles motus, celeritatemque ingeniorum negligemus? Quoties ego hunc Archiam uidi, iudices, (utar enim uestra benignitate, quoniam me in hoc nouo genere dicendi tam diligenter attenditis) quoties ego hunc uidi, cum litteram scripsisset nullam, magnum numerum optimorum uersuum de ijs ipsis rebus, quæ tum agerentur, dicere ex tempore? quoties reuocatum eandem rem dicere, commutatis uerbis, atque sententijs? quæ uero accurate, cogitateque scripsisset, ea sic uidi probari, ut ad ueterum scriptorum laudem peruenirent. Hunc ego non diligam? non admirer? non omni ratione defendendum putem? atqui sic a summis hominibus, eruditissimisque accepimus, ceterarum rerum studia & doctrina, & præceptis, & arte constare; poetam

tam natura ipsa ualere, & mentis uiribus excitari,
 & quasi diuino quodam spiritu afflari. quare suo iure
 noster ille Ennius sanctos appellat poetas; quod
 quasi deorum aliquo dono, atque munere commenda-
 ti nobis esse uideantur. Sit igitur, iudices, sanctum
 apud uos, humanissimos homines; hoc poetæ nomen,
 quod nulla unquam barbaria uiolauit. saxa, & soli-
 tudines uoci respondent; bestiae sæpe immanes cantu
 flectuntur, atque consistunt: nos instituti rebus opti-
 mis non poetarum uoce moueamur? Homerum Colo-
 phonij ciuem esse dicunt suum, Chij suum uindicant,
 Salaminij repetunt, Smyrnæi uero suum esse confir-
 mant; itaque etiam delubrum eius in oppido dedica-
 uerunt: permulti alij præterea pugnant inter se, at-
 que contendunt. ergo illi alienum, quia poeta fuit,
 post mortem etiam expetunt: nos hunc uiuum, qui et
 uoluntate, & legibus noster est, repudiabimus? præ-
 fertim cum omne olim studium, atque omne ingenium
 contulerit Archias ad populi R. gloriam, laudemque
 celebrandam. nam & Cimbricas res adolescens atti-
 git; & ipsi illi C. Mario, qui durior ad hæc studia ui-
 debatur, iucundus fuit. neque enim quisquam est tam
 auersus a musis, qui non mandari uersibus æternum
 suorum laborum facile præconium patiat. Themis-
 tocleum illum, summum Athenis uirum, dixisse au-
 diunt, cum ex eo quareretur, quod acroama, aut cu-
 ius uocem libentissime audiret; eius, a quo sua uir-
 tus optime predicaretur. itaque ille Marius item e-
 ximie L. Plotium dilexit, cuius ingenio putabat ea,
 que

quæ gesserat, posse celebrari. Mithridaticum uero
 bellum, magnum, atque difficile, & in multa uarie-
 tate terra mariq. uersatum, totum ab hoc expressum
 est. qui libri non modo L. Lucullum, fortissimum,
 & clarissimum uirum, uerum etiam populi R. no-
 men illustrent. populus enim R. aperuit, Lucullo im-
 perante, Pontum, & regijs quondam opibus, & ip-
 sa natura regionis uallatum: populi R. exercitus, eo
 dem duce, non maxima manu, innumerabiles Arme-
 niorum copias fudit: populi R. laus est, urbem ami-
 cissimam Cyzicenorum eiusdem consilio ex omni im-
 petu regio, ac totius belli ore, ac faucibus ereptam es-
 se, atque seruata. nostra semper feretur, & prædi-
 cabitur, L. Lucullo dimicante, cum interfectis duci-
 bus depressa hostium classis, & incredibilis apud Te-
 nedum pugna illa naualis: nostra sunt trophæa, no-
 stra monumenta, nostri triumphus. quare, quorum in-
 genijs hæc feruntur, ab ijs populi R. fama celebra-
 tur. carus fuit Africano superiori noster Ennius: ita-
 que etiam in sepulcro Scipionum putatur is esse con-
 stitutus e marmore. at ijs laudibus certe non solum
 ipsi, qui laudantur, sed etiam populi R. nomen orna-
 tur. in cælum huius proauus Cato tollitur: magnus
 honos populi R. rebus adiungitur: omnes denique il-
 li Maximi, Marcelli, Fuluij non sine communi om-
 nium nostrum laude decorantur. ergo illum, qui hæc
 fecerat, Rudium hominem, maiores nostri in ciuita-
 tem receperunt: nos hunc Heracliensem, multis ciui-
 tatibus expetitur, in hac autem legibus constitu-
 tum,

O R A T I O

tum, de nostra ciuitate eijciemus? nam si quis minorem gloriae fructum putat ex Græcis uersibus percipi, quàm ex Latinis, uehementer errat: propterea quòd Græca leguntur in omnibus fere gentibus, Latina suis finibus, exiguis sane, continentur. quare si res eæ, quas gessimus, orbis terræ regionibus definiuntur; cupere debemus, quòd manuumstrarum tela peruenerint, eodem gloriam, famamq. penetrare: quòd, cum ipsis populis, de quorum rebus scribitur, hæc ampla sunt; tum ijs certe, qui de uita, gloriae caussa, dimicant, hoc maximum & periculorum incitamentum est, & laborum. Quàm multos scriptores rerum suarum magnus ille Alexander secum habuisse dicitur? atque is tamen, cum in Sigæo ad Achillis tumulum adstitisset, O fortunate, inquit, adolescens, qui tuæ uirtutis Homerum præconem inueneris. & uere: nam nisi Ilias extitisset illa, idem tumulus, qui corpus eius contexerat, nomen etiam obruisset. Quid noster hic Magnus, qui cum uirtute fortunam adæquauit? non ne Theophanem Mitylenaum, scriptorem rerum suarum, in concione militum ciuitate donauit; & nostri illi fortes uiri, sed rustici, ac milites, dulcedine quadam gloriae commoti, quasi participes eiusdem laudis, magno illud clamore approbauerunt? itaque, credo, si ciuis R. Archias legibus non esset, ut ab aliquo imperatore ciuitate donaretur, perficere non potuit. Sylla, cum Hispanos, & Gallos donaret, credo, hunc petentem repudiasset. quem nos in concione uidimus, cum ei libellum

malus

P
malus poe
in eum fec
sculis, stat
re ei pram
stea scriber
quo tamen
tutem in sci
a Q. Mete
multos don
petrauisset
bi cuperet
quiddam
res suas d
quod obse
trahimur
maxime
illis libelli
men suum
nem, nobi
minari no
ille uir, &
nibus tem
uit suoria
mite, bell
bias Mus
res prope
lubra col
sarium ha
que ut in

malus poeta de populo subiecisset, quod epigramma in eum fecisset tantummodo alternis uersibus longiusculis, statim ex ijs rebus, quas tunc uendebat, iubere ei præmium tribui, sub ea condicione, ne quid postea scriberet. qui sedulitatem mali poetæ duxerit aliquo tamen præmio dignam, huius ingenium, & uirtutem in scribendo, & copiam non expetisset? Quid? a Q. Metello Pio, familiarissimo suo, qui ciuitate multos donauit, neque per se, neque per Lucullos impetrauisset? qui præsertim usque eò de suis rebus scribi cuperet, ut etiam Cordubæ natis poetis, pingue quiddam sonantibus, atque peregrinum, tamen aures suas dederit. neque enim est hoc dissimulandum: quod obscurari non potest, sed præ nobis ferendum: trahimur omnes laudis studio; & optimus quisque maxime gloria ducitur. ipsi illi philosophi etiam in illis libellis, quos de contemnenda gloria scribunt, nomen suum inscribunt: in eo ipso, in quo prædicationem, nobilitatemq. despiciunt, prædicari de se, ac nominari uolunt. Decimus quidem Brutus, summus ille uir, & imperator, Accij, amicissimi sui, carminibus templorum ac monumentorum aditus exornauit suorum. iam uero ille, qui cum Aetolis, Ennio comite, bellauit, Fuluius non dubitauit Martis manubias Musis consecrare. Quare in qua urbe imperatores prope armati poetarum nomen, & Musarum delubra coluerunt, in ea nõ debent togati iudices a Musarum honore, & a poetarum salute abhorre. atque ut id libentius faciatis, iam me uobis, iudices, indicabo,

indicabo, & de meo quodam amore gloriæ, nimis ac-
cri fortasse, ueruntamen honesto, uobis confitebor.
nam quas res nos in consulatu nostro uobiscum simul
pro salute huius urbis, atque imperij, & pro uita ci-
uium, proq. uniuersa rep. gessimus, attigit hic uersi-
bus, atque inchoauit: quibus auditis, quod mihi ma-
gna res, & iucunda uisa est, hunc ad perficiendum
hortatus sum. nullam enim uirtus aliam mercedem
laborum, periculorumq. desiderat, præter hanc lau-
dis, & gloriæ: qua quidem detracta, iudices, quid
est, quod in hoc tam exigua uitæ curriculo, & tam
breui, tantis nos in laboribus exerceamus? certe, si
nihil animus præsentiret in posterum; & si, quibus
regionibus uitæ spatium circumscriptum est, eisdem
omnes cogitationes terminaret suas; nec tantis se la-
boribus frangeret; neque tot curis, uigilijsq. angere-
tur; nec toties de uita ipsa dimicaret. nunc insidet
quædam in optimo quoque uirtus, quæ noctes & dies
animum gloriæ stimulis concitat, atque admonet,
non cum uitæ tempore esse dimetiendam commemo-
rationem nominis nostri, sed cū omni posteritate ad-
æquandam. an uero tam parui animi uideamur esse
omnes, qui in rep. atque in his uitæ periculis, labo-
ribusq. uersamur, ut, cum usque ad extremum spa-
tium nullum tranquillum atque otiosum spiritum du-
xerimus, nobiscum simul moritura omnia arbitre-
mur? an, cum statuas, & imagines, non animorum
simulacra, sed corporum, studiose multi summi ho-
mines reliquerint; consiliorum relinquere, ac uirtu-
tum

tum nostrarum effigiem non multo malle debemus,
 ummis ingenijs expressam, & politam? ego uero
 omnia, quæ gerebam, iam tum in gerendo, sparge-
 re me, ac disseminare arbitrabar in orbis terræ me-
 moriam sempiternam. hæc uero siue a meo sensu post
 mortem absutura sunt, siue, ut sapientissimi homi-
 nes putauerunt, ad aliquam animi mei partem per-
 tinebunt; nunc quidem certe cogitatione quadam,
 speq. delector. Quare conseruate, iudices, hominem
 pudore eo, quem amicorum studijs uidetis compro-
 bari, tum dignitate, tum etiam uenustate; ingenio *
 autem tanto, quantum id conuenit existimari, quod
 summorum hominum ingenijs expetitur esse uideat-
 ur; caussa uero eiusmodi, quæ beneficio legis, aucto-
 ritate municipij, testimonio Luculli, tabulis Me-
 telli comprobetur. Quæ cum ita sint; petimus a uo-
 bis iudices, si qua non modo humana, uerum etiam
 diuina in tantis negotijs commendatio debet esse, ut
 eum, qui uos, qui uestros imperatores, qui populi
 R. res gestas semper ornauit, qui etiam his recenti-
 bus nostris, uestrisq. domesticis periculis æternum
 se testimonium laudum daturus esse profitetur, quiq.
 est eo numero, qui semper apud omnes sancti sunt
 habiti, atque dicti, sic in uestram accipiat fides,
 ut humanitate uestra leuatus potius, quàm acerbi-
 tate uiolatus esse uideatur. Quæ de caussa pro mea
 consuetudine breuiter, simpliciterq. dixi, iudices,
 ea confido probata esse omnibus: quæ non fori, ne-
 que iudiciali consuetudine & de hominis ingenio, &

Ee com-

ORATIO

*muniter de ipsius studio locutus sum, ea, iudices, a
uobis spero esse in bonam partem accepta, ab eo, qui
iudicium exercet, certe scio.*

AD QUIRITES,

POST REDITVM.

ORATIO XXVII.

QUOD precatus a Ioue optimo maximo,
ceterisq. dijs immortalibus sum, Quiri
tes, eo tempore, cum me, fortunasq. me
as pro uestra incolumitate, otio, concor
diaq. deuoui, ut, si meas rationes unquam uestre sa
luti anteposuissem, sempiternam pœnam sustinerem
mea uoluntate susceptam; sin & ea, quæ ante gesse
ram, conseruanda ciuitatis caussa gessissem, & illam
miseram profectionem uestre salutis gratia suscepis
sem, ut quod odium scelerati homines, & audaces in
remp. & in omnes bonos conceptum iam diu conti
nerent, id in me unum potius, quàm in optimum quæ
que, & in uniuersam remp. defigerent; hoc si ani
mo in uos, liberosq. uestros fuisset, ut aliquando
uos, patres conscriptos, Italiamq. uniuersam memo
ria mei, misericordia, desideriumq. teneret: eius de
uotionis me esse conuictum iudicio deorum immorta
lium, testimonio senatus, consensu Italiæ, confessio
ne inimicorum, beneficio diuino immortalisq. uestro,
maxime lætor, Quirites. etsi homini nihil est magis
optandum, quàm prospera, æquabilis, perpetuaq.
fortuna,

fortuna, secundo uita, sine ulla offensione, cursu: tamen, si mihi tranquilla, & placata omnia fuissent, incredibili quadam, & pæne diuina, qua nunc uestro beneficio fruor, lætitiæ uoluptate caruissem. Quid dulcius hominum generi a natura datum est, quàm sui cuique liberi? mihi uero, & propter indulgentiâ meam, & propter excellens eorum ingenium, uita sunt mea cariores. tamen non tanta uoluptate erant suscepti, quanta nunc sunt restituti. Nihil cuiquam fuit unquam iucundius, quàm mihi meus frater. non tam id sentiebam, cum fruebar, quàm tunc, cum carebam, & postea quàm uos me illi, & mihi eum red didistis. Res familiaris sua quenque delectat. reliquæ meæ fortunæ recuperatæ plus mihi nunc uoluptatis afferunt, quàm tunc incolumi afferebant. Amicitia, cōsuetudines, uicinitates, cliētela, ludi denique, et dies festi quid haberent uoluptatis, carendo magis intellexi, quàm fruendo. Iam uero honos, dignitas, locus, ordo, beneficia uestra, quāquam mihi semper clarissima uisa sunt, tamen ea nunc renouata illustriora uidentur, quàm si obscurata nō essent. Ipsa autē patria, dii immortales, dici uix potest, quid caritatis, quid uoluptatis habet? Quæ species Italiæ? quæ celebritas oppidorum? quæ forma regionū? qui agri? quæ fruges? quæ pulchritudo urbis? quæ humanitas ciuium? quæ reip. dignitas? quæ uestra maiestas? quibus ego omnibus antea rebus sic fruebar, ut nemo magis. sed tanquam bona ualetudo iucundior est eis, qui e graui morbo recreati sunt, quàm qui nunquam agro corpore

Dd 2 fue-

O R A T I O

fuerunt : sic ea omnia desiderata magis , quàm assidue percepta , delectant . Quorsum igitur hæc disputo? quorsum? ut intelligere possitis , neminem unquàm tanta eloquentia fuisse , neque tam diuino atque incredibili genere dicendi , qui uestrorum magnitudinem multitudinemq̃. beneficiorum , quæ in me , fratremq̃. meum , liberosq̃. nostros contulistis , non modo augere , aut ornare oratione , sed enumerare , aut consequi possit . A parentibus , id quod necesse erat , paruum sum procreatus : a uobis natus sum consularis . illi mihi fratrem incognitum , qualis futurus esset , dederunt : uos spectatum , & incredibili pietate cognitum , reddidistis . remp. illis accepi temporibus eam , quæ pæne amissa est : a uobis eam recuperaui , quam aliquando omnes unius opera seruata iudicauerunt . dii immortales mihi liberos dederunt , uos reddidistis . multa præterea a dijs immortalibus optata consecuti sumus : nisi uestra uoluntas fuisset , omnibus diuinis muneribus caruissemus . uestros denique honores , quos eramus gradatim singulos affecuti , nunc a uobis uniuersos habemus : ut , quantum antea parētibus , quantum dijs immortalibus , quātum uobismet ipsis , tantum hoc tempore , uniuerso cuncta populo R. debeamus . nam cum in ipso beneficio uestro tanta magnitudo est , ut eam complecti oratione non possim : tum in studijs uestris tanta animorum declarata est uoluntas , ut non solum calamitatem mihi detraxisse , sed etiam dignitatem auxisse uideamini . non enim pro meo reditu , ut pro P. Popilij , nobilissimi homi-

hominis, adolescentes filij, & multi præterea cognati, atque affines, deprecati sunt; non, ut pro Q. Metello, clarissimo uiro, iam spectata ætate filius; non L. Dalmaticus consularis, summa auctoritate uir; non Q. Metellus censorius, non eorum liberi; non Q. Metellus Nepos, qui tum consulatum petebat; non sororū filij Luculli, Seruiliij, Scipiones: per multi enim tum Metelli, aut Metellarum liberi pro Q. Metelli reditu uobis, ac patribus uestris supplicauerunt. quod si ipsius summa dignitas, maximæq. res gestæ non satis ualerent: tamen filij pietas, propinquorum preces, adolescentium squalor, maiorum natu lacrymæ populum R. mouere potuerunt. nā C. Marij, qui post illos ueteres clarissimos consulares, uestra patrumq. memoria, tertius ante me consularis subiit indignissimam fortunā præstantissima sua gloria, dissimilis fuit ratio. non enim ille deprecatione redijt, sed in dissensu ciuium, exercitu se armisq. reuocauit. Me autem, nudum a propinquis, nulla cognatione munitum, nullo armorum ac tumultus metu, C. Pisonis, generi mei, diuina quædam & inaudita auctoritas, atque uirtus, fratrisq. mei miserri- *
 mi, atque optimi quotidianæ lacrymæ, sordesq. lugubres a uobis deprecatae sunt. frater erat unus, qui suo squalore uestros oculos infleðeret; qui suo fletu desiderium mei, memoriamq. renouaret; qui statuerat, Quirites, si uos me sibi non reddidissetis, eandem subire fortunam; & tanto in me amore extitit, ut negaret fas esse non modo domicilio, sed ne se-

O R A T I O

pulcro quidem se a me esse seiunctum . pro me præsente senatus , hominumq. præterea uiginti millia uestem mutauerūt : pro eodem me absente unius squalorem , sordesq. uidistis . unus hic , qui domi , qui in foro posset esse , mihi pietate filius inuentus est , beneficio parens , amore , idem qui semper fuit , frater . nam coniugis miseræ squalor , & luctus , atque optimæ filiae mæror assiduus , filijq. parui desiderium mei , lacrymæq. pueriles aut itineribus necessarijs , aut magna parte tectis , ac tenebris continebantur . Quare hoc maius est uestrum in nos promeritum , quod non multitudini propinquorum , sed nobismet ipsis nos reddidistis . sed quemadmodum propinqui , quos ego parere nō potui , mihi ad deprecandam calamitatem meam non affuerunt : sic , illud quod mea uirtus præstare debuit , adiutores , auctores , hortatoresq. ad me restitutum ita multi fuerūt , ut longe superiores omnes hac dignitate , copiaq. superarem . Nunquam de P. Popillio , clarissimo , atque fortissimo uiro ; nunquam de Q. Metello , nobilissimo & constantissimo ciue ; nūquam de C. Mario , custode ciuitatis , atque imperij uestri , in senatu mentio facta est . tribunicijs superiores illi rogationibus , nulla auctoritate senatus , sunt restituti : Marius uero non modo non a senatus , sed etiam oppresso senatu est restitutus : nec rerum gestarum memoria in reditu C. Marij , sed exercitus , atque arma ualuerunt . at de me , ut ualeret , semper senatus flagitauit ; ut aliquando perficeretur , cum primum licuit , frequentia , atque auctoritate perfecit .

Nullus

Nullus in eorum reditu motus municipiorum, & coloniarum factus est: at me in patriam ter suis decretis Italia cuncta reuocauit. Illi, inimicis interfectis, magna ciuium cæde facta, reducti sunt: ego ijs, a quibus eiectus sum, prouincias obtinentibus, inimico autem, optimo uiro, & mitissimo, altero consule referente, reductus sum, cum is inimicus, qui ad meam perniciem uocem suam communibus hostibus præbuisset, spiritu dumtaxat uiueret, re quidem infra omnes mortuos amandatus esset. Nunquam de Popillio L. Opimius, fortissimus cōsul, nunquam de Q. Mettello, non modo C. Marius, qui erat inimicus, sed ne is quidem, qui secutus est M. Antonius, homo eloquentissimus, cum A. Albino collega senatum, aut populum est cohortatus. at pro me superiores consules semper, ut referrent, efflagitati sunt: sed ueriti sunt, ne gratiæ causâ facere uideretur, quod alter mihi affinis erat, alterius causam capitis receperam: qui prouinciarum fœdere irretiti, totum illum annum, querelas senatus, luctum bonorum, Italiæ gemitum pertulerunt. kalendis uero Ian. postea quàm orba resp. consulis fidem, tanquam legitimi tutoris, implorauit, P. Lentulus consul, parens, deus, salus nostræ uitæ, fortunæ, memoriæ, nominis, simul ac de sollempni religione retulit, nihil humanarum rerum sibi prius, quàm de me, agendum iudicauit. atque eo die confecta res esset, nisi is tribunus pl. quem ego maximis beneficijs quæstorem consul ornaueram, cum & cunctus ordo, & multi eum summi uiri orarent, & Cn. Oppius socer, opti-

DE MORATIO

mus uir, ad pedes eius flens iaceret, noctem sibi ad deliberandum postulasset. quæ deliberatio non in reddenda, quemadmodum non nulli arbitrabantur, sed, ut patens factum est, in augenda mercede consumpta est. postea res acta est in senatu alia nulla: & cum uarijs rationibus impediretur, uoluntate tamen perspecta senatus, causa ad uos mense Ian. deferrebatur. hic tantum interfuit inter me, & inimicos meos. ego, cum homines in tribunali Aurelio palam conscribi, centuriariq. uidissem; cum intelligerem ueteres ad spem cædis Catilinæ copias esse reuocatas; cum uiderem ex ea parte homines, cuius partis nos uel principes numerabamur, partim quod mihi inuiderent, partim quod sibi timerent, aut proditores esse, aut desertores salutis meæ; cum duo consules, empti pactione prouinciarum, auctores se inimicis reip. tradidissent; cum egestatem auaritiam, libidines suas uiderent expleri non posse, nisi me constrictum domesticis hostibus dedidissent; cum senatus, equitesq. Reflere pro me, ac mutata ueste uobis supplicare, edictis, atque imperijs uetarentur; cum omnium prouinciarum pactiones, cum omnia cum omnibus fœdera, reconciliationes gratiarum sanguine meo sanciretur; cum omnes boni non recusarent, quin uel pro me, uel mecum perirent: armis decertare pro mea salute nolui; quod & uincere, & uinci luctuosum reip. fore putavi. at inimici mei, mense Ian. cum de me ageretur, corporibus ciuium trucidatis, flumine sanguinis meum reditum intercludendum putauerunt. itaque

que cum ego abfui, eam remp. habuistis, ut æque me,
 atque illam restituendam putaretis. ego autem, in
 qua ciuitate nihil ualeret senatus, omnis esset impu-
 nitas, nulla iudicia, uis & ferrum in foro uersaren-
 tur; cum priuati se parietum præsidio, non legum tue-
 rentur; tribuni pl. uobis inspectantibus uulneraren-
 tur; ad magistratuum domos cum ferro & facibus
 iretur; consulis fasces frangerentur; deorum immor-
 talium templa incenderentur; remp. nullam esse pu-
 tauit: itaque neque, rep. exterminata, mihi locum in
 hac urbe esse duxi; nec, si illa restitueretur, dubita-
 ui, quin me secum ipsa reduceret. an ego, cum mihi
 esset exploratissimum, P. Lentulum proximo anno
 consulem futurum, qui, illis ipsis reip. periculosissi-
 mis temporibus, ædilis curulis, me consule, omnium
 meorum consiliorum particeps, periculorumq. socius
 fuisset; dubitarem, quin is me, confectum consulari-
 bus uulneribus, consulari medicina ad salutem redu-
 ceret? hoc duce, collega autem eius, clementissimo,
 atque optimo uiro, primo non aduersante, post etiam
 adiuuante, reliqui magistratus pæne omnes fuerunt
 defensores salutis meæ: ex quibus excellenti animo,
 uirtute, auctoritate, præsidio T. Annius, & P.
 Sextius, præstanti in me beneuolentia, & diuino stu-
 dio extiterunt. eodemq. P. Lentulo auctore, & pa-
 riter referente collega, frequentissimus senatus, uno
 dissentiente, nullo intercedente, dignitatem meam qui-
 bus potuit uerbis amplissimis ornauit, salutem uobis,
 municipijs, colonijsq. omnibus commendauit. ita me
 nudum

O R A T I O

nudum a propinquis, nulla cognatione munitum consules, praetores, tribuni pl. senatus, Italia cuncta semper a uobis deprecata est: denique omnes, qui uestris maximis beneficijs honoribusq. sunt ornati, producti ad uos ab eodem, non solum ad me conseruandum uos cohortati sunt, sed etiam rerum mearum gestarum auctores, testes, laudatoresq. fuerunt. quorum princeps ad cohortandum uos, & ad rogandos fuit Cn. Pompeius, uir omnium, qui sunt, fuerunt, erunt, uirtute, sapientia, ac gloria princeps: qui mihi unus uni priuato amico eadem omnia dedit, quae uniuersae reip. salutem, otium, dignitatem: cuius oratio fuit, quemadmodum accepi, tripartita. primum uos docuit, meis consilijs remp. esse seruata; causamq. meam cum communi salute coniunxit; hortatusq. est, ut auctoritatem senatus, statum ciuitatis, fortunas ciuis bene meriti defenderetis: tum in perorando posuit, uos rogari a senatu, rogari ab equitibus R. rogari ab Italia cuncta: denique ipse ad extremum pro mea uos salute non rogauit solum, uerum etiam obsecrauit. huic ego homini, Quirites, tantum debeo, quantum hominem homini debere uix fas est. huius consilia, P. Lentuli sententiam, senatus auctoritatem uos secuti, in eo me loco, in quo uestris beneficijs fueram, iisdem centurijs, quibus collocaratis, repositis. eodem tempore audistis eodem ex loco summos uiros, ornatissimos, atque amplissimos homines, principes ciuitatis, omnes consulares, omnes praetorios eadem dicere, ut omnium testimonio, per me

unum

unum remp. conseruatam esse, constaret. itaque cum
P. Seruilius, grauiissimus uir, & ornatissimus ciuis,
dixisset, opera mea remp. incolumen magistratibus
deinceps traditam; dixerunt in eandem sententiam
ceteri. sed audistis eo tempore clarissimi uiri non so-
lum auctoritatem, sed etiam testimonium, L. Gel-
lij: qui, quia suam classem attentatam magno cum
suo periculo pæne sensit, dixit in concione uestra, si
ego consul, cum fui, non fuisset, remp. funditus in-
terituram fuisse. En ego tot testimonijs, Quirites,
hac auctoritate senatus, tanta consensione Italiæ, tan-
to studio bonorum omnium, agente P. Lentulo, con-
sistentibus ceteris magistratibus, deprecante Cn.
Pompeio, omnibus hominibus fauentibus, dijs deni-
que immortalibus frugum ubertate, copia, uilitate
reditum meum comprobantibus, mihi meis, reip. re-
stitutus, tantum uobis, quantum facere possum, Qui-
rites, pollicebor: primum, qua sanctissimi homines
pietate erga deos immortales esse solent, eadem me
erga populum R. semper fore, numenq. uestrum æ-
que mihi graue, et sanctum, ac deorum immortalium,
in omni uita futurum: deinde, quoniam me in ciuita-
tem resp. ipsa reduxit, nullo me loco reip. defuturum.
quod si quis existimat, me aut uoluntate esse mutata,
aut debilitata uirtute, aut animo fracto; uehemen-
ter errat. mihi quod potuit uis, & iniuria, & scele-
ratorum hominum furor detrahare, eripuit, abstulit,
dissipauit: quod uiro forti adimi non potest, id ma-
net, & permanebit. uidi ego fortissimum uirum, mu-
nicipem

nicipem meum, C. Marium, quoniam nobis quasi aliqua fatali necessitate nō solum cum ijs, qui hęc de lere uoluissent, sed etiam cum fortuna belligerandum fuit: eum tamen uidi, cum esset summa senectute, non modo non infracto animo propter magnitudinem calamitatis, sed confirmato, atque renouato. quem egomet dicere audiui, tum se fuisse miserum, cum careret patria, quam obsidione liberauisset; cum sua bona possideri ab inimicis, ac diripi audiret; cum adolescentem filium uideret eiusdem socium calamitatis; cum in paludibus demersus, concursu, ac misericordia Minturnensium corpus, ac uitam suam conseruasset; cum parua nauicula traiectus in Africam, quibus regna ipse dederat, ad eos inops, supplexq. uenisset: recuperata uero sua dignitate, se non commissurum, ut, cum ea, quæ amiserat, sibi restituta essent, uirtutem animi non haberet, quam nunquam perdidisset. sed hoc inter me, atque illum interest; quod ille, quare plurimum potuit, ea ipsa re inimicos suos ultus est, armis; ego, qua consueui, utar pietate: quoniam illi arti in bello, ac seditione locus est; huic in pace, atque otio: quodq. ille animo irato nihil, nisi de inimicis ulciscendis, agebat; ego de ipsis inimicis tantum, quantum mihi resp. permittet, cogitabo. Denique, Quirites, quoniam me quattuor omnino genera hominum uiolarunt; unū eorum qui odio reip. quod eam ipsis inuitis conseruaram, mihi inimicissimi fuerunt; alterum, qui per simulationem amicitiae nefarie prodiderunt; tertium, qui, cum, propter

propter inertiam suam eadem assequi non possent,
 inuiderent laudi, & dignitati meæ; quartum, qui,
 cum custodes reip. esse debuerunt, salutem meam, sta-
 tum ciuitatis, dignitatem eius imperij, quod erat pe-
 nes ipsos, uendiderunt: sic ulciscar genera singula,
 quemadmodum a quibusque sum prouocatus; malos
 ciues, remp. bene gerendo; perfidos amicos, nihil cre-
 dendo, atque omnia cauendo; inuidos, uirtuti, &
 gloriæ feruendo; mercatores prouinciarum, reuo-
 cando domum, atque ab ijs prouinciarum rationem
 repetendo. quanquam mihi maiori curæ est, quem-
 admodum quidem uobis, qui de me estis optime meri-
 ti, gratiam referam, quàm quemadmodum inimico-
 rum iniurias, crudelitatemq. persequar. etenim ul-
 ciscendæ iniuriæ facilior ratio est, quàm beneficij re-
 munerandi: propterea quòd superiore esse contra im-
 probos, minus est negotij, quàm bonis exæquari:
 tum etiam nec tam necessarium quidem est, male me-
 ritis, quàm optime meritis, referre quod debeas. o-
 dium uel precibus mitigari potest, uel temporibus
 reip. communiq. utilitate deponi, uel difficultate ulci-
 scendi teneri, uel uetustate sedari: bene meritos quin
 colas, nec exorari fas est, neque id reip. repetere, ut-
 cunque necesse est, neque est excusatio difficultatis,
 neque æquum est tempore & die memoriam benefi-
 cij definire. postremo, qui in ulciscendo remissior fuit,
 mox aperte laudatur: at grauissime uituperatur, qui
 in tãtis beneficijs, quanta uos in me contulistis, remu-
 nerandis est tardior; neque solum ingratus, quod ip-
 sum

O R A T I O

sum graue est, uerum etiam impius appelletur, necesse est. atque in officio persoluendo dissimilis est ratio, & pecunia debita: præterea quod pecuniam, qui retinet, non dissoluit; qui reddidit, non habet: gratiam &, qui retulit, habet; &, qui habet, dissoluit. quapropter memoriam uestri beneficii colam beneuolentia sempiterna, non solum dum anima superabo mea, sed etiam cum mortuo monumenta uestri in me beneficii permanebunt. in referenda autem gratia hoc uobis repromitto, semperque præstabo, mihi neque in consilijs de rep. capiundis diligentiam, neque in periculis a rep. propulsandis animum, neque in sententia simpliciter referenda fidem, neque in hominum uoluntatibus pro rep. lædendis libertatem, nec in perferendo labore industriam, nec in uestris commodis augendis gratam animi beneuolentiam defuturam. atque hæc cura, Quirites, erit infixæ animo meo sempiterna, ut cum uobis, qui apud me deorum immortalium uim & numen tenetis, tunc posteris uestris, cunctisque gentibus dignissimus ea ciuitate uidear, quæ suam dignitatem non posse tenere se, nisi me recuperasset, cunctis suffragijs iudicauit.

POST

POST REDITVM IN SENATV,
ORATIO XXVIII.

S I, P. C. pro uestris immortalibus in me,
fratremq. meum, liberosq. nostros meri-
tis parum uobis cumulate gratias egero,
quæso, obtestorque, ne meæ naturæ po-
tius, quàm magnitudini uestrorum beneficiorum id
tribuendum putetis. quæ enim tanta potest existere
ubertas ingenij, quæ tanta dicendi copia, quod tam
diuinum, atque incredibile genus orationis, quo quis-
quam possit uestra in nos uniuersa promerita, non di-
cam complecti orando, sed percensere numerando?
qui mihi fratrem optatissimum, me fratri amantissi-
mo, liberis nostris parentes, nobis liberos, qui digni-
tatem, qui ordinem, qui fortunas, qui amplissimam
remp. qui patriam, qua nihil potest esse iucundius,
qui denique nosmet ipsos nobis reddidistis. quod si pa-
rentes carissimos habere debemus, quod ab ijs nobis
uita, patrimonium, libertas, ciuitas tradita est; si
deos immortales, quorum beneficio & hæc tenui-
mus, & ceteris rebus aucti sumus; si populum R. cu-
ius honoribus in amplissimo consilio, & in altissimo
gradu dignitatis, atque in hac omnium terrarum ar-
ce collocati sumus; si hunc ipsum ordinem, a quo sæ-
pe magnificentissimis decretis sumus honestati: im-
mensum quiddam, & infinitum est, quod uobis debea-
mus; qui uestro singulari studio, atque consensu, pa-
rentum beneficia, deorum immortalium munera,
populi

POST

O R A T I O

populi Romani honores, uestra de me multa iudicia,
nobis omnia uno tempore reddidistis; ut, cum mul-
ta uobis magna populo R. innumerabilia parētibus,
omnia dijs immortalibus debeamus, quod hæc antea
singula per illos habuerimus, nunc uniuersa per uos
recuperauerimus. itaque, P. C. quod ne optandum
quidem est homini, immortalitatem quandam per
uos adepti uidemur. quod enim tempus erit unquam,
quo uestrorum in nos beneficiorum memoria, ac fa-
ma moriatur? qui illo ipso tempore, cum ui, ferro,
metu minis obsessi teneremini, non multo post disces-
sum meum uniuersi me reuocauistis, referente L.
Ninnio, fortissimo, atque optimo uiro? quem habuit
ille pestifer annus & maxime fidelem, & minime ti-
midum, si dimicare placuisset, defensorem salutis
meæ. postea quàm uobis potestas decernendi non est
permessa per eum tribunum pl. qui cum per se remp.
lacerare non posset, sub alieno scelere deleuit: nun-
quam de me siluistis, nunquam meam salutem non ab
ijs consulibus, qui uendiderant, flagitauistis. itaque
uestro studio, atque auctoritate perfectum est, ut ille
ipse annus, quem ego mihi, quàm patriæ, malueram
esse fatalem, octo tribunos haberet, qui promulga-
rent de salute mea, & ad uos sæpenumero referrent.
nam consules modesti, legumq. reuerentes, impedi-
bantur lege, non ea, quæ de me, sed ea, quæ de ipsis
lata erat, cum meus inimicus promulgauit, ut, si re-
uixissent ij, qui hæc pæne deleuerunt, tum ego redire.
quo facto utrumque confessus est, & se illorum uitam
desiderare,

desiderare, & magno in periculo rep. futuram, si
aut hostes, atque interfectores reip. reuixissent, aut
ego non reuertissem. itaque illo ipso anno, cum ego
cessissem; principes autem ciuitatis, non legum præsi-
dio, sed parietum, uitam suam tuerentur; resp. sine
consulibus esset; neque solum parentibus perpetuis, ue-
rum etiam tutoribus annuis esset orbat a; sententias
dicere prohiberemini; caput meæ proscriptionis reci-
taretur: nunquam dubitastis meam salutem cum com-
muni salute coniungere. postea uero quàm, singulari,
& præstantissima uirtute P. Lentuli consulis ex supe-
rioris anni caligine, & tenebris lucem in rep. kalen-
dis Ian. respicere cœpistis; cum Q. Metelli, nobilissi-
mi hominis, atque optimi uiri, summa dignitas, cum
prætorum, tribunorum pl. pæne omnium uirtus, &
fides reip. subuenisset; cum uirtute, gloria, rebus ge-
stis, Cn. Pompeius, omnium gentium, omnium sæcu-
lorum, omnis memoriæ facile princeps, tuto se in se-
natum uenire arbitraretur: tantus uester consensus
de salute mea fuit, ut, licet corpus abesset meum, di-
gnitas iam in patriam reuertisset. quo quidem men-
se, quid inter me & meos inimicos interesset, existi-
mare potuistis. ego meam salutem deserui, ne propter
me ciuium uulneribus resp. cruentaretur: illi meum
reditum non populi R. suffragijs, sed flumine sangui-
nis intercludendum putauerunt. itaque postea nihil
uos ciuibus, nihil socijs, nihil regibus respondistis: ni-
hil iudices sententijs, nihil populus suffragijs, nihil
hic ordo auctoritate declarauit: mutum forum, elin-

Ff guem

O R A T I O

guem curiam, tacitam & fractam ciuitatem uideba-
 tis. quo quidem tempore cum is excessisset, qui cædi,
 & flammæ uobis auctoribus restiterat, cum ferro, et
 facibus homines tota urbe uolitantes, magistratuum
 tecta oppugnata, deorum templa inflammata, sum-
 mi uiri, & clarissimi consulis fasces fractos, fortissi-
 mi, atque optimi uiri tribuni pl. sanctissimum cor-
 pus non solum tactum, ac uiolatum manu, sed uulne-
 ratum ferro, confectumq. uidistis. qua strage non nul-
 li permoti magistratus, partim metu mortis, partim
 desperatione reip. paullulum a mea causa reuoluerunt:
 reliqui fuerunt, quos neque terror, nec uis, nec spes,
 nec metus, nec promissa, nec minæ, nec tela, nec fa-
 ces a uestra auctoritate, a populi R. dignitate, a mea
 salute depellerent. princeps P. Lentulus, parens, ac
 deus nostræ uitæ, fortunæ, memoriæ, nominis, hoc
 specimen uirtutis, hoc indicium animi, hoc lumen con-
 sulatus sui fore putauit, si me mihi, si meis, si uobis,
 si reip. reddidisset. qui, ut est designatus, nunquam
 dubitauit sententiam de salute mea se & rep. dignam
 dicere. cum a tribuno pl. uetaretur; cum præclarum
 caput recitaretur, ne quis ad uos referret, ne quis de-
 cerneret, ne disputaret, ne loqueretur, ne pedibus i-
 ret, ne scribendo adesset: totam illam clausulam, ut
 ante dixi, proscriptionem, non legem, putauit, qua
 ci uis optime de rep. meritis, nominatim, sine iudi-
 cio, una cum senatu reip. esset ereptus. ut uero inijt
 in magistratum, non dicam quid egerit prius, sed quid
 omnino egit aliud, nisi ut, me conseruato, uestram in
 posterum

POST REDITVM IN SENATV. 226

posterum dignitatem, auctoritatemq. sanciret? dii
 immortales, quantum mihi beneficium dedisse uide-
 mini, quod hoc anno P. Lentulus consul fuit: quan-
 to maius dedissetis, si superiore anno fuisset. nec enim
 eguissim medicina consulari, nisi consulari uulnere
 concidissim. audieram ex sapientissimo homine, at-
 que optimo ciue, & uiro, Q. Catulo, non saepe unum
 consulem improbum, duos uero nunquam, excepto il-
 lo Cinnano tempore, fuisse. quare meam causam sem-
 per fore firmissimam dicere solebat, dum uel unus in
 rep. esset consul. quod uere dixerat, si illud de duobus
 consulibus, quod ante in rep. non fuerat, perenne, ac
 proprium manere potuisset. quod si Q. Metellus illo
 tempore consul fuisset unicus; dubitatis, quo animo
 fuerit in me conseruando futurus, cum in restituendo
 auctorem fuisse, adscriptoremq. uideatis? sed fuerunt
 duo consules, quorum mentes angustae, humiles, pra-
 uae, oppletæ tenebris, ac sordibus, nomen ipsum con-
 sulatus, splendorem illius honoris, magnitudinē tan-
 ti imperij nec intueri, nec sustinere, nec capere potue-
 runt; non consules, sed mercatores prouinciarum, ac
 uenditores uestrae dignitatis. quorum alter a me Ca-
 tilinam, amatorem suum, multis audientibus, alter
 Cethegum, consobrinum suum, reposcebat: qui me,
 duo sceleratissimi post hominum memoriam non con-
 sules, sed latrones, non modo deseruerunt, in causa
 praesertim publica, & consulari, sed prodiderunt, op-
 pugnarunt, omni auxilio non solum suo, sed etiam ue-
 stro, ceterorumq. ordinum spoliatum esse uoluerunt.

Ff 2 quorum

O R A T I O

*quorum alter tamen neque me, neque quenquam fe-
 fellit. quis enim ullam ullius boni spem haberet in eo,
 cuius primum tempus ætatis palam fuisset ad omnes
 libidines diuulgatum? qui ne a sanctissima quidem
 parte corporis potuisset hominum impuram intempe-
 rantiam propulsare? qui cum suam rem nō minus stre-
 nue, quā postea publicam, confecisset, egestatem,
 & luxuriam domestico lenocinio sustentauit? qui nisi
 in aram tribunatus confugisset, neque uim prætoris,
 nec multitudinem creditorum, nec bonorum proscri-
 ptionem effugere potuisset? quo in magistratu nisi ro-
 gationem de piratico bello tulisset, profecto & egesta-
 te, & improbitate coactus piraticam ipse fecisset, ac
 minore quidem cum reip. detrimento, quā quod in-
 tra mœnia nefarius hostis, prædoq. uersatus est. quo
 inspectante, ac sedente, legem tribunus pl. tulit, ne
 auspicijs obtemperaretur, ne obnunciare cōcilio, aut
 comitijs, ne legi intercedere liceret, ut lex Aelia, et
 Fusia ne ualerent; quæ nostri maiores certissima sub-
 sidia reip. contra tribunicios furores esse uoluerunt.
 idemq. postea, cum innumerabilis multitudo bono-
 rum de Capitolio supplex ad eum sordidata uenisset;
 cumq. adolescentes nobilissimi, cumq. equites R. se
 ad lenonis impurissimi pedes abiecissent: quo uultu
 cincinnatus ganeo non solum ciuium lacrymas, ue-
 rum etiam patriæ preces repudiavit? neque eo con-
 tentus fuit, sed etiam in concionem ascendit, eaq. di-
 xit, quæ, si eius uir Catilina reuixisset, dicere non es-
 set ausus: se nonarum Dec. quæ me consule fuissent,
 cliuiq.*

cluiq. Capitolini pœnas ab equitibus R. esse repeti-
 turum : neque solum id dixit, sed, quos ei commodum
 fuit, compellauit : L. uero Lamiam, equitem R. præ-
 stanti dignitatem hominem, & salutis meæ pro fami-
 liaritate, reip. pro fortunis suis amicissimum, consul
 imperiosus exire urbe iussit : & cum uos uestem mu-
 tandam censuissetis, cunctiq. mutassetis, atque idem
 omnes boni iam ante fecissent, ille unguentis oblitus,
 cum toga prætexta, quam omnes prætores, ædilesq.
 tum abiecerant, irrisit squalorem uestrum, & luctu
 grauissimæ ciuitatis ; fecitque, quod nemo unquam
 tyrannus ; ut, quo minus occulte uestrum malum ge-
 meretis, nihil diceret ; ne aperte incommoda patriæ
 lugeretur, ediceret. Cum uero in circo Flaminio non
 a tribuno pl. consul in concionem, sed a latrone ar-
 chipirata productus esset ; primum processit, qua
 auctoritate uir ? uini, somni, stupri plenus, maden-
 ti coma, composito capillo, grauibus oculis, fluen-
 tibus bucis, pressa uoce, & temulenta : quod in ci-
 ues indemnatos esset animaduersum, id sibi dixit,
 grauis auctor, uehementissime displicere. ubi no-
 bis hæc auctoritas tam diu tanta latuit ? cur in lu-
 stris, & heluationibus huius calamistrati salta-
 toris tam eximia uirtus tam diu cessauit ? nam ille
 alter Cæsoninus Caluentius ab adolescentia uersa-
 tus est in foro, cum eum, præter simulatam uersu-
 tamq. tristitiam, nulla res commendaret, non con- *
 sulis studium, non discendi initia rei militaris, non
 cognoscendorum hominum, non liberalitas. quem

Ff 3 præteriens

ORATIO

præteriens cum incultum, horridum, mæstumq. uidisses, etiam si agrestem, & inhumanum existimares, tamen libidinosum, & perditum non dubitares. cum hoc homine, aut cum stipite Aethiope si in foro constitisses, nihil crederes interesse: sine sensu, sine sapore, elinguem, tardum, inhumanum, neglectum, Cappadocem modo abreptum de grege uenaliū diceres. idem domi quā libidinosus, quā impurus, quā intemperans, non ianua receptis, sed pseudoryro intromissis uoluptatibus? cum uero etiam litteras studere incipit, & heluo immanis cum Græculis philosophari; tum est Epicureus, non penitus illi disciplinæ, quæcunque est, deditus, sed captus uno uerbo uoluptatis. habet autem magistros non ex istis ineptis, qui dies totos de officio, ac de uirtute differunt, qui ad laborem, ad industriam, ad pericula pro patria subeunda adhortantur; sed eos, qui disputent horam nullam uacuum uoluptate esse debere, in omni parte corporis semper oportere aliquod gaudium delectationemq. uersari. his utitur quasi præfectis libidinum suarum: hi uoluptates omnes uestigant, atque odorantur: hi sunt conditores, instructoresq. conuiuij: ijdem expendunt, atque æstimant uoluptates, sententiamq. dicunt, & iudicant, quantum cuique libidini tribuendum esse uideatur: horum ille artibus eruditus, ita contempsit hanc prudentissimam ciuitatem, ut omnes suas libidines, omnia flagitia latere posse arbitraretur, si modo uultum importunum in forum detulisset. is non me, (quanquam equidem non co-

gnoram

gnoram eum propter Pisonum affinitatem, quem longe hinc ab hoc genere cognatio materna transalpini sanguinis abstulisset) sed uos, populumq. R. non consilio, neque eloquentia, quod in multis sæpe accidit, sed rugis, supercilioq. decepit. L. Piso tu ne ausus es isto oculo, non dicam isto animo; ista fronte, non uita; tanto supercilio, non enim possum dicere tantis rebus gestis, cum Gabinio consociare consilia pestis meæ? non te illius unguentorum odor, non uini anhelitus, non frons calamistri notata uestigijs in eam cognitionem adducebat, ut, cum illius re similis fuisses, frontis tibi integumento ad occultanda tanta flagitia diutius uti non liceret? cum hoc coire ausus es, ut consularem dignitatem, ut reip. statum, ut senatus auctoritatem, ut ciuis optime meriti fortunas prouinciarum fœdere addiceres? te consule, tuis edictis, & imperijs senatui, populoq. R. non est licitum non modo sententijs, atque auctoritate sua, sed ne luctu quidem, ac uestitu reip. subuenire. Capuæ ne te putabas, in qua urbe domicilium quondam superbiæ fuit, consilem esse, sicut eras eo tempore, an Romæ, in qua ciuitate omnes ante uos consules senatui paruerunt? tu es ausus in circo Flaminio, productus cum tuo illo pari, dicere, te semper misericordem fuisse? quo uerbo, enatum, atque omnes bonos, tum, cum a patria peccem expellerent, crudeles demonstrabas fuisse. tu misericors me, affinem tuum, quem comitijs prærogatiue primum custodem præfeceras, quem kalendis Ian. tertio loco sententiam rogaras, constrictum ini-

Ff 4 micis

O R A T I O

micis reip. tradidisti: tu meū generū, propinquū tuū,
tu affinem tuam, meam filiā, superbissimis, & crude-
lissimis uerbis a genibus tuis repulisti: idemq. tu cle-
mentia ac misericordia singulari, cū ego una cū rep.
non tribunicio, sed consulari ictu concidisse, tanto sce-
lere, tantaq. intemperantia fuisti, ut ne unā quidem ho-
ram interesse paterere inter meam pestē, & tuā præ-
dam, saltē dum conticesceret illa lamentatio, et gemitus
urbis. non dum palam factū erat concidisse remp.
cum tibi arbitria funeris soluebantur: uno eodemq.
tēpore domus mea diripiebatur, ardebat; bona ad uici-
cinū consulem de Palatio, de Tusculano ad item uici-
nū alterū consulem deferebātur: cum, iisdē operis sus-
fragium ferentibus, eodē gladiatore latore, uacuo nō
modo a bonis, sed etiam a liberis, atque inani foro, i-
gnaro populo R. quid ageretur, senatu uero oppresso,
et afflicto, duobus impijs nefarijsq. consulibus ara-
riū, prouinciæ, legiones, imperia donabātur. horū cō-
sulū ruinas uos cōsules uestra uirtute fulsistis, summa
tribunorū pl. prætorumq. fide, & diligentia subleua-
ti. Quid ego de præstantissimo uiro T. Annio dicam?
aut quis de tali ciue satis digne unquā loquetur? qui
cū uideret, sceleratum ciuē, aut domesticū potius ho-
stē, si legibus uti liceret, iudicio esse frangendum; in
ipsa iudicia uis impediret, ac tolleret, audaciā uirtu-
te, furorē fortitudine, temeritatem cōsilio, manū ma-
nu, uim ui esse superādā: primo de ui postulauit: postea
quā ab eodē iudicia sublata esse uidit, ne ille omnia ui
posset efficere, curauit: qui docuit, neque teētā, neque
templa

templa, neque forum, neque curiam sine summa uirtute, ac maximis opibus, & copijs ab intestino latrocinio posse defendi: qui primus post meum discessum metum bonis, timorem huic ordini, seruitutem depulit ciuitati. Quam rationem pari uirtute, animo, fide P. Sextius secutus, pro mea salute, pro uestra auctoritate, pro statu ciuitatis nullas sibi inimicitias, nullam uim, nullos impetus, nullum uitæ discrimen uitandum unquam putauit: qui causam senatus, exagitata concionibus improborum, sic sua diligetia multitudini commendauit, ut nihil tam populare, quam uestrum nomen, nihil tam omnibus carum aliquando, quam uestra auctoritas, uideretur: qui me cum omnibus rebus, quibus tribunus pl. potuit, defendit, tum reliquis officijs iuxta, ac si meus frater esset, sustentauit: cuius ego clientibus, libertis, familia, copijs, litteris ita sum sustentatus, ut meæ calamitatis non adiutor solum, uerum etiam socius uideretur. Iam ceterorum officia studiaq. uidiſtis: quàm cupidus mei C. Sextilius, quàm studiosus ueſtri, quàm non uariis fuerit in causa. Quid M. Cispus? cui ego ipsi, parenti, fratriq. eius sentio quantum debeam: qui, cum a me uoluntas eorum in priuato iudicio esset offensa, publici mei beneficij memoria priuatam offensionem oblitterauerunt. Iam T. Fadius, qui mihi quaestor fuit, M. Curtius, cuius ego patri quaestor fui, studio, amore, animo huic necessitudini non defuerunt. Multa de me C. Messinius & amicitiae, & reip. causa dixit: legem separatim initio de salute mea

mea promulgauit. Q. Fabricius, si quæ de me agere conatus est, ea contra uim, & ferrum perficere potuisset, mense Ianuario nostrum statum recuperassemus: quem ad salutem meam uoluntas impulit, uis retardauit, auctoritas uestra reuocauit. Iam uero prætores quo animo in me fuerint, uos existimare potuistis, cum L. Cæcilius priuatim me suis omnibus copijs studuerit sustentare, publice promulgarit de salute mea cum collegis pæne omnibus, direptoribus autem meorum bonorum in ius adeundi potestatem non fecerit. M. autem Calidius, statim designatus, sententia sua, quàm esset cara sibi mea salus, declarauit. Omnia officia C. Septimij, Q. Valerij, P. Crassi, Sex. Quinctilij, & C. Cornuti summa & in in me, & in remp. constiterunt. Quæ cum libenter commemoro, tum non inuitus non nullorum in me nefarie commissa prætereo. non est mei temporis, iniurias meminisse: quas ego, etiam si ulcisci possem, tamen obliuisci malle. aliò transferenda mea tota uita est, ut bene de me meritis referam gratiam, cum apertis hostibus bellum geram, timidis amicis ignoscam, proditores meos non indicem, dolorem professionis meæ reductus dignitate consoler. quòd si mihi nullum aliud esset officium in omni uita reliquum, nisi ut erga duces ipsos, & principes, atque auctores salutis meæ satis gratus iudicarer: tamen exiguum reliquæ uitæ tempus non modo ad referendam, uerum etiam ad commemorandam gratiam mihi relictum putarem. quando enim ego huic homini, ac liberis

liberis eius, quando omnes mei gratiam referent?
 quæ memoria, quæ uis ingenij, quæ magnitudo obser-
 uantiæ tot tantisq. beneficijs respondere poterit? qui
 mihi primus afflicto & iacenti consularem fidem,
 dexteramq. porrexit: qui me a morte ad uitam, a de-
 speratione ad spem, ab exitio ad salutem reuocauit:
 qui tanto amore in me, studio in remp. fuit. ut exco-
 gitaret, quemadmodum calamitatem meam non mo-
 do leuaret, sed etiam honestaret. quid enim magni-
 ficetius, quid præclarius mihi accidere potuit, quàm,
 quod illo petente uos decreuistis, ut cuncti ex omni
 Italia, qui remp. saluam uellent, ad me unum, ho-
 minem fractum, & prope dissipatum, restituendû,
 & defendendum uenirent? ut, qua uoce a te Romu- *
 le post Romam conditam consul usus esset pro uniuer-
 sa rep. apud eos solum, qui eius uocem exaudire pos-
 sent, eadem uoce senatus omnibus agris, uicis, at-
 que oppidis ciues, totamq. Italiam ad unius salutem
 defendendam excitaret. Quid ego gloriosius meis po-
 steris potui relinquere, quàm hoc, senatum iudicas-
 se, qui ciuis me non defendisset, eum remp. saluam
 noluisse? itaque tantum uestra auctoritas, tantum
 eximia consulis dignitas ualuit, ut omne is flagitium
 se committere putaret, si quis non ueniret. Idemq. cō-
 sul, cum illa incredibilis multitudo Romam, & pæ-
 ne Italia ipsa uenisset, uos frequentissimos in Capito-
 lium conuocauit. quo tempore quantam uim uera bo-
 nitas haberet, aut uera nobilitas, intelligere potui-
 stis. nam Q. Metellus, & inimicus, & frater ini-
 mici,

O R A T I O

mici, perspecta uestra uoluntate, omnia priuata odia
deposuit: quem P. Seruilius, uir cum clarissimus,
tum uero optimus, mihiq. amicissimus, & auctori-
tatis, & orationis suae diuina quadam grauitate ad
sui generis, communisq. sanguinis facta, uirtutesq.
reuocauit; ut haberet in consilio & fratrem ab infe-
ris, socium rerum mearum, & omnes Metellos, prae-
stantissimos ciues, pæne ex Acheronte excitatos; in
quibus Numidicum illum, cuius quondam de patria
discessus honestus ipsi, bonis omnibus tamen luctuo-
sus uisus est. itaque fuit is non modo salutis defensor,
qui ante hoc unum beneficium fuerat inimicus, uerum
etiam adscriptor dignitatis meae. quo quidem die cum
ccccx senatores essetis, magistratusq. omnes ad-
essent, dissensit unus, is qui sua lege coniuratos etiã
ab inferis excitãdos putarat. atque illo die, quo remp.
meis consilijs conseruatam grauissimis uerbis & plu-
rimis iudicassetis, idem consul curauit, ut eadem a
principibus ciuitatis in concione postero die diceren-
tur: cum quidem ipse egit ornatissime causam meã,
perfecitq. adstante, atque audiente Italia tota, ut
nemo cuiusquam conducti, aut perdit i uocem acerbã,
atque inimicam bonis posset audire. Ad hæc non mo-
do adiumenta salutis, sed etiam ornamenta dignita-
tis meae reliqua uos iudem addidistis: decreuistis, ne
quis ulla ratione rem impediret; qui impedisset, graui-
ter molesteq. laturos; illum contra remp. salutemq.
bonorum, concordiamq. ciuium facturum; & ut ad
uos ea statim referrentur: meq. etiam, si diutius ca-
lumnia-

POST REDITVM, IN SENATV. 231
lumiarentur, redire iussistis. Quid? ut agerentur
gratiæ, qui e municipijs uenissent. quid? ut ad illam
diem, res cum redissent, rogarentur, ut pari studio *
conuenirent. Quid denique illo die, quem P. Lentu-
lus mihi, fratriq. meo, liberisq. nostris natalem
constituit, non modo ad nostram, uerum etiam ad
sempiterni memoriam temporis? quo die nos comi-
tjjs centuriatis, quæ maxime maiores iusta dici ha-
beri q. uoluerunt, arcessiuit in patriam: ut eadem cen-
turiæ, quæ me consulem fecerant, consulatum meum
comprobarent. quo die quis ciuis fuit, qui fas esse pu-
taret, quacunque aut ætate, aut ualetudine esset, non
se de salute mea sententiam ferre? quando tantam fre-
quentiam in campo, tantum splendorem Italiæ totius,
ordinumq. omnium, quando illa dignitate tot roga-
tores, diribitores, custodesq. uidistis? itaque P. Len-
tuli beneficio excellenti, atque diuino non solum redu-
cti sumus in patriam, sicut non nulli clarissimi uiri,
sed equis insignibus, & curru aurato reportati. Pos-
sum ego satis in Cn. Pompeium unquam gratus uide-
ri? qui non solum apud uos, qui omnes idem sentieba-
tis, sed etiam apud uniuersum populum R. salutem
reip. & conseruatam per me, & coniunctam esse ci-
mea dixerit: qui causam meam prudentibus commen-
darit, imperitos edocuerit, eodemq. tempore impro-
bos auctoritate sua compresserit, bonos excitarit:
qui populum R. pro me, tanquam pro fratre, aut pro
parente, non solum hortatus sit, uerum etiam obse-
crarit: qui, ipse cum propter metum dimicationis, &
sagnui-

ORATIO

sanguinis domo se teneret, etiam a superioribus tribunis petierit, ut de salute mea & promulgarent, & referrent: qui, in colonia nuper constituta cum ipse gereret magistratum, in qua nemo erat emptus intercessorum, uim & crudelitatem priuilegij, auctoritate honestissimorum hominum, & publicis litteris consignauit, princepsq. Italiae totius praesidium ad nostram salutem implorandum putauit: qui, cum ipse mihi semper amicissimus fuisset, etiam ut suos necessarios mihi amicos redderet, elaborauit. Quibus autem officijs T. Annij beneficia remunerabor? cuius omnis actio, ratio, cogitatio, totus denique tribunatus nihil aliud fuit, nisi constans, perpetua, fortis, inuicta defensio salutis meae. Quid de P. Sextio loquar? qui suam erga me beneuolentiam, & fidem non solum animi dolore, sed etiam corporis uulneribus ostendit. Vobis uero P. C. singulis & egi, & agam gratias uniuersis. egi initio, quantum potui: satis ornate agere nullo modo possum. & quanquam sunt in me praecipua merita multorum, quae sileri nullo modo possunt: tamen huius temporis, ac timoris mei non est, conari commemorare beneficia in me singulorum. nam difficile est non aliquem, nefas quamquam praeterire. ego uos uniuersos, P. C. deorum numero colere debeo. sed ut in ipsis dijs immortalibus non semper eosdem, atque alios alias solemus & uenerari, & precari: sic in omnibus de me diuinitus meritis omnis erit aetas mihi ad eorum erga me merita praedicanda, atque recolenda. hodierno autem die

nomina-

POST REDITVM, IN SENATV. 232

nominatim a me magistratibus statui gratias esse agendas, & de priuatis uni, qui pro salute mea municipia, coloniasq. adisset, populum R. supplex obsecrasset, sententiam dixisset eam, quam uos secuti, mihi dignitatem meam reddidistis. Vos me florentem semper ornastis: laborantem, mutatione uestis, & prope luctu uestro, quoad licuit, defendistis. nostra memoria senatores ne in suis quidem periculis mutare uestem solebant: in meo periculo senatus ueste mutata fuit, quoad licuit per eorum edicta, qui mea pericula non modo suo praesidio, sed etiam uestra deprecatione nudarunt. Quibus ego rebus obiectis, cum mihi priuato confligendum uiderem cum eodem exercitu, quem consul non armis, sed uestra auctoritate superaram; multa mecum ipse reputaui. Dixerat in concione consul, se cliui Capitolini pœnas ab equitibus R. repetiturum. nominatim alij compellabantur, alij citabantur, alij relegabantur: aditus templorum erant non solum praesidijs, & manu, uerum etiam demolitione sublati. Alter consul, ut me, & remp. nō modo desereret, sed etiam hostibus reip. proderet, patitionibus eos suorū præmiorum obligaret. Erat alius ad portas cum imperio in multos annos, magnoq. exercitu: quem ego inimicum mihi fuisse non dico; tacuisse, cum diceretur esse inimicus, scio. Duæ partes esse in rep. cum putarentur; altera me deprecare propter inimicitias, altera timide defendere propter suspicionem cædis putabatur. qui autē me deprecare uidebantur, in hoc auxerunt dimicationis metū, quod, nunquam,

O R A T I O

nunquam, inficiando, suspicionem hominum curamq.
minuerunt. quare cum uiderem senatum ducibus or-
batum, me a magistratibus partim oppugnatum,
partim proditum, partim derelictum, seruos simu-
latione collegiorum nominatim esse conscriptos, co-
pias omnes Catilinæ pene iisdem ducibus ad spem cæ-
dis & incendiorum esse reuocatas, equites R. proscri-
ptionis, municipia uastitatis, omnes cædis metu ef-
se permotos; potui, potui, P. C. multis auctoribus
fortissimis uiris, me ui, armisq. defendere: nec mi-
hi ipse ille animus idem meus, uobis non incognitus,
defuit: sed uidebam, si uicissem præsentem aduersa-
rium, nimium multos mihi alios esse uincendos; si ui-
ctus essem, multis bonis & pro me, & mecum, etiã
post me esse pereundum; tribunicijq. sanguinis ulto-
res esse præsentis, meæ mortis pœnas iudicio, & po-
steritati reſeruari. nolui, cum consul communem sa-
lutem sine ferro defendissem, meam priuatus armis
defendere: bonosq. uiros lugere malui meas fortu-
nas, quàm suis desperare. ac si solus essem interfe-
ctus, mihi turpe, si cum multis, reip. funestum fo-
re uidebatur. quòd si mihi æternam esse propositam
ærumnam arbitrarer; morte me ipse potius, quàm
sempiterno dolore multassem. sed cum uiderem me
non diutius, quàm ipsam remp. ex hac urbe abfutu-
rum: neque ego, illa exterminata, mihi remanen-
dum putau; & illa, simul atque reuocata est, me
secum pariter reportauit. mecum leges, mecum quæ-
ſtiones, mecum iura magistratuum, mecum senatus
aucto-

auētoritas , mecum libertas , mecum etiam frugum
urbertas , mecum deorum , & hominum sanctitates
omnes , & religiones absuerunt . quæ si semper ab-
essent , magis uestras fortunas lugerem , quam desi-
derarem meas : sin aliquando reuocarentur , intelli-
bam mihi cum illis una esse redeundum . cuius mei sen-
sus certissimus testis est hic idem , qui custos capitis
fuit , Cn. Plancius ; qui , omnibus prouincialibus or-
namentis , commodisq. depositis , totam suam quæ-
sturam in me sustentando , & conseruando collocauit .
qui si mihi quæstor imperatori fuisset , in filij loco fui-
set ; nunc certe erit in parentis , cum fuerit quæstor
non imperij , sed doloris mei . Quapropter , P. C. quo-
niam in remp. sum pariter cum rep. restitutus , non
modo in ea defendēda nihil minuam de libertate mea
pristina , sed etiam adaugebo . etenim si eam tum de-
fendebam , cum aliquid mihi illa debebat : quid nunc
me facere oportet , cum ego illi plurimum debeo ?
nam quid est , quod animum meum frangere , aut de-
bilitare possit , cuius ipsam calamitatem non modo
nullius delicti , sed etiam diuinorum in remp. benefi-
ciorum testem esse uideatis ? nam & importata est ,
quia defenderam ciuitatem ; & mea uoluntate susce-
pta est , ne a me defensa resp. per eundem me extremū
in discrimen uocaretur . Pro me non , ut pro P. Po-
pillio , nobilissimo homine , adolescentes filij , non pro-
pinquorum multitudo populum R. est deprecata , non ,
ut pro Q. Metello , summo et clarissimo uiro , spectata
iam adolescentia filius , non L. et C. Metelli consula-

Gg res,

res, non eorum liberi, non Q. Metellus Nepos, qui
tum consulatum petebat; non Luculli, Seruili, Sci-
piones, Metellarum filij, flentes, ac sordidati popu-
lo R. supplicauerunt, sed unus frater, qui in me pie-
tate filius, consilijs parens, amore, ut erat, frater
inuentus est, squalore, & lacrymis, & quotidianis
precibus desiderium mei nominis renouari, & rerum
gestarum memoriam usurpari coegit. qui cum statuis-
set, nisi per uos me recuperasset, eandem subire for-
tunam, atque idem sibi domicilium & uitæ, & mor-
tis deposceret: nunquam nec magnitudinem negotij,
nec solitudinem suam, nec uim inimicorum, ac tela
pertimuit. Alter fuit propugnator mearum fortuna-
rum, & defensor assiduus, summa uirtute & pieta-
te C. Piso gener: qui minas inimicorum meorum, qui
inimicitias affinis mei, propinqui sui, consulis, qui
Pontum, & Bithyniam quaestor pro mea salute ne-
glexit. Nihil unquam senatus de P. Popillio decre-
uit: nunquam in hoc ordine Q. Metelli mentio facta
est. tribunicijs sunt illi rogationibus, interfectis ini-
micis, denique nulla auctoritate senatus restituti;
cū alter eorum senatui paruisset, alter uim, eademq.
fugisset. Nam C. quidem Marius, qui hac hominum
memoria tertius ante me consularis tempestate ciui-
li expulsus est, non modo a senatu non est restitutus,
sed reditu suo senatum cunctum pæne deleuit. Nul-
la de illis magistratuum consensio, nulla ad remp. de-
fendendam populi R. conuocatio, nullus Italiae mo-
tus, nulla decreta municipiorum, & coloniarum
extite-

PRO DOMO SVA AD PONT. 234

extiterunt. Quare cum me uestra auctoritas accersierit, populus R. reuocarit, resp. implorauit, Italia cuncta pane suis humeris reportarit; non commit tam, P. C. ut, cum ea mihi sint restituta, quæ in potestate mea non fuerunt, ea non habeam, quæ ipse præstare possim, præsertim cum illa amissa recuparim, uirtutem, & fidem nunquam amiserim.

PRO DOMO SVA,

AD PONTIFICES.

ORATIO XXIX.

CVM multa diuinitus, pontifices, a maioribus nostris inuenta, atque instituta sunt, tum nihil præclarior, quàm quòd uos eosdem & religionibus deorum immortalium, & summæ reip. præesse uoluerunt: ut amplissimi, & clarissimi ciues remp. bene gerendo, pontifices religiones sapienter interpretando, remp. conseruarent. quòd si ullo tempore magna causa in sacerdotum populi R. iudicio, ac potestate uersata est, hæc profecto tanta est, ut omnis reip. dignitas, omnium ciuium salus, uita, libertas, aræ, foci, dii penates, bona, fortunæ, domicilia uestre sapientiæ, fidei, potestatiq. commissa, creditaq. esse uideantur. uobis hodierno die constituendum est, utrum posthac amentes, ac perditos magistratus improborum ac sceleratorum ciuium præsidio nudare, an etiam deorum immortalium religione armare mali-

Gg 2 tis.

DE ORATIONE

tis . nam si illa labes , ac flamma reip. suum illum pestiferum , & funestum tribunatum , quem æquitate humana tueri non potest , diuina religione defende- rit : aliæ caerimonie nobis erunt , alij antistites deo- rum immortalium , alij interpretes religionum re- quirendi . sin autem uestra auctoritate , sapientiaque , pontifices , ea , quæ furore improborum in rep. alijs oppressa , ab alijs deserta , ab alijs prodita , gesta sunt , rescinduntur : erit causa , qua consilium maiorum in amplissimis uiris ad sacerdotia deligendis iure ac me- rito laudare possimus . sed quoniam ille demens , si ea , quæ ego per hos dies in senatu de rep. sensi , uitupe- rasset , aliquem se aditum ad aures uestras esse habi- turum putauit : omittam ordinem dicendi meum : re- spondebo hominis furiosi non orationi , qua ille uti non potest , sed conuicio , cuius exercitationem cum intolerabili petulantia , tum etiam diuturna impuni- tate muniuit . Ac primum illud a te , homine uesano , ac furioso , requiro , quæ te tanta pœna tuorum scelerum , flagitiorumq. uexet , ut hos tales uiros , qui non solum consilijs suis , sed etiam specie ipsa di- gnitatem reip. sustinent , quod ego in sententia dicen- da salutem ciuium cum honore Cn. Pompeij coniun- xerim , mihi esse iratos , & aliud de summa hoc tem- pore religione sensuros , ac me absente senserint , ar- bitrere ? Fuisi tu , inquit , apud pontifices superior : sed etiam , quoniam te ad populum contulisti , sis in- ferior , necesse est . Ita ne uero ? quod in imperita multitudine est uitiosissimum , uarietas , & incon- stantia ,

stantia, & crebra, tanquam tempestatum, sic sententiarum commutatio, hoc tu ad hos transferas? quos ab inconstantia grauitas, a libidinosa sententia certum & definitum ius religionum, uetustas exemplorum, auctoritas litterarum, monumentorumque deterret. Tu ne es ille, inquit, quo senatus carere non potuit? quem boni luxerunt? quem resp. desiderauit? quo restituto, senatus auctoritatem restitutam putabamus, quam primum adueniens prodidisti? Non dum de mea sententia dico: impudentiae primum respondebo tuae. Hunc igitur, funesta reip. pestis, hunc tu ciuem ferro, & armis, & exercitus terrore, & consulum scelere, & audacissimorum hominum minis, seruorum delectu, obsessione templorum, occupatione fori, oppressione curiae, domo, & patria, ne cum improbis boni ferro dimicarent, cedere curasti, quem a senatu, quem a bonis omnibus, quem a cuncta Italia desideratum, accersitum, reuocatum conseruandae reip. causa confiteris? At enim in senatum uenire, in Capitolium intrare turbulento illo die non debuisti. Ego uero neque ueni, & domo me tenui, quam diu turbulentum tempus fuit, cum seruos tuos, a te iam pridem ad bonorum caedem paratos, cum illa tua consccleratorum ac perditorum manu armatos in Capitolium tecum uenisse constabat. quod cum mihi nunciaretur, scio me domi mansisse, & tibi, & gladiatoribus tuis instaurandae cedis potestatem non fecisse. postea quam mihi nunciatum est, populum R. in Capitolium

pitoliū propter metum , atque inopiam rei frumen-
tariæ conuenisse , ministros autem scelerum tuorum
perterritos , partim amissis gladijs , partim ereptis ,
diffugisse : ueni , non solum sine ullis copijs , ac ma-
nu , uerum etiam cum paucis amicis . an ego , cum
P. Lentulus consul , optime de me , ac de rep. meri-
tus , cum Q. Metellus , qui , cum meus inimicus es-
set , frater tuus , & dissensionī nostræ , & precibus
tuis salutem ac dignitatem meam prætulisset , me ar-
cesserent in senatum ; cum tanta multitudo ciuium ,
tam recenti officio suo , me ad referendam gratiam no-
minatim uocarent , non uenirem ? cum præsertim te
iam illinc cum tua fugitiuorum manu discessisse con-
staret . Hic tu me etiam , custodem , defensoremq.
Capitolij , templorumq. omnium , hostem Capitoli-
num appellare ausus es , quod , cum in Capitolio se-
natum duo consules haberent , eò uenirem . Vtrum
ne est tempus aliquod , quo in senatum uenisse turpe
sit ; an res illa talis erat , de qua agebatur , ut rem
ipsam repudiare , & eos , qui agebant , condemna-
re deberem ? primum dico , senatoris esse boni , sem-
per in senatum uenire : nec cum ijs sentio , qui sta-
tuunt minus bonis temporibus in senatum ipsi non ue-
nire , non intelligentes hanc suam nimiam perseue-
rantiam uehementer ijs , quorum animum offende-
re uoluerunt , gratam , & iucundam fuisse . At enim
non nulli propter timorem , quod se in senatu tuto
non esse arbitrabantur , discesserunt . Non reprehен-
do , nec quero , fuerit ne aliquid pertimescendum :
puto ,

puto, arbitrio suo quenque timere oportere. cur ego non timuerim, quæris? quia te illinc abiisse constabat. cur, cum uiri boni non nulli putarint tuto se in senatu esse non posse, ego non idem senserim? cur, cum ego me existimassem tuto omnino in ciuitate esse non posse, illi non item? an alijs licet, & recte licet, in meo metu sibi nihil timere: mihi uni necesse erit & meam, & aliorum uicem pertimescere? An, quia non condemnaui sententia mea duos consules, sum reprehendendus? eos igitur ego potissimum damnare debui, quorum lege perfectum est, ne ego indemnatus, atque optime de rep. meritis, damnatorum pœnam sustinerem? quorum etiam delicta, propter eorum egregiam in me conseruando uoluntatem, non modo me, sed omnes bonos ferre oporteret, eorum optimum consilium ego, potissimum per eos in meam pristinam dignitatem restitutus, consilio repudiarem meo? At quam sententiam dixi? primum eam, quam populi sermo in animis nostris iam ante defixerat: deinde eam, quæ erat superioribus diebus agitata in senatu: deinde eam, quam senatus frequens tum, cum mihi est assensus, secutus est: ut neque allata sit a me res inopata, ac recens; nec, si quod in sententia uitium est, magis sit eius, qui dixerit, quam omnium, qui probarint. At enim liberum senatus iudicium propter metum non fuit. Si timuisse eos facis, qui discesserunt: concede, non timuisse eos, qui remanserunt. sin autem sine his, qui tum abfuerunt, nihil decerni libere potuit:

Gg 4 cum

O R A T I O

cum omnes adessent, cœptum est referri de inducendo S.C. ab uniuerso senatu reclamatum est. Sed quæro, in ipsa sententia, quoniam princeps ego sum eius, atque auctor, quid reprehendatur? utrum, causa capiendi noui consilij non fuit, an meæ partes in ea causa non præcipuæ fuerunt, an aliò potius confugiendum fuit? Quæ uis, quæ causa maior esse, quàm fames, potuit? quàm seditio, quàm consilia tua, tuorumq. qui, facultate oblata ad imperitorum animos incitandos, renouaturum te tua illis funesta latrocinia ob annonæ causam putarunt. frumentum provinciæ frumentariæ partim non habebant, partim in alias terras, credo propter uarietatem uenditorum, miserant, partim, quo gratius esset tum, cum in ipsa fame subuenissent, custodijs suis clausum continebant, ut subito nouum mitterent. res erat non in opinione dubia, sed in præsentī, atque ante oculos proposito periculo: neque id coniectura prospiciebamus, sed iam experti uidebamus. nam cum ingrauesceret annona, ut iam plane inopia, ac fames, non caritas, timeretur; concursus est ad templum Concordiæ factus, senatum illuc uocante Metello consule. qui si uerus fuit ex dolore hominum, & fame: certe consules causam suscipere, certe senatus aliquid consilij capere potuit. sin in causa fuit annona, seditionis quidem stimulator, & concitator tu fuisti: non ne id agendum nobis omnibus fuit, ut materiem subtraheremus furori tuo? quid, si utrunque fuit, & ut fames stimulare homines, &

ut

ut tu in hoc ulcere tanquam unguis existeres? non ne fuit eo maior adhibenda medicina, quæ & illud nativum, & hoc delatum malum sanare posset? erat igitur & præsens caritas, & futura fames. inde saxi facta lapidatio est: si ex dolore plebeio, nullo incitante, magnum malum: si P. Clodij impulsu, usitatum hominis facinorosi scelus: si utrunque, ut res esset ea, quæ sua sponte multitudinis animos incitaret, & parati atque armati seditionis duces; uidetur ne ipsa resp. & consulis auxilium implorasse, & senatus fidem? atqui utrunque fuisse perspicuum est. difficultatem annonæ, summamq. inopiam rei frumentariæ, ut homines non iam diuturnam caritatem, sed ut famem plane timerent, nemo negat. hinc istum, otij et pacis hostem, caussam arrepturum fuisse ad incendia, cædes, rapinas, nolo, pontifices, suspicemini, nisi uideritis. Qui sunt homines a Q. Metello, fratre tuo, consule in senatu palam nominati, a quibus ille se lapidibus appetitum, & percussum esse dixit? L. Sergium, & M. Lollium nominavit. quis est iste Lollius? qui sine ferro ne nunc quidem tecum est; qui te tribuno pl. nihil de me dicam, sed qui Cn. Pompeium interficiendum depoposcit. quis est Sergius? armiger Catilinæ, stipator tui corporis, signifer seditionis, concitator tabernariorum, damnatus iniuriarum, percussor, lapidator, fori depopulator, obsessor curiæ. his, atque huiusmodi ducibus, cum tu in annonæ caritate in consules, in senatum, in bona fortunâq. locupletum, per caussam inopum, atque impetitorum,

O R A T I O

ritorum, repentinos impetus comparares; cum tibi
salus esse in otio nulla posset; cum desperatis ducibus
decuriatos ac descriptos haberes exercitus perditio-
rum: nonne providendum senatui fuit, ne in hanc tan-
tam materiam seditionis ista funesta fax adhæresce-
ret? Fuit igitur causa capiendi novi consilij. uidete
nunc, fuerint ne partes meæ pæne præcipuæ. Quem
tum Sergius ille tuus, quem Lollius, quem ceteræ pe-
stes in lapidatione illa nominabant? quem annonam
præstare oportere dicebant? nonne me? quid puero-
rum illa concursatio nocturna? num a te ipso institu-
ta me frumentum flagitabant? quasi uero ego aut rei
frumentariæ præfuissem; aut compressum aliquod fru-
mentum tenerem; aut in isto genere omnino quid-
quam aut curatione, aut potestate ualuissem. sed ho-
mo ad cædem imminens meum nomen operis edide-
rat, imperitis iniecerat. cum de mea dignitate in tem-
plo Iouis optimi maximi senatus frequentissimus,
uno isto dissentiente, decreuisset; subito, illo ipso die,
carissimam annonam nec opinata uilitas consecuta est.
erant, qui deos immortales, id quod ego sentio, nunti-
ne suo reditum meum dicerent comprobasse. non nul-
li autem illam rem ad illam rationem, cōiecturamq.
reuocabant, qui, quod in meo reditu spes otij, & con-
cordiæ sita uidebatur, in discessu autem quotidianus
seditionis timor, iam pæne belli depulso metu, com-
mutatam esse annonam dicebant: quæ quia rursus in
meo reditu facta erat durior, a me, cuius aduentu so-
re uilitatem boni uiri dictitabant, annonam flagitaba-
tur.

tur. ego denique non solum ab operis tuis, impulsu tuo, nominabar; sed etiam, depulsis ac dissipatis tuis copijs, a populo R. uniuerso, qui tum in Capitolium conuenerat, cum illo die minus ualerem, nominatim in senatum uocabar. ueni expectatus. multis sententijs iam dictis, rogatus sum sententiam: dixi reip. saluberrimam, ac mihi necessariam. petebatur a me frumenti copia, annonæ uilitas, quasi possem aliquid in ea re gerenda: non habebatur. flagitabar bonorum expositulatione: improborum conuicia sustinere non poteram. delegaui amico locupletiori: non quo illi, ita de me merito, onus illud imponerem: (succubuissem enim potius ipse) sed quia uidebā, id quod omnes, quod nos de Cn. Pompeio polliceremur, id illum fide, consilio, uirtute, auctoritate, felicitate denique sua facillime perfecturum. itaque siue hunc dii immortales fructum mei reditus populo R. tribuunt, ut, quemadmodum discessu meo frugum inopia, famemes, uastitas, cades, incendia, rapinæ, scelerum impunitas, fuga, formido, discordia fuisset, sic reditu meo ubertas agrorum, frugum copia, spes otij, tranquillitas animorum, iudicia, leges, concordia populi, senatus auctoritas mecum simul reducta uideantur; siue egomet aliquid aduentu meo, consilio, auctoritate, diligentia pro tanto beneficio populo R. præstare debui; præsto, promitto, spondeo; nihil dico amplius; hoc, quod satis est huic tempori, dico, remp. annonæ nomine in id discrimen, quod uocabatur, non esse uenturam. Num igitur in hoc officio, quod

PRO ORATIONE
quod fuit præcipue meum, sententia mea reprehendi-
tur? rem maximam eripui a peste summi periculi,
non solum eam, sed etiam uos a cæde, incendijs, uasti-
tate: nemo negat: cum ad causam caritatis accede-
ret iste speculator communium miseriarum, qui sem-
per in reip. malis sceleris sui faces inflammavit. Ne-
gat oportuisse quidquam uni extra ordinem decerni.
Non iam tibi sic respondebo, ut ceteris; Cn. Pompe-
io plurima, periculosissima, maxima terra mariq.
bella extra ordinem esse commissa; quarum rerum si
quem pæniteat, eum uictoriæ populi R. pænitere. non
ita tecum ago. cum ijs hæc a me haberi oratio potest,
qui ita disputant, se, si qua res ad unum deferenda sit,
ad Cn. Pompeium delaturos potissimum, sed se extra
ordinem nihil cuiquam dare; cum Pompeio datum
sit, id se pro dignitate hominis ornare, actueri sole-
re. horum ego sententiam ne laudem, impedior Cn.
Pompeij triumphis: quibus ille, cum esset extra or-
dinem ad patriam defendendam uocatus, auxit no-
men populi R. imperiumq. honestavit. constantiam
probo: qua mihi quoque utendum fuit; quo ille aucto-
re extra ordinem bellum cū Mithridate, Tigraneq.
gessit. sed cum illis tamen possum aliquid disputare:
tua uero quæ tanta impudentia est, ut audeas dicere,
extra ordinem dari nihil cuiquam oportere? qui cum
lege nefaria Ptolemæum, regem Cypri, fratrem re-
gis Alexandrini, eodem iure regnantem, causa in-
cognita, publicasses; populumq. R. scelere obligas-
ses; cum in eius regnum, bona, fortunas latrocinium
huius

huius imperij immisisses, cuius cum patre, auo, maioribus societas nobis, & amicitia fuisset: huius pecuniæ deportandæ, &, si quis suum ius defenderet, bello gerendo M. Catonem præfecisti: dices, quem uirum? sanctissimum, prudentissimum, fortissimum, amicissimum reip. uirtute, consilio, ratione uitæ mirabili ad laudem, & prope singulari: sed quid ad te, qui negas esse iuris, quenquam ulli rei extra ordinem præfici? atque in hoc solum inconstantiam redarguo tuam, qui in ipso Catone, quem tu non pro illius dignitate produxeras, sed pro tuo scelere subduxeras, quæ tuis Sergijs, Lollijs, Titijs, ceterisq. cadis & incendiis ducibus obieceras, quem carnificem ciuium, quem indemnatorum necis principem, quem crudelitatis auctorem fuisse dixeras, ad hunc honorem & imperium extra ordinem nominatim rogatione tua detulisti: & tanta fuisti intemperantia, ut illius tui sceleris rationem occultare non posses: litteras in concione recitasti, quas tibi a C. Cæsare missas diceres.

CAESAR PVLCHRO. cum etiam es argumentatus, amoris esse hoc signum, cum nominibus tantum uteretur, neque adscriberet, proconsul, aut, tribuno pl. deinde gratulari, quod idem in posterum M. Catonem tribunatu tuo remouisses, & quod idem in posterum de extraordinarijs potestatibus libertatem ademisses. quas aut nunquam tibi ille litteras misit; aut, si misit, in concione recitari noluit: aut, si ille misit, siue tu finxisti, certe consilium tuum de Catonis honore illarum litterarum recitatione patefa-

Et tunc

Etum est. Sed omitto Catonem, cuius eximia uirtus, dignitas, & in eo negotio, quod gessit, fides, & continentia tegere uidentur improbitatem & legis, & actionis tuæ. quis prouinciam homini post homines natos turpissimo, sceleratissimo, contaminatissimo, quis illam opimam fertilemq. Syriam, quis bellum pacatissimis gentibus, quis pecuniam ad emendos agros constitutam, ereptam ui ex Cæsaris rebus actis, quis imperium infinitum dedit? cui quidem cum Ciliciam dedisses, mutasti pactiorem, & Ciliciam ad prætorem item extra ordinem transtulisti: Gabinio, pretio amplificato, Syriam nominatim dedisti. Quid? homini teterrimo, crudelissimo, fallacissimo, omnium scelerum libidinumq. maculis notatissimo, L. Pisoni non ne nominatim populos liberos, multis S.C. etiam recenti lege generi ipsius liberatos, uinctos, & constrictos tradidisti? non ne, cum ab eo merces tui beneficii, pretiumq. prouinciæ meo sanguine tibi esset persolutum, tamen ærarium cum eo partitus es? ita ne uero? tu prouincias consulares, quas C. Gracchus, qui unus maxime popularis fuit, non modo non abstulit ab senatu, sed etiam, ut necesse esset quotannis constitui per senatum decreta, lege sanxit, eas, lege Semproniam per senatum decretas, rescidisti? extra ordinem, sine sorte, nominatim dedisti, non consulibus, sed reip. pestibus: nos, quod nominatim rei maximæ, pæne iam desperatæ, summum uirum, sæpe ad extremam reip. discrimina delectum, præfecimus, a te reprehendemur? Quid tandem, si, quæ tum in illis

lis reip. tenebris, cæcisq. nubibus, & procellis, cum
senatum a gubernaculis deiecisses, populum e naui ex
turbasses, ipse archipirata cum grege prædonum im-
purissimo plenissimis uelis nauigares, si, quæ tum pro
mulgasti, constituisti, promisiisti, uendidisti, perfice-
re potuisses: qui locus in orbe terrarum uacuus extra
ordinarijs fascibus, atque imperio Clodiano fuisset?
sed excitatus aliquando Cn. Pompeij, (dicam, ipso
audiente, quod sensi, & sentio, quoquo animo me au-
diturus est) excitatus, inquam, aliquando Cn. Pom-
peij nimium diu reconditus, & penitus abstrusus ani-
mi dolor subuenit subito reip. ciuitatemq. fractam
malis, mutam, debilitatam, abiectam metu, ad ali-
quam spem libertatis, & pristinae dignitatis erexit.
Hic uir extra ordinem rei frumentariae præficiendus
non fuit? scilicet tu heluoni spurcissimo, prægustato-
ri libidinum tuarum, homini egentissimo, & facino-
rosissimo, Sex. Clodio, socio tui sanguinis, qui sua lin-
gua etiam sororem tuam a te abalienauit, omne fru-
mentum priuatum, & publicum, omnes prouincias
frumentarias, omnes mancipes, omnes horreorum
clauis lege tua tradidisti. qua ex re primum caritas
nata est, deinde inopia: impendebat fames, incendia,
cædes, direptio: imminebat tuus furor omnium for-
tunis, & bonis. Queritur etiam importuna pestis,
ex ore impurissimo Sex. Clodij rem frumentariam es-
se ereptam; summisq. in periculis, eius uiri auxiliū
implorasse remp. a quo saepe se & seruata, & am-
plificata esse meminisset. Extra ordinem ferri nihil
placet

O R A T I O

placet Clodio . quid ? de me quod tulisse te dicis , pari-
cida , fratricida , sororicida , non ne extra ordinem tu-
listi ? an de peste ciuis , quemadmodum omnes iam di-
atque homines iudicarunt , conseruatoris reip. quem-
admodum autem tute ipse confiteris , non modo inde-
mnati , sed ne accusati quidem , licuit tibi ferre non
legem , sed nefarium priuilegium , lugente senatu , me-
rentibus bonis omnibus , totius Italiae precibus repu-
diatis , oppressa captaq. republi.ca : mihi , populo R.
implorante , senatu poscente , temporibus reip. flagi-
tantibus , non licuit de salute populi R. sententiam di-
cere ? qua quidem in sententia si Cn. Pompeij digni-
tas aueta est coiuncta cum utilitate comuni ; certe lau-
datus essem , si eius dignitati suffragatus uiderer , qui
meae saluti opem & auxilium tulisset . desinant , desi-
nant homines iisdem machinis sperare me restitutum
posse labefactari , quibus antea stantem perculerunt .
quod enim par amicitiae consularis fuit unquam in hac
ciuitate coniunctius , quam fuimus inter nos ego , &
Cn. Pompeius ? quis apud populum R. de illius di-
gnitate illustrius , quis senatui saepius dixit ? qui tan-
tus fuit labor , quae simultas , quae contentio , quam
ego non pro illius dignitate susceperim ? qui ab illo in
me honos , quae praedicatio de mea laude , quae remun-
eratio beneuolentiae praetermissa est ? hanc nostram
coniunctionem , hanc conspirationem in rep. bene ge-
renda , hanc iucundissimam uitae atque officiorum o-
mnium societatem certi homines fictis sermonibus ,
& falsis criminibus diremerunt ; cum iisdem illum , ut
mc

me metueret, me caueret, monerent; iſdem apud
me, mihi illum eſſe uni inimiciſſimum, dicerent; ut
neque ego ab illo, quæ mihi petenda eſſent, ſatis au-
daçter petere poſſem; neque ille, tot ſuſpicionibus cer-
torum hominum & ſcelere exulceratus, quæ meum
tempus poſtularet, ſatis prolixè mihi polliceretur.
data merces eſt erroris mei magna, pontifices; ut me
non ſolum pigeat ſtultitiæ meæ, ſed etiam pudeat;
qui, cum me non repentinum aliquod meum tem-
pus, ſed ueteres multo ante ſuſcepti, & prouiſi labo-
res cum uiro fortiffimo & clariffimo coniunxiſſent,
ſim paſſus a tali amicitia diſtrahi, neque intellexe-
rim, quibus aut ut apertis inimicis obſiſterem, aut
ut inſidioſis amicis non crederem. proinde deſinant
aliquando me iſdem inflammare uerbis: Quid ſibi
iſte uult? neſcit, quantum auctoritate ualeat, quas
res geſſerit, qua dignitate ſit reſtitutus. cur ornat
eum, a quo deſertus eſt? Ego uero neque me tum de-
ſertum puto, ſed pæne deditum; nec, quæ ſint in illa
reip. flammageſta contra me, neque quo modo, ne-
que per quos, patefaciendum mihi eſſe arbitror. ſi
utile reip. fuit, haurire me unum pro omnibus illam
indigniſſimam calamitatem: etiam hoc utile ſit, quo-
rum id ſcelere conflatum ſit, me occultare, & tace-
re. illud uero eſt hominis ingrati, tacere, (itaque li-
bentiſſime prædicabo.) Cn. Pompeium ſtudio, & au-
toritate æque, ut unumquenque ueſtrum, opibus, cõ-
tentione, precibus, periculis denique præcipue pro
ſalute mea laboraſſe. hic tuis, P. Lentule, cum tu

H h nihil

IN MEMORATIO

nihil aliud dies & noctes , nisi de salute mea , cogitares , consilijs omnibus interfuit : hic tibi grauissimus auctor ad instituendam , fidelissimus socius ad comparandam , fortissimus adiutor ad rem perficiendam fuit : hic municipia , coloniasq. adiit : hic Italiae totius auxilium cupientis implorauit : hic in senatu princeps sententiae fuit : idemq. cum dixisset , tum etiam pro salute mea populum R. obsecrauit . Quare istam orationem , qua es usus , omittas licet , post illam sententiam , quam dixeram de annonae , pontificum animos esse mutatos : proinde quasi isti aut de Cn. Pompeio aliter , atque ego existimo , sentiant ; aut , quid mihi pro expectatione populi R. pro Cn. Pompeij meritis erga me , pro ratione mei temporis faciendum fuerit , ignorent ; aut etiam , si cuius forte pontificis animum , quod certo scio aliter esse , mea sententia offendit , alio modo sit constituturus aut de religione pontificum , aut de rep. quam eum aut caerimoniarum ius , aut ciuitatis salus coegerit . Intelligo , pontifices , me plura extra causam dixisse , quam aut opinio tulerit , aut uoluntas mea : sed cum me purgatum uobis esse cuperem , tum etiam uestra in me attente audiendo benignitas prouexit orationem meam . sed hoc compensabo breuitate eius orationis , quae pertinet ad ipsam cognitionem uestram : quae cum sit in ius religionis , & in ius reip. distributa ; religionis partem , quae multo est uerbosior , praetermittens , de iure reip. dicam . quid est enim aut tam arrogans , quam de religione , de rebus diuinis , caerimo-

cerimonijs, sacris, pontificum collegium docere conari; aut tam stultum, quam, si quis quid in uestris libris inuenerit, id narrare uobis; aut tam curiosum, quam ea scire uelle, de quibus maiores nostri uos solos & consuli, & scire uoluerunt? Nego potuisse iure publico, legibus ijs, quibus hæc ciuitas utitur, quenquam ciuem ulla eiusmodi calamitate affici sine iudicio. hoc iuris in hac ciuitate etiam tum, cum reges essent, dico fuisse, hoc nobis esse a maioribus traditum, hoc esse denique proprium liberæ ciuitatis, ut nihil de capite ciuis, aut de bonis, sine iudicio senatus, aut populi, aut eorum, qui de quaque re constituti iudices sint, detrahi possit. Vides ne me non radicitus euellere omnes actiones tuas? neque illud agere, quod apertum est, te omnino nihil gessisse iure, non fuisse tribunum pl.? hoc dico, esse paricidium: dico apud pontifices: augures adsunt: uersor in medio iure publico. Quod est, pontifices, ius adoptionis? nempe ut is adoptet, qui neque procreare iam liberos possit; & cum potuerit, sit expertus. Quæ deinde causa cuique sit adoptionis, quæ ratio generum, ac dignitatis, quæ sacrorum, quæ a pontificum collegio solet. quid est horum in ista adoptione quæsitum? adoptat annos uiginti natus, etiam minor, senatorem: liberorum ne causa? at procreare potest, habet uxorem, suscepit etiam liberos. exheredabit igitur pater filium. quid sacra Clodiæ gentis, cur intercunt, quod in te est? quæ omnis notio pontificum, cum adoptaret, esse debuit. nisi forte ex te ita quæsitum est,

H b 2 num

num perturbare remp. seditionibus uelles? & ob eā
causam adoptari, non ut filius esses, sed ut tribunus
pl. fieres, & funditus euerteres ciuitatem? respondi-
sti, credo, te ita uelle. pontificibus bona causa uisa
est: approbauerunt, non ætas eius, qui adoptabat,
quesita est, ut in Cn. Aufidio, M. Puppio: quorum
uterque nostra memoria, summa senectute, alter Ore-
stem, alter Pisonem adoptauit. quas adoptiones, si-
cut alias innumerabiles, hereditates nominis, pecu-
niæ, sacrorum secutæ sunt. tu neque Fonteius es, qui
esse debebas; neque patris heres; neque, amissis sa-
cris paternis, in hæc adoptiua uenisti. ita, pertur-
batis sacris, contaminatis gentibus, & quam dese-
ruisti, & quam polluisti, iure Quiritum legitimo tu-
telarum & hereditatum relicto, factus es eius filius
contra fas, cuius per ætatem pater esse potuisti. Di-
co apud pontifices: nego istam adoptionem pontifi-
cio iure esse factam: primum, quod eæ uestre sint æta-
tes, ut is, qui te adoptauit, uel tibi loco filij per æta-
tem esse potuerit: deinde, quod causa quæri solet
adoptandi, ut & is adoptet, qui, quod natura iam
assequi non potest, & legitimo & pontificio iure quæ-
rat; & ita adoptet, ut ne quid aut de dignitate gene-
rum, aut de sacrorum religione minuat: illud in
primis, ne qua calumnia, ne qua fraus, ne quis do-
lus adhibeatur; ut hæc simulata susceptio filij quam-
maxime ueritatem illam suscipiendorum liberorum
imitata esse uideatur. quæ maior calumnia est, quàm
uenire imberbem adolescentulum, bene ualentem,

ac

ac maritum; dicere, filium senatorem populi R. si-
bi uelle adoptare; id autem scire, & uidere omnes,
non ut ille filius instituatur, sed ut e patricijs exeat,
ut tribunus pl. fieri possit, iccirco adoptari? neque
id obscure: nam adoptatum emancipari statim, ne sit
eius filius, qui adoptarit. cur ergo adoptatur? pro-
bate genus adoptionis: iam omnium sacra interie-
rint, quorum custodes uos esse debetis; iam patri-
cius nemo relinquetur. cur enim quisquam uellet tri-
bunum pl. se fieri non licere; angustiores sibi esse pe-
titionem consulatus? in sacerdotium cum possit ueni-
re; quia patricio non sit locus, non uenire? ut cuique
aliquid acciderit, quare commodius sit esse plebeium,
simili ratione adoptabitur. itaque populus R. breui
tempore neque regem sacrorum, neque flamines, nec
salios habebit, nec ex parte dimidia reliquos sacerdo-
tes, neque auctores centuriatorum, & curiatorum
comitiorum: auspiciaq. populi R. si magistratus pa-
tricij creati non sint, intereant necesse est, cum in-
terrex nullus sit; quod & ipsum patricium esse, & a
patricio prodi necesse est. Dixi apud pontifices, istam
adoptionem nullo decreto huius collegij probatam,
contra omne pontificium ius factam, pro nihilo esse
habendam. qua sublata, intelligis totum tribunatum
tuum concidisse. Venio ad augures. quorum ego li-
bros, si qui sunt reconditi, non scrutor. non sum in
exquirendo iure augurum curiosus: hæc, quæ una cū
populo didici, quæ sæpe in concionibus responsa sunt,
nouī. negant fas esse agi cum populo, cum de cælo ser-

H b 3 uatum

PRO ORATIO
uatum sit. quo die de te lex curiata lata esse dicatur,
audes negare de cælo esse seruatum? adest præsens, uir
singulari uirtute, constantia, gravitate præditus,
M. Bibulus. hunc consulem illo ipso die contendo ser-
uasse de cælo. infirma sunt igitur acta, tua sententia,
C. Cæsaris, uiri fortissimi? minime: neque enim mea
iam quidquam interest, exceptis ijs telis, quæ ex il-
lius actionibus in meum corpus immissa sunt. sed hæc
de auspicijs, quæ ego nunc perbreuiter attingo, acta
sunt a te. tu, tuo præcipitante iam & debilitato tribu-
natu, auspiciorum patronus subito extitisti: tu M. Bi-
bulum in concionem, tu augures produxisti: te inter-
rogante, augures responderunt, cum de cælo serua-
tum sit, cum populo agi non posse: tibi M. Bibulus
querenti, se de cælo seruasse, respondit: idemq. in
concione dixit, ab Appio, fratre tuo, productus, te
omnino, quod contra auspicia adoptatus esses, tribu-
num pl. non fuisse: tua denique omnis actio postero-
ribus mensibus fuit, omnia, quæ C. Cæsar egisset, quæ
contra auspicia essent acta, per senatum rescindi opor-
tere: quod si fieret, dicebas te tuis humeris me, custo-
dem urbis, in urbem relaturum. Videte hominis amé-
tiam, ubi per suum tribunatum Cæsaris actis alliga-
tus teneretur. Si & sacrorum iure pontifices, & au-
spiciorum religione augures totum evertunt tribuna-
tum tuum; quid quæris amplius? an etiam apertius
aliquod ius populi, atque legum? Hora fortasse sex-
ta diei questus sum in iudicio, cum C. Antonium, col-
legam meum, defenderem, quædam de rep. quæ mi
hi

hi uisa sunt ad illius miseri caussam pertinere. hac ho-
mines improbi ad quosdam uiros fortes longe aliter,
atque a me dicta erant, detulerunt. hora nona, illo
ipso die, tu es adoptatus. si, quod in ceteris legibus
trinum nundinum esse oportet, id in adoptione satis
est trium esse horarum: nihil reprehendo. sin eadem
observanda sunt, decreuit senatus, M. Drusi legi-
bus, quæ contra legem Cæciliam & Didiam latæ es-
sent, populum non teneri. Iam intelligis omni gene-
re iuris, quod in sacris, quod in auspicijs, quod in le-
gibus sit, te tribunum pl. non fuisse. atque ego hoc to-
tum non sine caussa relinquo. uideo enim quosdam cla-
rissimos uiros, principes ciuitatis, aliquot locis iudi-
casse, te cum plebe iure agere potuisse: qui etiam de
me ipso, cum tua rogatione funere elatam remp. esse
dicerent, tamen id funus, & si miserum atque acer-
bum fuisset, iure indictum esse dicebant. quod de me
ciue, ac de rep. bene merito tulisses, funestum funus
te indixisse reip. quod saluis auspicijs tulisses, iure egis-
se dicebant. quare licebit, ut opinor, nobis eas actio-
nes non infirmare, quibus illi actionibus constitutum
tribunatum tuum comprobauerunt. fueris sane tri-
bunus pl. tam iure, tam lege, quàm fuit hic ipse Rul-
lus, uir omnibus rebus clarissimus, atque amplissi-
mus quo iure, quo more, quo exemplo legem nomi-
natim de capite ciuis indemnati tulisti? uetant leges
sacratæ, uetant XII tabulæ, leges priuatis homini-
bus irrogari: id est enim priuilegium. nemo unquam
tulit: nihil est crudelius, nihil perniciosius, nihil,

Hb 4 quod

P R O R A T I O

quod minus hæc ciuitas ferre possit. proscriptionis mi-
 ferrimum nomen illud, & omnis acerbitas Syllani
 temporis quid habet, quod maxime sit insigne ad me-
 moriam crudelitatis? opinor, pœnam in ciues R. no-
 minatim sine iudicio constitutam. hanc uos igitur,
 pontifices, iudicio, atque auctoritate uestra tribuno
 pl. potestatem dabit, ut proscribere possit, quos ue-
 lit? quæro enim, quid sit aliud, proscribere, Velitis,
 iubeatis, ut M. Tullius in ciuitate ne sit, bonaq. eius
 ut mea sint. ita enim fecit: etsi alijs uerbis tulit. hoc
 plebiscitum est? hæc lex, hæc rogatio est? hoc uos
 pati potestis, hoc ferre ciuitas, ut singuli ciues sin-
 gulis uersiculis e ciuitate tollantur? equidem iam per-
 functus sum: nullam uim, nullum impetum metuo:
 expleui animos inuidorum: placui odia improborum:
 saturavi etiam perfidiam, & scelus proditorum: deni-
 que de mea causa, quæ uidebatur perditis ciuibus ad
 inuidiam esse proposita, iam omnes urbes, omnes or-
 dines, omnes dii atque homines iudicauerunt. uobis-
 met ipsis, pontifices, et uestris liberis, ceterisq. ciui-
 bus pro uestra auctoritate, & sapientia consulere de-
 betis. nam cum tam moderata iudicia populi sint a ma-
 ioribus constituta; primum, ut ne pœna capitis cum pecu-
 nia coniungatur; deinde, ne nisi prodicta die quis accu-
 setur; tertio, ut ante magistratus accuset intermissa
 die, quam multam irroget, aut iudicet; quarto, sit ac-
 cusatio trinum nundinum, prodicta die, qua die iudi-
 cium sit futurum; cum multa etiam ad placandum,
 atque ad misericordiam reis concessa sint; deinde
 exora-

exorabilis populus, facilis suffragatio pro salute; denique etiam, si qua res illum diem aut auspicijs, aut excusatione sustulit; tota causa, iudiciumque sublatum est: hæc cum ita sint in re, ubi crimen est; ubi accusator, ubi testes; quid indignius, quam, qui neque adesse sit iussus, neque citatus, neque accusatus, de eius capite, liberis, fortunis omnibus conductos, & sicarios, egentes, & perditos suffragium ferre, & eam legem putare? ac si hoc de me potuit, quem honos, quem dignitas, quem causa, quem respectus tuebatur, cuius denique pecunia non expetebatur, cui nihil oberat præter conuersionem status, & inclinationem communium temporum: quid tandem futurum est ijs, quorum uita remota ab honore populari, & ab hac illustri gratia est, pecuniæ autem tantæ sunt, ut eas nimium multi egentes, sumptuosi, nobiles concupiscant? date hanc tribuno pl. licentiam, & intuemini paullisper animis iuuentutem, & eos maxime, qui imminere iam cupiditate uidentur in tribuniciam potestatem: collegia mediis fidiis tribunorum pl. tota reperientur, hoc iure firmato, quæ coeant de hominum locupletissimorum bonis, præda præsertim populari, & spe largitionis oblata. At quid tulit legum scriptor peritus, callidus? Velitis, iubeatis, ut M. Tullio aqua, & ignis interdicator? crudele, nefarium, ne in sceleratissimo quidem ciue ferundum sine iudicio. non tulit, ut interdicator: quid ergo? ut interdictum sit. O cænum, o portentum, o scelus: hanc tibi legem Clodius scripsit spurciorem lingua sua

ORATIO

sua, ut interdictum sit, cui non sit interdictum? Sexte noster, bona uenia dic, quoniam iā dialecticus es, & hoc quoque ligurris: quod factum non est, ut sit factum, ferri ad populum, aut uerbis ullis sanciri, aut suffragijs confirmari potest? Hoc tu scriptore, hoc consiliario, hoc ministro, omnium non bipedum solum, sed etiam quadrupedum impurissimo, remp. perdidisti. neque tu eras tam excors, tamq. demens, ut nescires hunc Clodium esse, qui contra leges faceret; et alios esse, qui leges scribere solerent: sed neque eorū, neque ceterorum, in quibus esset aliquid modestiæ, cuiusquam tibi potestas fuit: neque tu legum scriptoribus iisdem potuisti uti, quibus ceteri; neque operum architectis; neque pontificem adhibere, quem uelles: postremo ne in prædæ quidem societate mancipem, aut prædem socium, extra tuorum gladiatorum numerum, aut denique suffragij latorem in ista tua proscriptione quenquam, nisi furem, aut sicariū, reperire potuisti. itaque cum tu florens, ac potens per medium forum popularis uolitares; amici illi tui te, uno amico tecti, & beati, qui se populo commiserāt, ita repellebantur, ut etiam Palatinā tuam perderet. qui in iudicium uenerant, siue accusatores erant, siue rei, te deprecante damnabantur. denique etiam ille nouicius Ligur, uenalis adscriptor, & subscriptor tuus, cum M. Papirij, sui fratris, esset testamento, & iudicio improbatus, mortem eius se uelle persequi dixit: nomen Sex. Propertij detulit; accusare, alienæ damnationis scelerisq. socius, propter calumniæ metum

metum non est ausus. De hac igitur lege dicimus, quæ iure rogata uideatur: cuius quam quisque partem tetigit, digito, uoce, præda, suffragio, quocunque uenit, repudiatus, conuictusque discessit. Quid, si ijs uerbis scripta est ista proscriptio, ut se ipsa dissoluat? est enim: Quod M. Tullius falsum S. C. retulerit. Si igitur retulit falsum S. C. tum est rogatio: si non retulit, nulla est. satis ne tibi uidetur a senatu iudicatum, me non modo non eumentum esse auctoritatem eius ordinis, sed etiam unum post urbem conditam diligentissime senatui paruissse? quot modis doceo, legem istam quam uocas, non esse legem? Quid, si etiam pluribus de rebus uno sortitu retulisti: tamen ne arbitraris, id quod M. Drusus in legibus suis plerisque, bonus ille uir M. Scaurus, & L. Crassus * consularis non obtinuerint, id te posse, omnium facinororum, & stuprorum omnium Decumis, & Clodij auctoribus, obtinere? Tulisti de me ne reciperer, non ut exirem: quem, tu ipse non poteras dicere, non licere esse Romæ. quid enim diceres? damnatum? certe non: expulsus? qui licuit? sed tamen ne id quidem est scriptum, ut exirem. pœna est, qui receperit; quam omnes neglexerunt: eiectio nusquam est: uerum sit: quid operum publicorum exactio? quid nominis inscriptio tibi? num aliud uidetur esse, ac meorum bonorum direptio? præterquam quod ne id quidem per legem Liciniam, ut ipse tibi curationem ferres, facere potuisti. quid hoc ipsum, quod nunc apud pontifices agis, te meam domum consecrassse, te monumen-

tum

tum fecisse, in meis ædibus te signum dedicasse, eaq.
te ex una rogatiuncula fecisse; unum & idem uide-
tur esse, atque id quod de me ipso nominatim tulisti?
tam hercule est unum, quàm quod idem tu lege una
tulisti, ut Cyprius rex, cuius maiores huic populo so-
cij atque amici semper fuerunt, cum bonis omnibus
sub præcone subijceretur, & exsules Byzantium re-
ducerentur. Eidem, inquit, utraque de re negotium
dedi. Sed quid, si eidem negotium dedisses, ut in Asia
cistophorum flagitaret, inde iret in Hispaniam; cum
* Romæ decessisset, consulatum ei petere liceret; cum
factus esset, prouinciam Syriam obtineret; quoniam
de uno homine scriberes, una res esset? quod si ià po-
pulus R. de ista re consultus esset; & non omnia per
seruos latronesq. gessisses: non ne fieri poterat, ut po-
pulo de Cyprio rege placeret, de exsulis Byzantijs
displiceret? quæ est quasi alia uis, quæ sententia Cæci-
liæ legis & Didia, nisi hæc, ne populo necesse sit in
coniunctis rebus compluribus aut id, quod nolit, ac-
cipere, aut id, quod uelit, repudiare? Quid, si per uim
tulisti; tamen ne lex est? aut quidquam iure gestum
nideri potest, quod per uim gestum esse constet? an si
in ipsa latione tua, capta iam urbe, lapides iacti, si
manus collata non est; iccirco tu ad illam labem, at-
que eluuiem ciuitatis sine summa ui peruenire potui-
sti? cum in tribunali Aurelio conscribebas palam nõ
modo liberos, sed etiam seruos, ex omnibus uicis con-
citatos; uim tum uidelicet non parabas: cum edictis
tuis tabernas claudi iubebas; non uim imperit & mul-
titudinis,

titudinis, sed hominum honestorum modestiam, prudentiamq. quærebas: cum arma in ædem Castoris comportabas; nihil aliud, nisi uti ne quid per uim agi posset, machinabare: cum uero gradus Castoris conuellisti, ac remouisti; tum, ut modeste tibi agere liceret, homines audaces ab eius templi aditu, atque ascensu repulisti: cum eos, qui in conuentu uirorum bonorū uerba de salute mea fecerāt, adesse iussisti, eorumq. aduocationem manibus, ferro, lapidibus discussisti; tum profecto ostendisti, uim tibi maxime displicere. Verum hæc furiosa uis uesani tribuni pl. facile superari, frangiq. potuit uirorum bonorum uel uirtute, uel multitudine. quid, cum Gabinio Syria dabatur, Macedonia Pisoni, utrique infinitum imperium, ingens pecunia, ut tibi omnia permitterent, te adiuuarent, tibi manum, copias, tibi suos paratos centuriones, tibi pecunias, tibi familias compararent, te suis sceleratis concionibus subleuarent, senatus auctoritatem irriderent, equitibus R. mortem, proscriptionemq. minitarentur, me terrerent minis, mihi cædem, & dimicationem denunciarent, meam domum, refertam uiris bonis, per amicos suos complerent, proscriptionis metu me frequentia nudarēt, uirorum bonorum me præsidio spoliarent, senatum pro me non modo propugnare, amplissimum ordinē, sed etiam plorare, & supplicare mutata ueste prohiberent: ne tum quidem uis erat? quid igitur ego cessi? aut qui timor fuit? non dicam in me quidem: fac me timidum esse natura: quid illa tot uirorum fortissimorum

simorum millia? quid illi equites R. ? quid senatus? quid denique omnes boni? si nulla uis erat, cur me flentes potius prosecuti sunt, quàm aut increpantes retinuerunt, aut irati reliquerunt? an hoc timebam, si mecum ageretur more institutoq. maiorum, ut possem præsens sustinere? utrum, si dies dicta esset, iudicium mihi fuit pertimescendum, an sine iudicio priuilegium? iudicium in caussa tam turpi? scilicet is homo sum, qui, etiam si caussa esset ignota, dicendo non possem explicare. An eam caussam probare non poteram, cuius tanta bonitas est, ut ea ipsa non modo se, sed etiam me absentem per se probaret? An senatus, an ordines, an ij, qui cuncta ex Italia ad me reuocandum conuolauerunt, segniores me præsente ad me retinendum, & conseruandum fuissent in ea caussa, quam ipse iam paricida talem dicat fuisse, ut me ab omnibus ad meam pristinam dignitatem expectitum, atque reuocatum queratur? An uero in iudicio periculi nihil fuit; priuilegium pertinui, ne, mihi præsenti si multa irrogaretur, nemo intercederet? tam inops aut ego eram ab amicis, aut tã nuda resp. a magistratibus? quid, si uocata tribus essent; proscriptionem, non dicam in me, ita de sua salute merito, sed omnino in ullo ciue comprobauissent? An, si ego præsens fuisset, ueteres illæ copiae conuiuatorum, tuiq. perditii milites, atque egentes, et noua uis sceleratissimorum consulû corpori meo pepercissent? qui, cum eorum omnium crudelitati, sceleriq. cessissem, ne absens quidem luctu meo mentes illorum satiare

tiare potui. quid enim uos uxor mea misera uiola-
 rat? quam uexauistis, raptauistis, omni crudelitate
 lacerauistis: quid mea filia? cuius fletus assiduus,
 sordesq. lugubres uobis erant iucundæ, ceterorum
 omnium mentes oculosq. flecebant: quid paruus fi-
 lius? quem, quàm diu absui, nemo nisi lacrymantem
 confectumq. uidit, quid fecerat, quòd eum toties per
 insidias interficere uoluistis? quid frater meus? qui
 cum aliquanto post meum discessum ex prouincia ue-
 nisset, neque sibi uiuendum, nisi me restituto, puta-
 ret, cum eius mæror, squalor incredibilis, & inaudi-
 tus omnibus mortalibus miserabilis uidebatur: quo-
 ties ex uestro ferro, ac manibus est elapsus? Sed quid
 ego uestram crudelitatem expromo, quam in ipsum
 me, ac meos adhibuistis, qui parietibus, qui tectis,
 qui columnis, ac postibus meis horrificum quoddam,
 & nefarium omni imbutum odio bellum intulistis?
 non enim te arbitror, cum post meum discessum o-
 mnium locupletum fortunas, omnium prouinciarum
 fructus, & tetrarcharum ac regum bona spe & aua-
 ritia deuorasses, argenti & supellectilis meæ cupidi-
 tate esse cæcatum: non existimo Campanum illum
 cōsulem cum saltatore collega, cum alteri totam A-
 chaiam, Thessaliam, Bæotiam, Græciam, Macedo-
 niam, omnemq. barbariam, bona ciuium R. condo-
 nasses, alteri Syriam, Babylonem, Persas, integer-
 rimas pacatissimasq. gentes ad diripiendum tradidis-
 ses, illos tam cupidos liminum meorum, & columna-
 rum, & ualuarum fuisse. neque porro illa manus,
 copiaq.

O R A T I O

copiaeq. Catilinæ cæmentis ac tignis meorum tectorum se famem suam expleturas putauerunt: sed ut hostium urbes, nec omnium hostium, uerum eorum, quibuscum acerbū bellum, intestinumq. suscepimus, non præda adducti, sed odio solemus excidere, quod, in quos propter eorum crudelitatem inflāmatæ mentes nostræ fuerunt, cum horum etiam tectis, ac sedibus residere aliquod bellum semper uideretur. Nihil erat latum de me: non adesse eram iussus: non citatus fueram: eram etiam tuo iudicio ciuis incolumis: cum domus in Palatio, uilla in Tusculano, altera ad alterum consulem transferebatur: senatum consules uetabant: columnæ marmoreæ ex ædibus meis, inspectante populo R. ad socrum consulis portabantur: in fundum autem uicini consulis non modo instrumentum, aut ornamenta uillæ, sed etiam arbores transferebantur; cum ipsa uilla non prædæ cupiditate, (quid enim erat prædæ?) sed odio, & crudelitate funditus euerteretur: domus ardebat in Palatio, non fortuito, sed oblato incendio: consules epulabantur, & in coniuratorum gratulatione uersabantur, cum alter se Catilinæ delicias, alter Cethegi consobrinum fuisse diceret. Hanc ego uim pontifices, hoc scelus, hunc furorem, meo corpore opposito, a bonorum omnium ceruicibus depuli, omnemq. impetum discordiarum, omnem diu collectam uim improborum, quæ inueterata cōpresso odio, atque tacito iam erūpebat, in actum tam audaces duces, excepi meo corpore: in me uno consulares faces iactæ manibus tribunicij:

bunicijs: in me omnia, quæ ego quondam retuleram,
coniurationis nefaria tela adhæserunt. quod si, ut
multis fortissimis uiris placuit, ui & armis contra
uim decertare uoluisssem: aut uicissim cum magna in-
ternicione improborum, sed tamen ciuium; aut, in-
terfectis bonis omnibus, quod illis optatissimū erat,
una cum rep. concidisssem. uidebam, uiuo senatu, po-
puloq. R. celerem mihi summa cum dignitate redi-
tum: nec intelligebam fieri diutius posse, ut mihi non
liceret esse in ea rep. quam ipse seruasssem: quod si nō
liceret, audieram, & legeram, clarissimos nostræ
ciuitatis uiros se in medios hostes ad perspicuam mor-
tem, pro salute exercitus iniecisse: ego pro salute
reip. uniuersæ dubitarem? hoc meliore condicione,
quàm Decij, quod illi ne auditores quidem suæ glo-
riæ, ego etiam spectator meæ laudis esse potuisssem.
itaque infractus furor tuus inanes faciebat impetus:
omnem enim uim omnium sceleratorū acerbitas mei
casus exceperat. non erat in tam immuni iniuria, tan-
tisq. ruinis nouæ crudelitati locus. Cato fuerat proxi-
mus, (quid ageres, non erat) ut qui modus omni- *
bus moribus fuerat, idem esset iniuriæ. quid posses?
extrudere ad Cypriam pecuniam. præda perierit: a-
lia non deerit: hunc modo amandandum esse. sic M.
Cato inuisus, quasi per beneficium, Cyprum relega-
tur. eijciuntur duo, quos improbi uidere non pote-
rant, alter per honorem turpissimum, alter per ho-
nestissimam calamitatem. Atque ut sciatis non homi-
nibus istum, sed uirtutibus hostem semper fuisse, me

Ii expulso,

O R A T I O

expulso, Catone amandato, in eum ipsum se conuertit, quo auctore, quo adiutore, in concionibus, ea, quæ gerebat, omnia, quæq. gesserat, se fecisse, & facere, dicebat. Cn. Pompeium, quem omnium iudicio longe principem esse ciuitatis uidebat, diutius furori suo ueniam daturum non arbitrabatur. qui ex eius custodia, per insidias, regis amici filium hostem captiuum surripuisset, & ea iniuria uirum fortissimum laceffisset, sperauit iisdem se copijs cum illo posse configere, quibuscum ego noluissem bonorum periculo dimicare: & primo quidem adiutoribus consilijs: postea fregit fœdus Gabinus: Piso tamen infide mansit. quas iste tum cædes, quas lapidationes, quas fugas fecerit, quàm facile ferro, quotidianisq. insidijs, cum iam a firmissimo robore copiarum suarum relictus esset, Cn. Pompeium foro curiaq. priuarit, domumq. coniecerit, uidistis. ex quo indicare potestis, quanta uis illa fuerit oriens, & congregata, cum hæc Cn. Pompeium terruerit iam distraeta, & extincta. Hoc uidit in sententia dicenda kal. Ian. uir prudentissimus, & cum reip. tum mihi, tum etiam ueritati amicissimus, L. Cotta, qui legem de meo.reditu ferendam non censuit; qui me consuluisse reip. cessisse tempestati, amicio rem uobis, ceterisq. ciuibus, quàm mihi, ac meis extitisse, ui, armis, dissensione hominum ad cædem instituta, nouoq. dominatu pulsum esse dixit, nihil de meo capite potuisse ferri, nihil esse inscriptum, aut posse ualere; omnia contra leges, moremq. maiorum temere, turbulente,

per

per uim, per furorem esse gesta: quòd si illa lex esset,
nec referre ad senatum consules, nec sententiam dice-
re sibi licere: quorum utrunque cum fieret, non oportere, ut de me lex ferretur, decerni; ne illa, quæ nulla esset, esse lex iudicaretur. sententia uerior, grauior, utilior, melior reip. nulla esse potuit. hominis enim scelere, & furore notato, similis a rep. labe in posterum dimouebatur. neque hoc Cn. Pompeius, qui ornatissimam de me sententiam dixit, uosq. pontifices, qui me uestris sententijs, auctoritatibusq. defendistis, non uidistis, illam esse nullam, atque esse potius flammam temporis, interdictum sceleris, uocem furoris: sed prospexistis, ne qua popularis in nos aliquando inuidia redunderet, si sine populi iudicio restituti uideremur. Eodemq. consilio M. Bibuli, fortissimi uiri, senatus sententiam secutus est, ut uos de mea domo statueretis: non quòd dubitaret, quin ab isto nihil legibus, nihil religionibus, nihil iure esset actum, sed ne quis oriretur aliquando in tanta ubertate improborum, qui in meis ædibus aliquam religionem residere diceret. nam legem quidem istà nullam esse, quotiescunque de me senatus sententiam dixit, toties iudicauit; quoniam quidem scripto illo istius sententiam dicere uetabatur. atque hanc rem par illud simile, Piso, & Gabinius, uidit. homines legum iudiciorumq. metuentes, cum frequentissimus senatus eos, ut de me referrent, quotidie flagitaret, non se rem improbare dicebant, sed lege istius impediri. erat hoc uerum: nam impediabantur, uerum ea lege, quâ

O R A T I O

idem iste de Macedonia, Syriaq. tulerat. hanc tu, P. Lentule, neque priuatus, neque consul legem esse unquam putasti. nam, tribunis pl. referentibus, sententiam de me designatus cōsul saepe dixisti: ex kal. Ian. quoad perfecta res est, de me retulisti: legem promulgasti, tulisti: quorum tibi, si esset illa lex, nihil liceret. at etiam Q. Metellus, collega tuus, uir clarissimus, quam legem esse homines alienissimi a P. Clodio iudicabant, Piso, & Gabinius, eam nullam esse, frater P. Clodij, cum de me ad senatum tecum una retulit, iudicauit. sed isti, qui Clodij leges timuerūt, quemadmodum ceteras obseruarunt? senatus quidem, cuius est grauissimum iudicium de iure legum, quotiescunque de me consultus est, toties eam nullam esse iudicauit. quod idem tu, Lentule, uidisti in lege, quam de me tulisti: nam non est ita latum, ut mihi Romam uenire liceret, sed ut uenirem: non enim uolui sti, id quod licebat, ferre, ut liceret; sed me ita esse in rep. magis ut accersitus imperio populi R. uiderer, quàm ad administrandam ciuitatem reſtitutus. Hunc tu etiam, pernicioſa pestis, exsulem appellare ausus es, cum tantis sceleribus esses, & factis notatus, ut omnem locum, quò adisses, exsiliij simillimum redderes? quid est enim exsul? ipsum per se nomen calamitatis, non turpitudinis. quando igitur est turpe? reuera, quando est pœna peccati; opinione autem hominum, etiam si est pœna damnati. utrum igitur peccato meo exsulis nomen subeo, an re iudicata? peccato? iam neque tu id dicere audes, quem isti satelli-

tes

tes tui felicem Catilinam nominant, neque quisquam
eorum, qui solebant. non modo iam nemo est tam im-
peritus, qui ea, quæ gessi in consulatu, peccata esse
dicat; sed nemo est tam inimicus patriæ, qui non meis
consilijs patriam conseruatam esse fateatur. quod
enim est in terris commune tantum, tantulum ue con-
siliium, quod non de meis rebus gestis ea, quæ mihi
essent optatissima, & pulcherrima, iudicarit? sum-
mum est populi R. populorumq̃. et gentium omniũ,
ac regum consilium senatus: decreuit, ut omnes, qui
remp. saluam esse uellent, ad me unum defendendum
uenirent: ostenditq̃ue, nec stare potuisse rep. si ego
non fuisssem restitutus; nec futuram esse ullam, si
non rediisssem. Proximus est huic dignitati ordo e-
quester: omnes omnium publicanorum societates de
meo consulatu, ac de meis rebus gestis amplissima, at
que ornatissima decreta fecerunt. Scribæ, qui no-
biscum in rationibus, monumentisq̃. publicis uersan-
tur, non obscurum de meis in rep. beneficijs suum
iudicium, decretumq̃. esse uoluerunt. Nullum est in
hac urbe collegium, nulli pagani, aut montani, quo-
niam plebi quoque urbanæ maiores nostri conuenticu-
la, & quasi concilia quædam esse uoluerunt, qui non
amplissime non modo de salute mea, sed etiam de di-
gnitate decreuerint. Nam quid ego illa diuina, atque
immortalia municipiorum, & coloniarum, & totius
Italiæ decreta commemorem? quibus tanquam gradi-
bus mihi uideor in cælum ascendisse, non solum in pa-
triam reuertisse. Ille uero dies quis fuit, cum te, P.

Lentule, legem de me ferentem populus R. ipse uidit, sensitque, quantus, & quanta dignitate esses? constat enim, nullis unquam comitijs campum Martium tanta celebritate, tanto splendore omnis generis hominum ætatum, ordinum floruisse. Omitto ciuitatum, nationum, prouinciarum, regum, orbis denique terrarum de meis in omnes mortales meritis unum iudicium, unumq. consensum. Aduentus meus, atque introitus in urbem qui fuit? utrum me patria sic accepit, ut lucem, salutemq. redditam sibi, ac restitutam accipere debuit, an ut crudelem tyrannum? quod uos, Catilinæ gregales, de me dicere solebatis. itaque ille unus dies, quo die me populus R. a porta in Capitolium, atque inde domum, sua celebritate, lætitiâq. comitatum, honestauit, tantæ mihi iucunditati fuit, ut tua mihi conscelerata illa uis non modo non propulsanda; sed etiam emenda fuisse uideatur. Quare illa calamitas (si ita est appellanda) excussit hoc genus totum maledicti, ne quisquam audeat iam reprehendere consulatum meum, tot, tantis, tam ornatis iudicijs, testimonijs, auctoritatibus comprobatum. quod si in isto tuo maledicto probrum non modo mihi nullum obiectas, sed etiam laudem illustras meam: quid te aut fieri, aut fingi dementius potest? uno enim maledicto bis a me patriam seruata esse concedis; semel, cum id feci, quod omnes non negent immortalitati, si fieri potest, mandandum, tu supplicio puniendum putasti; iterum, cum tuum, multorumq. propter te, inflammatum in bonos omnes, impetum

impetum meo corpore excepi, ne eam ciuitatem, quā
seruassent inermis, armatus in discrimen adducerem.
Esto: non fuit in me pœna ulla peccati, at fuit iudicij.
cuius? quis me unquam ulla lege interrogauit? quis
postulauit? quis diem dixit? potest igitur damnati pœ
nam sustinere indemnatus? hoc tribunicium est? hoc
populare est? quanquam ubi tu te popularem, nisi
cum pro populo fecisti; potes dicere? scilicet: cum
hoc iuris a maioribus proditum sit, ut nemo ciuis R.
aut libertatem, aut ciuitatem possit amittere, nisi
ipse auctor factus sit. quod tu ipse potuisti in tua caus-
sa discere. credo enim, quanquam in illa adoptione le-
gitime factum est nihil, tamen te esse interrogatum,
auctor ne esses, ut in te P. Fonteius uitæ necisq. po-
testatem haberet, ut in filio. quæro, si aut negasses,
aut tacuisses, si tamen id x x x curiæ iussissent, num
id iussum esset ratum? certe non. quid ita? quia ius
a maioribus nostris, qui non fidē & fallaciter popu-
lares, sed uere & sapienter fuerunt, ita compara-
tum est, ut ciuis R. libertatem nemo posset inuitus
amittere. quin etiam, si decemuiui sacramentum in li-
bertatem iniustum iudicassent, tamen, quotiescunque
uellet quis hoc in genere solo rem iudicatam referre
posse uoluerunt. ciuitatem uero nemo unquam ullo po-
puli iussu amittet inuitus. qui ciues R. in colonias La-
tinas proficiscebantur, fieri non poterant Latini, qui
non erant auctores facti, nomenq. dederant. qui e-
rant rerum Capitalium condemnati, non prius hanc
ciuitatem amittebant, quàm erant in eam recepti,

Ii 4 quod

O R A T I O

quò uertendi, hoc est mutandi soli causa uenerant. id autem ut esset faciundum, non ademptione ciuitatis, sed tecti, & aquæ, & ignis interdictione faciebant. populus R. L. Sylla dictatore ferente comitibus centuriatis, municipiis ciuitatem ademit, ademit iisdem agros. de agris ratum est; fuit enim populi potestas: de ciuitate ne tam diu quidem ualuit, quam diu illa Syllani temporis arma ualuerunt. an uero Volaterranis, cum etiam tum essent in armis, L. Sylla uictor, rep. recuperata, comitibus centuriatis, ciuitatem eripere non potuit; hodieq. Volaterrani, non modo ciues, sed etiam optimi ciues, fruuntur nobiscum simul hac ciuitate: consulari homini P. Clodius, euersa rep. ciuitatem adimere potuit, concilio aduocato, conductis operis non solum egentium, sed etiam seruorum, Sedulio principe? qui se illo die confirmauit Romæ non fuisse. quòd si non fuit; quid te audacius, qui in eius nomen incideris? quid desperatius, qui ne ementiendo quidem potueris auctorem adumbrare meliorem? sin autem is primus sciuit; quod facile potuit, propter inopiam tecti in foro pernoctans: cur non iuret se Gadi- bus fuisse, cum tu te fuisse Interamnæ probaueris? hoc tu igitur, homo popularis, iure munitam ciuitatem, & libertatem nostram putas esse oportere, ut si tribuno pl. rogante, Velitis, iubeatis ne; Sedit- lii centum se uelle, & iubere dixerint, possit unusquisque nostrum amittere ciuitatem? tum igitur maiores nostri populares non fuerunt, qui de ciuitate, & libertate ea iura sanxerunt, quæ nec uis tem-
ponum,

porum, nec potentia magistratuum, nec res iudicata, nec denique uniuersi populi R. potestas, quæ ceteris in rebus est maxima, labefactare possit. at tu etiam, ereptor ciuitatis, legem de iniurijs publicis tulisti, Anagnino nescio cui Menulæ per gratiam, qui tibi ob eam legem statuam in meis ædibus posuit, ut locus ipse in tua tanta iniuria legem, & inscriptionem statuæ refelleret. quæ res municipibus Anagninis ornatissimis multo maiori dolori fuit, quam quæ idem ille gladiator scelera Anagninæ fecerat. Quid, si ne scriptum quidem unquam est in ista ipsa rogatione, quam se Seditius negat sciuisse: tu huius, ut acta tui præclari tribunatus hominis dignitate cohonestes, auctoritatem amplecteris: sed tamen, si nihil de me tulisti, quo minus essem non modo in ciuium numero, sed etiam in eo loco, in quo me honores populi R. collocauerunt: tamen ne eum tua uoce uiolabis, quem, post nefarium scelus consulum superiorum, tot uides iudicij senatus, populi R. totius Italiæ honestatum? quem ne tum quidem, cum aberam, negare poteras esse tua lege senatorem? ubi enim tuleras, ut mihi aqua, & ignis interdiceretur? quod Gracchus de P. Popillio, Saturninus de Metello tulit. homines seditiosissimi de optimis, ac fortissimis ciuibus, non, ut esset interdictum, quod ferri non poterat, tulerunt, sed ut interdiceretur. ubi cauisti, ne meo me loco censor in senatum legeret? quod de omnibus, etiam quibus damnatis interdictum est, scriptum est in legibus. quære hoc ex Clodio, scriptore legum tuarum: iube

O R A T I O

iube adesse : latitat omnino : sed, si requiri iusseris, inuenient hominem apud sororem tuam, occultantē se capite demisso. sed si patrem tuum, ciuem medius fidius egregium, dissimilemq. uestri, nemo unquam sanus exsulem appellauit; qui, cum de eo tribunus pl. promulgasset, adesse, propter iniquitatem illius Cinnani temporis, noluit; eiq. imperium est abrogatū; si in illo pœna legitima turpitudinem non habuit, propter uim temporum : in me, cui dies dicta nunquam est, qui reus non fui, qui nunquam sum a tribuno pl. citatus, damnati pœna esse potuit, ea præsertim, quæ ne in ipsa quidem rogatione perscripta est? At uide, quid intersit inter illum iniquissimum patris tui casum, & hanc fortunam, condicionemq. nostram. patrem tuum, ciuem optimum, clarissimi uiri filium, qui si uiueret, qua seueritate fuit, tu profecto non uiueres, L. Philippus censor, auunculum suum, præterijt in recitando senatu: nihil enim poterat dicere, quare rata non essent, quæ erant acta in ea rep. in qua se illis ipsis temporibus censorem esse noluiisset. me L. Cotta, homo censorius, in senatu iuratus dixit, se, si censor tum esset, cum ego aberam, meo loco senatorem recitaturum fuisse. quis in meum locum iudicem subdidit? quis meorum amicorum testamentum discessu meo fecit, qui mihi non idem tribuerit, quod & si adessem? quis me non modo ciuis, sed socius recipere contra tuam legem, & inuare dubitauit? denique uniuersus senatus multo ante, quàm est lata lex, de me gratias agendas censuit ciuitatibus ijs, quæ M. Tullium,

Tullium, tantum ne? immo etiam ciuem optime de rep. meritum recepissent. & tu unus, pestifer ciuis, eum restitutum negas esse ciuem, quem eiectum uniuersus senatus non modo ciuem, sed etiam egregium ciuem semper putauit? at uero, ut annales populi R. & monumenta uetustatis loquuntur, Kæso ille Quinctius, & M. Furius Camillus, & M. Seruilius Ahala, cum essent optime de rep. meriti, tamen populi incitati uim, iracundiamq. subierunt; damnatiq. comitijs cēturiatis cum in exsilium profugissent, rursus ab eodem populo placato sunt in suam pristinam dignitatem restituti. quod si, ijs damnatis, non modo non imminuit calamitas clarissimi nominis gloriam, sed etiam honestauit: (nam etsi optabilius est, cursum uitæ & conficere sine dolore, & sine iniuria; tamen ad immortalitatem gloriæ plus affert, desideratum esse a suis ciuibus, quàm omnino nunquam esse uiolatum) mihi sine ullo iudicio populi profecto, cum amplissimis omnium iudicijs restituto, maledicti locum, aut criminis obtinebit? fortis, & constans in optima ratione ciuis P. Popillius semper fuit: tamen eius in omni uita nihil est ad laudem illustrius, quàm calamitas ipsa. quis enim iam meminisset eum bene de rep. meritum, nisi & ab improbis expulsus esset, & per bonos restitutus? Q. Metelli præclarum imperium in re militari fuit, egregia censura, omnis uita plena grauitatis: tamen huius uiri laudem ad sempiternam memoriam temporis calamitas propagauit. quod si & illis, qui expulsi sunt inique, sed ta-

men

ORATIO

men legibus, reduēti inimicis interfeētis, rogationibus tribunicijs, non auctōritate senatus, non comitijs centuriatis, non decretis Italiae, non desiderio ciuitatis, inimicorum iniuria probro non fuit: in me, qui profectus sum integer, abfui simul cum rep. redij cum maxima dignitate, te uiuo, fratre tuo altero consule reducente, altero pratore patiente, tuum scelus meum probrum putas esse oportere? at si me populus R. incitatus iracundia, aut inuidia e ciuitate eiecisset; idemq. postea, mea in rep. beneficia recordatus, se collegisset, temeritatem, atque iniuriam suam restitutione mea reprehendisset: tamen profecto nemo esset tam amens, qui mihi populi tale iudicium non dignitati potius, quam dedecori putaret esse, oportere. nunc uero cum me in iudicium populi nemo omnium uocarit; condemnari non potuerim, qui accusatus non sim; denique ne expulsus quidem ita sim, ut, si contenderem, superare non possem; contraq. a populo R. semper sim defensus, amplificatus, ornatus: quid est, quare quisquam mihi se ipsa populari ratione anteponat? An tu populum R. esse illum putas, qui constat ex ijs, qui mercede conducuntur; qui impelluntur, ut uim afferant magistratibus? ut obsideant senatum? optent quotidie cadem, incendia, rapinas? quem tu tamen populum, nisi tabernis clausis, frequentare non poteras: cui populo duces Lentidios, Lollios, Sergios praefeceras. O speciem, dignitatemq. populi R. quam reges, quam nationes exteræ, quam gentes ultimæ pertimescunt, multitudinem

dinem hominum ex seruis conductis, ex facinorosis,
 ex egentibus congregatam. illa fuit pulchritudo po-
 puli R. illa forma, quam in campo uidisti tum, cum
 etiam tibi contra senatus, totiusq. Italiae auctorita-
 tem, & studium dicendi potestas fuit. ille populus
 est dominus regum, uictor, atque imperator omniū
 gentium, quem illo clarissimo die scelerate uidisti tū,
 cum omnes principes ciuitatis, omnes ordinum atque
 ætatum omnium, suffragium se non de ciuis, sed de ci-
 uitatis salute ferre censebant: cum denique homines
 in campum, non tabernis, sed municipijs clausis, ue-
 nerunt. hoc ego populo, si tum consules aut fuissent
 in rep. aut omnino non fuissent, nullo labore, tuo præ-
 cipiti furori, atque impio sceleri restitissim: sed pu-
 blicam causam, contra uim armatam, sine populi
 præsidio suscipere nolui: non quo mihi P. Scipionis,
 fortissimi uiri, uis intima, priuati hominis, displice-
 ret: sed Scipionis factum statim P. Mucius cōsul, qui
 in gerenda rep. putabatur fuisse segnior, gesta, multis
 S. C. non modo defendit, sed etiam ornauit: mihi aut,
 te interfecto, cum consulibus, aut, te uiuo, & tecum,
 & cum illis armis decertandum fuit. erant eo tēpore
 multa etiā alia metuenda. ad seruos medius fidius res
 peruenisset: tantum homines impios, ex uetere illa cō-
 iuratione inustum nefarijs mētibus, bonorū odium re-
 tinebat. Hic tu me etiam gloriari uetas: negas esse fe-
 renda, quæ soleam de me prædicare: & homo facetus
 inducis etiam sermonem urbanum, ac uenustum; me
 dicere solere, esse me Iouem; eundemq. diētitare, Mi-
 neruam

O R A T I O

neruam esse sororem meam. Nō tam insolēs sum, qui Iouem esse me dicam; non tam ineruditus, qui Mineruam, Iouis sororem, meam esse sororem existimem. sed tamen ego mihi sororem uirginem adscisco: tu sororem tuam uirginem esse non sinisti. sed uide, ne tu te debeas Iouem dicere, quōd tu iure eandem sororē, & uxorem appellare possis. Et quoniam hoc reprehēdis, quōd solere me dicas de me ipso gloriosius prædicare: quis unquam audiuit, cum ego de me, nisi coactus, ac necessario, dicerem? nam si, cum mihi furta, largitiones, libidines obijciuntur, ego respondere soleo, meis consilijs, periculis, laboribus patriam esse conseruatam; non tam sum existimandus de gestis rebus gloriari, quā de obiectis non confiteri. sed si mihi ante hæc durissima reip. tempora nihil unquam aliud obiectum est, nisi crudelitas illius temporis, cum a patria perniciem depuli: quid me huic maledicto utrum non respondere, an demisse respondere decuit? ego uero etiam reip. semper interessē putauī, me illius pulcherrimi facti, quod ex auctoritate senatus, consensu bonorum omnium, pro salute patriæ gessissem, splendorem uerbis, dignitatemq. retinere: præsertim cum mihi uni in hac rep. audiente populo R. opera mea hanc urbem, & hanc remp. esse saluam iurato dicere fas fuisset. Extinctum est iam illud maledictum crudelitatis, quōd me non ut crudelem tyrannum, sed ut mitissimum parentem, omnium ciuium studijs desideratum, repetitum, accersitum uident. aliud exortum est. obijcitur mihi meus ille discessus:

scessus : cui ego crimini respondere sine mea maxima
 laude non possum . quid enim , pontifices , debeo dice-
 re ? peccati me conscientia profugisse ? at id , quod mi
 hi crimini dabatur , non modo peccatum non erat , sed
 erat res post natos homines pulcherrima . iudiciū po-
 puli pertinuisse ? at id nec propositum ullum fuit , &
 si fuisset , duplicata gloria discessissem . bonorum mihi
 præsidium defuisset ? falsum est . me mortem timuisse
 ? turpe est . dicendum igitur est id , quod non dice-
 rem , nisi coactus : nihil enim unquam de me dixi sub-
 latius , adsciscendæ laudis causa potius , quàm criminis
 depellendi . dico igitur , & quàm possum maxima vo-
 ce dico : cum omnium perditorum , & coniuratorum
 incitata uis duce tribuno pl. consulibus auctoribus ,
 afflicto senatu , perterritis equitibus R. suspensa ac so-
 licita tota ciuitate , non tam in me impetum faceret ,
 quàm per me in omnes bonos ; me uidisse , si uicissem ,
 tenues reip. reliquias , si uictus essem , nullas futuras .
 quod cum iudicasssem , defleui coniugis miseræ diffi-
 dium , liberorum carissimorum solitudinem , fratris
 absentis amantissimi , atque optimi casum , subitas
 fundatissimæ familiæ ruinas : sed his omnibus rebus
 uitam anteposui meorum ciuium ; remq. publicam
 concidere unius discessu , quàm omnium interitu occi-
 dere malui : speravi id , quod accidit , me iacentem pos-
 se a uiuis uiris fortibus excitari ; si una cum bonis in-
 terissem , nullo modo posse recreari . accepi , pontifi-
 ces , magnum , atque incredibilem dolorem : non ne-
 go , neque istam mihi adscisco sapientiam , quam non
 nulli

O R A T I O

nulli in me requirebant, qui me animo nimis fracto
 esse, atque afflicto loquebantur. an ego poteram, cū
 a tot rerum tanta uarietate diuellerer, quas iccirco
 prætereo, quòd ne nunc quidem sine fletu commemo-
 rare possim, inficiari, me esse hominem, & commu-
 nem naturæ sensum repudiare? tum uero neque illud
 meum factum laudabile, nec beneficium ullum a me
 in rep. profectum dicerem, siquidem ea reip. caus-
 sa reliquissim, quibus æquo animo carerem: eamq.
 animi durtiam, sicut corporis, quod cum uritur non
 sentit, stuporem potius, quàm uirtutem, putarem.
 suscipere tantos animi dolores, atque ea, quæ capta
 urbe accidunt uictis, stante urbe unum perpeti, & iā
 se uidere distrahi a complexu suorum, disturbari te-
 ctā, diripi fortunas, patriæ denique causā patriam
 ipsam amittere, spoliari populi R. beneficijs amplif-
 simis, præcipitari ex altissimo dignitatis gradu, ui-
 dere prætextatos inimicos, non dum morte complo-
 rata, arbitria petentes funeris, hæc omnia subire cō-
 seruandorum ciuium causā, atque ita, ut dolenter ab-
 sis, non tam sapiens, quàm ij, qui nihil curant, sed
 tam amans tuorum, ac tui, quàm communis huma-
 nitas postulat; ea laus præclara, ac diuina. nam qui
 ea, quæ nunquam cara, atque iucunda duxit, æquo
 animo reip. causā deserit, nullam beneuolentiam in-
 signem in rep. declarat: qui autem ea relinquit
 reip. causā, a quibus cum summo dolore diuellitur,
 ei patria cara est, cuius salutem caritati antepont
 suorum. Quare disrumpatur licet ista furia, atque au-
 diat

diat hæc ex me, quoniam laceffiuit. bis feruavi; ut
 consul togatus armatos uicerim; priuatus consulibus
 armatis cefferim. utriusque temporis fructum tuli
 maximum; superioris, quod ex senatus auctorita-
 te & senatum, & omnes bonos, meæ salutis caus-
 sa; mutata ueste uidi; posterioris, quod & sena-
 tus, & populus R. & omnes mortales & priuatim,
 & publice iudicarunt, sine meo reditu remp. saluam
 esse non posse. sed hic meus reditus pontifices uestro iu-
 dicio continetur. nam si uos me in meis ædibus colloca-
 tis, id quod in omni mea caussa semper studijs, consi-
 lijs, auctoritatibus, sententijsq. fecistis: uideo me
 plane, ac sentio restitutum. sin mea domus non modo
 mihi non redditur, sed etiam monumentum præbet
 inimico doloris mei, sceleris sui, publicæ calamita-
 tis: quis erit, qui hunc reditum potius, quàm pœnam
 sempiternam putet? in conspectu præterea totius ur-
 bis domus est mea, pontifices: in qua si manet illud nō
 monumentum urbis, sed sepulcrum inimico nomine in-
 scriptum; demigrandum potius aliquò est, quàm ha-
 bitandum in ea urbe, in qua trophæa & de me, &
 de rep. uideam constituta. an ego tantam aut animi
 duritiem habere, aut oculorum impudentiam possim,
 ut cuius urbis seruatorē me esse, senatus omniū assen-
 su toties iudicarit, in ea possim intueri domum meam
 euersam nō ab inimico meo, sed ab hoste communi, et
 ab eodem exstructam, & positam in oculis ciuitatis,
 ne unquam cōquiescere possit fletus bonorum? Sp. Me
 lii, regnum appetentis, domus est complanata. ecquid

K k aliud?

O R A T I O

aliud? æquum accidisse Melio, populus R. iudicauit. nomine ipso Aequimelij stultitiæ pœna comprobata est. Sp. Cassij domus ob eandem causam euersa, atque in eodem loco ædes posita Telluris. in Vacci pratis domus fuit M. Vacci, quæ publicata est, & euersa, ut illius facinus memoria & nomine loci notaretur. M. Manlius cum ab ascensu Capitolij Gallorum impetum repulisset, non fuit contentus beneficij sui gloria; regnum appetisse est iudicatus: ergo eius domum euersam duobus lucis conuestitam uidetis. quam igitur maiores nostri sceleratis ac nefarijs ciuibus maximam pœnam constitui posse arbitrati sunt, eandem ego subibo, ac sustinebo, ut apud posteros nostros non extinctor coniurationis, & sceleris, sed auctor, & dux fuisse uidear? hanc uero, pontifices, labem turpitudinis, & inconstantiae poterit populi R. dignitas sustinere, uiuo senatu, uobis principibus publici consilij, ut domus M. Tulli Ciceronis cum domo Fuluij Flacci, ad memoriam pœnæ publice constitutæ, coniuncta esse uideatur? M. Flaccus, quia cum C. Graccho contra salutem reip. fecerat, & senatus sententia est interfectus, & eius domus euersa, & publicata est: in qua porticum post aliquanto Q. Catulus de manubijs Cimbricis fecit. ista autem fax ac furia patriæ, cum urbem, Pisone & Gabinio ducibus, cepisset, occupasset, teneret, uno eodemq. tempore & clarissimi uiri mortui monumenta delebat; & meam domum cum M. Flacci domo coniungebat; ut, qua pœna senatus affecerat euer-

forem

forem ciuitatis, eadē iste, oppresso senatu, afficeret eū, quem P. C. custodem patriæ iudicassent. Hanc uero in Palatio, atque in pulcherrimo urbis loco porticum esse patiēmini, furoris tribunicij, sceleris consularis, crudelitatis coniuratorum, calamitatis reip. doloris mei defixum indicium ad memoriam omnium gentium sempiternam? quam porticum pro amore, quem habetis in reip. & semper habuistis, non modo sententijs, sed, si opus esset, manibus uestris disturbare cuperetis. nisi quem forte illius castissimi sacerdotis superstitiosa dedicatio deterret. o rem, quam homines soluti ridere non desinant: tristiores autem sine maximo dolore audire non possint. P. ne Clodius, qui ex pontificis maximi domo religionem eripuit, is in meam intulit? hunc, inquam, etiam uos, qui estis antistites caerimoniarum, & sacrorum, auctorem habetis, & magistrum publicæ religionis? o dii immortales, (uos enim hæc audire cupio) P. Clodius uestra sacra curat? uestrum numen horret? res omnes humanas religione uestra contineri putat? hic non illudit auctoritati horum omnium, qui adsunt, summorum uirorum? non uestra, pontifices, grauitate abutitur? ex isto ore religionis uerbum excidere, aut elabi potest? quam tu eodem ore, accusando senatū, quod se uere de religione decerneret, impurissime teterrimeq. uiolasti. Adspicite, adspicite, pontifices, hominem religiosum, & si uobis uidetur, quod est bonorum pontificum, monete eum, modum quendam esse religionis, nimium esse supersti-

O R A T I O

stitiosum non oportere. quid tibi necesse fuit, anili superstitione, homo fanaticæ, sacrificium, quod alienæ domi fieret, inuisere? quæ autem te tanta mentis imbellicitas tenuit, ut non putares deos satis posse placari, nisi etiam muliebribus religionibus te implicuisses? quem unquam audisti maiorum tuorum, qui & sacra priuata coluerunt, & publicis sacerdotiis præfuerunt, cum sacrificium Bonæ deæ fieret, interfuisse? neminem, ne illum quidem, qui cæcus factus est. ex quo intelligitur, multa in uita falso homines opinari, cum ille, qui nihil uiderat sciens, quod nefas esset, lumina amisit; istius, qui non solum ad spectu, sed etiam incesto flagitio, & stupro polluit cærimonias, pœna omnis oculorum ad cæcitatem mentis est conuersa. hoc auctore, tam casto, tam religioso, tam sancto, tam pio, potestis, pontifices, non commoueri, cum suis dicat se manibus domum ciuis optimi euertisse, & eam iisdem manibus consecrassse? quæ tua fuit consecratio? tuleram, inquit, ut mihi liceret. quid? non exceperas, ut, si quod ius non esset rogare, ne esset rogatum? ius igitur statuetis esse, uniuscuiusque uestrû sedes, aras, focos, deos penates subiectos esse libidini tribunicia? in quem quisque per homines concitados irruerit, quem impetu percule-rit, huius domum nō solum affligere, quod est præsentis insanix, quasi tempestatis repentinæ, sed etiam in posterum tempus religione sempiterna obligare? equidem sic accepi, pontifices, in religionibus suscipiendis caput esse, interpretari, quæ uoluntas deorū immortaliū

liū esse uideatur: nec est ulla erga deos pietas, nisi honesta de numine eorū ac mente opinio, cum expeti nihil ab ijs, quod sit iniustum ac inhonestum, arbitrere. hominem inuenire ista labes tum, cum omnia tenebat, neminem potuit, cui ædes meas addiceret, cui traderet, cui donaret: (ipse, cum loci illius, cum ædium cupiditate flagraret; ob eamq. causam unam, una iusta illa rogatione sua, uir bonus dominum se in meis bonis esse uoluisset; tamen illo ipso in furore suo non est ausus meam domum, cuius cupiditate inflammatus erat, possidere) deos immortales existimatis, cuius labore & consilio sua ipsi tēpla tenuerunt, in eius domum afflictam, & euersam, per unius hominis sceleratissimi nefarium latrocinium immigrare uoluisset? cuius est nemo in tanto populo, extra contaminatam illam & cruentam P. Clodij manum, qui rem ullam de meis bonis attigerit, qui non pro suis opibus in illa tēpestate defenderit. at, qui aliqua se cōtagione prædæ, societatis, emptionis contaminauerunt, nullius neque priuati, neque publici iudicij pœnā effugere potuerūt. ex his igitur bonis, quorum nemo rem ullam attigit, qui nō omniū iudicio sceleratissimus haberetur, dii immortales domum meam concupiuerunt? ista tua pulchra Libertas deos penates, et familiares meos lares expulit, ut a te ipsa tanquā in captiuis sedibus collocaretur? quid est sanctius, quid omni religione munitius, quā domus uniuscuiusque ciuiū? hic aræ sunt, hic foci, hic dii penates, hic sacræ religionis ceremoniæ continentur: hoc perfugium est ita sanctum

O R A T I O

omnibus, ut inde abripi neminem fas sit. quo magis est furor istius ab auribus uestris repellendus: qui, quæ maiores nostri religionibus tuta nobis, & sancta esse uoluerunt, ea iste non solum contra religionem labefactauit, sed etiam ipsius religionis nomine euertit. at quæ dea est? bonam esse oportet, quandoquidem est abs te dedicata. Libertas, inquit, est. eam tu igitur domi meæ collocasti, quam ex urbe tota sustulisti? tu, cum collegas tuos, summa potestate præditos, negares liberos esse; cum in templum Castoris aditus esset apertus nemini; cum hunc clarissimum uirum, summo genere natum, summis populi beneficijs usum, pontificem, & consularem, & singulari bonitate & modestia præditum, quem quibus oculis adspicere audeas, satis mirari non queo, audiente populo R. a pedisequis conculcari iuberes; cum indemnatum exturbares, priuilegijs tyrannicis irrogatis; cum principem orbis terræ uirum inclusum domi contineres; cum forum armatis cateruis perditorum hominum possideres: Libertatis simulacrum in ea domo collocabas, quæ domus erat ipsa indicio tui crudelissimi dominatus, & miserrimæ populi R. seruitutis? eū ne potissimum Libertas domo sua debuit pellere, qui nisi fuisset, in seruorum potestatem ciuitas tota uenisset? at unde inuēta est ista Libertas? quæ siui enim diligenter. Tanagræa quædam meretrix fuisse dicitur. eius non longe a Tanagris simulacrum e marmore in sepulcro positum fuit. hoc quidam homo nobilis, nō alienus ab hoc religioso Libertatis

tatis sacerdote, ad ornatum ædilitatis suæ deportavit. etenim cogitarat omnes superiores muneris splendore superare: itaque omnia signa, tabulas, ornamentorum quod superfuit in fanis, & cōmunibus locis, tota e Græcia, atque insulis omnibus, honoris populi R. caussa, sane frugaliter domum suam deportavit. is postea quā intellexit, posse se, interuersa ædilitate, a L. Pisone consule prætorem renunciari, si modo eadē prima littera competitorem habuisset aliquem, ædilitatem duobus in locis partim in arca, partim in hortis suis collocavit: signum de busto meretricis ablatū isti dedit, quod esset signum magis istorum, quā publicæ libertatis. hanc deam quisquam uiolare audeat, imaginem meretricis, ornamentum sepulcri, a fure sublatam, a sacrilego collocatam? hæc me domo mea pellet? hæc ultrix afflictæ ciuitatis, reip. spolijs ornabitur? hæc erit in eo monumento, quod positū est, esset ut indicium oppressi senatus ad memoriam sempiternam turpitudinis? O Q. Catule, (patrem ne appellem, an filium? recentior memoria filij est, & cum rebus meis gestis coniunctior) tantum ne te fefellit, cum mihi summa, & quotidie maiora præmia in rep. fore putabas? negabas fas esse duos consules esse in hac ciuitate inimicos reip. duo sunt inuenti, qui senatum tribuno furenti constrictum traderent, qui pro me patres conscriptos deprecari, & populo supplices esse edictis atque imperio uetarent, quibus spectantibus domus mea disturbaretur, diriperetur, qui denique ambustas fortunarum mearum

K k 4 reli-

ORATIO

reliquias suas in domos comportari iuberent. Venio nunc ad patrem. Tu, Q. Catule, M. Fuluij domum, cum is fratris tui socer fuisset, monumentum tuarum manubiarum esse uoluisti, ut eius, qui pernicioſa reip. conſilia cepiſſet, omnis memoria funditus ex oculis hominum ac mentibus tolleretur. hoc ſi quis tibi ædificanti illam porticum diceret, fore tempus, cum is tribunus pl. qui auctoritatem ſenatus, iudicium bonorum omnium neglexiſſet, tuum monumentum, conſulibus non modo inſpectantibus, uerum adiuuantibus, diſturbaret, euerteret, idq. cum eius ciuis, qui remp. ex ſenatus auctoritate conſul defendiſſet, domo coniungeret: non ne reſponderes, id, niſi euerſa ciuitate, accidere non poſſe? at uidete hominis intolerabilem audaciam cum proietta, quadam & effrænata cupiditate. monumentum iſte nunquam, aut religionem ullam excogitauit: habitare laxè, & magnifice uoluit, duasq. & magnas, & nobiles domos coniungere. eodem puncto temporis, quo meus diſceſſus iſti cauſſam cædis eripuit, a Q. Seio contendit, ut ſibi domum uenderet. cum ille id negaret, primo ſe luminibus eius eſſe obſtructurum minabatur. affirmabat Poſtumus, ſe uiuo illam domum iſtius nunquam futuram. acutus adoleſcens ex ipſius ſermone intellexit, quid fieri oporteret: hominem ueneno apertiſſime ſuſtulit: emit domum, litigatoribus defatigatis, prope dimidio carius, quàm æſtimabat. Quæſum igitur hæc oratio pertinet? domus mea illa prope tota
uacua

uacua est: uix pars ædium mearum decima ad Catili
 porticum accessit. causa fuit ambulatio, & monu-
 mentum, & ista Tanagræa, oppressa libertate, Li-
 bertas. in Palatio, pulcherrimo prospectu, portici-
 cū conclauius pauimentatam trecentum pedum con-
 cupierat, amplissimum peristylum, cetera eiusmodi,
 facile ut omnium domos & laxitate, & dignitate
 superaret. & homo religiosus, cum ædes meas idem
 emeret, & uenderet, tamen illis tantis tenebris non
 est ausus suum nomen emptioni illi adscribere: po-
 suit scilicet Statonem illum, hominem sua uirtute e-
 gentem, ut is, qui in Marsis, ubi natus est, tectum,
 quod imbris uitandi causa succederet, nullum ha-
 beret, ædes in Palatio nobilissimas emisse se diceret.
 inferiorem ædium partem assignauit non suæ gen-
 ti Fonteia, sed Clodia, quam reliquit: quem in nu-
 merum ex multis Clodijs nemo nomen dedit, nisi
 aut egestate, aut scelere perditus. Hanc uos, pon-
 tifices, tam uariam, tam nouam in omni genere
 uoluntatem impudentiam, audaciam, cupidita-
 tem comprobabitis? Pontifex, inquit, affuit.
 Non te pudet, cum apud pontifices res agatur,
 pontificem, dicere, non collegium pontificum, af-
 fuisse? præsertim cum tribunus pl. uel denuncia-
 re potueris, uel etiam cogere. Esto: collegium non
 adhibuisti: quid? de collegio quis tandem affuit? po-
 suerat enim auctoritatem in uno, quæ est in his o-
 mnibus. sed tamen auget & ætas, & honos di-
 gnitatem. opus erat etiam scientia: quam etsi om-
 nes

O R A T I O

nes consecuti sunt, tamen certe peritiores uetustas facit. Quis ergo affuit? Frater, inquit, uxoris meae. Si auctoritatē quærimus; et si id est ætatis, ut non dū consecutus sit; tamen, quanta est in adolescente auctoritas, ea propter tantam coniunctionem affinitatis minor est putanda. sin autem scientia est quæsita; quis erat minus peritus, quàm is, qui paucis illis diebus in collegium uenerat? qui etiam tibi erat magis obstrictus beneficio recēti, cum se, fratrem uxoris tuæ, fratri tuo germano antelatum uidebat. et si in eo pro uidisti, ne frater te accusare posset. hanc tu igitur dedicationem appellas, ad quam non collegium, non honoribus populi R. ornatum pontificem, non denique adolescentem quenquam, cum haberes in collegio familiarissimos, adhibere potuisti? affuit is, si modo affuit, quem tu impulisti, soror rogauit, mater coegit. Videte igitur, pontifices, quid statuatis in mea causa de omnium fortunis. uero ne, pontifices, putatis, si is postem tenuerit, & aliquid dixerit, domum uniuscuiusque consecrare posse: an istæ dedicationes, & templorum, & delubrorum religiones ad honorem deorum immortalium sine ulla ciuium calamitate a maioribus nostris constitutæ sunt? est inuentus tribunus pl. qui consularibus copijs instructus, omni impetu furoris in eum ciuem irruerit, quem percussum ipsa resp. suis manibus extolleret. quid, si quis similis istius (neque enim iam deerunt, qui imitari uelint) aliquem mei dissimilem, cui resp. non tantum debeat, per uim afflixerit, domum eius per pontificem

cem dedicarit ; id uos ista auctoritate constituetis ratum esse oportere ? Dicitis , quem reperiet pontificem ? Quid ? & tribunus pl. idem esse non potest pontifex ? M. Drusus ille , clarissimus uir , tribunus pl. pontifex fuit . ergo , si is Q. Capionis , inimici sui , postem ædium tenuisset , & pauca uerba fecisset , ædes Capionis essent dedicatæ ? Nihil loquor de pontificio iure , nihil de ipsis uerbis dedicationis , nihil de religione , caerimonijs : non dissimulo me nescire ea , quæ etiam si scirem , dissimularem , ne alijs molestus , uobis etiã curiosus uiderer : etsi effluunt multa ex uestra disciplina , quæ etiam ad nostras aures saepe permanant . postem teneri in dedicatione oportere , uideor audisse , templi . ibi enim postis est , ubi templi aditus est , & ualuæ . ambulationis postes nemo unquam tenuit in dedicando . simulacrum autem , aut aram si dedicasti , sine religione loco moueri potest . sed iam hoc dicere tibi non licebit , quoniam pontificem postem tenuisse dixisti . Quanquam quid ego de dedicatione loquar ? aut quid de uestro iure , & religione , contra quàm proposueram , disputabo ? ego uero si omnia sollemnibus uerbis , ueteribus , & priscis institutis acta esse dicerem , tamen me reip. iure defenderem . An , cum tu eius ciuis discessu , cuius unius opera senatus , atque omnes boni ciuitatem esse incolumem toties indicassent , oppressam teterrimo latrocinio cum duobus sceleratissimis consulibus remp. teneres ; domum eius , qui patriam a se seruata perire suo nomine noluisse , per pontificem aliquem dedicastes : posset recrea-

ta

O R A T I O

ta resp. sustinere? date de hac religione aditum, pontifices: iam nullum fortunis communibus exitum reperietis. an, si postem tenuerit pontifex, & uerba, ad religionem deorum immortalium composita, ad perniciem ciuium transtulerit, ualebit ad iniuriam nomen sanctissimum religionis: si tribunus pl. uerbis nō minus priscis, & p̄ane sollemnibus bona ciuis cuiuspiam consecrarit, non ualebit? atqui C. Atinius patrum memoria bona Q. Metelli, qui eum ex senatu censor eiecerat, aui tui Q. Metelle, & tui P. Seruili, & proau tui P. Scipio, consecrauit, foculo posito in rostris, adhibitoq. tibicine. quid tum? num ille furor tribuni pl. ductus ex non nullis ueterū tēporum exemplis, fraudi Metello fuit, summo illi, & clarissimo uiro? certe non fuit. Vidimus hoc idem Cn. Lētulo censori tribunum pl. facere: nunquid igitur is bona Lētuli religione obligauit? sed quid ego ceteros? tu, tu, inquam, capite uelato, concione aduocata, foculo posito, bona tui Gabinij, cui regna omnia Syrorum, Arabum, Persarumq. donaras, consecrasti. quod si tum nihil est actum: quid in meis bonis agi potuit? sin est ratum: cur ille gurgēs, heluatus tecum simul reip. sanguinem, ad cælum tamen exstruxit uillam in Tusculano uisceribus ærarij: mihi meas ruinas, quarum ego similem totam urbem esse passus non sum, adspicere non licuit? Omitto Gabinium. quid? exemplo tuo bona tua non ne L. Ninnius, uir omnium fortissimus, atque optimus, consecrauit? quod si, quia ad te pertinet, ratum esse negas oportere: ea iura constituisti

stituisti in præclaro tribunatu tuo, quibus in te con-
uersis recusares, alios euerteres? sin ista consecratio
legitima est: quid est, quod profanum in tuis bonis
esse possit? an consecratio nullum habet ius, dedica-
tio est religiosa? quid ergo illa tua tum obtestatio ti-
bicinis? quid foculus? quid preces? quid prisca uer-
ba uoluerunt? ementiri, fallere, abuti deorum im-
mortalium numine ad hominum timorem uoluisti?
nam si est illud ratum: mitto Gabinium: tua domus
certe, & quidquid habes aliud, est Cereri consecra-
tum. sin ille ludus fuit: quid te impurius, qui reli-
giones omnes pollueris aut ementiendo, aut stupran-
do? Iam fateor, inquit, in Gabinio me nefarium fuis-
se. Quippe uides pœnam illam, a te in alium institu-
tam, in te ipsum esse conuersam. Sed homo, omnium
scelerum stagitiorumq. documentum, quod in Gabi-
nio fateris, cuius impudicitiam pueritiæ, libidines
adolescentiæ, dedecus & egestatem reliquæ uitæ, la-
trocinium consulatus uidimus, cui ne ista quidem ipsa
calamitas iniuria potuit accidere, id in me infirmas,
& grauius esse dicis, quod uno adolescente, quàm
quod concione tota teste effecisti. Dedicatio magnam,
inquit, habet religionem. Non ne uobis Numa Pom-
pilius uidetur loqui? discite orationem, pontifices, &
uos flamines: etiam tu rex disce a gentili tuo: quan-
quam ille gentem istam reliquit: sed tamen disce ab
homine religionibus dedito, iusto, tum omnium reli-
gionum perito. Quid? in dedicatione non ne, & quis
dicit, & quid, & quo modo, quæritur? an tu hæc ita
confundis,

ORATIO

confundis, & perturbas, ut, quicumque uelit, quod uelit, quo modo uelit, possit dedicare? Quis eras tu, qui dedicabas? quo iure? qua lege? quo exemplo? qua potestate? ubi te isti rei populus R. praefecerat? uideo enim esse legem ueterem tribuniciam, quæ uetet iniussu plebis aedes, terram, aram consecrare. neque tum hoc ille Q. Papirius, qui hanc legem rogauit, sensit: neque suspicatus est fore periculum, ne domicilia, aut possessiones indemnatorum ciuium consecrarentur. neque enim id fieri fas erat, neque quisquam fecerat: neque erat caussa, cur prohibendo non tam deterrere uideretur, quàm admonere. sed quia consecrabantur aedes, non priuatorum domicilia, sed quæ sacræ nominantur; consecrabantur agri, non ita ut nostra prædia, si quis uellet, sed ut imperator agros de hostibus captos consecraret; statuebantur aræ, quæ religionem asferrent, ipso si loco essent consecrata: hæc, nisi plebs iussisset, fieri uetuit. quæ si tu interpretaris de nostris ædibus atque agris scripta esse, non repugno: sed quæro, quæ lex lata sit, ut tu meas aedes consecrares; ubi tibi hæc potestas data sit; quo iure feceris. neque ego nunc de religione, sed de bonis omnium nostrum, nec de pontificio, sed de iure publico disputo. Lex Papiria uetat aedes iniussu plebis consecrari. sit sane hoc de nostris ædibus, ac non de publicis templis. unum ostende uerbum consecrationis in ipsa tua lege: si illa lex est, ac non uox sceleris, & crudelitatis tuæ. quod si tibi tum in illo reip. naufragio omnia in mentem uenire potuissent; aut si tuus scriptor

scriptor in illo incendio ciuitatis non syngraphas cum
 Byzantijs exsulibus, & cum legatis regijs faceret,
 sed uacuo animo tibi ista non scita, sed portenta con-
 scriberet: esses omnia si minus re, at uerbis legitimis
 consecutus. sed uno tempore cautiones fiebant pecu-
 niarum; fœdera feriebantur prouinciarum; regum
 appellationes uenales erant; seruorum omnium uica-
 tim celebrabatur tota urbe descriptio; inimici in gra-
 tiam reconciliabantur; imperia adscribebantur no-
 uæ iuuentuti; Q. Seio uenenum misero parabatur;
 de Cn. Pompeio, propugnatore & custode imperij,
 interficiendo consilia inibantur; senatus ne quid es-
 set; ut lugerent boni semper; ut capta resp. consulû
 proditiōe, ui tribunicia teneretur; hæc cum tot, tan-
 tâq. agerentur, non mirum est, præsertim in furore
 animi, & cæcitate, multa illum, & te sefellisse. At
 uidete, quanta sit uis huius Papiriæ legis in re tali,
 non qualem tu affers sceleris plenam, & furoris. Q.
 Marcius censor signum Concordiæ fecerat, idq. in pu-
 blico collocarat. hoc signum C. Cassius censor cum in
 curiam transtulisset, collegium uestrum consuluit,
 num quid esse causæ uideretur, quin id signum cu-
 riamq. Concordiæ delicaret? Quæso, pontifices, &
 hominem cum homine, & tempus cum tempore, &
 rem cum re comparate. ille erat summa modestia,
 & grauitate censor: hic tribunus pl. scelere, & au-
 dacia singulari. tempus illud erat tranquillum, &
 in libertate populi, & gubernatione positum sena-
 tus: tuum porro tempus libertate populi R. oppres-
 sa,

ORATIO

sa, senatus auctoritate deleta. res illa plena iustitiæ,
sapientiæ, dignitatis: censor enim, penes quem ma-
iores nostri, id quod tu sustulisti, iudicium senatus
de dignitate esse uoluerunt, Concordiæ signum uole-
bat in curia, curiamq; ei deæ dedicare. præclara uo-
luntas, atque omni laude digna: præscribere enim se
arbitrabatur, ut sine studijs dissensionis sententiæ di-
cerentur, si sedem ipsam, ac templum publici consilij
religione Concordiæ deuinxisset. tu, cum ferro, c
metu, cum edictis, cum priuilegijs, cum præsentibus
copijs perditorum, absentis exercitus terrore, & mi-
nis, consulum societate, & nefario fœdere, seruitute
oppressam ciuitatem teneres, Libertatis signum po-
suisti magis ad ludibrium impudentiæ, quàm ad simu-
lationem religionis. ille in curia, quæ poterat, sine
cuiusquam incommodo dedicabat: tu in ciuis optime
de rep. meriti cruore, ac pæne ossibus simulacrum nõ
libertatis publicæ, sed licentiæ collocaisti. atque ille ta-
men ad collegium retulit: tu ad quem retulisti? si quid
deliberares; si quid tibi aut piandum, aut instituendũ
fuiſſet religione domestica; tamen instituto ceterorum
ueterum ad pōtificem detulisses: nouum delubrum cū in
urbis clarissimo loco, nefando quodam atque inaudi-
to instituto inchoares, referendum ad sacerdotes publi-
cos non putasti? at si collegium pontificum adhiben-
dum non uidebatur; nemo ne horum tibi idoneus uisus
est, qui etate, honore, auctoritate antecellunt, ut cum
eo dedicationem cōmunicares? quorum quidem tu nõ
contempsisti, sed pertimuiſti dignitatẽ. an tu auderes
querere

FRO D
querere ex P.
consilio, atq
nobis, ac fiam
ritu, primu
deinde ciuis
omnes omnes,
testimonium
deſſent? quid
ciuitatis?
domum Ci
matis. es tu qu
singulari: sed
ſent, cum te
R. atque au
grauissimis pe
ſent, furori im
, & scelere.
non delect
tu: quem ego
ne memoria pr
laboribus
non ita crud
ntis caput bust
ſed dixit; aut ſi
meritis tui
menq. prebere
tantibus, poſte
nihil rite, ni
ſed. uiderat il

quære ex P. Seruilio, aut ex M. Lucullo; quorum
ego consilio, atque auctoritate remp. consul ex uestris
manibus, ac faucibus eripui, quibusnam uerbis, aut
quo ritu, primum hoc dico, cuius domum consecra-
res; deinde cuius eius, cui princeps senatus, cui etiam
ordines omnes, deinde Italia tota, post cunctæ gen-
tes testimonium huius urbis, atque imperij conserva-
ti dedissent? quid diceres, o nefanda & perniciosa
labes ciuitatis? ades, ades Luculle, Seruili, dum
dedico domum Ciceronis, ut mihi præeatis, postemq.
teneatis. es tu quidem cum audacia, tum impuden-
tia singulari: sed tibi tamen oculi, uultus, uerba ce-
cidissent, cum te uiri, qui sua dignitate personam po-
puli R. atque auctoritatem imperij sustinerent, uer-
bis grauissimis perterruiissent, neque sibi fas esse di-
xissent, furori interesse tuo, atque in patriæ parici-
dio, & scelere. quæ cum uideres, tum te ad tuum
affinem non deletum a te, sed relictum a ceteris con-
tulisti: quem ego tamen credo, si est ortus ab illis,
quos memoriæ proditum est ab ipso Hercule, perfun-
cto iam laboribus sacra didicisse, in uiri fortis æru-
mnis non ita crudelem fuisse, ut in uiui, & iam spi-
rantis caput bustum suis manibus imponeret. qui aut
nihil dixit; aut si fecit, omnino pœnam hanc mater-
næ temeritatis tulit, ut mutam in delicto personam,
nomenq. præberet: aut, si dixit aliquid uerbis hæ-
sitantibus, postemq. tremebunda manu tetigit, cer-
te nihil rite, nihil caste, nihil more, institutoq. per-
fecit. uiderat ille Murænam, uitricum suum, con-

L. l. sulem

O R A T I O

sulem designatum, ad me consulem cum Allobrogibus communis exitij indicia asferre: audierat ex illo, se a me bis salutem accepisse, separatim semel, iterum cum uniuersis. quare quis est, qui existimare possit, huic nouo pontifici primam hanc post sacerdotium initum religionem instituenti, uocemq. mittenti non & linguam obmutuisse, & manum obtorpuisse, & mentem debilitatam metu concidisse? præsertim cum ex collegio tanto non regem, non flaminem, non pontificem uideret, fieriq. particeps alieni sceleris inuitus cogeretur, grauissimas pœnas afinitatis impurissimæ sustineret. Sed, ut reuertar ad ius publicum uindicandum, quod ipsi pontifices semper non solum ad suas cærimonias, sed etiam ad populi iussa accommodauerunt; habetis in commentarijs uestris, C. Cassium censorem de signo Concordiæ dedicando ad pontificum collegium retulisse, eiq. M. Aemilium pontificem maximum pro collegio respondisse; nisi eum populus R. nominatim præfecisset, atque eius iussu faceret, non uideri ea recte posse dedicari. Quid? cum Licinia, uirgo Vestalis, summo loco nata, sanctissimo sacerdotio prædita, T. Flaminio, Q. Metello cos. aram, & ædiculam, & puluinar sub saxo sacro dedicasset, non eam rem ex auctoritate senatus ad hoc collegium Sex. Iulius prætor retulit? cum P. Scauola pontifex maximus pro collegio respondit; quod in loco publico Licinia C. F. iniussu populi dedicasset, sacrum non uideri esse. quâ quidem rem quanta seueritate, quantaq. diligentia sena-

PRO
gnatus sustin
uita. S.
atum, ut cu
flet incisa,
tempora, o mo
imam, simila
templo inaug
suis in loco a
um ex auctori
passus ex ea
nomiam: tu, p
aris, atque ot
ips, demerso p
n, dirueris, ad
uam nomine
u, & in urbe
traffet, mon
tion not am
lanoq. Q. Cata
litas, quam c
in membris, e
i, cui licuit, me
ne attinet iam
re, non p s inf
possulant, dedre
ria uestra, mih
tificum dictam
candi dispuat a
uere litterarum

senatus sustulerit, ex ipso S. C. facile cognoscetis.
 recita. S. C. Videtis ne pratori urbano negotiū
 datum, ut curaret, ne id sacrum esset? & ut, si quæ
 essent incisæ, aut inscriptæ litteræ, tollerentur? O
 tempora, o mores. tum censorem, hominem sanctis-
 simum, simulacrum Concordiæ dedicare pontifices in
 templo inaugurato prohibuerunt; post autem se-
 natus in loco augusto consecratam eam aram tollen-
 dam ex auctoritate pontificum censuit, neque ullum
 est passus ex ea dedicatione litterarum extare monu-
 mentum: tu, procella patriæ, turbo, ac tempestas
 pacis, atque otij, quod in naufragio reip. tenebris of-
 fusis, demerso populo R. euerso, atque eiec-
 to sena-
 tu, dirueris, ædificaris; religione omni uiolata, reip.
 tantum nomine contaminaris; in ciuis huiusce ædi-
 bus, & in urbe, quam suis laboribus ac periculis con-
 seruasset, monumentum deletæ reip. collocaris ad
 equitum notam, ad dolorem bonorum omnium, su-
 blatoq. Q. Catuli nomine incideris; id sperasti remp.
 diutius, quàm quoad mecum simul expulsi careret
 his mœnibus, esse laturam? At si, pontifices, neque
 is, cui licuit, neque id, quod fas fuit, dedicauit: quid
 me attinet iam illud tertium, quod proposueram, do-
 cere, non ijs institutis, ac uerbis, quibus cærimoniæ
 postulant, dedicasse? dixi a principio, nihil me de sciē-
 tia uestra, nihil de sacris, nihil de abscondito iure pon-
 tificum dicturum. quæ sunt adhuc a me de iure dedi-
 candi disputata, non sunt quæ sita ex occulto aliquo ge-
 nere litterarum, sed sumpta de medio ex rebus palam

Ll 2 per

ORATIO

per magistratus actis, ad collegiumq. delatis, ex
S. C. ex lege. illa interiora iam uestra sunt, quid di-
ci, quid præcipere, quid tangi, quid teneri ius fue-
rit. Quæ si omnia ex Coruncanij scientia, qui peri-
tissimus pontifex fuisse dicitur, acta esse constarent;
aut si M. Horatius ille Puluillus, qui, cum eius de-
dicationem multi propter inuidiam fictis religioni-
bus impedirent, restitit, & constantissima mente Ca-
pitoliū dedicauit, huiusmodi alicui dedicationi præ-
fuisse, tamen in scelere religio non ualeret: ne dum
ualeat id, quod imperitus adolescens, nouus sacer-
dos, sororis precibus, matris minis adductus, igna-
rus, inuitus, sine collegis, sine libris, sine auctore,
sine scriptore, furtim, mente, ac lingua titubante fe-
cisse dicatur: præsertim cum iste, impurus, atque im-
pius hostis omnium religionum, qui contra fas inter
uiros sæpe mulier, & inter mulieres uir fuisset, age-
ret illam rem ita raptim, & turbulente, ut neque
mens, neque uox, neque lingua consisteret. delatum
est ad uos, pontifices, & post omnium sermone
celebratum, quemadmodum iste præposteris uerbis,
ominibus obscenis, identidem se ipse reuocando, du-
bitans, timens, hæsitans, omnia aliter, ac uos in mo-
numentis habetis, & pronunciari, & fecerit. quod
quidem minime mirum est, in tanto scelere, tantaq.
dementia ne audaciæ quidem locum ad timorem com-
primendum fuisse. etenim si nemo unquam prædo tā
barbarus, atque immanis fuit, qui, cum fana spoliasset,
deinde aram aliquam in littore deserto, somnis
stimula-

PRO

stimulatus, a
eret animo,
lacare precipi
uatione men
urum, totius
ro detestatione
lararet? non pu
lentia domina
illi armatus a
speccare, præ
geretur docere
est cum in de
uipia rep. du
idem, ac præfi
ne, ex suis ten
ant: itaque ista
uebant. res ue
mate mecum,
minatoris sui,
sore iam tam
urum, si iste me
op, neque in fi
verbum ullum so
is, pontifices,
bodi nostra dū
uea cum uiris
in æstis certaci
perpetua auctor
imper in mea c

stimulatus, aut religione aliqua consecraret, non hor-
reret animo, cum diuinum numen scelere uiolatum
placare precibus cogeretur: qua tandem istum per-
turbatione mentis, omnium templorum, atque te-
etorum, totiusq. urbis prædonem, fuisse censetis, cū
pro detestatione tot scelerum unam aram nefarie con-
secraret? non poterat ullo modo (quanquam & in-
solentia dominatus extulerat animos, & erat incre-
dibili armatus audacia) non in agendo ruere, ac sæ-
pe peccare, præsertim illo pontifice, & magistro, qui
cogeretur docere, ante quàm ipse didicisset. magna
uis est cum in deorum immortalium numine; tum ue-
ro in ipsa rep. dij immortales suorum templorum cu-
stodem, ac præsidem sceleratissime pulsum cum uide-
rent, ex suis templis in eius ædes immigrare nole-
bant: itaque istius uecordissimi mentem cura, metuq.
terrebant. res uero publica, quanquam erat exter-
minata mecum, tamen obuersabatur ante oculos ex-
terminatoris sui, & ab istius inflammato, atque igni-
to furore iam tum me, seq. repetebat. quare quid est
mirum, si iste metu, si furore instinctus, scelere præ-
ceps, neque institutas cærimonias persequi, neque
uerbum ullum sollemne potuit effari? Quæ cum ita
sint, pontifices, reuocate iam animos uestros ab hac
subtili nostra disputatione ad uniuersam remp. quam
antea cum uiris fortibus multis, in hac uero caussa so-
lis uestris ceruicibus sustinetis. uobis uniuersi senatus
perpetua auctoritas, cui uosmet ipsi præstantissimi
semper in mea caussa præfuitis; uobis Italiæ magni-

ORATIO

ficentissimus ille motus , municipiorumq. concursus ;
uobis campus , centuriarumq. una uox omnium , qua
rum uobis principes , atque auctores fuistis ; uobis o-
mnes societates , omnes ordines , omnes , qui aut re,
aut spe denique sunt boni , omne uobis erga meam di-
gnitatem studium , & iudicium non modo commis-
sum , uerum etiam commendatum esse arbitrantur.
denique ipsi dij immortales , qui hanc urbem , atque
hoc imperium tuentur , ut esset omnibus gentibus po-
steritatiq. perspicuum , diuino me numine esse reip.
redditum , iccirco mihi uidentur fructum ipsum redi-
tus , & gratulationis meae ad suorum sacerdotum po-
testatem , iudiciumq. reuocasse. hic est enim reditus,
pontifices , haec restitutio , in domo , in sedibus , in aris ,
in focis , in dijs penatibus recuperandis . quorum si
iste suis sceleratissimis manibus tecta , sedesq. conuel-
lit ; ducibusq. consulibus , tanquam urbe capta , hanc
unam domum , quasi acerrimi propugnatoris , sibi de-
lendam putauit : tamen illi dij penates ac familiares
mei per uos in meam domum mecum erunt restituti.
Quo circa te , Capitoline , quem propter beneficia po-
pulus R. optimum , propter uim maximum nomina-
uit ; teque , Iuno regina , & te , custos urbis , Miner-
ua , quae semper adiutrix consiliorum meorum , testis
laborum extitistis , precor , ac quaeso : uosque , qui
maxime me repetistis , atque reuocastis , quorum de se-
dibus haec mihi proposita est contentio , patrij pena-
tes , familiaresque , qui huic urbi , & reip. praesides
estis , uos obtestor , quorum ego a templis ac delubris
pesti-

PRO D
diferam illa
mater ,
mentia ,
sem illam sem
cium restit
uolueri : ut
oc pro uestris
uram ciuiani
rex mea conte
ueretur , nos
olam , meq. a
e eu ipso ten
as meis omib
sura , cogit
itate meorum
quando restitue
patria no profu
amcis sustiner
e , cum ero in
uultum esse ,
iam pontifices
sed tota urbe e
a urbis erant ce
iam illud non
entur , quem ca
miam , fugien
m , cuius redita
iam dignitatis
u uelle esse pri

pestiferam illam & nefariam flammam depuli: teque,
 Vesta mater, cuius castissimas sacerdotes ab homi-
 num amentia, furore, & scelere defendi, cuiusque
 ignem illum sempiternum non sum passus aut sangui-
 ne ciuium restingui, aut cum totius urbis incendio
 commisceri: ut, si in illo pæne fato reip. obieci meum
 caput pro uestris cærimonijs, atque templis perditis-
 simorum ciuium furori, atque ferro; & si iterum,
 cum ex mea contentione interitus bonorum omnium
 quæreretur, uos sum testatus, uobis me ac meos com-
 mendari, meq. ac meum caput ea condicione deuoui,
 ut, si & eo ipso tempore & ante in consulatu meo, cõ-
 modis meis omnibus, emolumentis, præmijs præter-
 missis, cura, cogitatione, uigilijs omnibus nihil, nisi
 de salute meorum ciuium, laborassem, tum mihi rep.
 aliquando restituta liceret frui; sin autem mea consi-
 lia patriæ nõ profuissent, ut perpetuum dolorem auul-
 sus a meis sustinerem: hanc ego deuotionem capitis
 mei, cum ero in sedes meas restitutus, tum denique
 conuictam esse, & commissam putabo. nam nunc
 quidem, pontifices, non solum domo, de qua cognosci-
 tis, sed tota urbe careo, in quam uideor esse restitu-
 tus. urbis enim celeberrimæ & maximæ partes ad-
 uersum illud non monumentum, sed uulnus patriæ cõ-
 tumentur. quem cum mihi conspectum morte magis ui-
 tandum, fugiendumq. esse uideatis: nolite, quæso,
 eum, cuius reditu restitutam remp. fore putastis, non
 solum dignitatis ornamentis, sed etiam urbis parti-
 bus uelle esse priuatum. non me bonorum direptio,

LL 4 non

ORATIO

non tectorum excisio, non depopulatio prædiorum,
non præda consulum, ex meis fortunis crudelissime ca-
pta, permouet: caduca semper, & mobilia hæc esse du-
xi, non uirtutis, atque ingenij, sed fortunæ, & tempo-
rum munera: quorum ego non tam facultatem un-
quam, & copiam expetendam putavi, quàm & in u-
tendo rationem, & in carendo patientiam. etenim
ad nostrum usum propemodum iam est definita mode-
ratio rei familiaris: liberis autem nostris satis am-
plum patrimonium paterni nominis, ac nostræ memo-
riæ relinquemus. domo per scelus erepta, per latro-
cinium occupata, per religionis uim sceleratius etiam
ædificata, quam euersa, carere sine maxima ignomi-
nia reip. meo dedecore, ac dolore non possum. Quapro-
pter si dijs immortalibus, si senatui, si populo R. si
cunctæ Italiæ, si prouincijs, si exteris nationibus, si
uobismet ipsis, qui in mea salute principem semper lo-
cum auctoritatemq. tenuistis, gratum, & iucun-
dum meum reditum intelligitis esse: quaeso, obtestorq.
uos, pontifices, ut me, quem auctoritate, studio, senten-
tijs restituiistis, nunc, quoniam senatus ita uult, mani-
bus quoque uestris in sedibus meis collocetis.

DE HARVSPICVM RESPONSIS,

IN SENATV.

ORATIO XXX.

H ESTERNO die, P. C. cum me & uestra dignitas, & frequentia equitum R. quibus senatus dabatur, magnopere commouisset, putavi mihi reprimendam esse P. Clodij impudicam impudentiam, cum is publicanorum causam stultissimis interrogationibus impediret, & P. Tullioni Syro nauaret operam, atque ei sese, cui totus uenierat, etiam uobis inspectantibus ueditaret. itaque hominem furentem exsultantemq. continui, simul ac periculum iudicij intendi: duobus inceptis uerbis omnem impetum gladiatoris, ferociamq. compressi. attamen ignarus ille, qui consules essent, exanguis, atque æstuans, se e curia repente proripuit, cum quibusdam fractis iam atque inani- bus minis, & cum illius Pisoniani temporis Gabinia niq. terroribus. quem cum egredientem insequi cœpissem, cepi equidem fructum maximum & ex consurrectione omnium uestrum, & ex comitatu publicanorum. sed uecors repente sine suo uultu, sine colore, sine uoce constitit, deinde respexit; & simul ad Cn. Lentulum consulem adspexit, concidit in curiæ pæne limine, recordatione credo Gabinij sui, desiderioq. Pisonis. cuius ego de effrænato & præcipiti furore quid dicam? haud potest grauioribus a me uerbis uulnerari, quàm est statim in facto ipso a grauis-
simo

O R A T I O

si mo uiro P. Seruilio confectus, ac trucidatus. cuius si etiam uim, & grauitatem illam singularem, ac pæne diuinam assequi possem; tamen non dubito, quin ea tela, quæ coniecerit inimicus, quàm ea, quæ collega patris emisit, leniora, atque hebetiora esse uideantur. sed tamen mei facti rationem exponere illis uolo, qui hesterno die dolore me elatum, & iracundia longius prope digressum arbitrabantur, quàm sapientis hominis cogitata ratio postularet. Nihil feci iratus; nihil impotenti animo, nihil non diu consideratum, ac multo ante meditatam. ego enim, P. C. inimicum me semper esse professus sum duobus, qui me, qui rem meam, cum defendere deberent, seruare possent, cumq. ad consulare officium ipsis insignibus illius imperij, ad meam salutem non solum auctoritate, sed etiam precibus uestris uocarentur, primo reliquerunt, deinde prodiderunt, postremo oppugnaverunt; præmijsq. nefariæ pactionis funditus una cum rep. oppressum, extinctumq. uoluerunt; quiq. suo ductu, & imperio cruento illo, atque funesto supplicia neque a sociorum mænibus prohibere, neque hostium urbibus inferre potuerunt; excisionem, inflammationem, euerisionem, depopulationem, uastitatem eam sua cum præda meis omnibus tectis, atque agris intulerunt. cum his furijs, & facibus, cū his, inquam, exitiosis prodigijs, ac pæne huius imperij pestibus bellum mihi inextinguibile dico esse susceptum, neque id tamen ipsum tantum, quantum meus, ac meorum, sed tantum, quantum uester atque omnium

DE HA
 uiam bonor
 bodie meum
 am, ambustum
 ornatu, et
 ximi emissum
 pproptexi, qu
 penderet proc
 oportunen, a
 puenis, nobi
 chus; eruptur
 am fuisset, et
 di fere post ad
 uedio mei, seu
 uatip. non me
 um equates R.
 miam: non de
 deas immort
 e, quo nemo am
 uitas famoliar
 m mactatum a
 am stupitem ill
 me, nisi se Lig
 osequar, pecu
 uum, & gla
 lere deum xer
 a autem id non
 mofatione def
 natione omni
 tunio deuota,

mnium bonorū dolor postulauit. In Clodium uero non
 est hodie meum maius odium, quàm illo die fuit, cum
 illum, ambustum religiosissimis ignibus, cognoui mu-
 liebri ornatu, ex incesto stupro, ex domo pontificis
 maximi emissum. tum, inquam, tum uidi, ac multo
 ante prospexi, quanta tempestas excitaretur, quanta
 impenderet procella reip. Videbam, illud scelus tam
 importunum, audaciam tam immanem, adolescen-
 tis furentis, nobilis, uulnerati, non posse arceri otij
 finibus; erupturum illud malum aliquando, si impu-
 nitum fuisset, ad perniciem ciuitatis. non multum
 mihi sane post ad odium accessit: nihil enim cōtra me
 fecit odio mei, sed odio seueritatis, odio dignitatis,
 odio reip. non me magis uiolauit, quàm senatum,
 quàm equites R. quàm omnes bonos, quàm Italiam
 cunctam: non denique in me sceleratior fuit, quàm in
 ipsos deos immortales. etenim illos eo scelere uiola-
 uit, quo nemo antea: in me fuit eodem animo, quo
 etiā eius familiaris Catilina, si uicisset, fuisset: itaque
 eum nunquam a me esse accusandum putavi, non plus
 quàm stipitem illum; qui quorū hominū esset, nescire
 mus, nisi se Ligurem ipse esse diceret. quid enim hūc
 persequar, pecudem, ac belluam, pabulo inimicorum
 meorum, & glande corruptum? qui si sensit, quo se
 scelere deuinxerit; non dubito, quin sit miserrimus:
 sin autem id non uidet; periculum est, ne se stuporis
 excusatione defendat. accedit etiam, quòd, exspe-
 ctatione omnium, fortissimo, & clarissimo uiro, T.
 Annio deuota, & constituta ista hostia esse uidetur:

cui

ORATIO

cui me præripere desponsam iam, & destinatam laudem, cum ipse eius opera & dignitatem, & salutem recuperarem, ualde est iniquum. etenim ut P. ille Scipio natus mihi uidetur ad interitum exitiumq. Carthaginis, qui illam a multis imperatoribus obfessam, oppugnatam, labefactatam, pene captam, aliquando quasi fatali euentu solus euerit: sic T. Annius ad illam pestem comprimendam, extinguendam, funditus delendam natus esse uidetur, & quasi diuino munere donatus reip. solus ille cognouit, quem admodum armatum ciuem, qui lapidibus, qui ferro alios fugaret, alios domi contineret, qui urbem totam, qui curiam, qui forum, qui templa omnia cæde, incendijsq. terreret, nō modo uinci, uerum etiam uinciri oporteret. huic ego, & tali, & ita de me ac de patria merito uiro, nunquam mea uoluntate præripiam eum præsertim reum, cuius ille inimicitias non solum suscepit propter salutem meam, uerum etiam appetiuit. sed si etiam nunc, illaqueatus iam omnium legum periculis, irretitus odio bonorum omnium, expectatione supplicij iam non diuturna implicatus, feretur tamen hæsitans, & in me impetum impeditus facere conabitur: resistam, &, aut cedente, aut etiam adiuuante Milone, eius conatum refutabo: uelut hesterno die, cum mihi stanti tacens minaretur, uoce tantum attigi legum initium, & iudicij. concidit illæ: conticui. diem dixisset, ut fecerat: fecissem, ut ei statim tertius a prætore dies diceretur. atque hoc sic meditetur: & cogitet, si conten-

tus

DE H

us sit ijs scele
ratam Mil
ne esse arrepta
omni paulo ant
me tota de la
argumentu
impudentia
dieris. De re
mionatus, P
u, & religion
mirum, si
la concio risit,
ducentis con
pro religion
maribus Bon
uiri oculis
solum adspe
in concione
que nunc pro
tia. quid enim
pomis fuga
eratur, an, e
plicitiamq. d
uens de frem
dus multis scr
lica sacra, &
se esse dixit do
P. Clodio co
fetto, quod h

tus sit ijs sceleribus, quæ commisit, iam se esse consecratum Milvni; si quod in me telum intorserit, statim me esse arrepturum arma iudiciorum, atque legum. atqui paullo ante, P. C. concionem habuit, quæ est ad me tota delata: cuius concionis primum uniuersum argumentum sententiamq. audite. cum riseritis impudentiam hominis, tum a me de tota concione audietis. De religionibus sacris, & caerimonijs est concionatus, P. C. Clodius: P. inquam, Clodius, sacra, & religiones negligi, uiolari, pollui, questus est. non mirum, si hoc uobis ridiculum uidetur. etiam sua concio risit, hominem, quo modo ipse gloriari solet, ducentis confixum S. C. quæ sunt omnia contra illum pro religionibus facta, hominemq. illum, qui puluinaribus Bonæ deæ stuprum intulerit, eaq. sacra, quæ uiri oculis ne imprudētis quidem adspici fas est, non solum adspētu uirili, sed flagitio, stuproq. uiolarit, in concione de religionibus neglectis conqueri. itaque nunc proxima concio eius exspectatur de pudicitia. quid enim interest, utrum, ab altaribus religiosissimis fugatus, de sacris, & religionibus conqueratur, an, ex sororum cubiculo egressus, pudorē, pudicitiamq. defendat? responsum haruspicum hoc recens de fremitu in concione recitauit: in quo cum alijs multis scriptum etiam illud est, id quod audistis, loca sacra, & religiosa, profana haberi. in ea causa esse dixit domum meam, a religiosissimo sacerdote P. Clodio consecratam. gaudeo mihi de toto hoc ostento, quod haud scio an grauissimum multis his annis

O R A T I O

nis huic ordini nunciatum sit, datam non modo iustam, sed etiam necessariam causam esse dicendi. reperietis enim, ex hoc toto prodigio atque responso nos de istius scelere, ac furore, ac de impendentibus periculis maximis prope iam uoce Iouis Optimi Maximi præmoneri. sed primum expiabo religionem ædium mearum, si id facere uere, ac sine cuiusquam dubitatione potero. sin scrupulus tenuissimus residere aliquis uidebitur; non modo patienti, sed etiam libenti animo portentis deorum immortalium, religioni quæ parebo. Sed quæ tandem est in hac urbe tanta domus ab ista religionis suspicione tam uacua, atque pura? quanquam uestre domus P. C. ceterorumque ciuium multo maxima ex parte sunt liberæ religione: tamen una mea domus iudicijs omnibus liberata in hac urbe sola est. te enim appello, Lentule, & te, Philippe. ex hoc haruspicum responso decreuit senatus, ut de locis sacris, religiosis ad hunc ordinem referretis. potestis ne referre de mea domo? quæ, ut dixi, sola in hac urbe, omni religione omnibus iudicijs liberata est: quam primum inimicus ipse in illa tempestate ac nocte reip. cum cetera scelera stylo illo impuro Sex. Clodius conscripsisset, ne una quidem attigit littera religionis. deinde eandem domum populus R. cuius est summa potestas omnium rerum, comitijs centuriatis, omnium ætatum ordinumque suffragijs eodem iure esse iussit, quo fuisse. postea uos, P. C. non quod dubia res esset, sed ut huic furie, si diutius in hac urbe, quam delere cuperet, maneret, uox interdiceretur

DE H

ur, decreuit
pontificum co
st, qua non in
nis superstition
responso, ac n
le ludis maxim
re carimonys
le populi R.
nis casti tuton
quod tres ponti
imper senatus
iam, satis
at uero mea
rex, P. Serui
Gabrio, M. M.
P. Galba,
C. Claudius re
C. Curio, Sex.
ar, P. Albin
mea, causa co
frequentia imp
stante, omni
ant. Nego uo
eodem est antio
le capite quide
collegium iudi
tionem intere
interpretatio
beant iudicium

tur, decreuistis, ut de mearum adium religione ad pontificum collegium referretur. quæ tanta religio est, qua non in nostris dubitationibus, atque in maximis superstitionibus, unius P. Seruili, ac M. Luculli responso, ac uerbo liberemur? de sacris publicis, de ludis maximis, de deorum penatium, Vestæq. matris caerimonijs, de illo ipso sacrificio, quod sit pro salute populi R. quod post Romam conditam huius unius casti tutoris religionum scelere uiolatum est, quod tres pontifices statuissent, id semper populo R. semper senatui, semper ipsis dijs immortalibus satis sanctum, satis augustum, satis religiosum esse uisum est. at uero meam domum P. Lentulus consul, & pontifex, P. Seruilius, M. Lucullus, Q. Metellus, M. Glabrio, M. Messalla, L. Lentulus flamen Martialis, P. Galba, Q. Scipio, C. Fannius, M. Lepidus, L. Claudius rex sacrorum, M. Scaurus, M. Crassus, C. Curio, Sex. Cæsar flamen Quirinalis, Q. Cornelius, P. Albinouanus, Q. Terentius, pontifices minores, caussa cognita, duobus locis dicta, maxima frequentia amplissimorum ac sapientissimorum ciuium adstante, omni religione una mente omnes liberauerunt. Nego unquam post sacra constituta, quorum eadem est antiquitas quæ ipsius urbis, ulla de re, ne de capite quidem uirginum Vestalium, tam frequens collegium iudicasse. quanquam ad facinoris disquisitionem interest adesse quamplurimos: (ita est enim interpretatio illa pontificum, ut iidem potestatem habeant iudicium: religionis expiatio uel ab uno pontifice

O R A T I O

fice perito recte fieri potest: quod idem in iudicio capitis durum, atque iniquum est) tamen sic reperiatis, frequentiores pontifices de mea domo, quam unquam de caerimonijs uirginum, iudicasse. Postero die frequentissimus senatus, te consule designato, Lentule, sententiae princeps, P. Lentulo, & Q. Metello cos. referentibus, statuit, cum omnes pontifices, qui erant huius ordinis, adessent, cumq. alij, qui honori bus populi R. antecederant, multa de collegij iudicio uerba fecissent, omnesq. iidem scribendo adessent, domum meam iudicio pontificum religione liberatam uideri. De hoc igitur loco sacro potissimum uidentur haruspices dicere, qui locus solus ex priuatis locis omnibus hoc praecipue iuris habet, ut ab ipsis, qui sacris praesunt, sacer non esse iudicatus sit? uerum refert, quod ex S. C. facere debetis. aut uobis cognitio dabitur, qui primi de hac domo sententiam dixistis, & eam religione omni liberaastis: aut senatus ipse iudicabit, qui, uno illo solo antistite sacrorum dissentiente, frequentissimus antea iudicauit: aut id, quod certe fiet, ad pontifices reijcietur, quorum auctoritati, fidei, prudentiae maiores nostri sacra, religionesq. & priuatas, & publicas commendarunt. quid ergo hi possunt aliud iudicare, ac iudicauerunt? multa sunt domus in hac urbe, P. C. atque haud scio an pene cunctae iure optimo, sed tamen iure priuato, iure hereditario, iure auctoritatis, iure mancipij, iure nexi. nego esse ullam domum aliam aequae priuato iure, atque optima lege, publico uero omni praecipuo,

DE H

puo, & humano, & diuino, iure munitam. quæ pri-
 mum ædificatur ex auctoritate senatus pecunia publi-
 ca: deinde contra uim nefariam huius gladiatoris tot
 S. C. munita, atque septa est. primum, negotium iisdem
 magistratibus est datum anno superiore, ut curarent,
 ut sine ui mihi ædificare liceret, quibus in maximis
 periculis uniuersa resp. commendari solet: deinde, cū
 ille saxis, & ignibus, & ferro uastitatem meis ædi-
 bus intulisset, decreuit senatus, eos, qui id fecissent, le-
 ge de ui, quæ est in eos, qui uniuersam remp. oppu-
 gnassent, teneri. uobis uero referentibus, o post ho-
 minum memoriam fortissimi, atque optimi consules,
 decreuit idem senatus frequentissimus; qui meam do-
 mum uiolasset, contra remp. esse facturum. nego ul-
 lo de opere publico, de monumento, de templo tot se-
 natus extare consulta, quot de mea domo: quam se-
 natus unam post hanc urbem constitutam ex ærario
 ædificandam, a pontificibus liberandam, a magistra-
 tibus defendendam, a iudicibus puniendam putaret.
 P. Valerio pro maximis in remp. beneficijs data do-
 mus est in uilla publica: at mihi in Palatio restituta.
 illi locus: at mihi etiam parietes, atque tectum. illi,
 quam ipse priuato iure tueretur: mihi, quam publice
 magistratus omnes defenderent. quæ quidē ego si aut
 per me, aut ab alijs haberem; non prædicarem apud
 uos, ne nimis gloriari uiderer. sed cum sint mihi data
 a uobis, cum ea attententur eius lingua, cuius antea
 manu euersa uos mihi et liberis meis manibus uestris
 reddidistis: non ego de meis, sed de uestris factis lc-

M m quor;

O R A T I O

quor; nec uereor, ne hæc mea uestrorum beneficiorum
 prædicatio non grata potius, quàm arrogans uidea-
 tur. quanquam si me, tantis laboribus pro communi
 salute perfunctum, efferret aliquâdo ad gloriam in re
 futandis maledictis improborum hominum animi qui
 dam dolor; quis non ignosceret? uidi enim hesternò
 die quendam murmurantem; quem aiebant negare,
 ferre me posse, quia, cum ab hoc eodem impurissimo
 paricida rogarer, cuius essem ciuitatis, respondi me,
 probatibus et uobis, et equitibus R. eius esse, quæ care
 re me non potuisset. ille, ut opinor, ingemuit. quid igi-
 tur responderé? (quæro ex eo ipso, qui me nō ferre po-
 test) me ciuem esse Romanum? litterate respondi. *an*
 tacuisssem? desertum negotium. potest quisquā uir
 in rebus magnis cum inuidia uersatus, satis grauitè
 contra inimici contumeliam sine sua laude respōdere?
 at ipse non modo respondet, quidquid potest, cum est la-
 cessitus; sed etiam gaudet, se ab amicis, quid respon-
 deat, admoneri. Sed quoniam mea causa expedita
 est, uideamus nunc quid haruspices dicant. Ego enim
 fateor me et magnitudine ostenti, & grauitate respō-
 si, & una atque constanti haruspicum uoce uehemen-
 ter esse commotum: neque is sum, qui, si cui forte uide-
 or plus quàm ceteri, qui æque atque ego sunt occupa-
 ti, uersari in studio litterarum, ijs deleeter, aut ut ar-
 omnino litteris, quæ nostros animos deterrent atque
 auocant a religione. ego uero primum habeo aucto-
 res, ac magistros religionum colendarum maiores no-
 stros: quorum mihi tanta fuisse sapientia uidetur, ut
 satis

DE H
 tis super q.
 non dicam affe-
 bat: qui statas
 urum bene ger-
 um ueteres pr-
 uentorum e
 uentineri putat
 memoria, primi
 Syllani, Ciri-
 uen, tum ha-
 midij imperij
 lante prædixen-
 ues doctissimo
 tade deorū im-
 nam diuinitas p-
 ita maiores no-
 uantur. eterni
 uixerit in cel-
 uita mente fuor-
 rime ac uicissit-
 ur; aut, cum de-
 um numine hoc
 tum, & retent-
 ne amemus: ta-
 Gallos, nec ca-
 ur denique hoc
 natino q. sensu
 u religione, at
 mort alium

satis superq. prudentes sint, qui illorum prudentiam, non dicam assequi, sed, quanta fuerit, perspicere possint: qui statas, sollemnesq. caerimonias pontificatu; rerum bene gerendarum auctoritates, augurio; fatorum ueteres praedictiones Apollinis, uatum libris; portentorum explanationes, Etruscorum disciplina contineri putarunt: quæ quidem tanta est, ut nostra memoria, primum Italici belli funesta illa principia, post Syllani, Cinnaniq. temporis extremum pæne discrimen, tum hanc recentem urbis inflammandæ, delendiq. imperij coniurationem non obscure nobis paulo ante prædixerint. deinde etiam cognoui multa homines doctissimos sapientissimosq. & dixisse, & scripta de deorū immortalium numine reliquisse: quæ quamquam diuinitus perscripta uideo, tamē eiusmodi sunt, ut ea maiores nostri docuisse illos, non ab illis didicisse uideantur. etenim quis est tam uecors, qui aut, cum suspexerit in cælum, deos esse non sentiat, & ea, quæ tanta mente fiunt, ut uix quisquam arte ulla ordinem rerum ac uicissitudinem persequi possit, casu fieri putet; aut, cum deos esse intellexerit, non intelligat eorum numine hoc tantum imperium esse natum, & auditum, & retentum? quàm uolumus, licet, P. C. ipsi nos amemus: tamen nec numero Hispanos, nec robore Gallos, nec calliditate Pænos, nec artibus Græcos, nec denique hoc ipso huius gentis ac terræ domestico natiuoq. sensu Italos ipsos ac Latinos, sed pietate, ac religione, atque hac una sapientia, quod deorum immortalium numine omnia regi gubernariq. perspe-

M m 2 ximus,

ORATIO

ximus, omnes gentes nationesq. superauimus. quare, ne plura de re minime loquar dubia, adhibete animos, & mentes uestras non solum aures, ad haruspicum uocem admouete. Quod in agro Latinienſi auditus est strepitus cum fremitu. mitto haruspices: mitto illam ueterem, ab ipsis dijs immortalibus, ut hominum fama est, Etruriæ datam disciplinam: nos nonne haruspices esse possumus? exauditus in agro propinquo, & suburbano est strepitus quidam reconditus, & horribilis fremitus armorum. quis est ex gigantibus illis, quos poetæ ferunt bellum dijs immortalibus intulisse, tam impius, qui hoc tam nouo tantoq. motu non magnum aliquid deos populo R. præmonstrare, & præcinere fateatur? de ea re scriptum est, postulationes decretas esse Ioui, Saturno, Neptuno, Telluri, dijs caelestibus. audio, quibus dijs uolatis expiatio debeat; sed, hominum quæ ob delicta, quæro. Ludos minus diligenter factos, pollutosque. quos ludos? te appello, Lentule, (tui sacerdotij sunt tensæ, curricula, præcentio, ludi, libationes, epulæq. ludorum publicorum) uosque, pontifices, ad quos epulones Iouis Optimi Maximi, si quid est prætermisſum, aut commissum, afferunt, quorum de sententia illa eadem renouata, atque instaurata celebrantur: qui sunt ludi minus diligenter facti? quando, aut quo scelere polluti? respondebis & pro te, & pro collegis tuis, & pro pontificum collegio, nihil cuiusquam aut negligentia contemptum, aut scelere esse pollutum; omnia sollemnia ac iusta ludorum, omnibus rebus obserua-

DE H
iustis, sum
per harusp
esse diu
me illa mater
nibus esset a
in Megaleſia
u uenire nobis
enim innum
illa, seruior
nibus, ostus q
irrupit. tu
fuit, quæ p
en, imperium
lus senatus, e
cum ille ser
populumq.
ita spectaculi
tradidisset.
ente contigit
terram non te
ut si adilis uen
rite facti, e
um immortal
ludi ab latiti
niſſi sed perem
ſe scelere e
ut, extiteru
imus, quos l
ſe si uolumus

seruatis, summa cum caerimonia esse seruata. Quos igitur haruspices ludos minus diligenter factos, pollutosq. esse dicunt? eos, quorum ipsi dii immortales, atque illa mater dea te, te, Cn. Lentule, cuius abauis manibus esset accepta, spectatorem esse uoluit. quod ni tu Megalesia illo die spectare uoluisses; haud scio, an uiuere nobis, atque his de rebus iam queri liceret. uis enim innumerabilis incitata, ex omnibus uicis collecta, seruorum, ab hoc aedili religioso repente fornicibus, ostijsq. omnibus in scenam, signo dato, immissa irrupit. tua tum, tua, Cn. Lentule, eadem uirtus fuit, quæ priuato quondam tuo proauo. te, nomen, imperium, uocem, adspectum, impetum tuum stans senatus, equitesq. R. & omnes boni sequebantur, cum ille seruorum & ludiorum multitudini senatum populumq. R. uinctum ipso confessu, & constrictum spectaculis, atque impeditum turba & angustijs tradidisset. an, si ludius constitit, aut tibicen repente conticuit, aut puer ille patrimus & matrimus si terram non tenuit, aut tensam, aut lorum omisit, aut si aedilis uerbo, aut si nutu aberrauit, ludi sunt non rite facti, eaq. errata expiantur, & mentes deorum immortalium ludorum instauratione placantur: si ludi ab lætitia ad metum traducti sunt; si non intermissi sed perempti, atque sublati sunt; si ciuitati uersæ scelere eius, qui ludos ad luctum conferre uoluit, extiterunt dies illi festi pæne funesti: dubitabimus, quos ludos ille fremitus nunciet esse pollutos? Ac si uolumus ea, quæ de quoque deo nobis tradita

M m 3 sunt,

O R A T I O

sunt, recordari, hanc Matrem magnam, cuius ludi uiolati, polluti, pæne ad cædem, & ad funus ciuitatis conuersi sunt, hanc, inquam, accepimus agros, & nemora cum quodam strepitu fremituq. peragrarè. hæc igitur uobis, hæc populo R. & scelerum indicia ostendit, & periculorum signa patefecit. Nam quid ego de illis ludis loquar, quos in Palatio nostri maiores ante templum, in ipso Matris magnæ conspectu, Megalensibus fieri celebrariq. uoluerunt? qui sunt more institutisq. maxime casti, sollemnes, religiosi: quibus ludis primum ante populi confessum senatui locum P. Africanus iterum consul ille maior dedit: ut eos ludos hæc lues impura pollueret? quò si quis liber aut spectandi, aut etiam religionis causa accesserat, manus efferebantur: quò matrona nulla adiit propter uim confessumq. seruorum. ita ludos eos, quorum religio tanta est, ut ex ultimis terris accersita in hac urbe confederit; qui uni ludi ne uerbo quidem appellantur Latino; ut uocabulo ipso & appetita religio externa, & Matris magnæ nomine suscepta declaretur; hos ludos serui fecerunt, serui spectauerunt, tota denique hoc ædile seruorum Megalesia fuerunt. Pro dii immortales, qui magis nobiscum loqui possetis, si essetis, uersareminiq. nobiscum? ludos esse pollutos significatis, ac plane dicitis. quid magis deformatum, inquinatum, peruersum, conturbatum dici potest, quàm omne seruitium, permissu magistratus liberatum, in alteram scenam immissum, alteri propositum; ut alter

confes-

DE H
miffus pote
on totus est
enisset, hanc
idemus uirue
missa in popo
m commonem
ex Etrusco
ueremus, mo
di diuersoq.
m sibi ipsum
dum est, ex qu
pimus? Isti
piondi patrie
m facit; cum
i facere malio
m. illi cion lu
reus: tu in alt
mos eiecisti. it
mnebantur, s
legabant.
m byllino sac
mris libris ex
nente conquiri
nibus attre
miffa Italia T
pura ista maro
mlocauerunt:
populo R. iuda
matronarum

confessus potestati seruorum obijceretur, alter seruo-
rum totus esset? si examen apum ludis in scenam
uenisset, haruspices acciendos ex Etruria putaremus:
uidemus uniuersi repente examina tanta seruorum
immissa in populum R. septum, atque inclusum, &
non commouemur? atque in apum fortasse examine
nos ex Etruscorum scriptis haruspices, ut a seruitio
caueremus, monerent: quod igitur ex aliquo disjunc-
to diuersoq. monstro significatum caueremus, id
cum sibi ipsum monstrum est, & cum in eo ipso peri-
culum est, ex quo periculum portenditur, non perti-
mescemus? Istiusmodi Megalesia fecit pater tuus?
istiusmodi patruus? Is mihi etiam generis sui mentio-
nem facit; cum Athenionis, aut Spartaci exemplo lu-
dos facere maluerit, quam Caij, aut Appij Claudio-
rum. illi cum ludos facerent, seruos de cauea exire iu-
bebant: tu in alteram seruos immisisti, ex altera li-
beros eiecisti. itaque qui antea uoce præconis a liberis
semouebantur, tuis ludis non uoce, sed manu liberos a
se segregabant. Ne hoc quidem tibi in mentem uenie-
bat sibyllino sacerdoti; hæc sacra maiores nostros ex
uestris libris expetisse? si illi sunt uestri, quos tu impia
mente conquiris, uiolatis oculis legis, contaminatis
manibus attrectas. hac igitur uate suadente quondã,
defessa Italia Punico bello, atque Hannibale uexata,
sacra ista maiores nostri, adscita ex Phrygia, Romæ
collocauerunt: quæ uir is accepit, qui est optimus a
populo R. indicatus, P. Scipio; femina autem, quæ
matronarum castissima putabatur, quinq. Claudia,

M m 4 cuius

ORATIO

cuius priscam illam seueritatem sacrificij tua soror
mirifice existimatur imitata. nihil te igitur neque
maiores tui, coniuncti cum his religionibus, neque sa-
cerdotium ipsum, quo est hac tota religio constituta,
neque curulis ædilitas, quæ maxime hanc tueri reli-
gionem solet, permonuit, quo minus castissimos ludos
omni flagitio pollueres, dedecore maculares, scelere
obligares? Sed quid ego id admiror? qui accepta pe-
cunia Pessinuntem ipsum, sedem domiciliumq. ma-
tris deorum, uastaris; & Brogitaro Gallogræco, im-
puro homini, ac nefario, cuius legati te tribuno diuide-
re in æde Castoris tuis operis nummos solebant, totū
illū locum fanumq. uendideris; sacerdotem ab ipsis
aris puluinaribusq. detraxeris; omnia illa, quæ uetu-
stas, quæ Persæ, quæ Syri, quæ reges omnes, qui Eu-
ropam Asiamq. tenuerunt, semper summa religione
coluerunt, peruerteris; quæ denique nostri maiores
tam sancta duxerunt, ut, cum refertam urbem atque
Italiam fanorum haberemus, tamen nostri imperato-
res, maximis & periculosissimis bellis, huic deæ uo-
ta facerent, eaq. in ipso Pessinunte, ad illā ipsam prin-
cipem aram, & in illo loco, fanoq. persoluerent: quod
cum Deiotarus religione sua castissime tueretur, quē
unum habemus in orbe terrarum fidelissimum huic
imperio, atque amantissimum nostri nominis; Bro-
gitaro, ut ante dixi addictum pecunia tradidisti.
atque hunc tamen Deiotarum, sæpe a senatu rega-
li nomine dignum existimatum, clarissimorum impe-
ratorum testimonijs ornatum, tu etiam regem appel-
lari

DE H
ori cum Bro
nus per no
alterum put
quod ei per sy
regia sunt in D
sorum nulla
que congrueba
it, non repudi
uolatum, &
perant, ut in p
umias, ab om
non finit, m
quem illud fano
ad hac barn
primus de lud
ludis prædict
ar de locis sac
le mea domo d
nel senatu, uel
sem his tribus
na est. at in
R. utro oprim
facellum dico f
moria multor
lacres, quod
ferri ad nos ne
uelim dicere.
ita est in ædifi
tantummodo

lari cum Brogitaro iubes . sed alter est rex iudicio senatus per nos , pecunia Brogitarus per te appellatus . alterum putabo regem , si habuerit , unde tibi soluat , quod ei per syngrapham credidisti . nam cum multa regia sunt in Deiotaro , tum illa maxime , quod tibi nummum nullum dedit ; quod eam partem legis tuæ , quæ congruebat cum iudicio senatus , ut ipse rex esset , non repudiavit ; quod Pessinuntem , per scelus a te uiolatum , & sacerdote sacrisq. spoliatum , recuperavit , ut in pristina religione seruaret ; quod cærimonias , ab omni uetustate acceptas , a Brogitaro pollui non sinit , mauultq. generum suum munere tuo , quàm illud fanum antiquitate religionis , carere . Sed ut ad hæc haruspicum responsa redeam , ex quibus est primum de ludis : quis est , qui id non totum in istius ludos prædictum , & responsum esse fateatur ? Sequitur de locis sacris , religiosis . O impudentiam mirâ . de mea domo dicere audes ? committe uel consulibus , uel senatui , uel collegio pontificum tuam . ac mea quidem his tribus omnibus iudicijs , ut dixi antea , liberata est . at in ijs ædibus , quas tu , Q . Seio , equite R . uiro optimo , per te apertissime interfecto , tenes , sacellum dico fuisse , aras . tabulis hoc censorum , memoria multorum firmabo , ac docebo . agatur modo hæc res , quod ex eo S . C . quod nuper est factum , referri ad uos necesse est : habeo , quæ de locis religiosis uelim dicere . cum de domo tua dixero , in qua tamen ita est inædificatum sacellum , ut alius fecerit , tibi tantummodo sit demoliendum : tum uidebo , num mihi

hi

ORATIO
hi necesse sit de alijs etiam aliquid dicere. putant enim non nulli ad me pertinere, armamentarium Telluris aperire. nuper id patuisse dicunt, & ego recordor: nunc sanctissimam partem, ac sedem maximæ religionis priuato dicunt uestibulo contineri. multa me mouent; quod ædes Telluris est curationis meæ; quod is, qui illud armamentarium sustulit, meam domum, pontificum iudicio liberatam, secundum fratrem suum iudicatam esse dicebat. mouet me etiam in hac caritate annonæ, sterilitate agrorum, inopia frugum, religio Telluris, & eo magis, quod eodem ostento Telluri postulatio deberi dicitur. Vetera fortasse loquimur: quanquam hoc si minus ciuili iure perscriptum est, lege tamen naturæ, communi iure gentium sancitum est, ut nihil mortales a dijs immortalibus usu capere possint. ueruntamen antiqua negligimus: etiam ne ea negligemus, quæ sunt maxime, quæ uidemus? L. Pisonem quis nescit his ipsis temporibus maximum & sanctissimum Dianæ sacellum in Cæliculo sustulisse? adsunt uicini eius loci: multi sunt etiam in hoc ordine, qui sacrificia gentilicia illo ipso in sacello, statuto loco, anniuersaria factitarint. & conquirimus, dij immortales quæ loca desiderant, quid significant, de quo loquantur? A Sex. Serano sanctissima sacella suffossa, incensa, inædificata, oppressa, summa denique turpitudine esse fœdata nescimus? Tu meam domum religiosam facere potuisti? ecqua mente? qua inuaseras: qua manu? qua disturbaras: qua uoce? qua incendi iusseras: qua lege?
quam

DE H
nam in i
pulum
reptum ex
nemo collocat
quod impuri
ne, ne quis m
domum,
alms te
adpicias in
sacellum rel
tus fasq. in
ideo esse
sentio, ius
sacellum sit, t
aro ab illo, q
effudit, q
nena t
graphas fec
sacellum Her
a ciuitate
mimus, qu
mortalibus
ne uiam om
nemo esset
magis
Platorem ex
hominem
Theffalo
imperatorem

quam ne in illa quidem impunitate tua scripseras :
 quo puluinari ? quod stupraras : quo simulacro ? quod
 ereptum ex meretricis sepulcro in imperatoris monu-
 mento collocaras . quid habet mea domus religiosi , ni-
 si quod impuri , & sacrilegi parietem tangit ? ita-
 que , ne quis meorum imprudens introspicere possit
 tuam domum , ac te sacra illa tua facientem uidere ,
 tollam altius tectum , non ut ego te despiciam , sed tu
 ne adspicias urbem eam , quam delere uoluisti . sed iā
 haruspicum reliqua responsa uideamus . Oratores con-
 tra ius fasq. interfectos . Quid est hoc ? de Alexan-
 drinis uideo esse sermonem : quem ego non refuto : sic
 enim sentio , ius legatorum , cum hominum præsidio
 munitum sit , tum etiam diuino iure esse uallatum . sed
 quero ab illo , qui omnes iudices tribunus e carcere in
 forum effudit , cuius arbitrio sic omnes nunc , atque
 omnia uenena tractantur , qui cum Hermacho Chio
 syngraphas fecit , ecquid sciat , unum acerrimum ad-
 uersarium Hermachi , Theodosium , legatum ad sena-
 tum a ciuitate libera missum , sic percussum ? quod
 non minus , quā de Alexandrinis , indignum dijs
 immortalibus esse uisum , certo scio . nec consero nunc
 in te unum omnia . spes maior esset salutis , si præter
 te nemo esset impurus . plures sunt . hoc & tu tibi
 confidis magis , & nos prope iure diffidimus . quis
 Platorem ex Orestide , quæ pars Macedonia libera
 est , hominem in illis locis clarum , ac nobilem , lega-
 tum Thessalonicam ad nostrum , ut se ipse appellauit ,
 imperatorem uenisse nescit ? quem ille propter pecu-
 niam ,

ORATIO

niam, quam ab eo extorquere non poterat, in uincula coniecit, & medicum intromisit suum, qui legato, socio, amico, libero fœdissime & crudelissime uenas incideret. secures suas cruentari scelere noluit: nomen quidem populi R. tanto scelere contaminauit, ut id nulla re possit, nisi ipsius supplicio, expiari. quales hunc carnifices putamus habere, qui etiam medicis suis non ad salutem, sed ad necem utatur? sed recitemus, quid sequatur. Fidem & iusiurandum neglectum. hoc quid sit, per se ipsum non facile interpretor: sed ex eo, quod sequitur, suspicor de tuorum iudicium manifesto periurio dici: quibus olim erepti essent nummi, nisi a senatu præsidium postulassent. quare autem de his dici suspicer, hæc causa est, quod sic statuo, & illud in hac ciuitate esse maxime illustre, atque insigne periurium, & te ipsum tamen in periurij pœnam ab ijs, quibuscum coniurasti, non uocari. Et uideo in haruspicum responsis hæc esse subiuncta, sacrificia uetusta, occultaq. minus diligenter facta, pollutaq. Haruspices hæc loquuntur, an patrij, penatesq. dij? multi enim sunt, credo, in quos huius maleficij suspicio cadat. quis, præter hunc unum? obscure dicitur, quæ sacra polluta sint? quid planius, quid grauius, quid religiosius dici potest? Vetusta, occultaq. nego ulla uerba Lentulæ, grauem orationem, ac disertum, sæpius, cum te accusaret, usurpasset, quàm hæc, quæ nunc ex Etruscis libris in te conuersa, atque interpretata dicuntur. etenim quod sacrificium tam uetus est, quàm hoc, quod a regibus æ-

quale

DE H
quale hinc
tam, quàm
li, sed etiam
se ne imprud
dem sacrifici
ha uolant, n
mo uir adspice
hæles, fit prop
prio, fit incre
nen quidem u
nam dicit, qu
ignauit, mihi
tas, quod te in
fiam, suo iudic
at quod ocu
tūti. quis en
re quæquam p
re posset? an t
libidinis? ne
los abani tui
grates seror
intelliges hon
homines te in
pessimam, no
per pecunia
natui stupr
nes tibi arm
uem dedero
bi, ac maio

quale huic urbi accepimus? quod autem tam occultum, quàm id, quod non solum curiosos oculos excludit, sed etiam errantes, quod non modo improbitas, sed ne imprudentia quidem possit intrare? quod quidem sacrificium nemo ante P. Clodium omni memoria uiolauit, nemo unquam adiit, nemo neglexit, nemo uir adspicere non horruit: quod sit per uirgines Vestales, sit pro populo R. sit in ea domo, quæ est in imperio, sit incredibili cærimonia, sit ei deæ, cuius ne nomen quidem uiros scire fas est: quam iste iccirco Bonam dicit, quod in tanto sibi scelere ignouerit. non ignouit, mihi crede, non. nisi forte tibi ignotum putas, quod te iudices dimiserunt excissum, & exhaustum, suo iudicio absolutum, omnium condemnatum; aut quod oculos, ut opinio illius religionis est, non perdidisti. quis enim ante te sacra illa uir sciens uiderat, ut quisquam pœnam, quæ sequeretur illud scelus, scire posset? an tibi luminis abesset cæcitas plus, quàm libidinis? ne id quidem sentis, commiuentes illos oculos abauit tui magis optandos fuisse, quàm hos flagrantés sororis? tibi uero, si diligenter attenderis, intelliges hominum pœnas deesse adhuc, non deorum. homines te in re fœdissima defenderunt: homines turpissimum, nocentissimumq. laudarunt: homines propter pecuniam iudicio liberauerunt: hominibus iniuria tui stupri, illata in ipsos, dolori non fuit: homines tibi arma alij in me, alij post in illum inuictum ciuem dederunt: hominum beneficia prorsus concedo tibi, ac maiora non esse quærenda: a dijs quidem immortalibus

ORATIO

mortalibus quæ potest homini maior esse pœna furore, atque dementia? nisi forte, in tragœdijs quos uulnere ac dolore corporis cruciari, ac consumi uides, grauior deorum immortalium iras subire, quàm illos, qui furentes inducuntur, putas. non sunt illi eiulatus, & gemitus Philoetætæ tam miseri, (quàm sunt acerbi) quàm illa exultatio Athamantis, & quàm somnium matricidarum. tu, cum furiales in concionibus uoces mittis, cum domos ciuium euertis, cum lapidibus optimos uiros foro pellis, cum ardentes faces in uicinarum tecta iactas, cum ædes sacras inflammas, cum seruos concitas, cum sacra ludosq. conturbas, cum uxorem sororemq. non discernis, cum, quod ineas cubile, non sentis, cum baccharis, cum furis, tum das eas pœnas, quæ sunt solæ hominum sceleri a dijs immortalibus constitutæ. nam corporis quidem nostri infirmitas multos subit casus per se: denique ipsum corpus tenuissima sæpe de causa conficitur: deorum tela in impiorum mentibus figuntur. quare miserior es, cum in omnem fraudem raperis oculis, quàm si omnino oculos non habere. Sed quoniam de ijs omnibus, quæ haruspices commissa esse dicunt, satis est dictum; uideamus, quid iidem haruspices a dijs iam immortalibus dicant moneri. Monent, ne, per optimatum discordiam, dissensionemque, patribus, principibusq. cædes, periculaq. creentur, auxilioq. diminuti deficientur; quare ad unum imperium prouinciæ redeant, exercitusq. pulsus; diminutioq. accedat. Haruspicum uerba sunt hæc omnia:

omnia: nihil addo de meo. quis igitur hanc optima-
 tium discordiam molitur? idem iste: nec ulla ui in-
 genij, aut consilij sui, sed quodam errore nostro: quē
 quidem ille, quod obscurus non erat, facile perspexit.
 hoc enim etiam turpius afflictor resp. quod ne ab
 eo quidem uexatur, ut tanquam fortis in pugna uir,
 acceptis a forti aduersario uulneribus aduersis & ho-
 nestis, cadere uideatur. Ti. Gracchus conuellit sta-
 tum ciuitatis, qua grauitate uir? qua eloquentia?
 qua dignitate? nihil ut a patris, auīq. Africani prae-
 stabili insigniq. uirtute, praeterquam quod a senatu
 descuerat, deflexisset. secutus est C. Gracchus, quo
 ingenio? quanta ui, quanta grauitate dicendi? ut do-
 lerent boni omnes, non illa tanta ornamenta ad me-
 liorem mentem, uoluntatemq. esse conuersa. ipse L.
 Saturninus ita fuit effrænatus, & pæne demens, ut
 auctor esset egregius, & ad animos imperitorum ex-
 citandos inflammandosq. perfectus. nam quid ego de
 P. Sulpicio loquar? cuius tanta in dicendo grauitas,
 iucunditas, tanta ubertas fuit, ut posset, uel ut pru-
 dentes errarent, uel ut boni minus bene sentirent, per-
 ficere dicendo. Cum his conflictari, & pro salute pa-
 triæ quotidie dimicare, erat omnino illis, qui tum
 remp. gubernabant, molestum: sed habebat ea mo-
 lestia quandam tamen dignitatem. hic uero, de quo
 ego ipse tam multa nunc dico, pro dii immortales,
 quid est? quid ualet? quid affert, ut tanta ciuitas, si
 cadet, quod dii omen obruant, a uiro tamen confecta
 uideatur? qui, post patris mortem, primam illam
 etatulam

ætatulam suam ad scurrarum locupletum libidines
 detulit : quorum intemperantia expleta, in domesti-
 cis est germanitatis stupris uolutatus : deinde iam ro-
 bustus, provinciæ se, ac rei militari dedit, atque ibi
 piratarum contumelias perpeffus, etiam Cilicum libi-
 dines, barbarorumq. satiauit : post, exercitu L. Lu-
 culli sollicitato, per nefandum scelus fugit illinc, Ro-
 mæq. recenti aduentu suo cum propinquis suis deci-
 dit, ne reos faceret : a Catilina pecuniam accepit, ut
 turpissime præuaricaretur. inde cum Muræna se in
 Galliam contulit : in qua prouincia mortuorum testa-
 menta conscripsit, pupillos necauit, nefarias cū mul-
 tis scelerum pactiones societatesq. conflauit : unde ut
 redijt, quæstum illum maxime fœcundum uberemq.
 campestrum totum ad se ita redegit, ut homo popula-
 ris fraudaret improbiissime populum ; idemq. uir cle-
 mens diuifores omnium tribuum domi ipse suæ cru-
 delissima morte mactaret. Exorta est illa reip. sa-
 cris, religionibus, auctoritati uestræ, iudicijs publi-
 cis funesta quæstura : in qua idem iste deos homi-
 nesque, pudorem, pudicitiam, senatus auctoritatem,
 ius, fas, leges, iudicia uiolauit. atque hic ei gradus
 (o misera tempora, stultasq. nostras discordias) P.
 Clodio gradus ad remp. hic primus est aditus ad po-
 pularem iactationem, atque adscensus. nam Ti.
 Graccho inuidia Numantini fœderis, cui feriendo,
 quæstor C. Mancini consulis cum esset, intersuerat,
 & in eo fœdere improbando senatus seueritas dolo-
 ri, & timori fuit : istaq. res illum, fortem, & cla-
 rum

um uirum, a
 nem Gracch
 quado animi
 us excit auit.
 quæstorem a
 mouit, ei q. re
 factum esse p
 pfectum, C
 renti resistent
 qua promexit.
 la, nulla enim
 pla esse causa
 e uirili dolore
 ra, a muliebr
 phio, a psalt
 ente popularis
 nobendissent ;
 ra, ancillarum
 me populus R
 iam discordijs
 metibus a dijs
 q. unus ex pat
 quod anno ante
 senatus princip
 cluserat, acer
 post dissidium
 mur, ita per
 quod frater co
 & sodalis, c

rum uirum, a grauitate patrum desciscere coegit. C. autem Gracchum mors fraterna, pietas, dolor, magnitudo animi ad expetendas domestici sanguinis poenas excitauit. Saturninum, quod in annonae caritate quaestorem a sua frumentaria procuratione senatus amouit, eiq. rei M. Scaurum praefecit, scimus dolore factum esse popularem. Sulpicium ab optima causa profectum, Caioq. Iulio consulatum contra leges petenti resistentem, longius, quam uoluit, popularis aura prouexit. fuit in his omnibus causa, et si non iusta, (nulla enim potest cuiquam male de rep. merendi iusta esse causa) grauis tamen, & cum aliquo animi et uirili dolore coniuncta. P. Clodius a crocota, a mitra, a muliebribus soleis, purpureisq. fasciis, a strophio, a psaltria, a flagitio, a stupro est factus repente popularis. nisi eum mulieres exornatum ita deprehendissent; nisi ex eo loco, quod eum adire fas non erat, ancillarum beneficio emissus esset: populari homine populus R. resp. ciue tali careret. Hanc ob amantiam in discordijs nostris, de quibus ipsis his prodigijs recetibus a dijs immortalibus admonemur, arreptus est unus ex patricijs, cui tribuno pl. fieri non liceret. quod anno ante frater Metellus, & concors etiam tunc senatus principi Cn. Pompeio, sententiam dicenti, excluderat, acerrimeq. una uoce ac mente restiterat, id post dissidium optimatum, de quo ipso nunc mone-mur, ita perturbatum, itaq. permutatum est, ut, quod frater consul, ne fieret, obstiterat, quod affinis, & sodalis, clarissimus uir, qui illum reum non lau-

N n darat,

darat, excluderat, id is consul efficeret in discordijs
 principum, qui illi unus inimicissimus esse debuerat,
 & eo fecisse auctore se diceret, cuius auctoritatis ne-
 minem posset pænitere. Iniecta est fax fæda, ac luctuo-
 sa reip. petita est auctoritas uestra, grauitas amplif-
 simorum ordinum, consensus honorum omnium, totus
 denique ciuitatis status: hæc enim certe petebantur,
 cum in me, cognitorem harum omnium rerum, illa
 flamma illorum temporum conijciebatur. excepi, &
 pro patria solus exarsi, sic tamen, ut uos, iisdem igni-
 bus circumsepti, me primum ictum pro uobis, & su-
 mantem uideretis. non sedabantur discordiæ, sed etiã
 crescebat in eos odium, a quibus nos defensi putaba-
 mur. ecce iisdem auctoribus, Pompeio principe, qui
 cupientem Italiam, populum R. desiderantem, flagi-
 tantes uos non auctoritate sua solum, sed etiam pre-
 cibus ad meam salutem excitauit, restituti sumus. sit
 discordiarum finis aliquando: a diuturnis dissensio-
 nibus conquiescamus; non finit eadem ista labe: ea
 habet conciones: ea miscet, ac turbat; ut modo uen-
 * dat illis, nec tamen ita, ut se quisquam, si ab isto lau-
 datus sit, laudatiorem putet, sed ut eos, quos non
 amant, ab eodem gaudeant uituperari. atque ego
 nunc non miror: quid enim faciat aliud? illos, homi-
 nes sapientissimos grauissimosque, miror: primum,
 quòd quenquam clarum hominem, atque optime de
 rep. sæpe meritum, impurissimi uoce hominis uiola-
 ri facile patiuntur; deinde, quod existimant perditum
 hominis profligatiq. maledictis posse, id quod mini-
 me

ne conducit ip-
 sulari: postea
 nihil iam suspic-
 atos impetus
 omnia non nullo
 tela in re
 uiter equide
 ni, nisi primo
 auctoritat
 scilicet suis la-
 exercitum
 um nemo redat
 ignis infestis in
 Cn. Pompei
 uabat, facere
 melle secum, i
 re; tam crudel
 se potuisset id
 edis, emergere
 a seruitutis, r
 ne iadit, uobi
 n. tian, leges
 in concionib
 na illa lex, q
 nam cocus an
 non uirum de
 leges ferente
 le seruasse di
 la essent, re

me conducit ipsis, cuiusquam gloriam dignitatemq.
 uiolari: postremo, quod non sentiunt id, quod tamen
 mihi iam suspicari uidentur, illius furentes, ac uiolentos
 impetus in se ipsos posse conuerti. atque ex hac *
 nimia non nullorum alienatione, & quibusdam hæ-
 rentia tela in rep. quæ quandiu hærebant in uno me,
 grauiter equidem, sed aliquanto leuius ferebam. an
 iste, nisi primo se dedidisset ijs, quorum animos a ue-
 stra auctoritate seiunctos esse arbitrabamur; nisi eos
 in cælum suis laudibus, præclarus auctor, extolleret;
 nisi exercitum C. Cæsaris, in quo fallebat multos, sed
 eum nemo redarguebat, nisi eum inquam, exercitum
 signis infestis in curiam se immissurum minitaretur;
 nisi Cn. Pompeio adiutore, M. Crasso auctore, quæ
 faciebat, facere clamaret; nisi consules causam con-
 iunxisse secum, in quo uno non mentiebatur, confirma-
 ret; tam crudelis mei, tam sceleratus reip. uexator
 esse potuisset? idem, postea quàm respirare uos a metu
 cædis, emergere auctoritatem uestram a fluctibus il-
 lis seruitutis, reuiuiscere memoriæ ac desiderium
 mei uidit, uobis se cæpit subito fallacissime uendita-
 re. tum, leges Iulias contra auspicia latas, & hic
 & in concionibus dicere: in quibus legibus inerat cu-
 riata illa lex, qua totum eius tribunatum continebat,
 quàm cæcus amentia non uidebat: producebat fortissi-
 mum uirum M. Bibulum; quærebat ex eo; C. Cæsare
 leges ferente, de cælo semper ne seruasset? semper se
 ille seruasse dicebat. Augures interrogabat; quæ ita
 lata essent, recte ne lata essent? illi uitiolata esse dice-
 bant.

bant. ferebant in oculis hominem quidem boni uiri,
 & de me optime meriti, sed illius; ut ego arbitror,
 furoris ignari. longius processit: in ipsum Cn. Pom-
 peium, auctorem, ut prædicare est solitus, consilio-
 rum suorum, inuehi cæpit. inibat gratiam a non nul-
 lis. tum uero est ratus se posse, quoniam togatum do-
 mestici belli extinctorem nefario scelere fædasset, il-
 lum etiam, illum externorum bellorum, hostiumq. ui-
 ctorem affligere. tum est illa in templo Castoris sce-
 lerata, & pæne deletrix huius imperij sica deprehen-
 sa. tum ille, cui nulla hostiū diutius urbs unquam fuit
 clausa, qui omnes angustias, omnes altitudines, om-
 niū obiecta tela semper ui et uirtute perfregit, obses-
 sus ipse est domi, meq. non nulla imperitorum uitupe-
 ratione timiditatis meæ, consilio, & factō suo libera-
 uit. nam si Cn. Pompeio, uiro uni omnium fortissi-
 mo, quicunque nati sunt, miserrimum magis fuit,
 quàm turpe, quàm diu ille tribunus pl. fuit, lucem
 non adspicere, carere publico, minas eius perferre;
 cum in concionibus diceret, uelle se in Carinis ædifica-
 re alteram porticum, quæ Palatio responderet: certe
 mihi exire domo mea ad priuatum dolorē fuit luctuo-
 sum, ad rationem reip. gloriosum. Videtis igitur, ho-
 minem per se ipsum iam pridem afflictum, ac iacentē,
 perniciosi optimatium discordijs excitari. cuius ini-
 tia furoris dissentionibus eorum, qui tum a uobis seiun-
 cti uidebantur, sustentata sunt. reliqua iam præcipi-
 tantis tribunatus, etiam post tribunatum, obrectato-
 res eorum, atque aduersarij defenderunt, ne a rep.
 reip.

DE H
 rip. pestis re
 son diceret;
 atque in d
 son ueniat an
 po tandem dec
 in concione det
 erando? uelin
 na salute men
 uidem certe,
 las amplissim
 ualibus effere
 us splendidi
 uidem iratus
 iam pridem
 atque inq
 uem in uniuers
 am miror, cum
 que tam bonis
 optimos diuina
 te qua loquor, i
 ueniat? certe
 quam huius im
 micissimum e
 nam. quod, e
 hoc statuo, hu
 rum illum non
 esset, amplius
 trasset? uide
 esse gaudebat

reip. pestis remoueretur. restiterunt etiam, ne caus-
sam diceret; etiam, ne priuatus esset. etiam ne in si-
nu, atque in delicijs quidam optimi uiri uiperam il-
lam uenenatam, ac pestiferam habere potuerunt?
quo tandem decepti munere? uolo, inquiunt, esse, qui
in concione detrahat de Pompeio. detrahat ille uitu-
perando? uelim, sic hoc uir summus, atque optime de
mea salute meritis accipiat, ut a me dicitur. dicam
quidem certe, quod sentio. mihi mediusfidijs tum de
illius amplissima dignitate detrahere, cum maximis
laudibus efferebat, uidebatur. Vtrum tandem C. Ma-
rius splendidior, cum eum C. Glaucia laudabat, an cum
eundem iratus postea uituperabat? an ille demens,
& iam pridem ad pœnam, exitiumque præceps, fœ-
dior, atque inquinatior in Cn. Pompeio accusando,
quàm in uniuerso senatu uituperando fuit? quod qui-
dem miror, cum alterum gratum sit iratis, alterum
esse tam bonis ciuibus non acerbum. sed ne id uiros
optimos diutius delectet, legant hanc eius concionem,
de qua loquor, in qua Pompeium ornat, an potius de-
format? certe laudat, & unum esse in hac ciuitate di-
gnum huius imperij gloria dicit, & significat se illi
amicissimum esse, & reconciliationem esse gratiæ fa-
ctam. quod, ego quanquam, quid sit, nescio; tamen
hoc statuo, hunc, si amicus esset Pompeio, laudatu-
rum illum non fuisse. quid enim, si illi inimicissimus
esset, amplius ad eius laudem minuendam facere po-
tuisset? uideant ij, qui illum Cn. Pompeio inimicum
esse gaudebant, ob eamque causam in tot, tantisque sce-

N n 3 leribus

leribus commiuebant, & non nunquam eius indomitos, atque effrænatos furores plausu etiam suo persequabantur, quàm se cito inuerterit: nunc enim iam laudat illum; in eos inuehitur, quibus se antea uenditabat. quid existimatis eum, si reditus ei gratia patuerit, esse facturum, qui tam libenter in opinionem gratia irrepat? Quas ego alias optimatum discordias a dijs immortalibus definiri putem? nam hoc quidem uerbo neque P. Clodius, neque quisquam de gregalibus eius, aut de consiliarijs designatur. habent Etrusci libri certa nomina, quæ in id genus ciuium cadere possunt. deteriores, repulsos (quod iam audietis) hos appellant, quorum & mentes, & res sunt perditæ, longeq. a communi salute disiunctæ. quare cum dij immortales monent de optimatum discordijs, de clarissimorum, & optime meritorum ciuium dissensione prædicunt, cû principibus periculum cademq. portendunt; in tuto collocant Clodium, qui tantum abest a principibus, quantum a puris, quantum a religiosis. uobis, o clarissimi, atque optimi ciues, & uestræ saluti consulendum, & prospiciendum uident. cædes principum ostenditur: id, quod interitum optimatum sequi necesse est, adiungitur: etiam, ne in unius imperium res decidat, admonemur. ad quem metum is deorum monitis non duceremur, tamen ipsi nostro sensu, cõiecturaq. raperemur. neque enim ullus alius discordiarum solet esse exitus inter claros, & potentes uiros, nisi aut uniuersus interitus, aut uictoris dominatus, aut regnum. Dissensit cum Mario, clarissimo

simo ciue, consul nobilissimus, & fortissimus L. Syl-
 la: horum uterque ita cecidit uictus, ut uictor idem
 regnauerit. cum Octauio collega Cinna dissensit, utris-
 que horum secunda fortuna regnum est largita, ad-
 uersa mortem. idem iterum Sylla superauit: tum si-
 ne dubio habuit regalem potestatem, quanquam remp.
 recuperauit. Inest hoc tempore haud obscurum odiū,
 atque id insitum penitus, & iniustum animis homi-
 num amplissimorum: dissident principes: captatur oc-
 casio: qui non tantum opibus ualent, nescio quam for-
 tunam tamen, ac tempus expectant: qui sine contro-
 uersia plus possunt, hi fortasse non nunquam consilia,
 ac sententias inimicorum suorum extimescunt. tolla-
 tur hæc e ciuitate discordia: iam omnes isti, qui por-
 tenduntur, metus extinguuntur: iam ista serpens,
 quæ tum hic delitescit, tum se emergit, & fertur il-
 luc, compressa, atque illisa morietur. monent enim
 iidem, ne occultis consilijs resp. lædatur. quæ sunt oc-
 cultiora, quàm eius, qui ausus in concione est dicere,
 iustitium edici oportere, iurisdictionem intermitteri,
 claudi ærarium, iudicia tolli? nisi forte existimatis
 hanc tantam colluuiem illi, tantamq. euerfionem
 ciuitatis in mentem subito in Rostris nec cogitanti ue-
 nire potuisse: est quidem ille plenus uini, stupri, so-
 mni, plenusq. inconsideratissimæ ac dementissimæ te-
 meritatis: ueruntamen nocturnis uigilijs, etiam coi-
 tione hominum, iustitium illud conceptum, ac me-
 ditatum est. mementote, P. C. uerbo illo nefario ten-
 tatas aures uestras, & perniciosam uiam audiendi

O R A T I O

consuetudine esse munitam. Sequitur illud, ne deterioribus, repulsisq. honos augeatur. Repulsos uideamus: nam deteriores qui sint, post docebo. sed tamen, in eum cadere hoc uerbum maxime, qui sit unus omnium mortalium sine ulla dubitatione deterri-
mus, concedendum est. qui sunt igitur repulsi? non, ut opinor, ij, qui aliquando honorem uitio ciuitatis, non suo, non sunt affecuti: nam id quidem multis sæpe optimis ciuibus, atque honestissimis uiris accidit. repulsi sunt ij, quos ad omnia progredientes, quos aper-
tissime largientes non solum alieni, sed etiam sui, uicini, tribules, urbani, rustici repulerunt. hi ne honore augeantur, monemur. debet esse gratum, quod prædicunt: sed tamen huic malo populus R. ipse, nullo haruspicum admonitu, sua sponte prospexit. Deteriores cauete: quorum quidem magna est natio, sed tamen eorum omnium hic dux est, atque princeps. etenim si unum hominem deterrimum poeta præstanti aliquis ingenio, fictis conquisitisq. uitijs deformatum, uellet inducere, nullum profecto dedecus reperire posset, quod in hoc non inesset; multaq. in eo penitus defixa, atque hærentia præteriret. pa-
rentibus, & dijs immortalibus, & patriæ nos pri- mum natura conciliat. eodem enim tempore & susci-
pimur in lucem; & hoc cælesti spiritu augemur; & certam in sedem ciuitatis, ac libertatis adscribimur. iste parentum nomen, sacra, memoriam, gentem Fon-
teiano nomine obruit: deorum ignes, sollemnes men-
sas,

DE H
sas, abditos
bus non inui
pabili scelere
ammant de
pouentur. Q
ciem ui, ferro
pulis depulit,
pissime iudica
semper dixi, c
plum, princip
uendens q. pe
Es, Fugiam, m
uixit: interco
pulis, sceleris
ta armant: re
pellant: Cr
at: imperator
domos distur
scripsit. inf
sunt edita. Q
uit? socios, q
at? exercitu
sunt, que in se
minus unquam
monibus corp
suarine pub
atas fuit? qu
tis, quam is
que tam im

sas, abditos ac penetrales focos, occulta, & mari-
 bus non inuisa solum, sed etiam inaudita sacra inex-
 piabili scelere peruertit: idemq. earum templum in-
 flammauit dearum, quarum ope etiam alijs incendijs
 subuenitur. Quid de patria loquar? qui primum eū
 ciuem ui, ferro, periculis urbe, omnibus patriæ præ-
 sidijs depulit, quem uos patriæ conseruatorem esse se-
 pissime iudicaueratis: deinde, euerso senatus, ut ego
 semper dixi, comite; duce, ut ille dicebat; senatum
 ipsum, principem salutis, mentisq. publicæ, ui, cæde,
 incendijsq. peruertit: sustulit duas leges, Aeliam,
 & Fusiam, maxime reip. salutare: censuram ex-
 tinxit: intercessionem remouit: auspicia deleuit: con-
 sules, sceleris sui socios, ærario, prouincijs, exerci-
 tu armauit: reges qui erant, uendit; qui non erāt,
 appellauit: Cn. Pompeium ui, ferro domum compul-
 sit: imperatorum monumenta euertit: inimicorum
 domos disturbauit: uestris monumentis nomen suum
 inscripsit. infinita sunt scelera, quæ ab illo in patriā
 sunt edita. Quid, quæ in singulos ciues, quos neca-
 uit? socios, quos diripuit? imperatores, quos prodi-
 dit? exercitus, quos tentauit? Quid uero ea, quanta
 sunt, quæ in se ipsum scelera, quæ in suos edidit? quis
 minus unquam pepercit hostium castris, quàm ille o-
 mnibus corporis sui partibus? quæ nauis unquam in
 flumine publico tam uulgata omnibus, quàm istius
 ætas fuit? quis unquam nepos tam libere est cum scor-
 tis, quàm hic cum sororibus uolutatus? quam deni-
 que tam immanem Charybdin poetæ fingendo expri-
 mere

mcre potuerunt, quæ tantos exhaurire gurgites pos-
 set, quantas iste Byzantiorum, Brogitarorumq. præ-
 das exforbuit? aut tam eminentibus canibus Scyl-
 lam, tamq. ieiunis, quàm quibus istum uidetis Gel-
 lijs, Clodijs, Titijs Rostra ipsa mandentem? Quare,
 id quod extremum est in haruspicum responsis, pro-
 uidete ne reip. status commutetur. etenim uix hæc,
 si undique fulciamus, iam labefacta, uix, inquam,
 innixa in omnium nostrum humeris cohærebunt. fuit
 quondam ita firma hæc ciuitas, & ualens, ut negli-
 gentiam senatus, uel etiam iniurias ciuium ferre pos-
 set: iam non potest: ærarium nullum est: uectigali-
 bus non fruuntur, qui redemerunt: auctoritas prin-
 cipum cecidit: consensus ordinum est diuulsus: iudi-
 cia perierunt: suffragia districta tenentur a paucis:
 bonorum animus ad nutum nostri ordinis expeditus
 iam non erit, ciuem, qui se pro patriæ salute opponat
 inuidiæ, frustra posthac requiretis. quare hunc sta-
 tum, qui nunc est, qualiscunque est, nulla aliare, nisi
 concordia: retinere possumus. nam, ut meliore si-
 mus loco, ne optandum quidem est, illo impunito: de
 teriore autem statu ut simus, unus est inferior gra-
 dius, aut interitus, aut seruitutis. quò ne trudamur,
 dii immortales nos admonent; quoniam iam pridem
 humana consilia ceciderunt. Atque ego hanc oratio-
 nem, P. C. tam tristem, tam grauem non suscepis-
 sem, non, inquam, nisi hanc personam, & has par-
 tes honoribus populi R. uestris plurimis ornamen-
 tis, mihi tributis, deberem, & possem sustinere. sed
 tamen

DE H
 amen facile
 ratio omnis
 religionis. m
 na quidem om
 uelata ostem
 moueri nec
 nos sepe
 mortaliu
 enim id p
 uidetis fieri
 bonorum a
 colloquat
 Latinijs na
 non dum
 in agro
 horribilis
 hæc eadem
 pendentia po
 mortaliu no
 pe mandus, c
 remiscunt, &
 predicunt. in
 procurationes
 mar: sed facil
 nam salutis
 ra, discordi

tamen facile, tacentibus ceteris, reticuissem: sed hæc oratio omnis fuit non auctoritatis meæ, sed publicæ religionis. mea fuerunt uerba fortasse plura, sententiæ quidem omnes haruspicum: ad quos aut referri nunciata ostenta non conuenit, aut eorum responsis commoueri necesse est. quod si cetera magis peruulgata nos sæpe & leuiora mouerunt: uox ipsa deorum immortalium non mentes omnium permouebit? nolite enim id putare accidere posse, quod in fabulis sæpe uidetis fieri, ut deus aliquis, elapsus de cælo, cætus hominum adeat, uersetur in terris, cum hominibus colloquatur. cogitate genus sonitus eius, quem Latinienses nunciarunt: recordamini illud etiam, quod non dum est relatum, quod eodem fere tempore factus in agro Piceno Potentia nunciatur terræ motus horribilis cum quibusdam multis metuendisq. rebus: hæc eadem profecto, quæ futura prospiciuntus, impendentia pertimescetis. etenim hæc deorum immortalium uox, hæc pæne oratio iudicanda est, cum ipse mundus, cum agri terræ motu quodam nouo contremiscunt, & inusitato aliquid sono incredibiliq. prædicunt. in quo constituenda nobis quidem sunt procurationes, & obsecratio, quemadmodum mone mur: sed faciles sunt preces apud eos, qui ultro nobis uiam salutis ostendunt: nostræ nobis sunt inter nos iræ, discordiæq. placandæ.

PRO

PRO CN. PLANCIO.

ORATIO XXXI.

CVM propter egregiam, & singularem,
Cn. Plancij, iudices, in mea salute custo-
dienda fidem tam multos & bonos ui-
ros eius honori uiderem esse fautores;
capiebam animo non mediocrem uoluptatem; quòd,
cuius officium mihi saluti fuisset, ei meorum tempo-
rum memoriam suffragari uidebam. cum autem au-
direm meos partim inimicos, partim inuidos huic ac-
cusationi esse fautores, eandemq. rem aduersariam
esse in iudicio Cn. Plancio, quæ in petitione fuisset ad-
iutrix; dolebam, iudices, & acerbe ferebam, si hu-
ius salus ob eam ipsam causam esset infestior, quòd is
meam salutem, atque uitam sua beneuolentia, præsi-
dio, custodiaq. texisset. nunc autem uester, iudices,
conspæctus, & confæssus iste reficit, & recreat men-
tem meam, cum intueor, & contemplor unumquen-
que uestrum. uideo enim hoc in numero neminem,
cui mea salus cara non fuerit, cuius non extet in me
suum meritum, cui non sim obstrictus memoria bene-
ficij sempiterna. itaque non extimesco, ne Cn. Plan-
cio custodia meæ salutis apud eos obsit, qui me ipsum
maxime saluum uidere uoluerunt: sæpiusque, iudi-
ces, mihi uenit in mentem, admirandum esse, M. La-
terensem, hominem studiosissimum, & diligentissi-
mum salutis meæ, reum hunc potissimum sibi dele-
gisse; quàm metuendum, ne uobis id ille magna ra-
tione

PR
trine fecisse
tam, iudices
ga me meriti
eius intege
nam fide
tam ostender
præstitero, q
iudices, a uob
moda sit, no
caræ, tribus
in hac causa
hanc molestia
Plancio dicen
meam tueri d
custodes pla
quamquam, in
sum, ut id ab
conturbet: ne
homines repe
tam illi esse
qua uero ita
Plancij erga
so prædicare
tamen ita m
esse debere:
dice, ne qua
pondero cr
quam reco
se uideatur

tionem fecisse uideatur. quanquam mihi non sumo tantum, iudices, neque arrogo, ut Cn. Plancium suis erga me meritis impunitatem consecuturum putem. nisi eius integerrimam uitam, modestissimos mores, summam fidem, continentiam, pietatem, innocentiam ostendero, nihil de pœna recusabo. sin omnia præstitero, quæ sunt a bonis uiris expetenda: petâ, iudices, a uobis, ut, cuius misericordia salus mea custodita sit, uos ei uestram misericordiam, me deprecante, tribuatis. equidem ad reliquos labores, quos in hac causa maiores suscipio, quàm in ceteris, etiam hanc molestiam assumo, quòd mihi non solum pro Cn. Plancio dicendum est, cuius ego salutem non secus ac meam tueri debeo; sed etiam pro me ipso, de quo accusatores plura pœne, quàm de re, reo quæ, dixerunt. quanquam, iudices, si quid est in me ipso ita reprehensum, ut id ab hoc alienum sit, non me id magnopere conturbet: non enim timeo, ne, quia perraro grati homines reperiantur, iccirco, cum me nimium gratum illi esse dicant, id mihi criminofum esse possit. quæ uero ita sunt agitata ab illis, ut aut merita Cn. Plancij erga me minora esse dicerent, quàm a me ipso prædicarentur; aut, si essent summa, negarent ea tamen ita magni, ut ego putarem, ponderis apud uos esse debere: hæc mihi sunt tractanda, iudices, & modice, ne quid ipse offendam; & tum denique, cum respondendo criminibus; ne non tam innocentia reus sua, quàm recordatione meorum temporum, defensus esse uideatur. Sed mihi in causa facili, atque explicata

ta

ta perdifficilis, iudices, & lubrica defensionis ratio proponitur. nam si tantummodo mihi necesse esset contra Laterensem dicere, tamen id ipsum esset, in tanto usu nostro, tantaq. amicitia, molestum: uetus enim est lex illa iustæ ueræq. amicitiae, quæ mihi cū illo iam diu est, ut idem amici semper uelint: neque est ullum certius amicitiae uinculum, quàm cōsensus, & societas consiliorum, & uoluntatum. mihi autem non est in hac re solum molestum, contra illum dicere; sed multo id magis, quòd in ea causa contra dicendum est, in qua quædam hominum ipsorum uidentur facienda esse contentio. quærit enim Laterensis, atque hoc uno maxime urget, quæ se uirtute, qua laude Plancius, qua dignitate superarit. ita, si cedo illius ornamentis, quæ multa, & magna sunt; non solum huius dignitatis iactura facienda est, sed etiam largitionis recipienda suspicio. sin hunc illi antepono; contumeliosa habenda est oratio; & dicendum est id, quod ille me flagitat, Laterensem a Plancio dignitate esse superatum. ita aut amicitissimi hominis existimatio offendenda est, si illam accusationis conditionem sequar: aut optime de me meriti salus deferenda est. sed ego, Laterensis, cæcum me, & præcipitem ferri confitear in causa, si te aut a Plancio, aut ab ullo dignitate potuisse superari dixerò: itaque discedam ab ea contentione, ad quam tu me uocas; & ueniam ad illam, ad quam me causa ipsa deducit. Quid? tu non inanem dignitatis iudicem putas esse populum? fortasse non nunquam est: utinam uero semper

per esset: sed est perraro, & si quando est, in ijs magistratibus est mandandis, quibus salutem suam committi putat. his leuioribus comitijs, diligentia, & gratia petitorum honos paritur, non ijs ornamentis, quæ esse in te uidemus. nam quod ad populum pertinet, semper dignitatis iniquus iudex est, qui aut inuidet, aut fauet. quanquam nihil potes in te Laterensis constituere, quod sit proprium laudis tuæ, quin id tibi sit commune cum Plancio. sed hoc totum agitur alio loco. nunc tantum disputo de iure populi: qui & potest, & solet non nunquam dignos præterire: nec, si a populo præteritus est, quem non oportuit; a iudicibus condemnandus est, qui præteritus non est. nam si ita esset, quod patres apud maiores nostros tenere non potuerunt, ut reprehensores essent comitorum, id haberent iudices, uel quod multo etiam minus est ferendum. tum enim magistratum nõ gerebat is, qui ceperat, si patres auctores non erant facti: nunc postulatur a uobis, ut eius exsilio, qui creatus sit, iudicium populi R. reprehendatis. itaque quanquam, qua nolui, ianua sim ingressus in causam; sperare uideor, tantum absfuturam esse orationem meam a minima suspitione offensionis tuæ, te ut potius obiurgem, quod iniquum in discrimen adducas dignitatem tuam, quam ut ego eam ulla contumelia coner attingere. Tu continentiam, tu industriam, tu animum in remp. tu uirtutem, tu innocentiam, tu fidem, tu labores tuos, quod edilis non sis factus, fractos esse, & abiectos, & repudiatos putas?

tas? uide tandem, Laterensis, quantum a te dissensum. si medius fidius decem soli essent in ciuitate uiri boni, sapientes, iusti, graues, qui te indignum ædilitate iudicauissent: grauius de te iudicatum putare, quàm est hoc, quod tu metuis, ne a populo iudicatum esse uideatur. non enim comitijs iudicat semper populus; sed mouetur plerunque gratia; cedit precibus; facit eos, a quibus est maxime ambitus; denique si iudicat, non delectu aliquo, aut sapientia ducitur ad iudicandum, sed impetu non nunquam, & quadam etiam temeritate. non est enim consilium in uulgo, non ratio, non discrimen, non diligentia: semperque sapientes ea, quæ populus fecisset, ferenda, non semper laudanda duxerunt. Quare cum te ædilem fieri oportuisset dicis; populi culpam, non cõpetitoris, accusas. At fueris dignior, quàm Plācius: de quo ita tecum contendam paullo post, ut conseruem dignitatem tuam: sed ut fueris dignior; non competitor, a quo es uictus, sed populus, a quo es præteritus, in culpa est. in quo primum illud debes putare, comitijs, præsertim ædilijs, studiũ esse populi, nõ iudicium; eblandita illa, nõ enucleata esse suffragia; eos, qui suffragium ferant, quid denique ipsi debeant, considerare sæpius, quàm quid cuique a rep. uideatur deberi. sin autem mauius esse iudicium; non tibi id rescindendum est, sed ferendum. male iudicauit populus: at iudicauit. non debuit: at potuit. non fero: at multi clarissimi, & sapientissimi ciues tulerunt. est enim condicio liberorum populorum, præcipueque huius principis populi, & omnium

omnium gentium domini, atque uictoris, posse suffragijs uel dare, uel detrabere, quod uelit, cuique nostrum autem est, qui in hac tempestate populi iactemur, ac fluctibus, ferre modice populi uoluntates, allicere, alienas, retinere partas, placare turbatas; honores si magni non putemus, non seruire populo; sin eos expetamus, non defatigari supplicando. Venio iam ad ipsius populi partes; ut illius contra te oratione potius, quam mea, disputem. qui si tecum congregiatur, & si una uoce loqui possit, hæc dicat: Ego tibi, Laterensis, Plancium non anteposui; sed, cum essetis æque boni uiri, meum beneficium potius ad eum detuli, qui a me contenderat, quam ad eum, qui mihi non nimis summissee supplicarat. Respondebis, credo, te, splendore, & uetustate familiæ fretum, non ualde ambiendum putasse. at uero te ille ad sua instituta, suorumque maiorum exempla reuocabit. semper se dicet rogari uoluisse, semper placuisse; M. Sesium, qui ne equestrem quidem splendorem incolumem a calamitate iudicii retinere potuisset, homini nobilissimo, innocentissimo, eloquentissimo, M. Pisoni prætulisse; præposuisse se Q. Catulo, in summa familia nato, sapientissimo & sanctissimo uiro, non dico C. Serenum, subtilissimum hominem, (fuit enim & animi satis magni, & consilij) sed Cn. Manlium, non solum ignobilem, uerum sine uirtute, sine ingenio, uita etiam contempta, ac sordida. Desiderarunt te, inquit, oculi mei, cum tu esses Cyrenis. me enim, quam socios, tua frui uirtute malebam: & quo plus

O o intererat,

O R A T I O

intererat, eo plus aberas a me: certe non uidebam. deinde sitientem me uirtutis tuæ deseruisti, ac dereliquisti. cæperas enim petere tribunatum pl. temporibus ijs, quæ istam eloquentiam, & uirtutem requirebant. quam petitionem cum reliquisses, si hoc iudicasti, tanta in tempestate te gubernare non posse, de uirtute tua dubitavi: si nolle, de uoluntate: sin, quod magis intelligo, temporibus te alijs reseruasti, ego quoque, inquam, & resp. ad ea te tempora reuocaui, ad quæ tu te ipse seruaras. pete igitur eum magistratum, in quo mihi magnæ utilitati esse possis. adi-
 * les quicunque erunt. idem mihi, quod ostenderas: aut si, quod mea minus interest, id te magis forte delectat, reddam tibi istam ædilitatem etiam neglenter petenti. sed amplissimos honores ut pro dignitate tua consequare, condiscas, censeo, mihi paullo ante diligentius supplicare. Hæc populi oratio est: mea uero Laterensis hæc; quare uictus sis, non debere iudicem quærere, modo ne largitione sis uictus. nam si, quotiescunque præteritus erit is, qui non debuerit præteriri; toties oportebit eum, qui factus erit, condemnari: nihil iam est, quod populo supplicetur, ni-
 * hil quod direptio, nihil quod supplicatio magistratum, renunciatio suffragiorum expectetur. simul ut qui sint professi, uideo quid dicam: hic familia consulari est, ille prætoria: reliquos uideo esse ex equestri loco: sunt omnes sine macula, sunt æque boni uiri, atque integri: sed seruari necesse est gradum. cedat consulari generi prætorium, nec contendat cum præto-
 rio

rio equester locus : sublata sunt studia , extinctæ suffragationes , nullæ contentiones , nulla libertas populi in mandandis magistratibus , nulla expectatio suffragiorum : nihil , ut plerunque euenit , præter opinionem accidet : nulla erit posthac uarietas comitiorum . sin hoc persæpe accidit , ut & factos aliquos , & non factos esse miremur ; si campus , atque illæ undæ comitiorum , ut mare profundum , & immensum , sic effervescent quodam quasi æstu , ut ad alios accedant , ab alijs autem recedant : in tanto nos impetu studiorum , & motu temeritatis , modum aliquem , & consilium , & rationem requiramus ? quare noli me ad contentionem uestrum reuocare , Laterensis . etenim si populo grata est tabella , quæ frontes aperit hominum , mentes tegit ; datq. eam libertatem , ut , quod uelint , faciant , promittant autem , quod rogentur : cur tu in iudicio exprimis , quod non sit in campo ? hic , quàm ille , dignior , perquam graue est dictu . quo modo igitur est æquum ? sic credo , (quod agitur , quod satis est iudici) hic factus est . cur iste potius , quàm ego ? uel nescio , uel non dico , uel denique , quod mihi grauissimum esset dicere , sed impune tamen deberem dicere , non recte . nam quid assequerere , si illa extrema defensione uterer , populum , quod uoluisset , fecisse , non quod debuisset ? quid , si populi quoque factum defendo , Laterensis , & doceo , Cn. Plancium non obrepisse ad honorem , sed eo uenisse cursu , qui semper patuerit omnibus hoc nostro equestri loco ; possum ne eripere orationi tuæ contentionem uestram ,

O R A T I O

quæ tractari sine contumelia non potest, et te ad causam, crimenq. deducere? si, quod equitis R. filius est, inferior esse debuit: omnes tecum equitum R. filij petiuerunt. nihil dico amplius: hoc tamen miror, cur tu huic potissimum irascere, qui longissime a te abfuit. equidem, si quando, ut fit, iactor in turba, non illum accuso, qui est in summa Sacra uia, cum ego ad Fabianum fornicem impellor; sed eum, qui in me ipsum incurrit, atque incidit. tu neque Q. Pedio, forti uiro, succenses, neque huic A. Plotio, ornatissimo homini, familiari meo: & ab eo, qui hos dimouit, potius, quam ab ijs, qui in te ipsum incubuerunt, te depulsum putas. sed tamen hæc tibi est prima cum Plancio generis uestri familiaq. contentio, qua abs te uincitur: cur enim non confitear, quod necesse est? sed non hic magis, quam ego a meis competitoribus & alias, & in consulatus petitione uincebar. sed uide, ne hæc ipsa, quæ despicias, huic suffragata sint. sic enim conferamus. Est tuum nomen utraque familia consulare. num dubitas igitur, quin omnes, qui fauent nobilitati, qui id putant esse pulcherrimum, qui imaginibus, qui nominibus uestris ducuntur, te ædilem fecerint? equidem non dubito. sed si parum multi sunt, qui nobilitatem ament: num ista est nostra culpa? etenim ad caput, & ad fontem utriusque generis ueniamus. Tu es ex municipio antiquissimo Tusculano, ex quo plurimæ familiae sunt consulares, in quibus est etiam Iuuentia, quot e reliquis municipijs omnibus nō sunt: hic est e præfectura Atinati, non tā pri-

P R
prisca, non
cum interress
magis fauere
m (scire en
sum) cum bu
saturini pat
quod primus
in præfectura
don in modum
fortum est mu
um esse certo
lopiam suam
habent nostra
non loquar? &
i, montesq. fa
nam aliquem
ope, nam de
ut Fabijs glo
umque Arpi
men tibi fort
Mario audien
sorum arde
saturatis hon
ripes sint ill
men pauci,
brius præfe
ut nulla tot
dem nunc m
re, & luct

prisca, non tam honorata, non tam suburbana. quantum interesse uis ad rationem petendi? primum, utrum magis fauere putas Atinates, an Tusculanos suis? alteri (scire enim hoc propter uicinitatem facile possum) cum huius, ornatissimi, atque optimi uiri, Cn. Saturnini patrem ædilem, cum prætorem uiderunt, quod primus ille non modo in eam familiam, sed etiã in præfecturam illam sellam curulem attulisset, mirandum in modum lætati sunt: alteros (credo, quia refertum est municipium consularibus: nam maleuolos non esse certo scio) nunquam intellexi uehementius hospitum suorum honore lætari. habemus hoc nos, habent nostra municipia. quid ego de me, de fratre meo loquar? quorum honoribus agri prope dicam ipsi, montesque fauerunt. num aliquando uides Tusculanum aliquem de M. Catone illo, in omni uirtute principe, num de Ti. Coruncanio, municipe suo, num de tot Fabijs gloriari? uerbum nemo facit. at in quemcunque Arpinatem incideris, etiam si nolis, erit tamen tibi fortasse de nobis aliquid, aliquid & de C. Mario audiendum. Primum igitur hic habuit studia suorum ardentia: tutanta, quanta in hominibus iam saturatis honoribus esse potuerunt. deinde tui municipes sunt illi quidem splendidissimi homines, sed tamen pauci, siquidem cum Atinatibus conferantur: huius præfectura plena uirorum fortissimorum, sic, ut nulla tota Italia frequentior dici possit. quam quidem nunc multitudinem uidetis, iudices, in squalore, & luctu supplicem uobis. hi tot equites R. tot tri-

O R A T I O

buni ærarij (nam plebem a iudicio dimisimus , quæ
cuncta comitijs affuit) quid roboris , quid dignita-
tis huius petitioni attulerunt ? non enim tribum Te-
rentinam , de qua dicam alio loco , sed dignitatem ,
sed oculorum coniectum , sed solidam , & robustam ,
& assiduam frequentiam præbuerunt . iam municipi-
pia coniunctione etiam uicinitatis uehementer mo-
uentur . omnia , quæ dico de Plancio , dico expertus
in nobis : Sumus enim finitimi Atinatibus . laudan-
da est , uel etiam amanda uicinitas retinens ueterem
illum officij morem , non infuscata maleuolentia , non
assueta mendacijs , non fucata , non fallax , non eru-
dita artificio simulationis uel suburbano , uel etiam
urbano . nemo Arpinas non Plancio studuit , nemo
Soranus , nemo Casinas , nemo Aquinas : totus ille
tractus celeberrimus Venafranus , Alifanus , tota
denique nostra illa aspera , & montuosa , at fidelis ,
& simplex , & faultrix suorum regio se huius hono-
re ornari , se augeri dignitate arbitratur : iisdemq.
nunc a municipijs adsunt equites R. publice cum lega-
tionis testimonio ; nec minore nunc sunt solitudine ,
quàm tum erant studio . etenim est grauius spoliari
fortunis , quàm non augeri dignitate . Ergo ut alia
in te erant illustriora , Laterensis , quæ tibi maiores
tui reliquerant : sic te Plancius hoc non solum muni-
cipij , uerum etiam uicinitatis genere uincebat . nisi
forte te Lauicana , aut Bouillana , aut Gabina uici-
nitas adiuuabat : quibus e municipijs uix iam , qui
carnem Latinis petant , inueniuntur . Adiungam , si
uis ,

uis, id quod tu etiam huic obesse putas, patrem publicanum. qui ordo quanto adiumento sit in honore, quis nescit? flos enim equitum R. ornamentum civitatis, firmamentum reip. publicanorum ordine continetur. quis est ergo, qui neget, ordinis eius studium fuisse in honore Plancij singulare? neque iniuria: uel quod erat pater is, qui est princeps iam diu publicanorum: uel quod is ab socijs unice diligebatur: uel quod diligentissime rogabat: uel quia pro filio supplicabat: uel quia huius ipsius in illum ordinem summa officia quaesturae, tribunatusq. constabant: uel quod illi in hoc ornando ordinem se ornare, & consulere liberis suis arbitrabantur. aliquid praeterea: timide dico, sed tamen dicendum est: non enim opibus, non inuidiosa gratia, non potentia uix ferenda, sed commemoratione beneficij, sed misericordia, sed precibus aliquid attulimus etiam nos. appellavi populum: tribubus summi me, & supplicavi: ultro mehercules se mihi etiam offerentes, ultro pollicentes rogavi. ualuit causa rogandi, non gratia: nec, si uir amplissimus, cui nihil est quod roganti concedi non iure possit, de aliquo, ut dicis, non impetravit, ego sum arrogans, quod me ualuisse dico. nam, ut omittam illud, quod ego pro eo laborabam, qui ualebat ipse per sese; rogatio ipsa semper est gratiosissima, quae est officio necessitudinis coniuncta maxime. neque ego sic rogabam, ut petere uiderer, quia familiaris esset meus, quia uicinus, quia huius parente semper plurimum essem usus, sed ut qua-

O R A T I O

*si parenti, & custodi meo. non potentia mea, sed
 causa rogationis fuit gratiosa. nemo mea restitutio-
 ne letatus est, nemo iniuria doluit, cui non huius in
 me misericordia grata fuerit. etenim si ante reditum
 meum Cn. Plancio se uulgo uiri boni, cum hic tribu-
 natum peteret, ultro offerebant: cui nomen meum ho-
 nori fuisset, ei meas presentis preces non putas pro-
 fuisset? an Minturnenses coloni, quod C. Marium ci-
 uili errore, atque ex impijs manibus eripuerunt,
 quod tecto receperunt, quod fessum inedia, fluctibusq.
 recrearunt, quod uaticum congesserunt, quod navi-
 gium dederunt, quod eum linquentem terram eam,
 quam seruauerat, lacrymis uotisq. omnibus prosecu-
 ti sunt, aeterna in laude uersantur: Plancio, quod
 me, uel ui pulsum, uel ratione cedentem tempori, re-
 ceperit, iuuerit, custodierit, his, & senatui, popu-
 loq. R. ut haberent quod reducerent, conseruarit,
 honori hanc fidem, misericordiam, uirtutem fuisse mi-
 rararis? uitia mehercule res haec Cn. Plancij, de quibus
 dixi, tegere potuerunt; ne tu in ea uita, de qua iam
 dicam, tot & tanta adiumenta huic honori fuisse mi-
 rere. Hic est enim, qui adolescentulus cum A. Tor-
 quato profectus in Africam, sic ab illo grauissimo
 & sanctissimo, atque omni laude & honore dignis-
 simo uiro dilectus est, ut & contubernij necessitu-
 do, & adolescentuli modestissimi pudor postulabat.
 quod, si audisset, non minus ille declararet, quam
 hic, illius frater patruelis, & socer, T. Torquatus, illi
 omni uirtute & laude par: qui est quidem cum illo
 maximis*

P R
 maximis
 conuictus,
 no causse lea
 contubernali
 Q. Metelli.
 ueq. sit; om
 is ea provinc
 te, qua const
 is? qualem
 declarant. In
 eadem provin
 cia sic enim d
 sum: qui
 huius repenti
 hoc laborant
 caribus suis f
 mandata sua
 tantifacit, ne
 in parentum
 tere, officijs,
 fuit, non fort
 iure laudas,
 fuissent, me
 nus. Omitt
 te, cum sum
 primum ciu
 damentum
 deum, (no
 mat uero

maximis uinculis & propinquitatis, & affinitatis
coniunctus, sed ita magni amoris, ut illæ necessitudi-
nis causæ leues esse uideantur. Fuit in Creta postea
contubernalis Saturnini, propinqui sui, miles huius
Q. Metelli. quibus cum fuerit probatissimus, ho-
dieq. sit; omnibus esse se probatum debet sperare.
In ea prouincia legatus fuit C. Sacerdos, qua uirtu-
te, qua constantia uir? L. Flaccus, qui homo? qui ci-
uis? qualem hunc putent, assiduitate, testimonioq.
declariant. In Macedonia tribunus militum fuit: in
eadem prouincia postea quæstor. primum Macedo-
nia sic eum diligit, ut indicant hi principes ciuitatum
suarum: qui cum missi sint ob aliam causam, tamen
huius repentino periculo commoti huic assident, pro
hoc laborant; huic si præsto fuerint, gratius se ciui-
tatibus suis facturos putant, quàm si legationem, &
mandata sua confecerint. L. uero Appuleius hunc
tantifacit, ut morem illum maiorum, qui præscribit
in parentum loco quæstoribus suis prætores esse opor-
tere, officijs, beneuolentiaq. superarit. Tribunus pl.
fuit, non fortasse tam uehemens, quàm isti, quos tu
iure laudas, sed certe talis, quales si omnes semper
fuissem, nunquam desideratus uehemens esset tribu-
nus. Omitto illa, quæ si minus necessaria sunt, at cer-
te, cum sunt prolata, laudantur: ut uiuat cum suis,
primum cum parente, (nam meo iudicio pietas fun-
damentum est omnium uirtutum) quem ueretur ut
deum, (neque enim multo secus parens liberis) a-
mat uero ut sodalem, ut fratrem, ut æqualem. quid di-

cam

O R A T I O

eam cum patruo? cum affinibus? cum propinquis?
 cum hoc Cn. Saturnino, ornatissimo uiro? cuius quan-
 tam honoris huius cupiditatem fuisse creditis, cum ui-
 deatis luctus societatem? Quid de me dicam? qui mi-
 hi in huius periculo reus esse uideor. Quid de his tot
 uiris talibus, quos uidetis ueste mutata? atqui hæc
 sunt indicia solida, iudices, & expressa, hæc signa
 probitatis, non fucata forensi specie, sed domesticis
 inusta notis ueritatis. facilis est illa occuratio, &
 blanditia popularis: adspicitur, non attrectatur: pro-
 cul apparet, non excutitur, non in manus sumitur.
 Omnibus igitur rebus ornatum hominem, quem ex-
 ternis, quem domesticis non nullis rebus inferiorem
 quam te, generis & nominis dico, superiorem alijs,
 municipum, uicinorum, societatum studio, tempo-
 rum meorum memoria, patris uirtute, integritate,
 modestia, adilem factum esse miraris? hunc tu uitæ
 splendorem maculis adspergis istis? iacis adulteria,
 quæ nemo non modo nomine, sed ne suspitione quidem
 possit agnoscere? maritum appellas, ut uerba fingas,
 non solum crimina. ductum esse ab eo in prouinciam
 aliquem dicis libidinis caussa: quod non crimen est,
 sed impudicum in maledicto mendacium. raptam es-
 se mimulam. quod dicitur Atinæ factum a iuvene,
 uetere quodam in senicos iure, maximeq. oppidano.
 o adolescentiam traductam eleganter, cui quidem
 cum, quod licuerit, obijciatur, tamen id ipsum fal-
 sum reperiatur. Emissus aliquis e carcere. & qui-
 dem emissus, ut cognostis, necessarij hominis, opti-
 miq.

P R O
 niq. adolese
 hi requisitus
 maledicta me
 at, integritate
 obesse filio deb
 na probitate,
 pater ut in dir
 uis uiris obe
 iudicissimus,
 clementes inu
 communi sensu
 uaturæ. sed
 primæ uetust
 ne, ut maiore
 nam in præse
 dignitatis,
 us P. Craffi
 res, equites
 princeps inter
 & iustissimus
 son, plurima
 quam repre
 is oberit bon
 tum, & alie
 na possit? A
 quando. imm
 non est ferre
 libertatem
 mos? ubi il

miq. adolescentis rogatu . idem postea præ manda-
tis requisitus . atque hæc , nec ulla alia , sunt coniecta
maledicta in eius uitam , de cuius uos pudore , religio-
ne , integritate dubitetis . Pater uero , inquit , etiam
obesse filio debet . O uocem duram , atque indignam
tua probitate , Laterensis . pater ut in iudicio capitis ,
pater ut in dimicatione fortunarum , pater ut apud
tales uiros obesse filio debeat ? qui si esset turpissimus ,
sordidissimus , tamen ipso nomine patrio ualeret apud
clementes iudices , & misericordes , ualeret , inquit ,
communi sensu omnium , & dulcissima commendatio-
ne naturæ . sed cum sit Cn. Plancius is eques R. ea
primum uetustate equestris ordinis , ut pater , ut a-
uus , ut maiores eius omnes equites R. fuerint , sum-
mum in præfectura florentissima gradum tenuerint
& dignitatis , & gratiæ ; deinde , ut ipse in legioni-
bus P. Crassi imperatoris inter ornatissimos homi-
nes , equites R. summo splendore fuerit ; ut postea
princeps inter suos , plurimarum rerum sanctissimus ,
& iustissimus iudex , maximarum societatum au-
ctor , plurimarum magister : si non modo in eo nihil
unquam reprehensum , sed laudata sunt omnia , tamē
is oberit honestissimo filio pater , qui uel minus hone-
stum , & alienum tueri uel auctoritate sua , uel gra-
tia possit ? Asperius , inquit , locutus est aliquid ali-
quando . immo fortasse liberius . at id ipsum , inquit ,
non est ferendum . ergo hi ferendi sunt , qui queruntur
libertatem equitis R. se ferre non posse ? ubinam ille
mos ? ubi illa æquitas iuris ? ubi illa antiqua liber-
tas ,

O R A T I O

tas, quæ malis oppressa ciuilibus extollere iam ca-
put, & aliquando recreata se erigere debebat? equi-
tum ego R. etiam in homines nobilissimos maledi-
cta, publicanorum in Q. Scæuolam, uirum omni-
bus ingenio, iustitia, integritate præstantem, aspe-
re, & ferociter, & libere dicta commemorem? con-
suli P. Nasicæ præco Granius medio in foro, cum il-
le, edicto iustitio, domum descendens rogasset Gra-
nium, quid tristis esset, an quod auctiones essent; im-
mo uero, inquit, quod legiones. idem tribuno pl. po-
tentissimo homini, M. Druso, sed multa in rep. mo-
lienti, cum ille eum salutasset, ut sit, dixisset quæ,
quid agis Grani? respondit, immo uero tu Druse quid
agis? ille L. Crassi, ille M. Antonij uoluntatem a-
superioribus facetijs sæpe perstrinxit impune. nunc us-
que eò oppressa uestra arrogantia ciuitas est, ut, quæ
fuit olim præconi in ridendo, nunc equiti R. in ploran-
do non sit concessa libertas. quæ enim unquam fuit
Plancio uox contumeliæ potius, quàm doloris? quid
est autem unquam questus, nisi cum a socijs, & a se
iniuriam propulsaret? cum senatus impediretur, quo-
minus, id quod hostibus semper erat tributum, respon-
sum equitibus R. redderetur. omnibus illa iniuria do-
lori publicanis fuit: sed eum ipsum dolorem hic tulit
paullo apertius. communis ille sensus in alijs fortasse
latuit: hic, quod cum ceteris animo sentiebat, id ma-
gis, quàm ceteri, & uultu promptum habuit, & lin-
gua. quanquam, indices, (agnosco enim ex me)
permulta in Plancium, quæ ab eo nunquam dicta
sunt,

P R
sunt, confer
non studio ac
cessus; &
quid, si non p
con: quod qu
tem, si quid e
homine ingen
fomachor ue
conferantur
Necanis, tu
ni per popula
delisset: si in
quis non rade
atrum id fort
bus? si fortis
splendor etia
per ordinis
causam: in
foditiss, on
enim quidqu
ces, es secut
ulla in re, na
rem senatus
accusatore
ceteras can
ne fieri mo
genus ace
præterio
sa est, an

sunt, conferuntur. ego quia dico aliquid aliquando non studio adductus, sed contentione dicendi, aut la-
cessitus; & quia, ut sit in multis, exit aliquando ali-
quid, si non perfacetum, attamen fortasse non rusti-
cum: quod quisque dixit, me id dixisse dicunt. ego au-
tem, si quid est, quod mihi scitum esse uideatur, &
homine ingenuo dignum, atque docto, non aspernor;
stomachor uero, cum aliorum non me digna in me
conferuntur. Nam quod primus sciuit legem de pu-
blicanis, tum cum uir amplissimus consul id illi ordi-
ni per populum dedit, quod per senatum, si licuisset,
dedisset: si in eo crimen est, quia suffragium tulit;
quis non tulit publicanus? si, quia primum sciuit;
utrum id sortis esse uis, an eius, qui illam legem fere-
bat? si sortis; nullum crimen est in casu: si consulis;
splendor etiam Plancij, hunc a summo uiro princi-
pem ordinis iudicatum. Sed aliquando ueniamus ad
causam: in qua tu, nomine legis Liciniae, quae est de
sodalitijs, omnes ambitus leges complexus es. neque
enim quidquam aliud in hac lege, nisi editicios iudi-
ces, es secutus. quod genus iudiciorum si est æquum
ulla in re, nisi hac tribuaria: non intelligo, quamob-
rem senatus hoc uno in genere tribus edi uoluerit ab
accusatore, neque eandem editionem transtulerit in
ceteras causas; de ipso denique ambitu, de reiectio-
ne fieri uoluerit iudicium alternorum; cumq. nullum
genus acerbitalis prætermitteret, hoc tamen unum
prætereundum putarit. quid? huius rei obscura caus-
sa est, an & agitata, cum ista in senatu res ageba-
tur,

tur, & disputata hesternò die copiosius a Q. Hortensio? cui tum est senatus assensus. hoc igitur sensimus: cuiuscunque tribus largitor esset, & per consensionem magistratuum, quæ honeste sodalitas nominatur, quam quisque tribum turpi largitione corrumpere, eum maxime ijs hominibus, qui eius tribus essent, esse notum. ita putavit senatus, cum reo tribus ederentur eæ, quas is largitione deuinctas haberet, eosdem fore testes, & iudices. acerbum omnino genus iudicii: sed tamen, si uel sua, uel ea, quæ maxime esset cuique coniuncta, tribus ederetur, uix recusandum. tu autem Laterensis quas tribus edidisti? Terentinam, credo. fuit certe id æquum, & certe expectatum est, & fuit dignum constantia tua. cuius tu tribus uenditorem, & corruptorem, & sequestrem Plancium fuisse clamitas, eam tribum profecto, seuerissimorum præsertim hominum & grauissimorum, edere debuisti. aut Volitiniâ. libet enim tibi, nescio quid etiam de illa tribu criminari. hanc igitur ipsam cur non edidisti? quid Plancio cum Lemonia? quid cum Veientina? quid cum Crustumina? nam tertiam etiam, non quæ iudicaret, sed quæ reijceretur, esse uoluisti. dubitatis igitur iudices, quin uos M. Laterensis suo iudicio non ad sententiam legis, sed ad suam spem aliquam de ciuitate delegerit? dubitatis, quin eas tribus, in quibus magnas necessitudines habet Plancius, cum ille non ediderit, iudicarit officijs ab hoc obseruatas, non largitione? quid enim potest dicere, cur ista editio non summam habeat acerbitatem,

tem, remota ratione illa, quam in decernendo secuti
sumus? tu deligas ex omni populo aut amicos tuos,
aut inimicos meos, aut denique eos, quos inexorabi-
les, quos inhumanos, quos crudeles existimes? tu, me
ignaro, nec opinante, inscio, notes & tuos, & tuo-
rum necessarios, uel iniquos meos, uel etiam defenso-
rum meorum? eodemq. adiungas, quos natura pu-
tes asperos, atque omnibus iniquos? deinde effundas
repente, ut ante confessum eorum iudicium uideam,
quam potuerim, qui essent futuri, suspicari? apud
eosq. me, ne quinque quidem reiectis, quod in proxi-
mo reo de consilij sententia constitutum est, cogas
causam de fortunis omnibus dicere? non enim, si aut
Plancius ita uixit, ut offenderet sciens neminem;
aut tu ita errasti, ut eos ederes imprudēs, ut nos, in-
uito te, tamen ad iudices, nō ad carnifices ueniremus;
iccirco ista editio per se non acerba est. an uero nuper
clarissimi ciues nomen editi iudicis non tulerunt, cum
ex CXXV iudicibus, principibus equestris ordinis,
quinque & LXX reus reijceret, L referret; omniaq.
potius permiscuerunt, quam ei legi, condicioniq. pa-
rerent: nos neque ex delectis iudicibus, sed ex omni
populo, neque editos ad reijciendum, sed ab accusato-
re constitutos iudices ita feremus, ut neminem reij-
ciamus? neque ego nunc legis iniquitatem queror,
sed factum tuum a sententia legis doceo discrepare:
& illud acerbum iudicium, si, quemadmodum sena-
tus censuit, populusq. iussit, ita fecisses, ut in hunc
& suam, & ab hoc obseruatas ederent, non modo

non

O R A T I O

non quererer, sed hunc, iudicibus editis, qui testes ij-
dem esse possent, absolutum putarem. neque nunc
multo secus existimo. cum enim has tribus edidisti,
ignotis te iudicibus uti malle, quàm notis, iudicau-
isti; fugisti sententiam legis, æquitatem omnem reie-
cisti; in tenebris, quàm in luce, causam uersari ma-
luisti. Volitinia tribus ab hoc corrupta. Terentinam
habuerat uenalem. quid diceret apud Volitinien-
ses, aut tribules suos iudices? immo uero tu quid dice-
res? quem iudicem ex illis aut tacitum testem habe-
res, aut uero etiam excitares? etenim si reus tribus
ederet, Volitiniam fortasse Plancius propter uicini-
tatem, ac necessitudinem suam non edidisset? & si
quæstor edendus fuisset, quem tandem potius, quàm
hunc C. Alfium, quem habet, cui notissimus esse de-
bet, uicinum, tribulem, grauissimum hominem, ius-
tissimumque, edidisset? cuius quidem æquitas, &
meæ similis uoluntas erga Cn. Panti salu-
tem, quam ille sine ulla cupiditatis suspitione præ se fert, facile
declarat, non fuisse fugiendum tribulem huic iudi-
cem, cui quæstorem tribulem exoptandum fuisse ui-
deatis. neque ego nunc consilium reprehendo tuum,
quòd non eas tribus, quibus hic maxime notus erat,
edideris: sed a te doceo consilium non seruatum sena-
tus. etenim quis te tum audiret illorum? aut quid di-
ceres? sequestrum ne Plancium? respuerent aures,
nemo agnosceret, repudiaretur. an gratiosum? illi
libenter audirent, nos non timide confiteremur. noli
enim putare, Laterësis, legibus istis, quas senatus de
ambitu

ambitu sancire uoluerit, id esse actum, ut suffragatio,
ut obseruantia, ut gratia tolleretur. semper fuerunt
boni uiri, qui apud tribules suos gratiosi esse uellent.
neque uero tam durus in plebem noster ordo fuit, ut
eam coli nostra modica liberalitate noluerit: neque
hoc liberis nostris interdicendum est, ne obseruent
tribules suos, ne diligant, ne reficere necessarijs suis
suam tribum possint, ne par ab his munus in sua peti-
tione respectent. hæc enim plena sunt officij, plena ob-
seruantia, plena etiam antiquitatis. isto in genere
& fuimus ipsi, cum ambitionis nostra tempora postu-
labant, & clarissimos uiros esse uidimus, & hodie
esse uidemus quamplurimos gratiosos. Decuriatio tri-
bulium, descriptio populi, suffragia largitione deuin-
cta seueritatem senatus, & bonorum omnium uim,
ac dolorem excitarunt. hæc doce, hæc profer, huc in-
cumbe Laterensis, decuriasse Plancium, conscripsis-
se, sequestrem fuisse, pronunciaffe, diuissse: tum mi-
rabor te ijs armis uti, quæ tibi lex dabat, noluisse. tri-
bulibus enim iudicibus, non modo seueritatem illo-
rum, si ista uera sunt, sed ne uultus quidem ferre pos-
semus. hanc turationem cum fugeris; cumq. hos iu-
dices habere nolueris, quorum in huius delicto cum
scientia certissima, tum dolor grauissimus esse debue-
rit: quid apud hos dices, qui abs te taciti requirunt,
cur hoc sibi oneris imposueris, cur se potissimum de-
legeris, cur denique se diuinare malueris, quàm eos,
qui scirent, iudicare? Ego Plancium, Laterensis,
ipsum gratiosum esse dico, & habuisse in petiti-

Pp ne

O R A T I O

ne multos cupidos sui gratiosos . quos tu si sodales uocas ; officiosam amicitiam nomine inquinās criminoso . sin quia gratiosi sunt , accusandos putas : noli mirari te id , quod tua dignitas postularit , repudiandis gratiosorum amicitijs non esse affecutum . Iam ut ego doceo gratiosum esse tribulibus Plancium , quod multis benigne fecerit , pro multis spononderit , in operas plurimos patris auctoritate , & gratia miserit , quod denique omnibus officijs per se , per patrem , per maiores suos totam Atinatem praefecturam comprehenderit : sic tu doce sequestrem fuisse , largitum esse , conscripsisse , tribules decuriauisse . quod si non potes ; noli tollere ex ordine nostro liberalitatem ; noli maleficio putare esse gratiam ; noli obseruantiam sancire poena . itaque haesitantem te in hoc sodalitorium tribuario crimine ad communem ambitus caussum cōtulisti . in qua desinamus aliquando , si uidetur , uulgari , & peruagata declamatione contendere . sic enim tecum ago . quam tibi commodum est , unam tribum delige tu : doce id , quod debes , per quem sequestrem , quo diuifore corrupta sit : ego , si id facere non potueris , quod , ut opinio mea fert , ne incipies quidem ; per quem tulerit , docebo . est ne hāc uera contentio ? placet ne sic agi ? non possum magis pedem cōferre , ut aiunt , aut propius accedere . quid taces ? quid dissimulas ? quid tergiversaris ? etiam atque etiam insto , atque urgeo , insector , posco , atque adeo flagito crimen . quamcunque tribum , inquam , delegeris , quam tulerit Plancius ; tu ostendito , si poteris , uictum ;

tium; ego, qua ratione tulerit, docebo. nec erit hæc alia ratio Plancio, ac Laterensi. nam ut, quas tribus tu tulisti, si iam ex te requiram, possis, quorum studio tuleris, explicare: sic ego hoc contendo, me tibi ipsi aduersario, cuiuscunque tribus rationem poposceris, redditurum. Sed cur ego sic ago? quasi non comitijs iam superioribus sit Plancius designatus ædilis. quæ comitia primum habere cæpit consul, tum omnibus in rebus summa auctoritate, tum harum ipsarum legum ambitus auctor: deinde habere cæpit subito, præter opinionem omnium: ut, ne si cogitasset quidem quispiam largiri, daretur spatium comparandi. uocat æ tribus, latum suffragium, descriptæ, renuntiata. longe plurimum ualuit Plancius. nulla largitionis nec fuit, nec esse potuit suspicio. an tandem una centuria prærogata tantum habet auctoritatis, ut nemo unquam prior eam tulerit, quin renunciatus sit: tu aut his ipsis comitijs consularibus, aut certe in illum annum ædilem Plancium factum miraris, in quo non exigua pars populi, sed uniuersus populus uoluntatem suam declararit, cuius in honore non unius tribus pars, sed comitia tota comitijs fuerint prærogata? quo quidem tempore si id Laterensis facere uoluisses, aut si grauitatis esse putasses tuæ, quod multi nobiles sæpe fecerunt, ut, cum minus ualuisent suffragijs, quàm putassent, postea, prolatis comitijs, prosternerent se, & populo R. fracto animo atque humili supplicarent: non dubito, quin omnis ad te conuersura se fuerit multitudo. nuquam

Tp 2 enim

enim nobilitas, integra præsertim, atque innocens,
 a populo R. supplex repudiata fuit. sed si tibi graui-
 tas tua, & magnitudo animi pluris fuit, sicut esse
 debuit, quàm ædilitas: noli, cum habeas id, quod
 malueris, desiderare id, quod minoris putaris. equi-
 dem primum, ut honore dignus essem, maxime sem-
 per laboravi: secundo, ut existimarer: tertium mihi
 fuit illud, quod plerisque primum est, ipse honos: qui
 ijs denique debet esset iucundus, quorum dignitati po-
 pulus R. testimonium, non beneficium ambitioni de-
 dit. Quæris etiam Laterensis, quid imaginibus tuis,
 quid ornatissimo, atque optimo uiro, patri tuo respon-
 deas mortuo? noli ista meditari; atque illud caue po-
 tius, ne tua ista querela, dolorq. nimius ab illis sapien-
 tissimis uiris reprehendatur: uidit enim pater tuus,
 Ap. Claudium, nobilissimum hominem, uiuo patre
 suo, potentissimo & clarissimo ciue, C. Claudio, ædi-
 lem non esse factum, & eundem sine repulsa factum
 esse consulem: uidit, hominem sibi maxime coniun-
 ctum, egregium uirum, L. Volcatium, uidit, M. Pi-
 sonem, in ista ædilitate offensiuncula accepta, sum-
 mos a populo R. esse honores adeptos. auus uero tuus
 & P. Nasica tibi ædiliciam predicaret repulsam,
 quo ciue neminem ego statuo in hac rep. fortio-
 rem; et C. Marij, qui, duabus ædilitatis acceptis repulsis, se-
 pties consul est factus; & L. Caesaris, Cn. Octauij,
 M. Tullij, quos omnes scimus, ædilitate præteritos,
 consules esse factos. Sed quid ego ædilicias repulsas
 colligo? quæ sæpe eiusmodi habitæ sunt, ut ijs, qui
 præte-

præterito
 Tribunus
 & eloquen-
 tissimus ad
 Pindarus. C.
 tamen omni-
 tro pater, &
 deceret, me
 tu ueretur,
 sum iustum &
 cohortentur
 deinde dicitur
 quod accidit
 in uirtute
 magnam quæ
 de qua, me
 me adoleſce-
 tu quidem,
 peritur, quo
 postulabat,
 tate multos
 max offendit
 co dimissum
 uentem na-
 ment a dicit
 ista sit, qui
 eius & am-
 sent & cur
 cur, i. n.

præteriti essent, benigne a populo factum uideretur. Tribunus militum L. Philippus, summa nobilitate, & eloquentia, quæstor Q. Cælius, clarissimus, ac fortissimus adolescens, tribuni pl. P. Rutilius Rufus, C. Fimbria, C. Cassius, Cn. Orestes facti non sunt: quos tamen omnes consules factos scimus esse. quæ tibi ultro pater, & maiores tui non consolandi tui gratia dicerent, neque uero quo te liberent aliqua culpa, quæ tu uereris, ne a te suscepta uideatur; sed ut te ad cursum istum tenendum, quem a prima ætate suscepisti, cohortentur. nihil est enim, mihi crede Laterensis, de te detractum: detractum dico? si mehercules uere, quod accidit, interpretari uelis, est aliquid etiam de uirtute significatum tua. noli enim existimare, nõ magnum quendam motum fuisse illius petitionis tuæ, de qua, ne aliquid iurares, destitisti denunciaſti homo adolescens, quid de summa reip. sentires; fortius tu quidem, quàm non nulli defuncti honoribus; sed apertius, quàm uel ambitionis, uel ætatis tuæ ratio postulabat. quamobrem in dissentiente populo noli putare nullos fuisse, quorum animos tuus ille fortis animus offenderet: qui te incautum fortasse nunc tuo loco dimouere potuerunt, prouidentem ante, & præcauentem nunquam certe mouebunt. An te illa argumenta duxerunt? dubitabis, inquit, quin coitio facta sit, cum tribus plerasque cum Plotio tulerit Plancius? an una fieri potuerunt, si una tribus non tulissent? cum non nullas punctis pæne totidem: quippe cum iam facti prope superioribus comitijs, declara-

T p 3 que

O R A T I O

tiq̃ue, uenissent. quanquam ne id quidem suspicionem
coitionis habuerit. neque enim unquam maiores no-
stri sortitionem constituissent adiliciam, nisi uiderent
accidere posse, ut competitores pares suffragijs essent.
Et ais, prioribus comitijs Aniensem a Plotio, Te-
rentinam a Plancio tibi esse concessam; nunc ab utro
que eas auulsas, ne in angustum uenirent. Quàm con-
uenit, non dum cognita populi uoluntate, hos, quos
iam tum coniunctos fuisse dicis, iacturam suarum tri-
buum, quo uos adiuuaremini, fecisse; eosdem, cum
iam essent experti quid ualerent, restrictos, & tena-
ces fuisse? etenim uerebantur, credo, angustias: qua-
si res in contentionem, aut in discrimen aliquod pos-
set uenire. sed tamen tu an Plotium uirum ornatissi-
mum, in idem crimen uocandum iudicas? an dicis eũ
te arripuisse, a quo non sis rogatus? Nam quod que-
stus es, plures te testes habere de Volitinia, quàm
quot in ea tribu puncta tuleris: indicas, aut eos testes
te adducere, qui, quia nummos acceperint, te prate-
rierint; aut te ne gratuita quidem eorum suffragia tu-
lisse. Illud uero crimen de nummis, quos in circo Fla-
minio deprehensos esse dixisti, caluit re recenti, nunc
in caussa refrixit. neque enim, qui illi nummi fue-
rint, nec quæ tribus, nec qui diuisor, ostenderis. at-
que is quidem adductus ad consules, qui tum in cri-
men uocabatur, se inique a tuis iactatum, grauiter
querebatur. qui si erat diuisor, præsertim eius, quem
tu habeas reum: cur abs te reus non est factus? cur nõ
eius damnatione aliquid ad hoc iudicium præiudicij
compa-

P
eomparat
dis. alia t
mendi ex
gratia: ma
res laudis
ter, optimus
libertatis u
reorum om
bitu dicant
uis, aut gr
eam causam
tur. quibus
re pristino
effigere, qu
necesse est me
tis; & quod
hes uideo pa
prudencia al
tis. illud uero
dices, cum ho
culi caussa,
perfoq. serm
tetis. multi
iniqui, mal
inuidi mult
quàm male
tius excip
fontem male
letis, unqu

comparasti? sed neque tu habes hæc, neque eis confi-
dis. alia te ratio, alia cogitatio ad spem huius oppri-
mendi excitauit. magnæ sunt in te opes: late patet
gratia: multi amici, multi cupidi tui, multi fauto-
res laudis tuæ: multi huic inuident: multis etiam pa-
ter, optimus uir, nimium retinens equestris iuris, &
libertatis uidetur: multi etiam communes inimici
reorum omnium: qui ita semper testimonium de am-
bitu dicunt, quasi aut moueant animos suis testimo-
nijs, aut gratum populo R. sit, aut ab eo facilius ob-
eam causam dignitatem, quam uolunt, consequan-
tur. quibuscunque me, iudices, pugnantem meo mo-
re pristino non uidebitis: non quod fas sit quidquam
effugere, quod salus Plancij postulet: sed quia neque
necesse est me id persequi uoce, quod uos mente uidea-
tis; & quod ita de me meriti sunt illi ipsi, quos ego te-
stes uideo paratos, ut eorû reprehensionem uos uestre
prudentiæ assumere, meæ modestiæ remittere debeat-
is. illud unum uos magnopere oro, atque obsecro, iu-
dices, cum huius, quem defendo, cum communis peri-
culi causâ, ne fietis auditionibus, ne disseminato di-
ssersoq. sermoni fortunas innocentium subiiciendas pu-
tetis. multi amici accusatoris, non nulli etiam nostri
iniqui, multi cõmunes obtrectatores, atque omnium
inuidi multa finxerunt. nihil est autem tam uolucres,
quàm maledictum: nihil facilius emittitur, nihil ci-
tius excipitur, nihil latius dissipatur. neque ego, si
fonte maledicti reperietis, ut negligatis, aut dissimu-
letis, unquam postulabo: sed, si quid sine capite mana-

Pp 4 bit,

O R A T I O

bit, aut si quid erit eiusmodi, ut non extet auctor, qui audierit; aut ita negligens uobis esse uidebitur, ut unde audierit, oblitus sit; aut ita leuem habebit auctorem, ut memoria dignum non putarit; huius illa uox uulgaris auditu ne quid reo innocenti noceat, oramus. Sed uenio iam ad L. Cassium, familiarem meum: cuius ex oratione ne illum quidem Iuuentium tecum ex postulauit, quem ille, omni & uirtute, & humanitate ornatus adolescens, primum de plebe ædilem curulem factum esse dixit. in quo, Cassi, si ita tibi respondeam, nescisse id populum R. neque fuisse, qui id nobis narret, præsertim mortuo Longino; non, ut opinor, admirere; cum ego ipse, non abhorrens a studio antiquitatis, me hic id ex te primum audisse confitear. & quoniam tua fuit perelegans, ac persubtilis oratio, digna equitis R. uel studio, uel pudore; quoniamq. sic ab his es auditus, ut magnus honos & ingenio, & humanitati tuæ tribueretur: respondebo ad ea, quæ dixisti: quæ pleraque de ipso sine fuerunt: in quibus ipsi aculei, si quos habuisti in me reprehendendo, tamen mihi non ingrati acciderunt. Quæsisisti, utrum mihi putarem, equitis R. filio, faciliorem fuisse ad adipiscendos honores uiam, an futuram esse filio meo, qui esset familia consulari? Ego uero, quanquam illi omnia malo, quam mihi, tamen illi honorum aditus nunquam faciliores optaui, quam mihi fuerunt: quin etiam, ne forte ille sibi me potius peperisse iam honores, quam iter demonstrasse adipiscendorum putet, hæc illi soleo præci-

F R
præcipere
n, quæ ille
dum est sen
tera. quæ no
git gravis il
los regios pa
& nostros li
Quæris, qui
on. Scipioni
tuffet; sed b
etenim hono
mis sunt para
at M. Curio
quis Africo
quis Africo
honorum gra
tate multas a
quæ uirtutis e
si consulari
re consecuti
cinam parte
quam sic egre
amplius, si
regio libera
sic igitur P
tribunus pl
tus. sed ha
consecuti.
Marij; &

præcipere, quanquam ad præcepta ætas non est gna-
ti, quæ ille a Ioue ortus suis præcepit filiis: *Vigilan-*
dum est semper: multæ insidiæ sunt bonis. nostis ce- *
tera. quæ non ne id, quod multi inuideant. quæ scri-
pfit grauis ille & ingeniosus poeta, scripsit, non ut il-
los regios pueros, qui iam nusquam erant, sed ut nos,
& nostros liberos ad laborem, & laudem excitaret.
Quæris, quid potuerit amplius assequi Plancius, si
Cn. Scipionis fuisset filius? magis ædilis fieri non po-
tuiisset; sed hoc præstare, quod ei minus inuideretur.
etenim honorum gradus summis hominibus, & infi-
mis sunt pares, gloriæ dispares. quis nostrum se di-
cit M. Curio, quis C. Fabricio, quis P. Duilio paræ?
quis Atilio Calatino? quis Cn. & P. Scipionibus,
quis Africano, Marcello, Maximo? eosdem sumus
honorum gradus, quos illi, assecuti. est enim in uir-
tute multis adscensus, uti is gloria maxime excellat,
qui uirtute plurimum præstet. honorum populi finis
est consulatus: quem magistratum iam octingenti fe-
re consecuti sunt. horum, si diligenter quæras, uix de
cimam partem reperiis gloria dignam. sed nemo un-
quam sic egit, ut tu: cur iste fit consul? quid potuit
amplius, si L. Brutus esset, qui ciuitatem dominatu
regio liberauit? honore nihil amplius, laude multû.
sic igitur Plancius nihilo minus quæstor est factus, et
tribunus pl. & ædilis, quàm si esset summo loco na-
tus. sed hæc, pari loco orti, sunt innumerabiles alij
consecuti. Profers triumphos Ti. Gracchi, & C.
Marij; & quæris, quid simile in Plancio. Quasi ue-

ro

O R A T I O

ro isti, quos commemoras, propterea magis laude fuerint digni, quòd triumpharunt, & non quia commissi sunt ijs magistratus, in quibus re bene gesta triumpharent. Rogas, quæ castra uiderit: qui & miles in Creta, Metello hoc imperatore, & tribunus in Macedonia militum fuerit, & quæstor tantum ex re militari detraxerit temporis, quantum in me custodiendum transferre maluerit. Quæris, num disertus. Immo, id quod secundum est, ne sibi quidem uidetur. Num iurisconsultus. Quasi quisquam sit, qui sibi hunc falsum de iure respondisse dicat. omnes enim istiusmodi artes in ijs reprehenduntur, qui, cum professi fuerint, satisfacere non possunt; non in ijs, qui abfuisse ab istis studijs consentunt. uirtus, probitas, integritas in candidato, non linguæ uolubilitas, non ars, non scientia, requiri solet. ut nos in mancipijs parandis, quamuis frugi hominem si pro fabro, aut pro textore emimus, ferre moleste solemus, si eas artes, quas in emendo secuti sumus, forte nesciuerit; sin autem emimus, quem uillicum imponeremus, quem pecori præficeremus, nihil in eo, nisi frugalitatem, laborem, uigilantiam, esse curamus: sic populus R. deligit magistratus, quasi reip. uillicos: in quibus si qua præterea est ars, facile patitur; sin minus, uirtute eorum, & innocentia contentus est. quotus enim quisque disertus? quotus quisque iuris peritus est? ut eos numeres, qui uolunt esse. quòd si præterea honore dignus nemo: quidnam tot optimis, & ornatissimis ciuibus est futurum? Iubes Plancium de uitijs

Laterensis

P R O
Laterensis
tracundum
laudibus, fac
ad iudicium
din dicere, qu
fieri. atqui n
ornamenta ef
numeres; al
Præneste feci
corat? Cyren
focios fuisse. q
tur, ut iux ea,
ueretur, ne mal
de quaestura m
tamen enim me
tror, ut non ita
perendum. sed
ure, uilius in S
dariores fuisse
exiliam abam;
nisi de quaestura
tate maximum
comas, mercede
focios abstinent
ligentissimus:
nores inauditi
pulum R. ult
cum casu dieb
prouincia T

Laterensis dicere . nihil potest : nisi eum nimis in se iracundum putabis fuisse . Idem effers Laterensem laudibus . facile patior id te agere multis uerbis , quod ad iudicium non pertineat ; & id te accusantem tam diu dicere , quod ego defensor sine periculo possim confiteri . atqui non modo confiteor summa in Laterense ornamenta esse ; sed te etiam reprehendo , quod ea non enumeres ; alia quaedam inania , & leuia conquiras : Præneſte fecisse ludos . quid ? alij quæstores non ne fecerunt ? Cyrenis liberalem in publicanos , iustum in socios fuisse . quis negat ? sed ita multa Romæ geruntur , ut uix ea , quæ fiunt in prouincijs , audiantur . Non uereor , ne mihi aliquid , iudices , uidear arrogasse , si de quæstura mea dixerò . quamuis enim illa floruerit : tamen eum me postea fuisse in maximis rebus arbitrator , ut non ita mihi multum sit ex quæsturæ laude repetendum . sed tamen non uereor , ne quis audeat dicere , ullius in Sicilia quæsturam aut gratiorem , aut clariorem fuisse . uere me hercules hoc dicam . sic tum existimabam ; nihil homines unquam aliud Romæ , nisi de quæstura mea , loqui . frumenti in summa caritate maximum numerum miseram : negotiatoribus comis , mercatoribus iustus , municipibus liberalis , socijs abstinens , omnibus eram uisus in omni officio diligentissimus : excogitati quidam erant a Siculis honores inauditi : itaque hac spe decedebam , ut mihi populum R . ultro omnia delaturum putarem . at ego , cum casu diebus ijs , itineris faciendi causa , decedens e prouincia Puteolos forte uenisssem , cum plurimi & lautissimi

O R A T I O

laurissimi solent esse in ijs locis; concidi pæne, iudices, cum ex me quidam quæssisset, quo die Roma exissem; & nunquid in ea esset noui. cui cum respondissem, me e provincia decedere: etiam mehercules, inquit, ut opinor ex Africa. huic ego iam stomachans fastidiose, immo ex Sicilia, inquam. tum quidam, quasi qui omnia sciret, quid? tu nescis, inquit, hunc Syracusis quæstorem fuisse? quid multa? destiti stomachari, & me unum ex ijs feci, qui ad aquas uenissent. sed ea res, iudices, haud scio an plus mihi profuerit, quam si mihi tum essent omnes congratulati. nam postea quam sensi populum R. hebetiores, oculos acres, atque acutos habere: destiti, quid de me audituri essent homines, cogitare: feci, ut postea quotidie me præsentem uiderent: habitauit in oculis: pressi forum: neminem a congressu meo neque ianitor meus, neque somnus absterruit. ecquid ego dicam de occupatis meis temporibus, cui fuerit ne otium quidem unquam otiosum? nam quas tu commemoras, Cassi, legere te solere orationes, cum otiosus sis; has ego scripsi ludis, & ferijs, ne omnino unquam essem otiosus. etenim M. Catonis illud, quod in principio scripsit Originum suarum, semper magnificum, & præclarum putauit, clarorum uirorum, atque magnorum non minus otij, quam negotij rationem extare oportere. ita si quam habeo laudem; quæ quanta sit, nescio; parta Romæ est, quæ sita in foro: mea q. priuata consilia publici quoque casus comprobauerunt, ut etiam summa resp. mihi domi fuerit gerenda, &

arbs

P R

arbs in ar
nita Latere
hoc facillor
me natus ne
commendati
cum; tam
cessare. no
rabo: ut mal
mies, ual
qstuarior
rini cossem
Cassi, non p
bus, quod
tere bonis
debeo, boni
si meo nomi
me malis d
me com ur
nenerit, hoc
dissoluer
& gratia
habet id, q
alienum: g
qui habet
nunc Plan
nus ei rede
cidisset. Q
mihi est c
bil potes

urbs in urbe seruanda. Eadem igitur, Cassi, uia mun-
 dita Laterensi est, idem uirtutis cursus ad gloriam,
 hoc facilius fortasse, quod ego huc a me ortus, & per
 me nixus adscendi, istius egregia uirtus adiuuabitur
 commendatione maiorum. Sed ut redeam ad Plan-
 cium; nunquam ex urbe absuit, nisi forte, lege, ne-
 cessitate. non ualuit rebus iisdem, quibus fortasse non
 nulli: at ualuit assiduitate, at ualuit obseruandis a-
 micis, ualuit liberalitate: fuit in oculis: petiuit: est
 usus ratione, qua, minima inuidia, noui homines plu-
 rimi eosdem honores consecuti sunt. Nam quod ais,
 Cassi, non plus me Plancio debere, quam bonis omni-
 bus, quod ijs æque mea salus cara fuerit: ego me de-
 bere bonis omnibus fateor: sed etiam ijs, quibus ego
 debeo, boni uiri, & ciues, ædilitijs comitijs aliquid
 se in eo nomine debere Plancio dicebant. uerum fac
 me multis debere, & in his Plancio: utrum igitur,
 me conturbare oportet, an ceteris, cum cuiusque dies
 uenerit, hoc nomen, quod urget, nunc, cum petitur,
 dissoluere? quanquam dissimilis est pecuniæ debitor,
 & gratiæ. nam qui pecuniam dissoluit, statim non
 habet id, quod reddidit; qui autem debet, is retinet
 alienum: gratiam autem & qui refert, habet; &
 qui habet, in eo ipso, quod habet, refert. neque ego
 nunc Plancio desinam debere, si hoc soluero: nec mi-
 nus ei redderem uoluntate ipsa, si hoc molestiæ non ac-
 cidisset. Quæris a me, Cassi, quid pro fratre meo, qui
 mihi est carissimus, quid pro meis liberis, quibus ni-
 hil potest mihi esse iucundius, amplius, quam pro
 Plancio

O R A T I O

Plancio facio, facere possim: nec uides', istorum ipso-
rum caritate ad huius salutem defendendam maxi-
me stimulari me, atque excitari. nam neque illis hu-
ius salute, a quo meam sciunt esse defensam, quid-
quam est optatius: & ego ipse nunquam illos adspi-
cio, quin per hunc me his conseruatum esse memine-
rim, huiusq. meriti in me recorder. Opimum da-
mnatum esse commemoras, seruatores ipsum reip.
Calidium adiungis, cuius lege Q. Metellus in ciui-
tatem sit restitutus. reprehendis meas pro Plancio
preces, quod nec Opimius suo nomine liberatus sit,
nec Q. Metelli Calidius. De Calidio tibi tantum re-
spondeo, quod ipse uidi: Q. Metellum Pium consu-
lem prætorijs comitijs, petente Q. Calidio, populo
R. supplicasse, cum quidem non dubitaret & consul,
& homo nobilissimus, patronum illum esse suum, &
familiae suae nobilissimae, dicere. quo loco quaero ex
te, num id in iudicio Calidij putes, quod ego in Plan-
cij facio, aut Metellum Pium, si Romae esse potuisset,
aut patrem eius, si uixisset, non fuisse facturum. nam
Opimij quidem calamitas utinam ex hominum me-
moria posset euelli. uulnus illud reip. dedecus huius
imperij, turpitudine populi R. non iudicium putandū
est. quam enim illi iudices, si iudices, & non parici-
da patriae nominandi sunt, grauiorem potuerūt reip.
infigere securim, quam cum illum e ciuitate eiece-
runt, qui prætore finitimo, consul domestico bello rep.
liberarat? At enim nimis ego magnum beneficium
Plancio, & ut ais, id uerbis exaggero. Quasi uero
me

P R
me tuo arb
Quod istius
ingulauit?
Quo quidem
meos; me eni
si. posuit hoc
paulo post pl
pates odium
fuit aliorum
inquam barba
in hostem? au
ant pena, quo
ro, flammam
nisi existimas
de reditu me
fuisse tam ex
curia, redit
orem non del
tam meam, q
inimicorum m
tibi nunc, La
quam abs te
derate nitue
fuit asperius
& temporis
cogitari, qu
culis obstru
enim? mihi
t.e, parum

me tuo arbitrato, & non meo gratum esse oporteat. Quod istius tantum meritum, inquit? an quia te non iugulauit? Immo uero, quia iugulari passus non est. Quo quidem tu loco, Cassi, etiam purgasti inimicos meos; me æq. uitæ nullas ab illis insidias fuisse dixisti. posuit hoc idem Laterensis. quamobrem de isto paullo post plura dicam. de te tantum requiro, utrum putes odium in me mediocri inimicorum fuisse. quod fuit ullorum tantum? requiro, utrum putes odium unquam barbarorum tam immane, ac tam crudele in hostem? an fuisse in ijs aliquem, aut famæ metû, aut pænæ, quorum uidisti toto illo anno ferrum in foro, flammam in delubris, uim in tota urbe uersari? nisi existimas, eos iccirco uitæ meæ pepercisse, quod de reditu meo non timerent; & quenquam putas fuisse tam excordem, qui, uiuis his, stante urbe, & curia, rediturum me, si uiuerem, non putaret. quam obrem non debes, is homo, & ciuis, prædicare, uitam meam, quæ fidelitate amicorum conseruata sit, inimicorum molestia non esse appetitam. Respondebo tibi nunc, Laterensis, minus fortasse uehementer, quàm abs te sum provocatus, sed profecto nec considerate minus, nec minus amice. Nam primum illud fuit asperius, me, quæ de Plancio dicerem, mentiri, & temporis causa fingere. scilicet homo sapiens excogitauit, quamobrem uiderer maximis beneficij uinculis obstrictus, cum liber essem, & solutus. quid enim? mihi ad defendendum Plancium parum multæ, parum iustæ necessitudines erant, familiaritatis, uicinitatis,

O R A T I O

uicinitatis, patris amicitia? quæ si non essent; ue-
 reor, credo, ne turpiter, facerem, si hoc splendore,
 & hac dignitate hominem defenderem. fingēda fuit
 mihi, iudices, causa peracuta, ut ei, quem mihi de-
 bere oporteret, ego me omnia debere dicerem. at id
 etiam gregarij milites faciunt inuiti, ut coronam dēt
 ciuicam, & se ab aliquo seruatos esse fateantur: non
 quo turpe sit, protectum in acie, hostium manibus
 eripi: nam id accidere, nisi forti uiro, & pugnanti
 comminus, non potest: sed onus beneficij reformidāt,
 quod permagnum est alieno debere idem, quod pa-
 renti. ego, cum ceteri uera beneficia etiam minora
 dissimulent, ne obligati esse uideantur; eo me benefi-
 cio obstrictum esse ementiar, cui ne referri quidem
 gratia posse uideatur? an hoc tu, Laterensis, igno-
 ras? qui, cum mihi esses amicissimus; cum uel peri-
 culum uitæ tuæ mecum sociare uoluisses; cum me in
 illo tristi, & acerbo luctu, atque discessu non lacry-
 mis solum tuis, sed animo, corpore, copijs prosecutus
 esses; cum meos liberos, & uxorem, me absente,
 tuis opibus, auxilioq. defendisses; sic mecum semper
 egisti, te mihi remittere, atque concedere, ut omne
 studium meum in Cn. Planciū honorem consumerem,
 quod eius in me meritum tibi etiam gratum esse dice-
 bas. nihil autem me noui, nihil tēporis causa dicere,
 non ne etiam illa testis est oratio, quæ est a me pri-
 ma habita in senatu? in qua, cum per paucis nomina-
 tim egissem gratias, quod omnes enumerari nullo mo-
 do possent; scelus autem esset quenquam præteriri, sta-
 tuissemq.

P R
 tuissemq. eo
 ces, & qua
 rias egi. rec
 dum, dicta
 tus, eime de
 huius tanti o
 sempiterno.
 teris, recitar
 deat ad temp
 meis studijs a
 se uideatur.
 utique ista dic
 iam sunt prece
 ego de me ben
 rodem auctore
 ugas, quod
 tuisse? nam isti
 mandia. datu
 cu funem: ser
 laborant, &
 irridentis ma
 te ego unus it
 inter hos uix
 sum, & sem
 bil a iudicib
 lacrymular
 si, Vidi eg
 bi tui penit
 crymas, &

PRO CN. PLANCIO. 305

tuissemq. eos solum nominare, qui caussa nostra duces, & quasi signiferi fuissent; in his Plancio gratias egi. recitetur oratio, quæ, propter eius magnitudinem, dicta de scripto est, in qua ego, homo astutus, ei me dedam, cui nihil magnopere debeam, & huius tanti officij seruitutem adstringam testimonio sempiterno. nolo cetera, quæ a me mandata sunt litteris, recitare: prætermitto illa, ne aut proferre uidear ad tempus, aut eo genere uti litterarum, quod meis studijs aptius, quàm consuetudini iudiciorum esse uideatur. Atque etiam clamitas, Laterensis: Quo usque ista dicis? nihil in Cispio profecisti: obsoleta iam sunt preces tuæ. De Cispio mihi ne tu obijcies, quæ ego de me bene meritum quia te teste cognoueram, te eodem auctore defendi? & ei dices, Quousque, quem negas, quod pro Cispio contenderit, impetrare potuisse? nam istius uerbi, quousque, hæc poterat esse inuidia. datus est tibi ille, condonatus ille: non facis finem: ferre non possumus. ei quidem, qui pro uno laborarit, & ipsum id non obtinuerit, dici, quousque, irridentis magis est, quàm reprehendentis. nisi forte ego unus ita me gessi in iudijs; ita & cum his, & inter hos uixi; is in caussis patronus, is in rep. ciuis & sum, & semper fui, solus ut a te constituar, qui nihil a iudicibus debeam unquam impetrare. Et mihi lacrymulam Cispiani iudicij obiectas. sic enim dixisti, Vidi ego tuam lacrymulam. Vide, quàm me uerbi tui peniteat. non modo lacrymulam, sed multas lacrymas, & fletum cum singultu uidere potuisti. an

Qq ego,

O R A T I O

ego, qui meorum lacrymis, me absente, commotus, similtates, quas mecum habebat, deposuisset, meæque salutis non modo non oppugnator, ut inimici mei putarant, sed etiam defensor fuisset, huius in periculo non dolorem meum significarem? tu autem, Laterensis, qui tum lacrymas meas gratas esse dicebas, nunc easdem uis inuidiosas uideri. Negas tribunatum Placii quidquam attulisse adiumenti dignitati meæ: atque hoc loco, quod uerissime facere potes, L. Racili, fortissimi, & constantissimi uiri, diuina in me merita commemoras; cui quidem ego, sicut Plancio, nunquam dissimulaui me plurimum debere, semperque præ me feram. nullas enim sibi ille neque contentiones, neque inimicitias, neque uitæ dimicationes nec pro rep. nec pro me defugiendas putauit. atque utinam, quam ego sum in illum gratus, tam licuisset per hominum uim, & iniuriam populi R. ei gratiam referri, sed si non eadem contendit in tribunatu Plancius; existimare debes, non huic uoluntatem defuisse, sed me, cum iam Plancio deberem, Racili beneficiis fuisse contentum. An uero putas iudices iccirco minus mea causa facturos, quod me esse gratum crimineris? an, cum populus R. illo S. C. quod in monumento Marii factum est, quo mea salus omnibus est gentibus commendata, uni Cn. Plancio gratias egerit, (unus enim fuit de magistratibus defensor salutis meæ, cui senatus pro me gratias agendas putauit) ei ego a me referendam gratiam non putem? atqui, eum cum uides, quo me tandem animo in te putas esse, Lateren-

P
Laterensis
borem, tam
pro salute
quo quidē et
tura quidem
citius: non qu
refici gratia
quorum de m
ut, eodem tē
gratus uideri
bo, non solum
inque interst
egitur studiū
laus, edilitat
næ. saluum tū
possem. distina
sa diffari offe
to citius me a
Plancio salut
iudices, cum
piam, tamen
tum esse, &
lum maxima
liquarium, c
rentes? qui
tria bene m
nerunt? qu
meritam d
bus, & m

Laterensis? ullum esse tantum periculum, tantum laborem, tantam contentionem, quam ego non modo pro salute tua, sed etiam pro dignitate defugerem? quo quidē etiam magis sum, non dicam miser, (natura quidem abhorret a uirtute uerbi) sed certe exercitus: non quia multis debeo; (leue enim onus, beneficij gratia) sed quia saepe concurrit, propter aliquorum de me meritorum inter ipsos contentiones, ut, eodem tempore in omnes, uerear, ne uix possim gratus uideri. sed ego hoc meis ponderibus examina- bo, non solum quid cuique debeam, sed etiam quid cuiusque intersit, & quid a me cuiusque tempus poscat. agitur studium tuum, uel etiam, si uis, existimatio, laus, ædilitas: at Cn. Plancij salus, patria, fortuna. saluum tu me esse cupisti: hic fecit, etiam ut esse possem. distineor tamen, & diuellor dolore, in causa dispari offendi te a me doleo: sed medius fidius multo citius meam salutem pro te obiecero, quam Cn. Plancio salutem tradidero contentioni tuæ. etenim, iudices, cum omnibus uirtutibus me affectum esse cupiam, tamen nihil est, quod malim, quam me & gratum esse, & uideri. hæc est enim una uirtus non solum maxima, sed etiam mater uirtutum omnium reliquarum, quid est pietas, nisi uoluntas grata in parentes? qui sunt boni ciues, qui belli, qui domi de patria bene merentes, nisi qui patriæ beneficia meminerunt? qui sancti, qui religionum colentes, nisi qui meritam dijs immortalibus gratiam iustis honoribus, & memori mente persoluunt? quæ potest esse iu-

Qq 2 cundi-

O R A T I O

cunditas uitæ, sublatiſ amicitijs ? quæ porro amicitia poteſt eſſe inter ingratos ? quis eſt noſtrum liberaliter educatus , cui non educatores , cui non magiſtri ſui , atque doctores , cui non locus ille mutus , ubi ipſe altus , aut doctus eſt , cum grata recordatione in mente uerſetur ? cuius opes tantæ eſſe poſſunt , aut unquam fuerunt , quæ ſine multorum amicorum officijs ſtare poſſint ? quæ certe , ſublata memoria , & gratia , nulla extare poſſunt . equidem nil tam proprium hominis exiſtimo , quàm non modo beneficio , ſed etiam beneuolentiæ ſignificatione alligari : nihil porro tam inhumanum , tam immane , tam ferum , quàm committere , ut beneficio , non dicam indignus , ſed uictus eſſe uideare . quæ cum ita ſint , iam ſuccumbam , Laterenſis , iſti tuæ orationi : in eo ipſo , in quo nihil poteſt eſſe nimium , quoniam ita tu uiſ , nimium me gratum eſſe concedam : petamq. a uobis , iudices , ut eum beneficio complectamini , quem qui reprehenderit , in eo reprehendit , quòd gratum præter modum dicat eſſe . Neque enim ad negligendam meam gratiam debet ualere , quod dixit idem , uos nec nocentes , nec litigioſos eſſe , quo minus me apud uos ualere oporteret . Quæſi uero in amicitia mea hæc præſidia , ſi qua forte ſunt in me , parata ſemper amicis eſſe maluerim , quam neceſſaria . ctenim ego de me tantum audeo dicere , amicitiam meam uoluptati pluribus , quàm præſidio fuiſſe : meq. uehementer uitæ meæ pæniteret , ſi in mea familiaritate locus eſſet nemini ,
niſi

niſi legiti
 quæter in
 circo in loc
 conſuetudin
 cerem, quod
 egiſti hoc lo
 tianis me a
 ro, cū tu id
 dicere ? Hic
 iſto ambitu
 elicere . Ne
 non cauſſa
 inquit, non
 tabam, in
 locus habere
 cur ſenior
 ſtanda cauſſ
 gitate fuiſſ
 in eo me rep
 derim: ut in
 giunt, uelle
 ligentia, q
 diatis, ut
 & laborat
 ſi etiam,
 titione tu
 noſtrum
 potuit, n
 xeris ?

nisi legitimo, aut nocenti. sed hoc nescio quo modo frequenter in me congesisti: sane quod in eo creber fuisti, te in circo in locos causam conijcere noluisse, ne ego mea consuetudine aliquid de tensis misericordiae causa dicerem, quod in alijs edilibus ante fecissem. non nihil egisti hoc loco: nam mihi eripuisti ornamentum orationis meae. deridebor, si mentionem tensarum fecero, cum tu id praedixeris: sine tensis autem quid potero dicere? Hic etiam addidisti, me in circo mea lege ex isto ambitu traxisse, ut miserabiliores epilogos possem elicere. Non uobis uideor cum aliquo declamatore, non causa laboris, et fore disputare? Rhodi enim, inquit, non fui: me uult fuisse. sed fui, inquit, (putabam, in Nicæis, dicturum) bis in Bithynia. Si locus haberet reprehensionis ansam aliquam; nescio, cur seueriorem Nicæam putes, quam Rhodum. si spectanda causa est; et tu in Bithynia summa cum dignitate fuisti, et ego Rhodi non minore. Nam quod in eo me reprehendisti, quod nimium multos defenderim: utinam et tu, qui potes, et ceteri, qui defugiunt, uellent me labore hoc leuare: sed fit uestra diligentia, qui in causis ponderandis omnes fere repudiatis, ut ad nos pleraque confluant, qui miseris, et laborantibus nihil negare possumus. Admonuisti etiam, quod in Creta fuisses, dictum aliquod in petitione tua dici potuisse, me id perdidisse. Vter igitur nostrum est cupidior dicti, ego ne, qui, quod dici potuit, non dixerim, an tu, qui etiam ipse in te dixeris? Te aiebas de tuis rebus gestis nullas litteras

Lq 3 misisse,

O R A T I O

misisse, quod mihi mee, quas ad aliquem misis-
 sem, obfuisent. quas ego mihi obfuisse non intelligo,
 reip. uideo prodesse potuisse. Sed sunt hæc leuiora: illa
 uero grauiora, atque magna, quod meum discessum,
 quem sepe desteras, nunc quasi reprehendere, et sub-
 accusare uoluisti: dixisti enim, non auxilium mihi,
 sed me auxilio defuisse. Ego uero fateor mehercule,
 quod uiderim mihi auxilium non deesse, ideo me il-
 li auxilio pepercisse. quis enim status, quod discrimen,
 quæ fuerit in rep. tempestas illa, quis nescit? tri-
 bunicius me terror, an consularis furor mouit? de
 certare mihi ferro magnum fuit cum reliquijs eorû,
 quos ego florentes, atque integros sine ferro uicerâ.
 consules post hominum memoriam teterrimi, atque
 turpissimi, sicut & illa principia, & hi recentes re-
 rum exitus declarant, quorum alter exercitum per-
 didit, alter uendidit; emptis prouincijs, a senatu, a
 rep. a bonis omnibus defecerant. qui exercitibus,
 qui armis, qui opibus plurimum poterant, cum, quid
 sentirent, nesciretur; furialis illa uox, nefarijs stu-
 pris, religiosis altaribus effeminata, secum & illos,
 & consules facere, acerbissime personabat. egentes
 in locupletes, periti in bonos, serui in dominos ar-
 mabantur. aderat mecum senatus, & quidem ueste
 mutata: quod pro me uno post hominum memoriam
 publico consilio susceptum est. sed recordare, qui tum
 fuerint consulum nomine hostes, qui soli in hac urbe se-
 natum senatui parere non sinerint, editoq. suo non lu-
 ctum patribus conscriptis, sed luctus indicia ademe-
 rint.

P
 rint. ader
 dem in con
 pionis den
 nerat: cui q
 inferatur.
 tatis uti me,
 non iure, non
 nam profect
 quam, quo co
 meum defuiss
 mirandum: q
 bus eadem fie
 son fuisset. u
 fuisse praeclara
 profecto non
 aut tam fortis
 Marus, quatu
 bar cines resp
 tamen tam inf
 priuatus P. S
 tempto, inter
 tur pugnand
 nisi illud: ne
 tos, interitu
 auxilijs sala
 care; fateb
 me auxilio
 me bonoris
 parcendum

rint. aderat mecum cunctus equester ordo : quem qui-
dem in concionibus saltator ille Catilinæ cōsul proscri-
ptionis denunciatione terrebat : at tota Italia conue-
nerat : cui quidem belli intestini, & uastitatis metus
inferebatur. hisce ego auxilijs studentibus, atque inci-
tatis uti me, Laterensis, potuisse confiteor : sed erat
non iure, non legibus, non disceptando decretandum :
nam profecto, præsertim tam bona in causa, nun-
quam, quo ceteri abundarunt, id mihi ipsi auxilium
meum defuisset : armis fuit, armis, inquam, fuit di-
micandum : quibus a seruis, atque a seruorum duci-
bus cadem fieri senatus, & bonorum, reip. exitio-
sum fuisset. uinci autem improbos a bonis, fateor
fuisse præclarum, si finem eum uincendi uiderem : quæ
profecto non uidebam. ubi enim præsto fuisset mihi
aut tam fortis consul, quàm L. Opimius, quàm C.
Marius, quàm L. Flaccus, quibus ducibus impro-
bos ciues resp. uicit armatis; aut, si minus fortes, at-
tamen tam iusti, quàm P. Mucius, qui arma, quæ
priuatus P. Scipio sumpserat, ea, Ti. Graccho in-
terempto, iure optimo sumpta esse defendit? esset igi-
tur pugnandum cum consulibus. nihil amplius dico,
nisi illud : uictoriæ nostræ graues aduersarios para-
tos, interitus nullos ultores esse uidebam. Hisce ego
auxilijs salutis meæ si iccirco defui, quia nolui dimi-
care; fatebor, id quod uis, non mihi auxilium, sed
me auxilio defuisse : sin autem, quo maiora studia in
me bonorum fuerunt, hoc ijs magis consulendum, &
parcendum putauit; tu id in me reprehendis, quod Q.

Q 4 Metello

O R A T I O

Metello laudi datum est, hodieq. est, & semper erit
 maxima gloria: quem, ut potes ex multis audire,
 qui tum affuerunt, inuictissimis uiris, constat bonis
 cessisse; nec fuisse dubium, quin contentione, & ar-
 mis superior posset esse. ergo ille cum suum, non cum
 senatus factum defenderet; cum perseverantiam sen-
 tentiae suae, non salutem reip. retinisset; tamen ab
 illam constantiam, quae illud uoluntarium uulnus &
 cepit, iustissimos omnium Metellorum, & clarissi-
 mos triumphos gloriae laude superauit; quod & il-
 los ipsos improbissimos ciues interfici noluit; & ne
 quis bonus interiret in eadem caede, prouidit: ego,
 tantis periculis propositis, cum, si uictus essem, inte-
 ritus reip. si uicissem, infinita dimicatio, pararetur;
 & committerem, ut idem perditor reip. nominarer, qui
 seruator fuisset? Mortem me timuisse dicis. Ego ue-
 ro ne immortalitatem quidem contra remp. accipien-
 dam putarem, ne dum emori cum perniciem reip. uel-
 lem. nam qui pro rep. uitam reddiderunt, (licet me
 desipere dicas) nunquam mehercule eos mortem po-
 tius, quam immortalitatem assecutos putauit. ego ue-
 ro si tum illorum impiorum ferro ac manu concidis-
 sem, in perpetuum resp. ciuile praesidium salutis suae
 perdidisset. quin etiam, si me uis aliqua morbi, aut
 natura ipsa consumpsisset; tamen auxilia posterita-
 tis essent imminuta, quod peremptum esset mea mor-
 te id exemplum, qualis futurus in me retinendo fuis-
 set senatus, populusq. R. An, si unquam in me uitae
 cupiditas fuisset, ego mense Decembri mei consulatus
 omnium

P
 omnium
 ri quiescent
 dissent. Q
 est tempus
 fuisset cum
 berum esse
 & tibi etia
 si in eo ne
 rare. nam
 monitione
 bus ante a
 bene de me
 murrere in
 miniq. grat
 facio etiam
 ram; certe
 tiam, si tuer
 rogarent: res
 ret mecum,
 quam multa
 set, latos, &
 tulisset; ut
 non modo
 rum mihi
 set. quid,
 rep. qui fu
 meam? qu
 buscum al
 est longe

omnium paricidarum tela commossem? quæ, si uigin-
ti quiessem dies, in aliorum iugulum consulum reci-
dissent. Quamobrem si uita cupiditas contra remp.
est turpis: certe multo mortis cupiditas mea turpior
fuiſſet cum perniciæ ciuitatis. Nam quod te in rep. li-
berum eſſe gloriatus es; id ego & fateor, & lætor,
& tibi etiam in hoc gratulor: quod me autem nega-
ſti, in eo neque te, neque quenquam diutius patiar er-
rare. nam ſi quis iccirco aliquid de libertate mea di-
minutum putat, quod non ab omnibus eiſdem, a qui-
bus antea ſolitus ſum diſſentire, diſſentiam: primū;
ſi bene de me meritis gratum me præbeo, non deſino
incurrere in crimen hominis nimium memoris, ni-
miumq. grati: ſin autem ſine ullo reip. detrimento re-
ſpicio etiam aliquando ſalutem tum meam, tum meo-
rum; certe non modo non ſum reprehendendus, ſed e-
tiam, ſi ruere uellem, boni uiri me, ut id ne facerem,
rogarent: res uero ipſa publica, ſi loqui poſſet, age-
ret mecum, ut, quoniam ſibi ſeruiffem ſemper, nun-
quam mihi, fructus autem ex ſeſe non, ut oportuiſ-
ſet, lætos, & uberes, ſed magna acerbitate permiftoſ
tuliffem; ut iam mihi ſeruirem, conſulerem meiſ; ſe-
non modo ſatis habere a me, ſed etiam uereri, ne pa-
rum mihi pro eo, quod tum a me haberet, reddidiſ-
ſet. quid, ſi horum ego nihil cogito, & idem ſum in
rep. qui fui ſemper: tamen ne tu libertatem requires
meam? quam tu ponis in eo, ſi ſemper cum ijs, qui-
buſcum aliquando contendimus, depugnemus. quod
eſt longe ſecus. ſtare enim omnes debemus. tanquam

ib

O R A T I O

in orbe aliquo reip. qui quoniam uersetur, eam deli-
gere partem debemus, ad quam nos illius utilitas, sa-
lusq. conuerterit. ego autem Cn. Pompeium, non di-
co auctorem, ducem, defensorem salutis meae, (nam
hac priuatim fortasse officiorum memoriam, & gra-
tiam querunt) sed dico hoc, quod ad salutem reip.
pertinet: ego eum non tuear, quem omnes in rep.
principem esse concedunt? ego C. Caesaris laudibus
desim, quas primum populi R. nunc etiam senatus,
cui me semper addixi, plurimis, atque amplissimis iu-
dicijs uideam esse celebratas? tum hercule me confi-
tear non iudicium aliquod habuisse de reip. utilitate,
sed hominibus amicum, aut inimicum fuisse. an, cum
uideam nauem secundis uentis cursum tenentem suū,
si non ea eum petat portum, quem ego aliquando pro-
baui, sed alium non minus tutum, atque trāquillum;
cum tempestate pugnem periculose potius, quā illi,
salute præsertim proposita, obtemperem, & pareā?
neque enim inconstantis puto, sententiam, tanquam
aliquod nauigium, atque cursum, ex reip. tempesta-
te moderari. ego uero hac didici, hac uidi, quæ scri-
pta legi; hac de sapientissimis, & clarissimis uiris
& in hac rep. & in alijs ciuitatibus monumenta no-
bis litteræ prodiderunt; nō semper easdem sententias
ab ijsdem, sed quasunque reip. status, inclinatio tem-
porum, ratio concordiae postularet, esse defendendas.
quod ego & facio, Laterensis, & semper faciam; li-
bertatemque, quam in me requiris, quam ego neque
dimisi unquam, neque dimittam, non in pertinacia,
sed

P R
sed in qua
uenio ad ill
in me merit
ex cloaca, la
que enim mor
mortis fuisse.
bo breui, nequ
poribus, quod
mea conuictio
bus audiam, a
in incendio leg
dus, cum multa
eque Italia tunc
petit animo qu
monita, & ob
un mel maxime
m collegia, cum
temporibus illar
dnam ferre me
rationibus prop
tu, nihil ampu
luc. quid dicam
uolentiam in
pietatem, trū
licet est eorum
non tulissim
suis sustinere
bone Brundi
mos chrysus

sed in quadam moderatione positam putabo. Nunc
uenio ad illud extremum, quod dixisti, dum Plancij
in me meritum uerbis extollerem, me arcem facere
ex cloaca, lapidemq. e sepulcro uenerari pro deo: ne
que enim mihi insidiarum periculum ullum, neque
mortis fuisse. Cuius ego temporis rationem explica-
bo breui, neque inuitus: nihil enim ex meis est tem-
poribus, quod minus peruagatum, quodq. minus aut
mea commemoratione celebratum sit, aut homini-
bus auditum, atque notum. Ego enim, Laterensis, ex il-
lo incendio legum, iuris, senatus, bonorum omnium ce-
dens, cum mea domus ardore suo deflagratione urbi,
atque Italiae toti minaretur, nisi quieuissem; Siciliam
petiui animo: quae et ipsa erat mihi, sicut domus una, *
coniuncta, & obtinebatur a C. Virgilio, quo cum me
uno uel maxime cum uetusta amicitia, tum mei fra-
tris collegia, tum resp. sociarat. uide nunc caliginem
temporum illorum. cum ipsa pene insula mihi sese
obuiam ferre uellet; praetor ille, eiusdem tribuni pl.
concionibus propter eandem reip. causam saepe uexa-
tus, nihil amplius dico, nisi, me in Siciliam uenire no-
luit. quid dicam? C. Virgilio, tali ciui, & uiro, bene-
uolentiam in me, memoriam communium temporum,
pietatem, humanitatem, fidem defuisse? nihil uide-
licet est eorum: sed quam tempestatem nos uobiscum
non tulissemus, metuit ut eam ipse non posset opibus
suis sustinere. tum consilio repente mutato, iter a Vi-
bone Brundisium terra petere contendi. nam mariti-
mos cursus pracludebat hiemis magnitudo. cum omnia
illa

O R A T I O

illa municipia, quæ sunt a Vibone Brundisium, in fide mea iudices, essent, iter mihi tutum, multis minitantibus, magno cum suo metu præstiterunt. Brundisium ueni, uel potius ad mœnia accessi: urbem unam mihi amicissimam declinaui: quæ se uel potius excindi, quàm e suo complexu ut eriperer, facile pateretur. in hortos me M. Lenij Flacci contuli: cui cum omnis metus, publicatio bonorum, exsilium, mors proponeretur, hæc perpeti, si acciderent, maluit; quàm custodiam mei capitis dimittere. huius ego, & parentis eius, prudentissimi, atque optimi senis, & utriusque filiorum manibus in naui tuta, ac fideli collocatus, eorumq. preces, & uota de meo reditu exaudiens, Dyrrhachium, quod erat in fide mea, petere contendi. quò cum uenissem, cognoui. id quod audieram, refer tam esse Græciam sceleratissimorum hominum, ac nefariorum, quorum impium ferrum, ignesq. pestiferos meus ille consulatus e manibus extorserat: qui ante quàm de meo aduentu audire potuissent, cum tum abessent, aliquorum dierum uiam in Macedoniam, ad Planciumq. perrexi. hic uero simul atque me mare transisse cognouit: audi, atque attende, Laterensis, ut scias quid ego Plancio debeam, confiteareq. aliquando, quod faciam, me & grate, & pie facere, huic, quæ pro salute mea fecerit, si minus profutura sint, obesse certe non oportere. nam simul ac me Dyrrhachium attigisse audiuit. statim ad me, lictoribus dimissis, insignibus abiectis, ueste mutata profectus est. O acerbam mihi, iudices, memoriam temporis illius,

&

P R
 & loci, cum
 siq. lacrym
 cum audier
 omnes dies
 Thessalonica
 nunc de pr
 si cum & cum
 fuisse, sed ead
 huius uiam, m
 et, quæ tunc
 let, qui, cum
 partim legat
 etia. infamis
 totu audierat
 ne ipse, prop
 tunc uisus
 quon, Planc
 tunc, menses
 in persona, cu
 Planci, uisita
 custodia me
 tibi uisus no
 sem. memini
 scire noctis
 renti n. ma
 ductus, po
 tus, præs
 uitam mi
 lum pere

& loci, cum hic in me incidit. complexus est, consper-
 sitq. lacrymis, nec loqui præ mærore potuit. o rem
 cum auditu crudelem, tum visu nefariam: o reliquas
 omnes dies noctesq. eas, quibus iste a me non recedens
 Thessalonicam me, in quæstoriumq. perduxit. hic ego
 nunc de prætore Macedonia nihil dicam amplius, ni-
 si eum & ciuem optimum semper, & mihi amicum
 fuisse, sed eadem timuisse quæ ceteros; Cn. Plancium
 fuisse unum, non qui minus timeret, sed, si acciderent
 ea, quæ timerentur, mecum ea subire, & perpeti uel-
 let, qui, cum ad me L. Tubero, meus necessarius, qui
 fratri meo legatus fuisset, decedens ex Asia uenisset,
 easq. insidias, quas mihi paratas ab exsulibus coniu-
 ratis audierat, animo amicissimo detulisset; in Asiam
 me ire, propter eius prouinciæ metum: & cū meo fra-
 tre necis insidias comparatas, nō est passus. ui me, in- *
 quam, Plancius, & complexu suo retinuit; mul-
 tosq. menses a capite meo nō discessit, abiecta quæsto-
 ria persona, comitisq. sumpta. O excubias tuas, Cn.
 Planci, miseras, o flebiles uigilias, o noctes acerbæ,
 o custodiam etiam mei capitis infelicē, siquidem ego
 tibi uiuus non prosum, qui fortasse mortuus profuis-
 sem. memini enim, memini, neque unquam obliui-
 scar noctis illius, cum tibi uigilanti, assidenti, mæ-
 renti uana quædam miser, atque inania, falsa spe in-
 ductus, pollicebar; me, si essem in patriam restitue-
 tus, præsentem tibi gratiam relaturum; sin autem
 uitam mihi sors ademisset, aut uis aliqua maior redi-
 tum peremisset, hos, hos (quos enim ego tum alios
 animo

O R A T I O

animo intuebar?) omnia tibi illorum laborum præ-
 mia pro me persoluturos . quid me adspēctas ? quid
 mea promissa repetis ? quid meam fidem imploras ?
 nihil tibi ego tum de meis opibus pollicebar , sed ho-
 rum erga me beneuolentiam promittebam : hos pro
 me lugere , hos gemere , hos decertare pro meo ca-
 pite uel uitæ periculo uelle uidebam : de horum desi-
 derio , luctu , querelis quotidie aliquid tecum simul
 audiebam : nunc timeo , ne nihil tibi præter lacry-
 mas queam reddere , quas tu in meis acerbitatibus
 plurimas effudiſti . quid enim possum aliud , nisi mæ-
 rere ? nisi flere ? nisi te cum mea salute complecti ? sa-
 lutem tibi iſdem dare poſſunt , qui mihi reddiderunt .
 huc exurge tamen , quaſo : retinebo , & complectar ,
 nec me ſolum deprecatoſem fortunarum tuarum , ſed
 comitem , ſociumq̃ . profitebor : atque , ut ſpero , ne-
 mo erit tam crudeli animo , tamq̃ . inhumano , nec
 tam immemor meorum non dicam in bonos merito-
 rum , ſed bonorum in me , qui a me mei ſeruatoſem
 capitis diuellat , ac diſtrahat . Non ego meis orna-
 tum beneficijs a uobis deprecor , iudices , ſed cuſto-
 dem ſalutis meæ : non opibus contendo , non auctori-
 tate , non gratia , ſed precibus , ſed lacrymis , ſed mi-
 ſericordia : mecumq̃ . uos ſimul miſerrimus , & opti-
 mus obteſtatur parens , & pro uno filio duo patres de-
 precamur . nolite , iudices , per uos , per fortunas ue-
 ſtras , per liberos , inimicis meis , ijs præſertim , quos
 ego pro ueſtra ſalute ſuſcepi , dare letitiam , glorian-
 tibus uos iam oblitos mei , ſalutisq̃ . eius , a quo mea
 ſalus

P R
 ſalus conſe-
 nem debi-
 tata ueſtra
 bis fretus hui-
 Teque , C. Fl.
 filiorum in con-
 rertum , quas
 ſalutem ſemper
 ſe uoluiſti ; ut
 me tibi , & hui-
 na me etiam L.
 ces , non ſolum
 meo , ſubito in
 ſeruando ſuauis
 ueſtris lacrymis
 & malis proſp-

S
 ca bb cc d
 nn oo pp q
 Aa Bb Cc
 Mm Nn

V E N
 Apud

salus conseruata est, hostes extitisse: nolite animum
meum debilitare tum luctu, tum etiam metu commu-
tata uestrae uoluntatis erga me: sinite me, quod uo-
bis fretus huic saepe promisi, id a uobis ei persoluere.
Teque, C. Flauio, oro, & obtestor, qui meorum con-
siliorum in consulatu socius, periculorum particeps,
rerum, quas gessi, adiutor fuisti, meque non modo
saluum semper, sed etiam ornatum, florentemque ef-
se uoluisti; ut mihi per hos conserues eum, per quem
me tibi, & his conseruatum uides. plura ne dicam,
tua me etiam lacrymae impediunt, uestraque, indi-
ces, non solum meae: quibus ego, magno in metu
meo, subito inducor in spem, uos eosdem in hoc con-
seruando futuros, qui fueritis in me; quoniam istis
uestris lacrymis de illis recordor, quas pro me saepe,
& multum profudistis.

Series chartarum.

aa bb cc dd ee ff gg hh ii kk ll mm
nn oo pp qq rr ss tt uu xx yy zz
Aa Bb Cc Dd Ee Ff Gg Hh Ii Kk Ll
Mm Nn Oo Pp

Omnes sunt quaterniones.

VENETIIS, M D LXII.

Apud Paulum Manutium, Aldi F.



005890974

